



DE MOTUS  
CORDIS

HARVEY

1654









27818/A

Harvey Coll

Keynes 8

GEORGETOWN  
DEPARTMENT  
OF THE ARMY

HARVEI  
DE MOTU  
CORDIS &c.

Keynes No. 8

G

EX

L

Cum

Doct

Vib

R

\* Off



GUILIELMI HARVEJI

Doct: & Profess: Regii

EXERCITATIONES  
ANATOMICÆ,

De motu Cordis & Sanguinis  
Circulatione.

*Cum duplici Indice Capitum & Rerum.*

ACCESSIT

*Dissertatio de Corde*

Doct. JACOBI DE BACK,  
*Vrbis Roterodami Medici ordinarii.*



ROTTERODAMI,  
Ex Officinâ ARNOLDI LEERS.  
MDCLIV.

305482

IN  
GUILIELMUM  
HARVEJUM  
ZACHRIAS SYLVIVS.

**V**ivat *Aristoteles*, vivat *Galenus* & in-  
gens

*Hippocrates*, quorum fama perennis erit.  
Vivat & HARVEIUS, tam sanctas nen-  
pe tulerunt

illi artes, quas nunc *Anglus* hic ecce e-  
lit.



Z

ZACHARIÆ SYLVII

Medici Roterodamensis

P R Æ F A T I O

I N

G U I L I E L M I

H A R V E J I

Exercitationem Anatomicam.



Emendabile est, quod refert  
Aventinus Bojorū Scriptor,  
Bonifacium quendam Mo-  
guntinum Episcopum, cum au-  
diisset, Virgilium Salaburgensem Episco-  
pum, pro concione eorum hominum men-  
tionem facere, qui vestigia nobis adversa  
arguent, ita excanduisse: ut crimine impie-  
tatis Virgilium accusare non dubitavit:  
quod antipodibus inductis, novum etiam  
Christum non obscure videretur inducere.  
Inducio etiam ad Utilionem Bojorum

( \* 3 ) Regem

# P R Æ F A T I O.

Regem delato, Bonifacium à Zachariâ Pontifice litteras impetrasse ad Utilionem: atque ita Virgiliam Regio & Pontificio calculo fuisse damnatū. Simile etiam de Democrito narratur. Democritus hic solertissimus operum natura perscrutator, cum assiduè secandis animalibus occuparetur, existimatus fuit insanus ab Abderitis; qui miserati sortem hominis advocarunt Hippocratem, ut illi medicinam faceret, mentemque alienatam restitueret. Rogatus accurrit, & offendit Democritum animalia secantem, quo spectaculo mirum in modum oblectatus, omnes Abderitas insanire pronuntiavit, solum sapere Democritum. Nunc autem multi Abderitana plebis pectora habent, multi nunc Bonifacii & Utiliones, qui nova inventa illorum, qui veluti magno quodam numinis afflatu, ad rerum causas indagandas & cognoscendas omnia sua studia contulerunt, tanquam inutilia calumnientur. Tantum consuetudinis semel inductæ vis potest, ut nullus in Barbariâ ullâ immaniorem poten-

tian

# P R Æ F A T I O.

tiam usurpasse videatur. Nimirum edidit  
nuper doctissimus vir Guilielmus Har-  
vejus Medicus Regius & in Londinensi Me-  
dicorum Collegio Anatomia Professor, no-  
vam quandam & inauditā de motu cor-  
dis & circulatione sanguinis senten-  
tiam. Quæ compendio dicta sic se habet:  
primum se constringunt cordis auricula, &  
in illā constrictione sanguinem contentum in  
ventriculos cordis pellunt: quo, dum replen-  
tur, cor dilatatur: mox hoc contrahens  
ventriculos pulsam facit: quo pulsu conje-  
ctum in se sanguinem protrudit in arterias;  
è sinistro ventriculo in aortam, è dextro in  
pneumonicam, dictam immerito venam ar-  
teriosam; unde denuo per pulmonem in  
pneumonicam venam, vulgo arteriam ve-  
nosam; hinc in ventriculum sinistrum ra-  
ditur, & ab hoc in aortam & totum corpus  
per illius ramos propellitur. Sanguis sic in  
abitu corporis impulsus transit ab arte-  
iis in venas rursus, remeatque in venam  
cavam, & ab hac in dextram cordis auri-  
clam, deinde in ventriculum dextrum: &



## P R A E F A T I O.

ita porro eundem circulum agit, quem ante, idque continuò. Vnde eum sanguinis motum vocat circulationem. Audacem scilicet hominem!

O Medica tranquillitatis turbatorem!

O Medica reipublicæ seditiosum civem!

Qui sententiam post tot secula omnium consensu confirmatam, & tot Medicorum monumentis consignatam, & quasi per manus posteritati traditam primus convellere est ausus: quasi nemo tot ante secula sapisset. Religiosè quidem ut par est faciunt, qui antiquitatem venerantur: Minus autem, quam viris sapientibus dignum, qui, quasi omnium temporum hominumque communis non esset sapientia, vetustati eam tanquam propriam non sine posteritatis injuria adscribunt. Non enim, inquit Lactantius, lib. 2. divinarum institutionum, c. 8. quia nos illi temporibus antecesserunt, sapientiâ quoque antecesserunt; quæ si omnibus datur equaliter, ab antecedentibus occupari non potest: sed illibabilis est tanquam lux & claritas Solis; quia ut Sol oculorum,



# P R A E F A T I O.

lorum, sic sapientia lumen est cordis humani. Et profectò si illi, quorum beneficio & lucubrationibus Medicinam inveniam & constitutam habemus in eâdem sententiâ cum reprehensoribus hisce fuissent, neque quicquam, nisi majorum iudicio & calculo comprobatum, literis dignum judicassent, nunquam artes tam exculta & elaborata in lucem prodissent. Verùm cum Veteres multa praeclarè invenisse, nonnulla verò minus exploratè percepta, quaedam etiam planè incognita, ipsis fuisse persuasum haberent, non tam praeclusam, quàm munitam sibi vetustatis exemplo & diligentia, veritatis inquirenda viam arbitrati, erecto animo in id incubuerunt, ut eodem, quo illi, aut etiam longius perscrutando quidlibet, progredierentur. Hi ad eruendas abditas rerum causas quasi signum sustulere, & exemplo, ut sequeremur, praeivere: Hac quippe sapientiae libertas est, ut nemini obnoxia, sui juris & mancipii sit. In huius Republicâ & abrogare & derogare & obrogare, sine fraude cuiusquam liceat: quam libertatem,

# P R Æ F A T I O.

si tollimus, semper in artium incunabulis  
 herebimus: nec erit unde earum incremen-  
 ta, aut proditis meliora unquam speremus.  
 Quocirca nos aequitatem & humanitatem  
 in nostris iudiciis, quæ de aliis facimus, de-  
 sideramus. Si semper idem sentiendum &  
 loquendum sit: nihil novi invenire liceat,  
 neque quod res ipsa docet & ratio dicat,  
 apprehendendum fuerit. Propterea priorum  
 vestigia omnia premere, & eadem semper  
 inculcare ridiculum est. Nec probat Ga-  
 lenus Commentarium Anatomicum, nisi  
 novi aliquid contineat. Pigri est ingenii  
 contentum esse iis, quæ sunt ab aliis inventa,  
 siquidem mentis acrimonia nihil non huma-  
 narum rerum subjicitur. Immensi sunt na-  
 turæ thesauri & inexplicabilis ejus sapien-  
 tia, ut ea, quæ quotidie in lucem producun-  
 tur, viam præparent ad succedentia investi-  
 ganda. Veritas quippe in multò altiores  
 demersa puteum est, quàm ut paucis inde  
 extrahi possit seculis. Verum est quod Ara-  
 tus prodidit, non omnia simul edoctos fuisse  
 à Jove, sed adhuc pleraque occulta ma-  
 nere,

P R Æ F A T I O.

nere , quorum aliqua dabit in posterum.  
Galenus naturæ solertiam in humani cor-  
poris fabricâ tantam esse prædicat , ut cùm  
eam magni viri diligenter & assiduè per-  
scrutati sint, non omnem tamen invenerint.  
Hinc Poëta eleganter cecinit,

Multa dies variusque labor muta-  
bilis ævi

Rettulit in melius , non omnia  
grandior ætas;

Nos quæ scimus , habet, seris ve-  
nit usus ab annis.

Itaque cùm sapere, hoc est, veritatem quæ-  
rere omnibus sit innatum, sapientiam sibi  
adimant, qui sine ullo judicio inventa ma-  
iorum probant, & ab iis pecudum more du-  
untur, & in iis, quod non vident, videre  
è temere gloriantur. Fabula ab Histrio-  
nibus agi solita huic rei simillima mihi vi-  
etur: Vano cuidam & simplici Thra-  
so pannus à nebulone sartore describitur  
er commodus, sed eo colore præditus, ut à  
his & spuris conspici non possit. Itaque  
( \* 6 ) Thra-  
so

# P R A E F A T I O.

Thraso cupidus emendi, pannum sibi proponi jubet: nebulo protinus tanquam multarum ulnarum molem profert expansis palmis, ut mercatores hic assolent, licia diducit, speciem miratur, emptori suo predicat & ostentat. Hic Thraso vanus, adulterii materni suspicione protinus tactus est: confiteri tamen pudor vetat: itaque pannum, quem nullum videt, qui nullus etiam est, se videre & admirari dicit, & emit, vestemque sibi sarciri jubet. Hic sartor exultare gaudio & triumphare incipit, pannum dividit, divisionis stridorem miris modis imitatur, vestemque hoc egregio invisi invisibilisque, ut (ita dicam) coloris panno consarcit: pretium denique accipit, & addicit. Hæc (mibi crede) fabula, in credulis sine judicio, veritas & Historia, non fabula est. Credunt (quid enim Medicis tot ætatum seculorumque judiciis approbatis non credant?) non vident tamen, nec omnino videre, quod nihil est, possunt. Ne tamen idiota videantur, laudant, admirantur emunt pretio non solum pecunia, cujus ja-  
Etur

## P R A E F A T I O.

*Flura tolerari potest, sed temporis & vi-*  
*ta, cujus detrimentum nullo pecunia pretio*  
*compensari potest. Sanè, ut quod res est*  
*dicam, parcius nobis fides auctoritati adjun-*  
*genda, verum assensio cohibenda, & prater*  
*auctoritatem etiam ratio quarendam vel ipso-*  
*rum veterum Philosophorum & Medicorum*  
*exemplo & auctoritate, & primum quidem*  
*divini illius Platonis, quem tanti facit*  
*Cicero, ut modò Philosophorum Home-*  
*rum, modò Deum dicere non dubitet,*  
*apud quem ô Beate (inquit Socrates, Polo*  
*juveni de beatâ viâ differenti productis te-*  
*stibus) Oratorum more convincere me con-*  
*tendis, quemadmodum in judicio fieri solet,*  
*ubi alii alios tum convincere se opinantur,*  
*cùm pro suâ causâ multos celebresque ad-*  
*ducant testes: adversarius autem aut nul-*  
*lum, aut unum aliquem, cum ejusmodi pro-*  
*batio nullius ad veritatem sit momenti,*  
*sæpe enim ob falsorum testium multitudi-*  
*nem atque eorum etiam, qui alicujus rei &*  
*pretii esse videntur, quis injustè opprimitur;*  
*similiter & in charmide; Neque id consi-*  
*deran-*

# P R Æ F A T I O.

derandum, quis dixerit, sed utrum verè dicatur nec ne : Hæc & similia apud Platonem passim. Quin & Aristotelem Magistri sui vestigiis hic prorsus insistentem attendamus, qui cùm à veterum Philosophorum nemine, tum ne à Socrate & magistro Platone abstinuit. Contra ideas enim disputaturus inquit; etsi difficilis existit questio, quia nobis amici sunt ii, qui ideas induxerunt: tamen æquum est, veritatis retinendæ causâ suâ etiam decreta tollere, Philosophis præsertim. Etsi enim utrique clari sunt; tamen præclarum est pluris æstimare veritatem. An non hinc, quo loco Philosophorum vel gravissimorum autoritas sit habenda, liquidò constare dicemus? cùm Socrates non tam Hippocratis aliorumque testium; Aristoteles verò non tam Socratis & Platonis, quàm rationis veritatisque momenta esse ponderanda atque æstimanda clamitet: præsertim cùm & Cicero divinâ ingenii celeritate singulæque judicio vir, qui propter crebras Platonis & Aristotelis laudes in utriusque

verba



# P R A E F A T I O.

verba jurasse posset videri, non invitus reli-  
cta Platonis Academia & Aristotelis ly-  
ceo, ad Stoicorum portum deflexerit. Credo  
etiam ad Cyrenaicorum Cynosarges, Epi-  
cureorum hortos, aliorumque Philosopho-  
rum scholas, pari libertate transiturum fuis-  
se, si quicquam cognitu dignum in illis com-  
perisset & judicasset. Quin etiam discentes  
ab ejusmodi credulâ superstitione revocatos  
nominatim non tam autoritatis, quàm ra-  
tionis momenta querenda esse admonet:  
quod obsit plerumque iis, qui discere volunt,  
auctoritas eorum, qui docere se profitentur.  
Desinunt enim, inquit, judicium suum ad-  
hibere, id habent ratum, quod ab eo, quem  
probant, vident judicatum. Quamobrem  
vera, quamvis nova Medicina principia  
cum Veterum opinionibus comparemus: plu-  
rima enim hic contraria comperiemus. Ad-  
hibeamus Anatomicam exercitationē Har-  
vei: experiamur quid hâc possumus adju-  
vari; nec sepius diutius imitemur: ut enim  
piscis illi, cum se peti à piscatoribus sense-  
runt, effuso atramento, quod illis est pro san-  
guine,

# P R Æ F A T I O.

guine, infuscatâ aquâ abscondunt se, & piscatoribus iter veluti sepiunt atque intercludunt: nec sic videlicet cum veritate, cum luce, cum firmâ constantique ratione urgeamur & constringamur. Etenim turbida ista aqua residebit aliquando; opinionum enim commenta delebit tempus, naturæ judicia confirmabit. Experimentum insigne hujus rei habemus in clarissimo viro Vopisco Fortunato Plempio Artium & Medicinæ Doctore, atque in Academiâ Lovanien- si practicen primo loco proficiente, cujus de Harveio judicium hic proponere libuit, quod dedit lib. 2. de fundamentis Medicinæ, cap. 7. Hæc ejus verba. Nuper Anglia novam peperit de motu cordis opinionem, quam invulgavit Guilielmus Harveius, edito eâ de re peculiari libello. Sententiam suam multis plausibilibus rationibus adstruit, adeo ut jam multis doctis hominibus arridere incipiat; nomineturque honoris causâ à quodam conterraneo suo circulator Microcosmi, ad distinctionem alterius Angli, qui primus Macrocosmum circulavit.

Præ-

## P R A E F A T I O.

Primum mihi inventum hoc non placuit; quod & voce & scripto publicè testatus sum, sed dum postea ci refutando & explodendo vehementius incumbo, refutor & ipse & exploder: adeò sunt rationes ejus non persuadentes, sed cogentes: diligenter omnes examinavi, & in vivis aliquot canibus eum in finem à me dissectis, verissimum comperi. Hoc ut facerem monitus quoque à clarissimo Walæo Professore Leydensi, cujus viri candido sedatoque ingenio & judicio plurimum tribuo, multumque in hac ipsâ materiâ acceptum refervo. Mira judicii Metamorphosis! Sperare hinc incipio & aliorum aequitatem, qui deposito omni odio, & agnito errore tandem cum Plempio bene sentire de Harveio incipient. Malitiosi & improbi animi est, errore delectari, lucem odisse, tenebras consecrari, industriam bonorum calumniari, quod vitium non nisi in scèdisimas personas cadit & viles. Viles, adeò verè dictum, ut negemus, non dicamus bonam, sed mediocriter bonam-altamque indolem, nunquam hâs labe fuisse aspersam.

# P R Æ F A T I O.

*sam. Vetus & nostrum ævum excutite. Non  
 aliter legetis, videbitis, audietis, quàm tri-  
 stes quasdam malignasque naturas, quas  
 sydere suo Saturnus afflavit, aliis invi-  
 dentes, sibi dissidentes pronas ad hoc vitium  
 & factas. Videtisne minutos illos canes,  
 qui hospites allatrant, feras non tangunt?  
 Tales deteriores isti hominum, qui ladere  
 tantum nati & vexare. Nati, inquam,  
 quia revera ad hoc vitium ita vergunt &  
 inclinant, ut quies iis non sit, nisi aliis in-  
 quietis. Si dicerent reprehensores ejus, Gui-  
 lielmus Harveius Veterum errores nota-  
 vit ac reprehendit, verum illi quidem dice-  
 rent: tum verò multo etiam verius, si ad-  
 derent, Guilielmus Harveius diuturnâ  
 & assiduâ rerum Anatomicarum observa-  
 tione & meditatione proposuit è viâ Medi-  
 cinæ spinas, silices, ceteraque impedimenta  
 tollere, ut iter planum, simplex, expedi-  
 tum, directum esset; quo facilius ad Medici-  
 nâ non modò veritatē & intelligentiam, sed  
 etiam utilitatem & fructum perveniretur.  
 Socratis sapientia vel Apollinis oraculo  
 notissima*

## P R A E F A T I O.

notissima est, inter cujus laudes, vel illa insignis ac praeipua fuit, artium liberalium fines ad humana vitae referre fructum, ut homines his artibus instructi prudentius de rebus agendis, paratiusque deliberatas ac promptius exsequerentur ac conficerent. Hunc finem spectavit Harveius noster, veritatem solam & fructum artis Medicæ indicavit. Videbat etenim ingens spicilegium reliquum esse, multa spatiosis naturæ latifundiis superesse, hætenus intacta aut impervia, in quorum possessionem tanquam in vacuum sapientibus venire liceat. Verum nullius adductus jurare in verba magistri, non aliorum scriptis credidit Harveius, sed oculis fidelibus rerum Anatomicarum internunciis; quia melius *αὐτοψία* comparatur Anatome, quam longâ lectione & profundâ meditatione, quibus & nos experti credimus. Eupompus pictor egregius interrogatus, quem antecedentium sequeretur, dixisse fertur demonstratâ hominum multitudine naturam ipsam imitandam esse, non artificem. Idem Harveius fecit,

# P R Æ F A T I O.

fecit, atque naturam perscrutando eò per-  
venit, ut meritò non aliter atque Archi-  
medes inventâ suberati auri obrussâ, ma-  
gnâ voce exclamaret, *εὕρηκα, εὕρηκα*. Hac  
vera & antiqua philosophiæ sacrosancta lex  
est: Amicus Plato, amicus Socrates,  
magis amica Veritas: quare *εὖλογόν ἐστι*  
nunquam hic audiatur: nulla hominis ex-  
cellentis autoritas pro argumento adfera-  
tur, nulli prerogativa sententiæ, sed melio-  
ri calculus adjiciatur. Denique dum alii  
antiquarum partes suscipiunt, nos veritatis  
cum Harveio causam agamus. Majorum  
inventa non vetustatis sed rerum veritate  
ponderantes aestimantesque, veritati con-  
grua comprobemus, contraria rejiciamus.  
Edidimus in hunc finem denuo Harvei Ex-  
ercitationem Anatomicam, quæ An-  
no 1628. Francofurti incuriâ Typogra-  
phi vitiosè admodum edita fuit, quod Autor  
sæpè conquestus est, sentiens inde reprehен-  
sorum calumnias originem traxisse, qui di-  
cta ejus minus intelligentes, iniquo animo  
acceperunt, & publicè traducere conati  
sunt:



## P R A E F A T I O .

sunt : edidimus inquam, seduloque operam  
dedimus , ut perplexis , confusis & mutilis,  
quantum fieri potuit, sublatis, restituta ea-  
dem exercitatio emendatè prodiret, usi hâc  
in re opera doctissimi DE BACK Col-  
lega nostri amicissimi, cujus judicio pluri-  
mum tribuimus. Verumenimverò ut Pra-  
fationis nostræ vela complicemus , imite-  
mur, in honoribus præstandis rerum inven-  
toribus , antiquitatem. Videlicet quondam  
apud seclum prius Medica inventio tam ad-  
mirabilis fuit , tam dulcis experientia ut  
ejus autores aut planè pro Diis habiti sunt,  
velut Apollo & hujus filius Æsculapius,  
aut certè divinis honoribus digni sint esti-  
mati, velut Asclepiades, quem Illyrici  
numinis instar receptum, Herculi in ho-  
noribus æquarunt. Non equidem probo to-  
tam quod fecit antiquitas : Affectum sanè  
& judicium laudo, quippe quæ rectè & sen-  
serit & declararit , nullum satis dignum  
premium persolvi posse Medicinæ artis in-  
ventoribus. Itaque in sempiterno honore  
apud nos Doctor HARVEIUS esto, cujus  
doctrinâ

P R A E F A T I O.

doctrinâ patefactam viam habemus ad tantum Medicæ virtutis splendorem perspicendum, amandum, mutandum. Sapientissimi Syracidis modestam de suo instituto commendationem liberè Harveio attribuamus. Ego ultimus vigilavi, tanquam is, qui spicas legit post messorum, profeci gratiâ Domini, implevi torcularis lacum: considerate me mihi non laborasse, sed omnibus querentibus eruditionem.

Sere-

*Serenissimo & Invictissimo*

C A R O L O,

*Magna Britannia, Francia,*

*& Hibernia Regi, Fidei*

*Defensori.*

**S**ERENISSIME REX,  
Cor animalium, funda-  
mentum est vitæ, Princeps  
omnium, Microcosmi Sol,  
à quo omnis vegetatio dependet, vi-  
gor omnis & robur emanat. Rex pa-  
riter regnorum suorum fundamen-  
tum & Macrocosmi sui Sol, Reipu-  
blicæ cor est, à quo omnis emanat po-  
testas, omnis gratia provenit. Quæ  
de motu cordis hîc scripta sunt, Ma-  
iestati Tuae (uti hujus seculi mos est)  
offerre eò magis ausus sum, quòd,  
ad hominis exemplum, uti corporeæ  
actio-

## DEDICATIO.

actiones omnes cordi, sic Regi res publicæ cunctæ competunt. Regi non inutilis cordis sui notitia, tanquam actionum Divinum Exemplarium: (sic parvis componere magna solebam:) Poteris saltem Regum optime, in fastigio rerum humanarum positus, unâ operâ & humani corporis principium & Regiæ simul potestatis tuæ effigiem contempleri. Suscipe itaque, humillimè precor, *Serenissime Rex*, usitatâ benignitate & clementiâ, de corde novâ hæc; qui ipse novus splendor hujus seculi & totum vere cor es, Princeps virtute abundans, ac gratiâ; cui acceptum jure merito referimus, quicquid nostra Anglia boni, quicquid vita nostra jucundi, habet.


*Augustissima Majestatis Tuæ*

devotissimus servus

**GUILIELMUS HARVEIUS.**

*Excel-*

Excellentiss: & Ornatiss: Viro  
**D. D. ARGENT,**  
*Collegii Medicorum Londi-*  
*nens: Prasidi Amico suo singu-*  
*lari ceterisque Doct. Medicis*  
*Collegis suis amantiss:*  
S. P. D.

 **E**AM de motu & usu Cor-  
dis & circuitu Sanguinis sen-  
tentiam E. D. D. antea  
sæpius in prælectionibus  
eis Anatomicis aperui novam: sed  
n per novem & amplius annos mul-  
tocularibus demonstrationibus in  
nspectu vestro confirmatam, ratio-  
bus & argumentis illustratam, &  
objectionibus doctissimorum &  
citissimorum Anatomicorum libe-  
am, toties ab omnibus desidera-  
n, à quibusdam efflagitatam, in lu-  
(\*\*) cem

## D E D I C A T I O.

cem & conspectum omnium hoc libello produximus. Quem nisi vobis transmissum E. D. D. minus sperarem prodire posse integrum & tutum cùm penè omnium illarum observationum, ex quibus aut veritatem colligo, aut errores redarguo, vos fide dignos appellare possum testes, qui dissectiones meas vidistis, & oculari- bus demonstrationibus eorum, quæ hic ad sensum palàm assevero, assistere candidè & astipulare consuevistis. Cùm itaque contra per tot secula annorum receptam ab innumeris, iisque clarissimis, doctissimisque viris tritam & illustratâ viam; sanguinem iter novum metiri suum & revolvere solus hic liber affirmet; arroganter nimis factum videri, summopere verebar, si libellum hunc, per aliquot abhinc retro annos alioquin perfectum, vel in publicum exire, vel transfretare permisisset; nisi prius eum vobis propositum per autopsiam confirmassem vestris



## DEDICATIO.

vestris dubiis & objectionibus respondissem, Præsidisque ornatissimi censuram in favorem accepissem. Persuasissimum veruntamen habui, quod si coram vobis nostroque Collegio tot tantisque viris doctissimis nobilitato, propositum sustinere potuerim, ab aliis tum demum minus pertimescendum, & illum, qui mihi à vobis, ob amorem veritatis, contigit favor, ab aliis, qui similiter sint philosophati, non minus esse sperandum. Philosophi enim veri, qui amore veritatis & sapientiæ flagrant, nunquam se tam *roφῆς*, sapientia plenos reperiunt, aut suo sensu abundant, quin veritati, à quocunque & quandocunque venit, locum dent. Quis est tam angustissimi ut credat artem aut scientiam deò omnibus numeris absolutam & perfectam à Veteribus traditam, ut liorum industriæ & diligentiae nihil et reliquum? sed profitentur pluri-

( \* \* 2 ) scimus,

## D E D I C A T I O.

scimus, eorum, quæ ignoramus, minimam esse: traditionibus & præceptis quorumcunque non ita addicti, inservire se patiuntur Philosophi, ut libertatem perdant, ne oculis propriis fidē adhibeant, nec ita in verba jurant antiquitatis magistræ, ut veritatem amicam in æpertis relinquant, & in conspectu omnium deserant. Sed sicut credulos & vanos, omniâ primâ facie admittere & credere, ita manifesta sensui non videre, & Luce meridianâ diem non agnoscere, stupidos & insensatos pariter existimant: non minus Poëtarum fabulas & vulgi deliramenta, quàm Scepticorum epochen in viâ philosophicâ declinare docent. Omnes item studiosi, boni, honestique, nunquam ita passionibus indignationis, invidiæ, obrui mentem sinunt, quo minus audiant æquo animo, quæ pro veritate proferantur, aut rem verè demonstratam intelligant: nec turpè putant mutare sententiam,

si ve-

## DEDICATIO.

si veritas suadet & aperta demonstra-  
tio: nec errores, licet antiquissimos  
deserere arbitrantur inhonestū. Cum  
optimè norint quod humanum sit er-  
rare, decipi, & quod casu multa re-  
perta esse contingat quæ discere qui-  
vis à quovis possit, à juvene senex,  
à stulto intelligens.

Verùm isto Tractatu, Collegæ  
amantissimi, in Auctorum & Scripto-  
rum Anatomicorum nominibus, ope-  
ribus & sententiis recensendis, ex-  
gitandis memoriam meam & lucu-  
rationes, multamque lectionem &  
magnum volumen ostentare nole-  
am. Tum quòd non ex libris, sed  
ex dissectionibus, non ex placitis  
philosophorum, sed fabricâ natu-  
ræ discere & docere Anatomicen pro-  
tear. Tum quòd neque è Veteribus  
quemquam debito honore defrau-  
are, neque è posterioribus quem-  
quam irritari æquum censeam, aut  
soliar. Neque cum iis, qui in Ana-

## DEDICATIO.

tomicis antecelluerunt & me docuerunt, manus conferere, aut dimicari honestum putem. Accedit, quod nec falsitatis crimen, in quempiam veritatis studiosum meâ sponte inurere vellem, nec quenquam erroris labe insimulare. Sed solam veritatem sector, & omnem tum operam, tum oleum eò contuli, ut aliquid bonis gratum, doctis commodum, & rei litterariæ utile in medium proferre possem. Valete Domini  
D. Excellentiss. & Anatomico vestro  
favete

GVILIELMO HARVEIO.

INDEX

# INDEX CAPITULI.

- P** Roæmium pracedit, quo demonstratur,  
quod qua hactenus scripta sunt de motu  
Et usu cordis Et arteriarum minus firma  
sint. Pag. I.
- CAP. I. Causa, quibus ad scribendum Au-  
tor permotus fuerit. 22.
- CAP. II. Ex vivorum dissectione qualis sit  
cordis motus. 26.
- CAP. III. Arteriarum motus qualis ex  
vivorum dissectione. 32.
- CAP. IV. Motus cordis Et auricularum  
qualis ex vivorum dissectione. 37.
- CAP. V. Cordis motus actio Et functio. 48.
- CAP. VI. Quibus viis sanguis, è venâ ca-  
vâ in arterias, vel è dextro ventriculo cor-  
dis in sinistrum deferatur. 56.
- CAP. VII. Sanguinem de dextro ventri-  
culo cordis, per pulmonum parenchyma per-  
meare in arteriam venosam Et sinistrum  
ventriculum. 69.
- CAP. VIII. De copiâ sanguinis transeun-  
tis, per cor è venis in arterias, Et de cir-  
culari motu sanguinis. 80.
- CAP. IX. Esse sanguinis circuitum, ex pri-  
mo supposito confirmato. 85.
- CAP. X. Primum suppositum (de copiâ per-  
transeuntis sanguinis è venis in arterias,  
Et esse

# INDEX CAPITUM.

<i>Esse sanguinis circuitum) ab objectionibus vindicatur, &amp; experimentis ulterius confirmatur.</i>	96.
CAP. XI. <i>Secundum suppositum confirmatur.</i>	101.
CAP. XII. <i>Esse sanguinis circuitum, ex secundo supposito confirmato.</i>	115.
CAP. XIII. <i>Tertium suppositum confirmatur, &amp; esse sanguinis circuitum ex tertio supposito.</i>	119.
CAP. XIV. <i>Conclusio demonstrationis de sanguinis circuitu.</i>	131.
CAP. XV. <i>Sanguinis circuitus rationibus verisimilibus confirmatur.</i>	132.
CAP. XVI. <i>Sanguinis circuitus ex consequentiis probatur.</i>	138.
CAP. XVII. <i>Confirmatur sanguinis motus &amp; circuitus ex apparentibus in corde, &amp; ex iis, quæ ex dissectione anatomicâ patent.</i>	148.
<i>Exercitatio Anatomica altera, ad J. Riolanum, prima de circulatione sanguinis.</i>	173.
<i>Exercitatio Anatomica tertia: ad J. Riolanum secunda de circulatione sanguinis: in quâ multæ, contra circulationem eandem objectiones refelluntur.</i>	210.



## P R O O E M I U M

Quo demonstratur, quod, quæ ha-  
ctenus scripta sunt de motu &  
usu cordis & arteriarum,  
minus firma sint.

**D**E Cordis Arteriarumque motu,  
pulsu, actione, usu, & utilita-  
tibus cogitanti operæ-premium  
est, quæ prius ab aliis manda-  
ta sunt literis, evolvere; quæ vulgo jactata  
& tradita, animadvertere; ut quæ rectè  
licta, confirmentur; quæ falsa, dissectione  
Anatomica, multiplici experientia, dili-  
genti & accurata observatione emenden-  
tur.

Penè omnes huc usque Anatomici, Me-  
dici, & Philosophi supponunt cum Gale-  
o, eundem usum esse pulsus, quem respi-

A

ratio-

rationis : & una re tantum differre, quod hæc ab animali, ille à vitali facultate manet ; reliquis, vel quod ad utilitatem, vel quod ad motus modum spectat, similiter se habentibus : unde affirmant (ut Hieronymus Fabr. ab Aq. p. libro suo de respiratione nuperrimè edito) quoniam non sufficit pulsus cordis & arteriarum, ad event<sup>u</sup>andum & refrigerandum, à natura pulmones circa cor sabrefactos esse. Hinc patet, quacunque dixerint priores de Systole & Diastole, motu cordis & arteriarum, pulmonum ea modo fieri tradidisse.

Cùm verò aliter se habeat motus, & constitutio cordis, quam pulmonum ; aliter arteriarum, quam pectoris : alios exinde usus & utilitates exoriri verissimile est ; differreque plurimum cordis, & similiter arteriarum pulsus & usus, à pectoris & pulmonum.

Si enim iisdem usibus inserviant pulsus ac respiratio, & in Diastole introsumant aërem in cavitates suas arteriæ (uti vulgè dicunt) & in Systole per poros carnis & cu

is, fuligines emittant; nec non, medio tempore inter Systolem & Diastolem, aërem contineant; & quovis tempore aut aërem, aut spiritus, aut fuligines expellant; quid itaque respondebunt Galeno? qui librum scripsit, Natura sanguinem contineri in arteriis, & nihil præter sanguinem, nimirum neque spiritus, neque aërem, sicut ex experimentis, & rationibus in eodem libro facile colligere licet.

Et si (dum in Diastole replentur arteriæ ab aëre introsumpto) in majori pulsu, major subeat aëris copia; sequetur magno existente pulsu, si totum corpus in balneum immerferis, vel aquæ, vel olei, necessariò pulsus statim aut minorem esse, aut tardorem multo; cum per corpus ambientis ulnei, aërem intra arterias permeare difficile sit, si non impossibile.

Similiter, cum omnes arteriæ tam profundæ, quam cutaneæ, eodem tempore, & eadem velocitate distendantur; quomodo potest aër tam liberè, & celeriter per cutem, & carnem, habitumque corporis in profundum

pertransire, quam per cuticulam solam?

Et quomodo Embryonum arteriæ forinsecus in cavitates suas aërem, per ventrem maternum, & per corpus uteri attrahent? Vel quomodo Phoca, Balena, Delphines, cetaceum omne genus & pisces omnes in profundo maris, arteriarum suarum Diastole, & Systole, per immensam aquæ massam celeri pulsu aërem introsument, & emittent?

Dicere verò quod aërem implantatum in aquam absorbeant, & in aquam fuliginem suas reddant, figmento haud absimile.

Si in Systole arteriæ per poros carnis & cutis, fuligines è cavitatibus suis expellant, cur non item spiritus, (quos dicunt etiam in illis contineri) cum spiritus multo tenuiore fuliginibus sint?

Si cum in Systole, tum in Diastole aërem arteriæ accipiunt & reddunt, uti pulmones in respiratione; cur non & hoc faciunt in flicto per arteriotomiam vulnere? uti in sectione trachææ, per vulnus aërem ingredi regredi, duobus contrariis motibus, palam esset; cum tamen sectâ arteriâ uno contini

PROOEMIUM.

5

notu sanguinem vi protrudi, non verò aë-  
em, vel ingredi, vel regredi, manifestū sit.

Si pulsus arteriarum, partes corporis re-  
frigerant & eventant, uti pulmones ipsum  
cor; quomodo dicunt vulgo, arterias à cor-  
de in partes singulas vitalem sanguinem  
deferre refertissimum spiritibus vitalibus,  
qui partium calorem foveant, sopitum sus-  
tinent, & quasi absumptum resarciant?

Quomodo (si ligaveris arterias) statim  
artres non modò torpent, frigent, & quasi  
allida cernuntur, sed & ali tandem desi-  
unt? quod secundum Galenum contingit,  
quia calore, qui per omnes partes superne à  
corde confluxerat, privatae sint: cum hinc  
ateat magis arterias calorem partibus de-  
erre, quàm refrigerium, & eventationem.

Praterea quomodo Diastole simul spiri-  
s à corde attrahet, ad calefaciendas  
artres, simulque ab externo refrigerium?

Amplius, tametsi iisdem usibus pulmones,  
terias, & cor inservire aliqui affirmant,  
hilo minus cor spirituum officinam esse,  
arterias spiritus continere, & transmit-

tere dicunt : Pulmones verò spiritus facere, aut retinere contra Columbi opinionem, negant. Quin & cum Galeno, quod sanguis contineatur in arteriis, & non spiritus, contra Erasistratum asservant.

Videntur istæ opiniones ita inter se pugnare, & sese invicem refellere, ut omne non immerito sint suspectæ.

Sanguinem in arteriis contineri, & arterias solum sanguinem deferre tum experimento Galeni, tum in arteriotomia tum in vulneribus manifestum est.

Ab una arteria dissecta, Galenus lib. quod sanguis continetur in arteriis affirmat, plurimis in locis, unius semi hora spatio totam massam sanguinis ab universo corpore, magna & impetuosâ profusione exhaustam fore.

Experimentum Galeni tale est : Si (inquit) funiculo arteriam utrinque ligaveris, & medio rescisso secundum longitudinem, quod inter duas ligaturas in arteria comprehensum erit, nihil præter sanguinem reperiens :



sic eam probat sanguinem solum continere.

Vnde nobis ratiocinari licet : Si eundem sanguinem , qui venis similiter ligatis , & rescissis inest , inveneris in arteriis (quemadmodum in mortuis , & aliis animalibus saepius ego experius sum) eâdem ratione concludere nos possumus , arterias eundem sanguinem , quem venæ , & nihil præter eundem sanguinem continere.

Aliqui dum hanc dissolvere difficultatem evitant , spirituosum , & arteriosum esse sanguinem affirmantes , tacite concedunt , arteriarum munus esse sanguinem à corde in universum corpus deferre , & repletas sanguine arterias esse (spirituosus enim sanguis , non minus sanguis est.) Etiam sanguinem , prout sanguis , & qui in venis fluit , spirituosus imbuti nemo negat.

Quamvis in arteriis sanguis uberiori spirituum copia turgat , tamen existimandum est hos spiritus à sanguine inseparabiles esse , sicut illi , qui in venis ; & quod sanguis , spiritus unum corpus constituent (ut sebum , & butyrum in lacte , aut calor &

aqua in calidâ) quo replentur arteria.

Cujus corporis distributionem à corde arteriæ præstant, hoc corpus nihil aliud, quam sanguis est: si verò hunc sanguinem in arterias, è corde per arteriarum Diaστοlen attrahi dicunt; videntur astruere, quod arteriæ suâ distensione sanguine isto repleantur, & non aëre ambiente, uti prius.

Si etiam aëre ab ambiente repleri dicant, quomodo & quando recipient è corde sanguinem? Si in Systole id fiat, continget impossibile; repleri arterias, cùm contrahantur; vel repleri & non distendi. Sin autem in Diaστοle, in duos usus contrarios, & sanguinem, & aërem, & calorē, & frigus simul recipient; quod est improbabile.

Amplius, cùm affirmant, simul Diaστοlen cordis & arteriarum esse; & simul Systolen; alterum est inconveniens. Quomodo enim cùm simul distenduntur duo corpora sic invicem connata, alterum ab altero attrahet, vel cùm simul contrahuntur, alterum ab altero recipiet aliquid?

Insuper forsā impossibile est, aliquid posse

posse aliud corpus ita in seipsum attrahere ut distendatur; cum distendi sit pati; nisi, ut spongia prius vi ab externis constricta, dum redeat ad constitutionem suam naturalem. Tale autem aliquid in arteriis posse esse, difficile est fingere.

Arterias distendi, quia replentur, ut sacculi, & utres; atque non repleri, quia distenduntur ut folles, facile & aperte demonstrare me posse, & palam ante hac demonstrasse existimo.

Attamen (libr. quod sang. cont. in arter.) Galeni experimentum in contrarium sic se habet. Arteriam nudatam secundum longitudinem incidit, calamumque, vel fistulam concavam per vulnus immittit, & quo sanguis exilire non possit, vulnus obturatur. Quoadusque (inquit) sic se habet, arteria tota pulsabit, cum primum verò obductum filum super arteriam & fistulam, in laqueum contrahens arteriæ tunicas, calamo obstruxeris; non amplius arteriam ultra laqueum palpitare videbis.

Nec ego feci experimentum Galeni, nec recte posse fieri vivo corpore, ob impetuosum sanguinis ex arteriâ eruptionem, puto; nec obturabit sine ligaturâ vulnus fistula: & per fistulæ cavitatem ulterius profilire sanguinem dubito. Tamen hoc experimento probare videtur Galenus facultatem pulsficam per tunicas arteriarum à corde manare, & arterias, dum distenduntur à facultate pulsfica, repleri, quia distenduntur ut folles; non distendi, quia replentur ut utres.

Sed, & in arteriotomia & vulneribus, contrarium manifestum est: sanguis enim saliendo ab arteriis profunditur cum impetu, modò longius, modò propius vicissim profiliendo, sed saltus semper est in arteriæ Diastole, & non in Systole. Hinc clarè apparet, impulsu sanguinis arteriam distendi: ea enim dum distenditur, non posset sanguinem tantâ vi projicere; potius aërem in se per vulnus attrahere deberet, secundum ea, quæ vulgò de arteriarum usu jactata sunt.

Nec

*Nec crassities tunicarum arteria nobis imponat, facultatem pulsificam provenire à corde per ipsas tunicas : nam in quibusdam animalibus arteria à venis nihil differunt ; & in extremis partibus hominis, & parvis disseminationibus arteriarum, quales in cerebro, manu, &c. nemo per tunicas, arterias à venis poterit distinguere : eadem enim utrisque tunica.*

*In aneurismate præterea ex incisa vel exesa arteria genito, eadem omnino pulsatio cum reliquis arteriis, & tamen non habet tunicam arteria. Hoc mecum doctissimus Riolanus libr. 7. attestatur.*

*Necque eundem usum pulsus ac respirationis quis existimet, quod iisdem causis uti respiratio, crebriores, majores, celeriores pulsus fieri cernat ; ut cursu, irâ, balneo, aut quovis calfaciente. Nam non solum experimentum est in contrarium (quod solvere Galenus nititur) cum ab immodica repletione pulsus existant majores, respirationes minores : sed & in pueris pulsus frequentes, cum respiratio interim rara.*

*Similiter in timore, & curis, & anxietate animi, imo aliquibus in febribus, pulsus, celeres, frequentes, respirationes verò tardiores.*

*Hæc & huiusmodi incommoda positas opiniones de pulsu, & usu arteriarum, consequuntur: non minus forsan etiam ea, quæ de usu & pulsu cordis affirmantur, difficultatibus plurimis & inextricabilibus implexa sunt.*

*Cor affirmant vulgo fontem & officinam vitalis spiritus esse, quibus vitam singulis partibus largiatur; & tamen negant, dextrum ventriculū spiritus facere; sed præbere duntaxat alimentum pulmonibus: unde dicunt piscibus deesse dextrum ventriculū cordis, (& omnino omnibus deesse, quibus non sunt pulmones:) & quod dexter ventriculus cordis, pulmonum gratia sit.*

*I. Cur (quæso) cum eadem pene constitutio sit utriusque ventriculi, eadem fabrica fibrarum, lacertulorum, valvularum, vasorum, auricularum, & eodem uterque in dissectionibus refarciatur sanguine,*



guine, similiter nigricante, similiter grumefcente: Cur (inquam) cum eadem sit utriusque actio, motus, pulsus, variis eos usibus tam differentibus, existimemus destinatos fuisse? Si valvula tricuspides tres sub dextri ventriculi ingressu, impedimento sint sanguinis regressui in venam cavam: & si semilunares tres illae in orificio arteriosae venae ut sanguinis regressum impedirent factae sint: cur, cum similiter se habeant in sinistro ventriculo, similiter sanguinis tum egressui, tum regressui impediendo, factas esse, negemus?

2. Cum magnitudine, formâ, situ, omnino eodem pene modo in sinistro se habeant ventriculo, quo in dextro, cur dicunt hic spirituum egressui & regressui impedimento esse, in dextro verò sanguinis? Idem organon simile non videtur sanguinis & spirituum motus similiter impedire apte posse.

3. Cum meatus, & vasa sibi invicem respondeant magnitudine, videl: vena arteriosa & arteria venosa, cur unum privato usui destinetur, videl: alendis pulmonibus, alterum publico?

4. Quo-

4. Quomodo probabile est (ut notavit Realdus Columbus) tanto sanguine opus esse ad nutritionem pulmonum, cum hoc vas, (vena videlicet arteriosa) exuperet magnitudine utrumque ramum distributionis venæ cavæ descendenti in cruralem?

5. Cum (quæso) pulmones tam propè sint, & vas tam amplum existat, & ipsi in continuo motu, quid est quod dextri ventriculi pulsu opus sit? Quæ causa est, quod Natura, gratia alendorum pulmonum, alterum ventriculum cordi adjungere necesse habeat? Cum dicunt sinistrum ventriculum, è pulmonibus & dextro cordis sinu, materiam attrahere, ad spiritus condendos (aërem videlicet & sanguinem) & pariter in aortam spirituosum sanguinem distribuere, & hinc fuligines retro per arteriam venalem remittere in pulmones, & spiritus in aortam. Quid est quod separationem facit, & cur modò huc modò illuc spiritus & fuligines citra permissionem aut confusione commeant? Si tricuspides mitrales

non

non impediunt regressum fuliginum ad pulmones, quomodo impediunt aëris? Et quomodo semilunares prohibebunt regressum spirituum (subsequente Diastole cordis) ab aorta?

Quomodo dicunt per arteriam venalem spirituosum sanguinem distribui è ventriculo sinistro in pulmones, nec interim hoc impedire tricuspidēs? Cùm affirmant aërem per idem vas à pulmonibus in ventriculum sinistrum ingredi, & hujus regressui tricuspidēs valvulas impedimento esse velint. Deus bone! Quomodo tricuspidēs impediunt aëris regressum, & non sanguinis?

Amplius, cùm venam arteriosam, vas amplum, magnum cum tunica arteria factum, non nisi privato & uni usui (videlicet alendis pulmonibus) destinent; cur arteriam venalem vix pari magnitudine, cum tunica vena, molli, laxa, pluribus asibus (tribus, vel quatuor videlicet) sabrefactam asseverant? Volunt enim per ipsam aërem à pulmonibus in sinistram ventriculum peruenire: volunt similiter è corde in pulmo-

nes fulgines per ipsam remeare: volunt spirituosum sanguinis portionem à corde per ipsam in pulmones ad ipsos refocillandos distribui.

Fulgines & aërem, à corde illas, ad cor hunc, per eundem tubulum volunt transmitti; cum tamen tam contrariis motibus, & usibus unum vas, & unam viam fabricare Natura solita non sit, nec videre uspiam contingat.

Si fulgines, si aërem hanc viâ permeare & remeare contendunt, ut per Bronchia pulmonum: quare exsecta, vel incisa arteria venosa, neque aërem, neque fulgines reperire in dissectione possumus; & unde semper refertam crasso sanguine arteriam venosam istam videmus, & nunquam aëre, cum in pulmonibus aërem remanentem cernimus?

Si quis experimentum Galeni faceret, & cani adhuc viventi tracheam incideret, & follibus pulmones aëre impleret per vim, & distentos ligaret fortiter; mox dissecto pectore multam aëris copiam in pulmonibus

bus usque ad extimam illorum tunicam inveniet; sed neque in arteria venosa, neque in sinistro ventriculo cordis quidquam.

Si aërem è pulmonibus, in cane vivente, aut cor attraheret, aut pulmones transmitterent, multo magis hoc experimento id facere deberent. Imo in administratione Anatomica inflatis cadaveris pulmonibus, etiam aërem statim huc ingredi (si ulli essent meatus) quis dubitaret? Tam magni verò faciunt hunc usum arteria venosæ, videlicet ad aërem è pulmonibus cordi deferendum: ut Hieron. Fabr. ab aqu. p. hujus vasis causa pulmones factos fuisse, & hanc esse præcipuam pulmonum particulam contendat.

Sed amabo, si aëri deferendo arteria venosa condita esset, cur ejus constitutio est venæ?

Fistulis potius opus esset natura, & quidem, quales Bronchia sunt, annularibus, ut semper pateant, neque concidant, & ut omnino vacuæ sanguine permaneant, ne humor aëris transitum impediat, uti manifestum

festum est, (quando pulmones, pituitâ Bronchis vel infarctâ, vel paululum admissâ, laborant) sibilo & strepitu oborto dum respiramus.

Minus toleranda illa opinio, quæ (cùm duplicem materiam, aëream & sanguineam, necessariam esse ad spiritus vitales efficiendos supponat) sanguinem, per mediastini cordis cacas porositates, de dextro in sinistrum ventriculum transudare, aërem per magnum vas arteriam venosam è pulmonibus attrahi, contendit, & proinde in septo cordis porositates plures esse, producendo sanguini accommodatas. Sed ne hercule porositates nullæ sunt, neque demonstrari possunt.

Septi enim cordis substantia densior, & compactior est quavis altera corporis particula, exceptis ossibus & nervis. Sed si adessent foramina, quomodo (cùm simul uterque ventriculus distenditur & dilatatur) alterum ab altero quidpiam, aut sinistrum sanguinem è dextro exhaurire possibile esset?

Et



Et cur non potius dextrum spiritus ex sinistro, quam sinistrum sanguinem è dextro ventriculo per eadem foramina evocare crediderim. At mirum & incongruum certe, sanguinem per cæcos obscurosque ductus, & aërem per patentissimos eodem instanti commodius attrahi.

Cur quæso pro sanguinis transitu in sinistrum ventriculum ad cæcas & invisibiles porositates, incertas, obscuras confugium, quando adest per arteriam venosam tam patens iter? mirum mihi certe est, quod per cordis septum, crassum, durum, densum, compactissimum, viam facere, vel fingere potius maluerint; quam per patens vas venosum, aut etiam per pulmonum substantiam raram, laxam, molliissimam, spongiosam.

Præterea si per septi substantiam sanguis permeare potuisset, aut è ventriculis imbibi; quid opus esset venæ, & arteriæ coronalis ramulis ad ipsius septi nutritionem divaricatis?

Notatu dignissimum si in fœtu, (quando  
omnia

omnia rariora, molliora) Natura coacta fuit per foramen ovale sanguinem in sinistrum ventriculum è venâ cavâ per arteriam venosam traducere: quomodo verisimile possit esse quod in adulto per cordis septum jam densius etate factum, tam commodè nulloque negotio transfundat?

Andreas Laurentius libr. 9. cap. 11.

Quæst. 12. autoritate Galeni de lo. affect. lib. 6. cap. 7. & experientia Hollerii fultus asserit & probat, è cavitate pectoris serositates, & pus Empyicorum in arteriam venosam absorptum, per sinistrum ventriculum cordis, & per arterias cum urina, vel cum fecibus alvi posse expelli: recenset quinetiam in confirmationem, casum cujusdam melancholici, qui sapius deliquium animi passus, à paroxysmo liberatus erat emissionem urinæ turbidæ, foetidæ, acris: quo genere morbi tandem confectus, dissecto cadavere, talis substantia, qualem mingeat, neque in vesica, neque in renibus uspiam apparebat, sed in cordis sinistro ventriculo, & cavitate pectoris

Coris plurima : unde gloriatur se horum affectuum talem prädixisse causam.

Non possum non mirari, cum materiam heterogeneam posse eodem tractu evacuari divinarat, & prädicaverat : quod iisdem viis sanguinem è pulmonibus in sinistrum ventriculum secundum naturam deduci convenienter, cernere aut asseverare non potuerit, aut voluerit.

Itaque ex his, & huiusmodi plurimis patet, quod ea, quæ dicta antehac à prioribus de motu & usu cordis, & arteriarum sunt, aut inconvenientia, aut obscura, aut impossibilia diligentius consideranti appareant. Utile proinde admodum erit paulò penitius rem introspicere; arteriarum & cordis motus non solum in homine, sed & aliis animalibus cor habentibus contemplari; quin etiam vivorum dissectione frequenter, multaque autopsia veritatem discernere, & investigare.

EXERCITATIO  
ANATOMICA,De motu Cordis & Sanguinis  
in Animalibus.

## CAP. I.

*Causa qua ad scribendum Auctor  
permotus fuerit.*

Um multis vivorum disse-  
ctionibus (uti ad manum  
dabantur) animum ad ob-  
servandum primum appuli; quo cor-  
dis motus usum, & utilitates in ani-  
malibus per autopsiam, & non per li-  
bros aliorumque scripta invenirem:  
rem arduam plane, & difficultatibus  
plenam continuò reperi, ut (cum Fra-  
castorio) motum cordis soli Deo co-  
gnitum esse, penè opinarer. Nec enim  
quomodo Systole, aut Diastole fie-  
ret,

ret, nec quando, aut ubi dilatatio & constrictio existeret, recte potui internoscere; propter celeritatem scilicet motus, qui in multis animalibus, nictu oculi, quasi trajecto fulgure, se in conspectum exhibuit, & subtraxit illico; ita ut modò hinc Systolen, illinc Diastolen, modò è contra, modò varios, modò confusos fieri motus, me existimabam cernere: inde animus mihi fluctuabat, nec quid vel ipse statuerem, vel aliis crederem, habebam; & motum cordis esse qualis Euripi fluxus & refluxus Aristoteli, Andream Laurentium scripsisse non mirabar.

Tandem majori indies, & disquisitione, & diligentia usus, multa frequenter, & varia animalia viva introcuciendo multisque observationibus collatis, rem attigisse, & ex hoc labyrintho me extricatum evasisse, siquidem motum, & usum cordis, & arteriarum, quem desiderabam, compertum

pertum habere me existimabam. Ex quo non solum privatim amicis, sed etiam publicè in prælectionibus meis Anatomicis, Academico more, proponere meam in hâc re sententiam non verebar.

Quæ aliis (uti fit) placebat, aliis minus: hi convellere, calumniari, & vitio vertere, quod à præceptis, & fide omnium Anatomicorum discesserim: Illi rem novam, cum inquisitu dignam, tum maximè utilem fore confirmantes, plenius sibi explicatam poscere.

Tandem amicorum precibus, ut omnes meorum laborum participes fierent, partim etiam aliorum permotus invidia, (qui dicta mea iniquo animo accipientes, & minus intelligentes, me publicè traducere conabantur) ut omnes de me, & de re ipsâ iudicium ferre possent, hæc typis mandare publicè, coactus fui.

Sed hoc eo libentius, quod *Hiero-*

*nym*



*nym. Fabr. ab aqu. p.* cùm singulas penè animalium particulas, accuratè & doctè peculiari tractatu deliniasset, solum cor intactum reliquerit.

Denique ut, si quid reipublicæ literariæ ex opera mea utile & commodum hâc in parte accederet, forsan rectè fecisse me constaret; nec alii omnino inertem me vixisse viderent.

Forsan in Cordis motu eveniet nunc, quod Senex ait in Comœdia,

, *(Nunquam quisquam ita bene subducta ratione ad vitam fuit,*

, *Quin res, etas, usus aliquid apportet novi,*

, *Aliquid admoneat, ut illa, quæ te scire credas, nescias,*

, *Et, quæ tibi putaris prima, in experiundo repudies.)*

ut alii hinc saltem, hac data via, foecioribus freti ingeniis; rei rectius erendæ, & melius inquirendi occasionem capient.

## CAP. II.

*Ex vivorum dissectione, qualis  
sit Cordis motus.*

**P**Rimum itaque in Cordibus, omnium adhuc viventium animalium aperto pectore, & dissecta capsula, quæ cor immediate circumcludit, observare licet. Cor aliquando moveri, aliquando quiescere: esse etiam tempus in quo movetur, & in quo motu destituitur.

Hæc manifestiora in cordibus frigidorum animalium, ut bufone, serpentibus, ranis, cochleis, gammaris, crustatis conchis, squillis, & pisciculis omnibus. Fiunt enim manifestiora in cordibus calidiorum, ut canis, porci, si eousque attentè observaveris quoad emori cor, & languidius moveri, & quasi extinguì incipiat: tum etenim tardiores, & rariores ipsius motus fieri, & longiores quietes, cernere aperte, & clare poteris;

motus

motus enim qualis sit, & quomodo fiat, commodius intueri, & dijudicare licet.

In quiete, ut in morte, cor laxum, flaccidum, enervatum & inclinatum quasi jacet: In motu, & eo quo movetur tempore, tria præ cæteris animadvertenda.

I. Quod erigatur cor, & in mutationem se sursum elevet; sic ut illo tempore ferire pectus, & foris sentiri pulsatio possit.

II. Undique contrahi, magis vè secundum latera, ita, ut minoris magnitudinis, & longiusculum, & collectum appareat. Cor anguillæ exemptum, & super tabulam aut manum positum, hoc facit manifestum: que etiam apparet in corde piscicorum, & frigidiorum animalium, quibus cor coniforme, aut longiusculum est.

III. Comprehensum manu cor quo movetur tempore, duriusculum

lum fieri: (à tentione autem illa durities est) quemadmodum si quis lacertos in cubitu manu comprehendens, dum movent digitos, illos tendi, & magis renitentes fieri percipiet.

I V. Notandum insuper in piscibus, & frigidioribus sanguineis animalibus, ut serpentibus, ranis, &c. illo tempore quo movetur cor, albidioris coloris esse; cùm quiescit à motu, coloris sanguinei saturū cerni.

Ex his mihi videbatur manifestum; Motum cordis esse tentionem quandam ex omni parte, & secundum ductum omnium fibrarum constrictionem; quoniam erigi, vigorari, minorari, & durescere in omni motu videtur; ipsiusque motum esse, similem musculorum, dum contractio fit secundū ductum partium nervosarum, & fibrarum: muscoli enim, cùm moventur & in actu sunt, vigorantur, tenduntur, ex mollibus duri fiunt, attolluntur, incrassantur, & similiter cor.

Ex

Ex quibus observatis rationi consentaneum est, cor eo quo movetur tempore, undique constringi, & secundum parietes incrassescere; secundum ventriculos coarctari, & contentum sanguinem protrudere; quod ex quartâ observatione satis patet, cum in ipsâ tensione suâ, propterea quod sanguinem in se prius contentum expresserit, albescat: denuo in laxatione, & quiete, subingrediente de novo sanguine in ventriculos, redit color purpureus & sanguineus cordi.

Verum nemo amplius dubitare poterit, cum usque in ventriculi cavitationem inflicto vulnere, singulis motibus sive pulsationibus cordis, in ipsâ tensione, proflire cum impetu foras contentum sanguinem viderit.

Simul itaque hæc, & eodem tempore contingunt, tensio cordis, muronis erectio, pulsus qui forinsecus sentitur ex allissione ejus ad pectus, arietum incrassatio, & contenti san-

guinis protrusio cum impetu, à con-  
strictione ventriculorum.

Hinc contrarium vulgariter recep-  
tæ opinioni apparet, secundum quam  
eo tempore, quo cor pectus ferit, &  
pulsus foris sentitur, una cor distendi  
secundum ventriculos, & repleti san-  
guine putatur: quanquam contra rem  
se habere intelliges, videlicet cor,  
dum contrahitur, inaniri. Nam qui  
motus vulgo cordis *Diaστοle* existi-  
matur, re vera *Συστοle* est. Et simili-  
ter motus proprius cordis *Diaστοle*  
non est, sed *Συστοle*; neque in *Dia-  
στοle* vigoratur cor, sed in *Συστοle*;  
tum enim tenditur, movetur, vigo-  
ratur.

Neque omnino admittendū (tam-  
etsi divini Vesalii adducto exemplo  
confirmatum de vimineo circulo sci-  
licet ex multis juncis pyramidatim  
junctis,) cor in *Συστοle* secundum fi-  
bras rectas tantum moveri, sic &  
dum apex ad basin appropinquat, la-  
tera



tera in orbem distendi, cavitates dilatari, ventriculos cucurbitulæ formam acquirere, & sanguinem introsumere.

Nam secundum omnes quas habet fibras, cor eodem tempore tenditur, constringitur, incrassatur, & dilatatur, potius secundum parietes & substantiam, quàm ventriculos: dum tenduntur fibræ à cono ad basin, & apicem unà ad basin trahunt, nec in orbem latera cordis inclinant; sed potius contrariè, uti omnis fibra in circulari positione dum contrahitur versus rectitudinē. Sicut omnes musculorum fibræ, dum contrahuntur & in longitudine abbreviantur, ita secundum latera distenduntur eodem modo, quo musculorum ventres incrassantur.

Adde, quod in motu cordis non solum per erectionem & incrassationem parietum, contingat ventriculos coarctari; sed etiam quod fibræ

sive lacertuli, ab Aristot. *Nervi dicti*, (in quibus solum fibræ rectæ, in pārietibus verò omnes circulares) sint vario, in ventriculis cordis majorum animalium, & admirabili apparatu, &, dum contrahuntur, omnia interiora latera veluti laqueo invicem compellant, ad contentum sanguinem majori robore expellendum.

Neque verum est, quod vulgo creditur, cor proprio suo motu, aut extensione sanguinem in ventriculos attrahere, sed dum movetur & tenditur, expellere, dum laxatur & concidit, recipere sanguinem eo modo, quo postea patebit.

### C A P. III.

*Arteriarum motus qualis ex vivorum dissectione.*

**U**Lterius in cordis motu observanda veniunt hæc, quæ & ad arteriarū motus, & pulsationes spectāt.  
 C. I. Eo tempore quo cordis fit tentio,

tio, contractio, percussio pectoris, ejusdem est Systole; tunc arteriæ dilatantur, pulsum edunt, & in suâ sunt Diastole: Similiter eo tempore ventriculi contrahuntur, & protrudunt contentum sanguinem, vena arteriosa pulsat, & dilatatur cum aorta & reliquis arteriis corporis.

I I. Quando sinister ventriculus cessat moveri, pulsare & contrahi, cessat pulsus arteriarum; imo quando languidius tenditur, pulsus in arteriis vix est perceptibilis: & similiter, cessante dextro, in venâ arteriosâ.

I I I. Item secta quavis arteria vel perforata, in ipsâ tentione ventriculi sinistri propellitur foras sanguis ex vulnere cum impetu.

Similiter secta vena arteriosa eodem tempore, quo dexter ventriculus tenditur & contrahitur, exinde cum impetu sanguinem profilire videbis.

Similiter in piscibus secta, fistula,

B 5

quæ

quæ è corde in bronchia ducitur, quo tempore cor tendi, & contrahi videbis, eo una etiam sanguinem exinde protrudi cum impetu.

Similiter deniq; in omni arteriotomia (in quâ sanguis profiliendo exit, modò longius, modò propius) saltum fieri in arteriarum Diaſtole, quando cor pectus ferit; è cordis verò vulnere, eo tempore, quo cor tendi & contrahi apparet, & in ſuâ eſt Syſtole & erectione, sanguinem expelli eodem motu comperies.

Ex his videtur manifestum contra communia dogmata, quod arteriarum Diaſtole fiat eo tempore, quo cordis Syſtole; & arterias repleri & distendi, propter sanguinis, à conſtrictione ventriculorum cordis, immiſſionem & intrusionem; quin etiam distendi arterias, quia replentur ut utres, aut vesica; non repleri, quia distenduntur ut folles. Eâdem de causâ universi corporis arteriæ pullant, videlicet, à  
ten-

tensione sinistri cordis ventriculi, sicut vena arteriosa à dextri.

Denique arteriarum pulsum fieri ab impulsu sanguinis è ventriculo sinistro, eo pacto, quo tùm quis in chirothecam inflat, omnes digitos simul videt distendi, & pulsum æmulari: sic etiam secundum cordis tentionem pariter pulsus fiunt, qui sive sint majores, vehementiores, frequentes, celeres, omnes rythmum, quantitatem & ordinem servant cordis pulsantis.

Nec est expectandum, propter motum sanguinis, quod tempus, inter constrictionem cordis, & arteriarum (præcipuè magis distantium) dilationem intercedat, ne fiant simul; cum eodem modo res se habeat, ut in inflatione chirothecæ, aut vesicæ, quia in pelvi (uti per tympanum, & in longis lignis) ictus, & motus simul sunt in utroque extremo. Hinc Aristot. (3. Anim. cap. 9. de respir. cap. 15.) *Palpitat intra venas* (arterias intelligit)

*sanguis omnium animalium, pulsuque simul undique movetur: sic pulsant venæ omnes & simul invicem, propterea quod pendent omnes à corde: quod se semper movet, quare & illæ, semper & simul invicem, cum corde moventur.*

Notandum cum Galeno, à veteribus Philosophis venas pro arteriis, appellatas fuisse. Accidit me vidisse, & præ manibus habuisse casum, qui mihi hanc veritatem apertissimè confirmabat. Habuit quidam tumorem ingentem, pulsantem, *Aneurisma* dictum, in dextrâ parte juguli, prope descensum arteriæ subclaviæ in axillas, ab ipsius arteriæ exesione prognatum, qui summum indies incrementum capessabat, propter immisionem sanguinis ab arteriâ singulis pulsationibus distenti: (quod secto, post mortem, cadavere deprehensum erat) in illo pulsus ejusdem brachii exilis admodum, eo quod major sanguinis portio & influxus in tumorem diver-



divertebatur, & interceptus fuit.

Quare sive per compressionem, sive per infarctum, vel interceptionem sanguinis motus per arterias præpeditur, posteriores arteriæ minus pulsant, cum pulsus arteriarum, nil nisi impulsus sit sanguinis in arterias.

## CAP. IV.

*Motus cordis & auricularum qualis  
ex vivorum dissectione.*

**P**Ræter hæc circa motum cordis observanda sunt quæ ad auricularum usum spectant. *Casparus Bauhinus* (*Anat. l. 2. c. 21.*) & *Johannes Riolanus* (*Antrop. lib. 3. cap. 12.*) viri doctissimi, & *Anatomici* peritissimi observarunt & admonent, quod (si in vivâ sectione alicujus animalis cordis motum studiose observes) quatuor motus, loco & tempore distinctos, aspicias; quorum duo sunt auricularum,

rum, ventriculorum duo. Pace tantorum virorum, quatuor sunt motus, loco, non verò tempore distincti. Simul enim ambæ auriculæ moventur, & simul ambo ventriculi, ut quatuor loco motus distincti sint duobus tantum temporibus, atque hoc se habet modo.

Duo sunt eodem tempore motus, unus auricularum, alter ipsorum ventriculorum: qui simul non fiunt; sed præcedit motus auricularum, & subsequitur cordis; ut motus ab auriculis incipere, & in ventriculos progredi videatur.

Cùm jam languidiora omnia (emoriens corde, & in piscibus, & in frigidioribus sanguineis animalibus) inter hos duos motus, tempus aliquod quietis intercedit; cor quasi suscitatum motui respondere videtur, aliquando citius, aliquando tardius; tandem ad mortem inclinans, cessat motu suo respondere, & quasi capite dun-

duntaxat leviter annuit, & obscure adeò movetur, ut motus signum præbere pulsanti auriculæ videatur.

Sic prius desinit cor pulsare, quam auriculæ, ut auriculæ supervivere dicantur; primus omnium desinit pulsare sinister ventriculus, deinde ejus auricula, demum dexter ventriculus, ultimo (quod etiam notavit Galenus) reliquis omnibus cessantibus & mortuis, pulsat dextra auricula, ut ultimo in dextra auricula vita remanere videatur.

Dum sensim emoritur cor, videre licet, post duas vel tres pulsationes auricularum, aliquando quasi expergefactum cor respondere, & unum pulsus lentè, & ægrè peragere & moliri.

Sed & præcipuè notandum, quod, postquam cessavit cor pulsare adhuc auriculâ pulsante, digito super ventriculum cordis posito, singulæ pulsationes percipiantur in ventriculis; eodem

eodem planè modo, quo ventriculorum pulsationes in arteriis sentiri antea diximus, à sanguinis impulsu nimirum distentione facta; & hoc tempore, pulsante solum auricula, si forfice cordis mucronem absecuris, exinde singulis auriculæ pulsationibus sanguinem effluere conspicias: ut hinc pateat quod in ventriculos sanguis ingreditur, non attractione, aut extentione cordis, sed pulsu auricularum immissus.

Notandum est omnes, quas voco, & in auriculis & in corde, pulsationes, contractiones esse; & primò contrahi auriculas, &, in consequentia, cor ipsum. Auriculæ etiam, dum moventur & pulsant, albidiores fiunt, præsertim ubi paucò sanguine replentur (replentur autem, tanquam promptuarium & lacuna sanguinis, venarum motu compressivo, ad centrum declinante sponte sanguine) quin & in finibus & extremitatibus ipsarum,

hæc

hæc albedo à contractione fieri vel maximè apparet.

In piscibus, ranis, & similibus unum ventriculū habentibus cordis, (nam pro auricula vesicam quandam in basi cordis positam refertissimam sanguine habent) videbis vesicam primo contrahi, & subsequi postea cordis contractionem apertissime.

Hic à me observata, etiam quæ his contrario modo se habere videntur, describere lubet.

Cor anguillæ & quorundam piscium & animalium (etiam exemptum) in auriculis pulsatur: imo, si in frustra dissectueris, partes ejus divisas, separatim sese contrahere & laxare videbis, ita, ut in his, post cessationē motus auricularum, cordis corpus pulsū faciat & palpitet. Sed hoc fortè proprium vivacioribus, quorum radicale humidum glutinosum magis, aut pingue & lentum est, & non ita facile dissolubile. Hoc etiam apparet in carne an-

anguillarum, quæ post excoriationem, exenterationem & in frustra dissectionem motum retinet.

In Columba certe experimento facto, postquam cor desierat omnino moveri, & nunc etiam auriculæ motum reliquerant, per aliquod spacium, digitum saliva madefactum, & calidum cordi superimpositum detinui: hoc fomento (quasi vires, & vitam postliminio recuperasset) cor, & ejus auriculæ moveri, sese contrahere, atque laxare, & quasi ab orco revocari videbantur.

Sed & præter hæc aliquoties à me observatum fuit, (postquã cor ipsum, & ejus auricula etiam dextra, à pulsatione quasi mortis articulo quiescerent) in ipso sanguine qui in dextra auricula continetur, obscurum motum, & undationem, ac palpitationem quandam manifesto superfuisse, tamdiu scilicet, quam calore & spiritu imbui videretur.

Tale



Tale quiddam evidentissime, in primâ animalis generatione, intra septem dies ab incubatione, in ovo Gallinaceo, cernitur. Inest primum ante omnia gutta sanguinis, quæ palpitat, (quod etiam annotavit Arist.) ex quâ incremento facto, & pullo aliquâ ex parte formato, fiunt cordis auriculæ; quibus pulsantibus, perpetuo inest vita. Cùm postea corpus delineari intermissis aliquot diebus, inceperit, tum etiam cordis corpus procreatur, sed per aliquod tempus albidum apparet & exangue, nec, ut reliquum corpus, pulsus edit nec motum. Quin etiam in fœtu humano vidi, circa principium tertii mensis, similiter cor formatum, sed albidum & exangue, cujus tamen auriculis sanguis inerat uberrimus & purpureus; sic etiam in ovo, jâ adaucto & conformato fœtu, simul & cor adaugeri & ventriculos habere, quibus sanguinē tunc recipere & transmittere occeperat.

Rem

Rem si penitus introspicere quis velit, non cor esse primum vivens, & ultimum moriens verè dixerit, sed auriculam & quæ in serpentibus, piscibus, & hujusmodi animalibus, pars pro auricula est, eamque prius quam cor ipsum vivere, & post etiam emori.

Imo an prius adhuc ipse sanguis, vel spiritus habeat in se obscurâ palpitationem (quam post mortem retinere mihi visus est) & an cum palpitatione vitam incipiat, licet dubitare: quandoquidem, & sperma animalium omnium (ut notavit *Aristotel.*) & spiritus prolificus palpitando exit, velut animal quoddam. Ita Natura in morte, quasi decursione facta, reducem (ut *Aristot. de mot. ann. cap. 3.*) agit, motu retrogrado, à calce ad carceres, eo unde proruit sese recipit: nam animalis generatio, ex non animali procedit in animal, tanquam ex non ente in ens, & iisdem retro gradibus corruptio ex ente revolvitur in non

non ens; unde, quod in animalibus ultimo fit, deficit primum, & quod primo ultimum.

Observavi quoque in omnibus pene animalibus cor vere inesse, & non solum (ut *Aristot.* dicit) in majoribus & sanguineis, sed in minoribus, exanguibus, crustatis & testaceis quibusdam, ut limacibus, cochleis, conchis, astacis, gammaris, squillis, mulisque aliis; imo vespis, & crabronibus, muscis (ope perspicilli ad res minimas discernendas) in summitate illius particulæ, quæ Cauda dicitur, & vidi pulsans cor, & aliis videndum exhibui.

In exanguibus verò Cor lentè admodum, rarisque ictibus pulsat, (ut in aliis jam moribundis,) & tardè sese contrahit, ut facile in cochleis est cernere; quorū cor deprehendes in fundo illius orificiū in latere dextro, quod se aperire, & claudere eventationis causa videtur, & unde salivam expuit, sectione

46 *Exercitatio Anatomica I.*

sectione factâ in summitate , juxta partem jecori analogam.

Sed notandum & hoc , hyeme & frigidioribus tempestatibus exanguia aliqua (qualis est cochlea) nihil pulsans habere , sed vitam magis plantæ agere : ut etiam reliqua , quæ *plant-animalia* ideo dicuntur.

Notandum insuper , in omnibus animalibus, ubi cor inest, ibi etiam auriculas esse vel auriculis aliquid analogon : & ubicunque cor duplici ventriculo donatur, ibi duas semper adstare auriculas, non contra. Sed, si in ovo, pulli conformationem advertas, primum inest , ut dixi , tantum vesicula, vel auricula, vel gutta sanguinis pulsans ; postea incremento facto absolvitur cor. Ita quibusdam animalibus (quasi ulteriorem perfectionem non adipiscentibus) pulsans vesicula quædam , instar puncti cujusdam rubri vel albi, duntaxat , inest , quasi principium vitæ : uti apibus, vespis,

co-

cochleis, squillis, gammaris, &c.

Est hic apud nos minima squilla (quæ Anglicè dicitur *a Shrimp*, Belgicè *een Garneel*) in mari & Thamefi capi solita, cujus corpus omnino pelucidum est: eam aquæ impositam sæpius præbui spectandam amicissimis quibusdam meis, ut cordis illius animalculi motus liquidissime perspiceremus, dum exterioris illius corporis partes visui nihil officerent, quominus cordis palpitationem, quasi per fenestram, intueremur.

In ovo Gallinaceo post quatuor, vel quinque dies ab incubatione, primum rudimentum pulli instar nubeculæ videndū exhibui (nimirum ovo, cui cortex adimebatur, in aquam limpidam, tepidamque immisso) in cujus nubeculæ medio, punctum sanguineum palpitans tam exiguum erat, ut in contractione dispareret, & visum aufugeret, in laxatione instar summitatis acus appareret rubicundum: ita  
ut,

ut, inter ipsum videri & non videri, quasi inter esse & non esse, palpitationem & vitæ principium ageret.

## C A P. V.

*Cordis motus actio, & functio.*

**E**Go ex his tandem & hujusmodi observationibus repertum iri confido, motum cordis ad hunc modum fieri.

Primum sese contrahit auricula, & in illâ contractione sanguinem contentum, quo abundat, (tanquam venarum caput, & sanguinis promptuarium & cisterna) in ventriculum cordis conjicit; quo repleto cor sese erigens, continuo omnes nervos tendit, contrahit ventriculos, & pulsum facit: quo pulsu immixtum ab auricula sanguinem continenter protrudit in arterias; dexter ventriculus in pulmones per vas illud, quod vena arteriosa nominatur, sed revera, & constituitur



stitutione & officio, & in omnibus arteria est; sinister ventriculus in aortam, & per arterias in universum corpus.

Isti duo motus, auricularum unus, alter ventriculorum, ita per consecutionem fiunt, servata quasi harmonia & rhytmo, ut ambo simul fieri, & unicus tantum motus esse appareat, præsertim in calidioribus animalibus, dum illa celeri agitantur motu.

Nec aliâ ratione id fit, quam cùm in machinis, una rota aliam movente, omnes simul moveri videantur; & in mechanico illo artificio, quod sclopetis adaptant; ubi compressione aliqujus ligulæ, cadit silex, percutit charibæm & propellit, ignis elicitur, qui cum in pulverem cadit, igitur pulvis, interius prorepat, disploditur, evolat globulus, metum penetrat, & omnes isti motus, propter celeritatem, quasi in nictu oculi simul fieri apparent.

C

Sic

Sic etiam in deglutitione, radicis linguæ elevatione, & oris compressione, cibus vel potus in fauces deturbatur, larinx à musculis suis & epiglottide clauditur, elevatur & aperitur summitas gulæ à musculis suis, (haud aliter quam saccus ad implendum attollitur, & ad recipiendum dilatatur) & cibum, vel potum acceptum transversis musculis deprimat, & longioribus attrahit: & tamen omnes isti motus, à diversis & contradistinctis organis facti, cum harmoniâ & ordine dum fiunt, unum efficere motum videntur, & actionem unam, quam deglutitionem vocamus. Sic contingit planè in motione & actione cordis; quæ deglutitio quædam est, & transfusio sanguinis è venis in arterias.

Si quis (dum hæc habuerit in animo) cordis motum diligenter in vivâ dissectione animadverterit, videbit non solum, quod dixi, cor sese erigere

gere, & motum unum facere, cum auriculis continuum, sed undationem quandam & lateralem inclinationem obscuram, secundum ductum ventriculi dextri, & quasi sese leviter contorquere, & hoc opus peragere: quemadmodum cernere licet, cum quis potat, & aquam deglutit, singulis gulæ tractibus absorberi aquam, & in ventriculum demitti; qui motus sonitum & pulsum quandam, aultantibus & tangentibus exhibet; & dum istis cordis motibus, fit portio sanguinis è venis in arterias tractio, pulsum fieri & exaudiri in pectore contingit.

Motus itaque cordis omnino ad hunc se habet modum, & una actio cordis est ipsa sanguinis transfusio, & extremâ usque, mediantibus arteriis, propulsio; ut pulsus, quem nos sentimus in arteriis, nil nisi sanguinis corde impulsus sit.

An verò cor sanguini, præter trans-

positionem & motum localem, & distributionem aliquid aliud addat, si-  
ve calorem, siue spiritum, siue perfe-  
ctionem, posterius inquirendum, &  
ex aliis observationibus colligendum.  
Hoc in præsentia sufficiat satis osten-  
sum esse, in pulsu cordis sanguinem  
transfundi & deduci è venis in arte-  
rias per cordis ventriculos, & distri-  
bui in universum corpus.

Sed hæc licet omnes aliquo modo  
concedant, &, ex cordis fabrica, val-  
vularum artificio, positione, & usu,  
colligant: tanquam in loco obscuro  
titubantes tamen cœcutire videntur  
dum varia, subcontraria, non cohæ-  
rentia componunt, & ex conjectura  
plurima pronunciant, ut ante demon-  
stratum est.

Causa maxima hâc in parte hæsi-  
tandi & errandi una fuisse mihi vide-  
tur, cordis cum pulmone in homine  
contextus. Cùm venam ibi arteria-  
lem in pulmones oblitterari & simil

ter arteriam venosam, conspexissent :  
unde aut quomodo dexter ventricu-  
lus in corpus distribueret sanguinem,  
aut sinister è venâ cavâ exhauriret,  
obscurum admodum illis erat. Hoc  
attestantur Galeni verba, *libr. de placi-*  
*dis Hippoc. & Plat. 6.* (dum contra Era-  
stratum de venarum origine & usu,  
& sanguinis coctione, invehitur.) Re-  
spondebitis (inquit) ita esse effectum, ut  
in jecore sanguis præparetur, atque inde  
in cor deferatur, ibi postea reliquam pro-  
pria formæ perfectionem absolutam acce-  
pturus: quod profecto ratione vacare non  
videtur. Nullum enim perfectum & ma-  
gnum opus repente unâ aggreſsione fieri,  
totamque suam expolitionem ab uno in-  
strumento acquirere potest. Quod si ita  
est, ostendite nobis vas aliud, quod è cor-  
de sanguinem absolutè perfectum educat,  
etque ipsum ut arteria spiritum, in to-  
tum corpus dispenset. Ecce opinionem  
rationabilem non approbasse, & re-  
liquisse Galenum, quia (præter-  
C 3 quam

quam quod viam transitus non videbat) vas reperire non poterat, quod in totum corpus è corde sanguinem dispenset.

Si quis verò ibidem pro *Erasistrato*, vel pro illâ & nunc nostrâ opinione, (ipsius confessione *Galen*i) aliâs rationi consentanea, instaret, & arteriam magnam sanguinem, è corde in universum corpus dispensantem digito demonstrasset; quid divinus ille vir, ingeniosissimus & doctissimus responderet, miror, si arteriam spiritus dispensare & non sanguinem diceret? profecto *Erasistratum* non refelleret satis, si in arteriis spiritus duntaxat contineri arbitraretur, sed sibi ipsi contradiceret, & id turpiter negaret, quod libro proprio acriter contendit, contra eundem *Erasistratum*, & multis validisque argumentis comprobat, & experimentis demonstrat, quod sanguis contineatur in arteriis naturâ, & non spiritus.



Sin verò (divinus vir uti facit eodem loco sæpius) concederet, omnes arterias corporis à magnâ arteriâ oriri, & hanc à corde; quin etiam in ipsis omnibus sanguinem natura contineri, & deferri; & valvulas illas tres sigmoides in orificio aortæ positas, regressum sanguinis in cor prohibere, professus; & quod has natura nequaquam præstantissimo visceri constituisset, nisi maximum aliquod ministerium illæ fuissent exhibituræ. Si (inquam) hæc omnia, & his ipsissimis verbis concederet Pater Medicorum, (uti facit *recitato libro*), quomodo negare posset, arteriam magnam istiusmodi vas esse, quod sanguinem (jam absolutam suam perfectionem adeptum) è corde in universum corpus dispenset, non video. An adhuc forsan hæsitaret, (ut omnes in nunc usque diem post ipsum,) quod, propter contextum, ut dixi, cordis cum pulmone, non videret vias, per quas sanguis è venis in arterias transferri posset?

Quod dubium etiam Anatomicos (dum semper in dissectionibus inveniunt arteriam venosam, & sinistrum ventriculum cordis repletos sanguine, eoque crasso, grumescente, atro,) non mediocriter perturbat; cùm sanguinem, è dextro ventriculo in sinistrum, per septum cordis, transfundere, coacti sint affirmare: sed hanc viam antea refutavi.

Nunc itaque via paranda est & aperienda, qua inventa, nulla erit difficultas, quæ quempiam (credo) inhiabit, quo minus quæ ante proposui (de pulsu cordis, & de dispensatione sanguinis in universum corpus per arterias) concedere & agnoscere faciliè posset.

## C A P. VI.

*Quibus viis sanguis, è venâ cavâ in arterias, vel è dextro ventriculo cordis in sinistrum deferatur.*

Cum errandi occasionem præbuisse probabile sit, quam in homine

mine vident (ut dixi) cordis cum pulmone connexionem : in hoc peccant, qui de partibus animalium (uti vulgo omnes Anatomici faciunt) quidpiam pronunciare & demonstrare, aut cognoscere volunt, quod unum tantum hominem, eumque mortuum introspiciant, & sic tanquam qui una reipubl. formâ perspectâ, disciplinam politicam componere, aut unius agri naturam cognoscentes, agriculturam se scire opinantur, nihilo plus agunt, quàm si ex unâ particulari propositione, de universali syllogizare, darent operam.

Veruntamen, si in dissectione cæterorum animalium æquè versati essent, ac in humani cadaveris anatomicæ exercitati, res hæc (quæ in dubio omnes perplexos retinet) palam absque omni difficultate, mea sententia elucesceret.

In piscibus, in quibus unus tantum ventriculus cordis (ut non habenti-

bus pulmones) res primum satis manifesta est. Vesicam enim sanguinis, in basi cordis positam, auriculæ nimirum analogon, sanguinem in cor immittere, eundemque cor denuo per fistulam sive arteriam, vel arteriæ analogon, apertè transmittere, tum visu, tum secta arteria (exinde sanguine singulâ pulsatione cordis profiliante) oculis palam confirmari posse constat.

Idem etiam in omnibus animalibus, quibus unus duntaxat ventriculus, vel quasi unus contigit, non difficile est cernere; ut in bufone, rana, serpentibus, lacertis; quæ etsi pulmones aliquo modo habere dicantur, ut quæ vocem habent (de quorum pulmonum artificio admirando, & de cæteris ejusmodi, permultas apud me observationes habeo, quæ non sunt hujus loci) tamen ex autopsiâ eodem modo in illis è venis in arterias sanguinem pulsu cordis traduci, palam est:

est: quæ via tam patens, aperta & manifesta est, ut nulla difficultas, nullus hæsitandi sit locus. In his enim perinde se res habet atque in homine; si septum cordis perforatum, aut ademptum esset, aut unus ex utrisque fieret ventriculus, nemo credo dubitaret, quâ viâ sanguis è venis in arterias transire posset.

Cùm verò major numerus animalium non habentium pulmones sit, quam habentium; & similiter major numerus sit, unum tantum ventriculum cordis, quàm habentium duos: proclive est statuere in animalibus ἐπὶ τὸ πλὸν ut plurimum, & in universum, sanguinem apertâ viâ è venis in arterias per cordis sinum transmitti.

Consideravi mecum, quod etiam in embryonibus iis, qui pulmones habent, idem apertissimè constet: nam in fœtu vasa cordis quatuor (videlicet vena cava, vena arteriosa, arteria venalis, & aorta, sive arteria magna)

alio modo uniuntur, quàm in adulto :  
quod omnes Anatomici norunt satis.

Primus contactus & unio venæ cavæ cum arteria venosa (quæ fit priusquam cava, in dextrum ventriculum cordis, se aperiat, aut venam coronalem emittat, paululum supra egressum ab hepate) anastomosim lateralem exhibet, hoc est, foramen amplum, patens, ovali figurâ pertusum, è cavâ in arteriam illam pervium; ita ut (tanquam per unum vas) per illud foramen sanguis de venâ cavâ in arteriam venosam, & auriculam cordis sinistram, usque in ventriculum sinistrum, liberrimè & copiosissimè dimanare possit. Insuper in illo foramine ovali, è regione, quâ arteriam venosam respicit, operculi instar membrana tenuis & dura est, foramine major, quæ postea in adultis, operiens hoc foramen & coalescens undique, istud omnino obstruit & prope obliterat. Hæc, inquam, membrana sic  
con-

not.  
Dig:



constituta est, ut, dum laxè in se concidit, faciat ad pulmones & cor viam, resupinetur, & sanguini à cavâ affluenti cedat quidem, at ne rursus in cavam refluat, impediat. Ut liceat existimare, in embryone sanguinem continuo debere per hoc foramen transire de venâ cavâ in arteriam venosam, inde in auriculam sinistram cordis, & postquam ingressus fuerit, remeare nunquam posse.

Altera unio est venæ arteriosæ (quæ fit postquam vena illa, è dextro ventriculo egressa, in duos dividitur ramos) estque tanquam, duobus dictis, tertius truncus & quasi canalis arteriosus, ab hinc in arteriam magnam obliquè ductus & perforatus: ut in dissectione embryonum quasi duæ aortæ, vel duæ radices arteriæ magnæ è corde exorientes, appareant.

Canalis hic in adultis similiter sensim attenuatur, tabescit, & penitus tandè, ut vena umbilicalis, exsiccatur & aboletur.

Ille

Iste canalis arteriosus nullā membranam in se habet, sanguinis motum hinc, vel illinc impredientem. Sunt enim in orificio illius venæ arteriosæ (cujus iste canalis, uti dixi, propago est) valvulæ sigmoides tres, quæ intus foras spectant, & sanguini, è dextro ventriculo hâc viâ in magnam arteriam fluenti, cedunt facilè; contra verò ab arteriâ quidquam, aut à pulmonibus, in dextrum ventriculum ad amussim clausum, remeare omnino impediunt. Ut hic etiam arbitrari consentaneum sit in embryone, dum cor sese contrahit continuo sanguinem è dextro ventriculo hac via in arteriam magnam invchi.

Quòd vulgo dicitur, has duas uniones tam magnas, patentes & apertas, nutriendorum pulmonum causa, factas fuisse tantum, & in adultis (cùm jam pulmones propter calorē & motum, copiosius nutrimentum desiderant) aboleri & consolidari, commentum

tum improbable est & malè cohærens.

Similiter, quod dicant, cor in embryone feriari & nihil agere, nec movere, atque hinc natura hos transitus facere, alendorum pulmonum causa, coacta sit, falsum est: cùm in ovo, cui gallina incubuit, & in embryonibus recenter ex utero exsectis, autopsiâ pateat, tum cor movere, sicut in adultis, tum naturam nullâ tali necessitate urgeri.

Cujus motus non solum hi oculi sæpe testes, sed & *Aristoteles* attestatur ipse (*l. de spir. 3.*) *Pulsus* (inquit) *per initia statim in constitutione cordis emergit, quod in sectione vivorum, & pulli formatione ex ovo deprehenditur. Quin & observamus has vias (tam in hominum genere, quam in cæteris animalibus) non solum apertas & patentes esse, usque ad tempus partus (ut annotarunt Anatomici) sed etiam per multos post menses, imo in aliquibus*  
per

per aliquot annos, ne dicam toto vitæ curriculo; veluti in anseribus, buccagine & avibus plurimis & animalibus, præsertim in minoribus. Quæ res imposuit forsan Botallo, ut assereret, se novum transitum sanguini, de venâ cavâ in sinistrum ventriculum cordis invenisse: fateor, me quoque (cùm in mure majori jam adulto hoc primum ipse reperi,) tale quid statim existimasse.

Ex quibus intelligitur, in embryone humano, quin & in aliis, in quibus istæ uniones non abolentur, id ipsum accidere; ut cor suo motu, per patentissimas vias, sanguinem de venâ cavâ in arteriam magnam, apertissimè traducat, per utriusque ventriculi ductum. Dexter siquidem sanguinem ab auriculâ recipiens, inde per venam arteriosam & propaginem suam (canalem arteriosam dictam) in magnam arteriam propellit. Sinister similiter, eodem tempore, mediante auriculæ motu,

motu, recipit sanguinem (in illam sinistram auriculam deductum, scilicet per foramen ovale, è venâ cavâ) & tentione suâ, & constrictione, per radicem aortæ, in magnam itidem arteriam simul impellit.

Ita in embryonibus (dum pulmones otiantur, & nullam actionem aut motum habent, quasi nulli forent) natura duobus ventriculis cordis quasi uno utitur, ad sanguinem transmittendum. Et similis est conditio embryonum pulmones habentium, (dum adhuc pulmonibus non utuntur) ac est eorum animalium, qui pulmones non habent.

Itaque tam clarè in his etiam elucescit veritas, quod cor suo pulsû sanguinem, è venâ cavâ, in arteriam magnam traducat & transfundat, perque tam patentes & apertas vias, ac si in homine, quod dixi, ambo ventriculi (eorum septo adempto) ad invicem pervii essent facti.

Cùm

Cùm itaque majori ex parte animalibus omnibus, quodam tempore, patentissimæ istæ extent viæ, quæ transmissioni sanguinis per cor inserviunt: restat ut inquiramus. Aut, cur in quibusdam animalibus (ut in homine) iisque calidioribus & adultis, per pulmonum substantiam illud fieri non existimemus, quod in embryone natura antea fecit, per eas vias (illo tempore, quo pulmonum nullus erat usus) quas, ob defectum transitus per pulmones, coacta videbatur facere?

*Quæst.* Aut, cur melius sit (natura enim semper quod est melius, facit) in adolescentibus, sanguinis transitui naturam omnino occlusisse vias patentes illas, quibus antè in embryone & foetu usa fuerat, & omnibus aliis animalibus utitur, neque alias ullas pro illo sanguinis transitu aperuisse, sed sic omnino impedire?

Ita jam eo res cessit, ut has in homine quærentibus vias (quibus sanguis,



guis, è venâ cavâ in sinistrum ventriculum & arteriam venosam, permeat) majus operæ pretium sit, & rectè magis factum videatur, cùm ex dissectione animalium, veritatem investigare velint, ut causam inquirant, cur in majoribus & perfectioribus animalibus, iisque adultis, natura sanguinem transcolari per pulmonum parenchyma potius velit, quàm, ut in cæteris omnibus, per patentissimas vias: & tum, nullam aliam viam & transitum excogitari posse, intelligent. Sive hoc fiat, quod majora & perfectiora animalia sint calidiora, cumque sint adulta, eorum calor magis (sic dicere liceat) ut igniatur & suffocetur, sit proclivis, & ideo transnare, & trajici per pulmones, ut inspirato aëre contemperetur, & ab ebullitione & suffocatione vindicetur, opus sit, sive quid aliud tale. Sed hæc determinare, & rationem hujus reddere, nihil aliud agere est, quam propter

propter quid pulmones facti sunt, speculari.

Haftenus de his, horumque usu & motu, de eventatione omni, aërisque necessitate & usu, & cæteris hujusmodi; de variis etiam & differentiis organis, hujus causa in animalibus factis: quæ licet multis & quam plurimis observationibus à me deprehensa sint, tamen, ne nimium à proposito, de motu & usu cordis, hoc loco aberrando, aliud agere, stationem relinquere, remque interturbare & subterfugere videar; hæc proprio tractatu convenientius exponenda relinquam: & quæ restant, ut ad propositum scopum revertar, confirmare pergam.

In perfectioribus itaque & calidioribus animalibus, iisque adultis (ut in homine) sanguinem de dextro ventriculo cordis per venam arteriosam in pulmones, & inde per arteriam venosam in sinistram auriculam, & subinde

inde in ventriculum cordis finistrum permeare, primum posse, deinde ita fieri ostendam.

## CAP. VII.

*Sanguinem, de dextro ventriculo cordis, per pulmonum parenchyma, permeare in arteriam venosam, & finistrum ventriculum.*

**F**ieri autem hoc posse, & nihil esse quo minus fiat, satis constat, cum, quomodo aqua per terræ substantiam permeans, rivulos & fontes procreet, consideremus; aut, quomodo per cutem sudores, per parenchyma renum urina fluat, speculemur.

Animadvertendum est in iis, qui aquis Spadensibus utuntur, vel *de la Madonna* (ut ajunt) in agro Patavino, vel aliis acidulis, aut vitriolatis, & ad congios ingurgitant potum, quod una aut altera hora, per vesicam emingant totum: debet ista copia

pia aliquantulum in concoctione immorari; debet per jecur (ut, singulis diebus bis, ingesti alimenti succum omnes confitentur facere) debet per venas, per renum parenchyma, per ureteres in vesicam profluere.

Sunt qui negant posse sanguinem, imo totam massam sanguineam, per pulmonum substantiam, æquè ac succus alimentalis per jecur, permeare; tanquam impossibile & nullo modo credibile. Existimo, quod hoc genus hominum (cum Poëta loquor) ubi volunt, concedant facilè, ubi nolunt, nullo modo; iidem hic ubi opus est verentur, ubi nihil opus, ibi non verentur simile affirmare.

Jecoris parenchyma densius multo est, & similiter renum, quàm pulmonum, quod rarioris multo texturæ, & si renibus & jecori conferantur, spongiosæ sunt.

In jecore nullum impellens, nulla vis cogens; in pulmone ex pulsu dextri

tri ventriculi cordis impingitur sanguis ; cujus impulsu distendi vasa, & porositates pulmonum necesse est. Præterea pulmones in respirando elevantur & concidunt (*Galenus de usu part.*) quo motu necesse est, ut porositates & vasa aperiantur & claudantur ; ut in spongiis contingit, & in omnibus particulis habentibus constitutionem spongiosam, quando constringuntur, si non rursus dilatantur. Contra jecur quiescit, nec ita dilatari & constringi visum est.

Denique si per jecur, totum ingestorum succum, in venam cavam, tam in homine, quàm in bove, & maximis animalibus, pertransire posse, nemo sit qui non asserat ; præterea quod pertransire aliqua nutrimentum, & permeare in venas sit necesse (si fieret nutritio) cumque nulla alia extet via, ut proinde hoc affirmare coacti sint : cur non iisdem argumentis, de transitu sanguinis in adultis  
per

per pulmones, fidem similē habent? & cum *Columbo* peritissimo, doctissimoque *Anatomico* idem asserunt & credunt, ex amplitudine & fabricā vasorum pulmonum? arteria enim venosa, & similiter ventriculus, repleti sint semper sanguine, quem ē venis huc venisse necesse est, nulla alia, quā per pulmones, semita: ut quod ille, & nos, ex antē dictis & autopsiā, aliisque argumentis, palam esse existimamus.

Sed quia aliqui sunt, qui nil, nisi adductis auctoritatibus, admittunt; iidem ex ipsius etiam *Galenī* verbis, hanc veritatē confirmari posse sciunt; scilicet, non solum posse sanguinem, ē venā arteriosā in arteriam venosam, & inde in sinistrum ventriculum cordis, & postea in arterias transmitti; sed, ex continuo pulsu cordis, & pulmonum motu inter respirandum, hoc fieri.

Sunt in orificio venæ arteriosæ,  
val-



valvulæ tres sigmoides, sive semi-lunares, quæ omnino sanguinem, in illam venam arteriosam immissum, non sinunt remeare in cor; quod omnes norunt.

Harum valvularum necessitatem & usum Galenus his verbis explicat, (de usu part. 6. cap. 10.) In toto est (inquit) mutua Anastomosis, atque osculorum apertio arteriis simul cum venis; transmuntque ex sese pariter sanguinem & spiritum, per invisibiles quasdam atque angustas planè vias. Quod si os ipsum venæ arteriosæ itidem semper patuisset, nullamque natura invenisset machinam, quâ claudere ipsum, cum est tempestivum, ac rursus aperire queat; fieri nunquam potuisset, ut per invisibilia, atque exigua oscula, sanguis (contracto thorace) in arterias transumeretur. Neque enim similiter omnis ex quovis attrahitur, neque emittitur: sed quemadmodum quod leve est, facilius eo quod gravius, dilatatis instrumentis attrahitur, iisdem autem contractis exprimi-

D

tur:

tur: ita & per latam viam celerius aliquid, quàm per angustam trahitur ac rursus emittitur. Cum autem thorax contrahitur, pulsæ atque intro compressæ undique fortiter, quæ in pulmone sunt venosæ arteriæ, exprimunt quidem quam celerrime, qui in seipsis est, spiritum; transumunt autem per subtilia illa oscula sanguinis portionem aliquam, quod nunquam accidisset profecto, si sanguis per maximum os (cujusmodi est venæ arteriosæ) ad cor retro remeare potuisset. Nunc verò reditu per os magnum intercluso, dum comprimitur undique, destillat quidpiam in arterias per exigua illa orificia. Et paulò post sequitur. Quanto thorax contendit vehementius sanguinem elidens, tanto membrana (videlicet valvula sigmoides) exactius os ipsum occludunt, & nihil remeare sinunt. Quod & eodem Capitulo 10. paulò antè. Nisi valvula essent, triplex sequeretur incommodum; ita sanguis ipse frustra longum hoc curriculum subinde emitteretur: in Diastolis quidem pulmonis, adfluens & (qua

& (quæ in ipso sunt) venas omnes refarciens; in Systolis verò, quasi æstus quidam maritimus, instar Euripi, motum identidem, huc atque illuc reciprocans; qui haudquaquam sanguini conveniret: at hoc videri posset exiguum. Quod verò interim ipsius quoque respirationis utilitatem labefactet, id non amplius pro parvo est habendum, &c. Et paulò post: Atque etiam tertium secutum fuisset incommodum, haudquaquam contemnendū, cum sanguis retro in expirationibus remigrasset, nisi opitex noster membranarum Epiphysin fuisset fabricatus. Unde concludit Capit. II. Communis autem ipsorum omnium, videlicet valvularum, est usus, ut materias retro remigrare prohibeant; utrarumque verò proprius, educentium quidem è corde materias, ne amplius ad ipsum remeant; inducentium verò, ne amplius ex ipso emanant. Non enim volebat natura vano labore cor fatigari, neque in eam partemmittere, unde trahere præstiterat, neque rursus ex illâ identidem ducere, ad quam

mittere erat necesse. Proinde cùm sint quatuor omnino orificia, bina in utroque ventriculo, alterum quidem inducit, alterum verò educit. Et paullò post: Porro cùm vas alterum, quod tunica simplici constat, in cor infigatur, alterum, quòd duplici ex ipso producat: communem utrique locum, (videlicet ventriculum dextrum Galenus intelligit, & ego eàdem ratione similiter sinistrum ventriculum cordis) quasi lacunam quandam, parari necesse fuit, ad quam pertinentibus utrisque, per alterum quidem trahatur sanguis, per reliquum verò emittatur.

Quod argumentum Galenus, pro transitu sanguinis per dextrum ventriculum de venâ cavâ in pulmones, adducit; eodem nobis rectius, pro transitu sanguinis, de venis per cor in arterias, mutatis tantum terminis, uti liceat. Ex Galeni igitur, viri divini, patris Medicorum, locis & verbis clarè apparet, sanguinem per pulmones de venâ arteriosâ, in arteria

teriarum venosarum ramulos permeare, tum propter pulsum cordis, tum propter pulmonum & thoracis motum. (Vide Hofmanni doctissimi Commentarium supra Galeni libr. 6. de usu part. quem librum postquam hæc à me scripta essent, vidi.)

Ex eodem patet cor continuè in ventriculos, quasi lacunam, recipere & emittere sanguinem; & huic rei pro causa, valvularum genera quatuor, duo inductioni, emissioni sanguinis duo inservire; ne aut sanguis Euripi in morem, inconvenienter agitur huc, illuc; aut retro remeet, unde trahi præstiterat; & ex illâ refluat parte, ad quam mitti erat necesse; ne sic vano labore fatigetur, & pulmonum respiratio præpediatur.

Denique clarè apparet assertio nostra, continuè & continenter sanguinem per pulmonum porositates permeare, de dextro in ventriculum

sinistrum, de venâ cavâ in arteriam magnam. Nam cùm continuo, de dextro ventriculo immittatur sanguis in pulmones per venam arteriosam; & similiter continue è pulmonibus in sinistrum attrahatur, (quod ex dictis & valvularum positione patet) quin pertranseat continue, fieri non potest.

Itidem, cùm semper & continue ingrediatur sanguis in cordis ventriculum dextrum & egrediatur, similiter de sinistro ventriculo, (quod ratione & sensu patet) quin continuo pertranseat sanguis de venâ cavâ in aortam, impossibile est.

Illud igitur in animalibus, majori ex parte & planè omnibus, dum primum crescunt, per patentissimas fieri vias, ex dissectione manifestum est; quod in his jam adultis per pulmonum cæcas porositates & vasorū ejus oscula, tam ex *Galen*i verbis, quàm ex ante dictis, fieri, æquè manifestum est.



est. Unde apparet, quod quanquam unus ventriculus cordis, videlicet sinister, sufficiens esset sanguinis dispensationi per corpus & educationi è venâ cavâ, (quemadmodum etiam fit in omnibus quæ pulmonibus carent) natura, cùm voluerit sanguinem per pulmones transcolari, dextrum ventriculum superaddere coacta fuerit, cujus pulsu, per ipsos pulmones, è venâ cavâ in sinistri ventriculi locum, sanguis compelleretur; atque hoc modo, dextrum ventriculum, pulmonum causâ, scilicet propter translationem sanguinis, non propter nutritionem duntaxat, factum esse dicendum. Quandoquidem, tanto provenitu annonæ, compulso subministrato, & tanto puriore & spirituosiore (utpote immediatè à ventriculis cordis subvecto) indigere alimento pulmones magis, quàm aut cerebri purissimam substantiam, aut oculorum splendidissimam & divinam constitu-

tionem , aut ipsius cordis carnem ;  
(quæ rectius per arteriam coronalem  
nutritur ) inconueniens omnino est  
existimare.

## C A P. VIII.

*De copia sanguinis transeuntis , per  
cor è venis in arterias , & de  
circulari motu sanguinis.*

**H**Uc usque de transfusione san-  
guinis è venis in arterias , & de  
viis per quas pertranseat , & quomo-  
do pulsu cordis , transmittatur dispen-  
seturque : quorum forsàn aliquis ,  
qui antea sunt aut *Galen*i auctoritate ,  
aut *Columbi*, aliorumve rationibus , ad-  
ducti , assentiri se dicent. Nunc ve-  
rò , quæ restant de copiâ & proventu  
istius pertranseuntis sanguinis , (licet  
valdè digna consideratu) cùm dixe-  
ro ; adeò iis nova erunt & inaudita ,  
ut non solum ex invidiâ quorundam ,  
metuam malum mihi , sed verear , ne  
habeam inimicos omnes homines.

Tan-

Tantum consuetudo, aut semel imbibita doctrina, altisque defixa radicibus, quasi altera natura, apud omnes valet, & antiquitatis veneranda opinio cogit. Utcumque sit, jam jacta est alea, spes mea in amantium veritatis & doctorum animorum candore sita.

Sanè cùm, copia quanta fuerit, sæpius mecum & serio considerassem; tum ex vivorum ( experiendi causa ) dissectione & arteriarum apertione, disquisitioneque multimoda; tum ex ventriculorum cordis, & vasorum ingredientium & egredientium symmetria & magnitudine; (cùm natura nihil faciens frustra, tantam magnitudinem, proportionabiliter his vasibus frustra nō tribuerit) tum ex concinno & diligenti valvularū & fibrarum artificio, reliquaue cordis fabrica; tum ex aliis multis: cùmque animo diutius evolvissem, quanta scilicet esset copia transmissi sanguinis; quam brevi

tempore ea transmissio fieret; anne suppeditare ingesti alimenti succus eam posset; animadverti tandem, venas inanitas & omnino exhaustas, & arterias ex alterâ parte, nimia sanguinis intrusione, disruptas fore; nisi sanguis aliquâ viâ ex arteriis denuo in venas remearet, & ad cordis dextrum ventriculum regrederetur.

Coepi egomet mecum cogitare, an motionem quandam quasi in circulo haberet: quam postea veram esse reperi, & sanguinem, è corde per arterias, in habitum corporis & omnes partes, protrudi & impelli, à sinistri cordis ventriculi pulsu (quemadmodum in pulmones per venam arteriosam à dextri) & rursus per venulas in venam cavam, & usque ad auriculam dextram remeare; quemadmodum ex pulmonibus per arteriam dictam venosam, ad sinistrum ventriculum, ut antè dictum est.

Quem motum circularem eo pacto  
nomi-

nominare liceat, quo *Aristoteles*, aërem & pluviam circularem superiorum motum æmulari, dixit. Terra enim madida à Sole calefactâ evaporat; vapores sursum elati condensantur; condensati in pluvias rursum descendunt; terram madefaciunt; & hoc pacto fiunt hic generationes & similiter tempestatum & meteororum ortus, à Solis circulari motu, accessu & recessu.

Sic verisimiliter contingit in corpore, motu sanguinis, partes omnes sanguine calidiore, perfectio, vaporoso, spirituofo, (& ut ita dicam) alimentativo nutriri, foveri, vegetari; in partibus sanguinem refrigerari, coagulari, & quasi effœtum reddi; inde ad principium, videlicet, cor, tanquam ad fontem sive ad lares corporis, perfectionis recuperandæ causa, reverti; ibi calore naturali, potenti, fervido, tanquam vitæ thesauro, denovo colliquari; & spiritibus (ut ita

84 " *Exercitatio Anatomica I.*

dicam) tanquam balsamo prægnantem, inde rursus in omnes partes dispensari; atque hæc omnia à motu & pulsu cordis dependere.

Ita cor principium vitæ & Sol microcosmi (ut proportionabiliter Sol cor mundi appellari meretur) cujus virtute & pulsu sanguis movetur, perficitur, vegetatur, & à corruptione & grumefactione vindicatur, suumque officium nutriendo, fovendo, vegetando, toti corpori præstat lar iste familiaris, fundamentum vitæ, auctor omnium. Sed de his convenientius, cum de hujusmodi motus causa finali speculabimur.

Hinc, cum venæ sint viæ quædam, & vasa deferentia sanguinem, duplex est genus ipsarum; cava & aorta; non ratione lateris (ut *Aristoteles*) sed officio; & non (ut vulgò) constitutione, cum in multis animalibus (ut dixi) in tunicæ crassitie, vena ab arteriâ non differat, sed munere & usu  
distin-



distinctæ sunt. Vena & arteria, ambæ à Veteribus Venæ non immerito dictæ, ut *Galenus* annotavit; eo quod hæc, videlicet arteria, vas est deferens sanguinem, è corde in habitum corporis; illa sanguinem ab habitu rursus in cor; hæc, via à corde; ad cor usque, illa; illa continet sanguinem crudiores, effæctum, nutritioni jam redditum inidoneum; hæc, coctum, perfectum, alimentativum.

C A P. I X.

*Esse sanguinis circuitum, ex primo  
supposito confirmato.*

**S**ed ne, verba dare nos, dicat quispiam, & assertiones speciosas tantum facere sine fundamento, & non justâ de causâ innovare: tria confirmanda veniunt, quibus positis, necessario hanc sequi veritatem, & rem palam esse arbitror.

Pri-

Primò, continuè & continenter, sanguinem è venâ cavâ in arterias, in tantâ copiâ, transmitti pulsu cordis, ut ab assumptis suppeditari non possit, adeò ut tota massa brevi tempore illinc pertranseat.

Secundò, continuè æquabiliter & continenter sanguinem, in quodcunque membrum & partem, pulsu articularum, impelli & ingredi, majori copia multo, quàm nutritioni necessarium sit, vel tota massa suppeditari possit.

Et similiter tertio, ab unoquoque membro, ipsas venas, hunc sanguinem perpetuò retroducere ad cordis locum.

His positis, sanguinem circumire, revolvi, propelli & remeare, à corde in extremitates, & inde in cor rursus, & sic quasi circularem motum peragere, manifestum puto fore.

Supponamus (vel cogitatione, vel experimento) quantû sanguinis, sinister

ster ventriculus in dilatatione (quum repletus sit) contineat sive  $\frac{3}{2}$  ij, sive  $\frac{3}{2}$  iij, sive  $\frac{3}{2}$  j  $\beta$ , ego in mortuo reperi ultra  $\frac{3}{2}$  ij.

Supponamus similiter, quanto minus in ipsâ contractione, vel quando sese contrahit cor sit, & quanto minorem ventriculus capacitatem habeat in ipsâ contractione, tanto minus continere, atque inde quantum sanguinis in arteriam magnam protrudatur: (protruditur in Systole enim aliquid semper, quod antè demonstratum est cap. 3. & omnes fatentur, ex fabricâ valvularum persuasi) verisimili conjectura ponere licet, in arteriam immitti partem vel quartam vel quintam, vel sextam, & ad minimum octavam.

Ita in homine protrudi, singulis cordis pulsibus, supponamus  $\frac{3}{2}$   $\beta$ , vel  $\frac{3}{2}$  iij, vel  $\frac{3}{2}$  j sanguinis, qui, propter impedimentum valvularum, in cor remeare non potest.

Cor

Cor una semihora plus quam mille pulsus facit; imo in aliquibus, & aliquando bis, ter, vel quater mille. Jam multiplicatis drachmis, videbis una semihora aut millies drachmas tres, vel drachmas duas, aut uncias quinquies centum, aut talem aliquam proportionatam quantitatem sanguinis, per cor in arterias transfusam; quæ major est copia quàm in universo corpore contingat reperiri. Similiter in ove, aut cane, si pertransit (esto) scrupulus unus, in unâ cordis contractione; tum una semihora mille scrupuli vel circiter libræ tres & semî sanguinis transeunt, in quorum corpore plerumque non continetur plus quatuor libris sanguinis; quod in ove expertus sum.

Ita penè, supputatione facta, secundum quam nimirum conjectare possumus transmissi sanguinis copiam, enumeratis pulsationibus, videtur omnis quantitas sanguineæ massæ pertransire,

ire, de venis in arterias per cor, similiter per pulmones.

Sed esto, quod non una semihora, sed integra, vel unâ die, utcumque velis, fiat; manifestum est plus sanguinis per cor, ejus pulsu transmitti continuè, quam vel ingestum alimentum suppeditare, vel in venis simul contineri possit.

Nec est dicendum, quod cor in suâ contractione aliquando protrudat, aliquando non, vel quasi nihil & imaginarium quid. Hoc à me antè refutatum est, & præterea sensui contrarium est & rationi. Si enim, dilatato corde, repleti necesse est ventriculos sanguine; contracto, necesse est protrudere semper & non parum, cùm & ductus non parvi & contractio non pauca sit: in quavis propulsione portio sanguinis exclusi, (videlicet, subtripla, sextupla, vel suboctupla) debet respondere quantitati prius contentæ, & in dilatatione replenti;

uti

uti se habet capacitas contracti ventriculi ad dilatati: quemadmodū eum in dilatatione non contingit repleri nihilo, vel imaginario, ita in contractione nunquam nihil, vel imaginarium expellit, sed semper aliquid secundum proportionem contractionis. Quare concludendum, si uno pulsu in homine, vel ove, vel bove, cor emittat drachmam unam, & mille fiant pulsus in una semihora, contingere eodem tempore, libras decem & uncias quinque transmissas esse; si uno pulsu drachmas duas, ℥ xx & ⅔ x; si semi-unciam, ℥ xlj, & ⅔ viij; si ⅓, ℥ lxxxij & ⅓ iiij contingere in unâ semihora transfusas (inquam) esse de venis in arterias.

Sed quantū, in unoquoque, protrudatur singulis pulsationibus, & quando plus, & quando minus, & quā de causâ, accuratius post hæc, ex multis observationibus, à me forsan palam fiet.

Inte-



Interim hoc scio, & omnes admonitos velim, quod aliquando uberiori copia pertransit sanguis, aliquando minore; & sanguinis circuitus quandoque citius, quandoque tardius peragitur, secundum temperamentum, ætatem, causas externas & internas, & res naturales & non naturales, somnum, quietem, victum, exercitia, animi pathemata, & similia.

Verum enimverò, cum per pulmones & cor, vel minimâ copiâ trans-  
eat sanguis, longè uberiori proventu, in arterias & totum corpus deducitur, quàm ab alimentorum ingestione suppeditari possibile sit, nisi regressu per circuitum facto.

Hoc etiam palam fit sensu, vivorum dissectionem intuentibus, non solum aperta magna arteria, sed (quod confirmat *Galenus*, in ipso homine) si quævis vel minima arteria dissecta fuerit, unius penè semihoræ spatio, totam sanguinis massam, è toto corpore

pore, tam venis quàm arteriis, exhaustam fore.

† Similiter Laniones, hoc satis attestari possunt, quando, rescissis arteriis jugularibus, in mactando bove, unius horæ quadrante minus; totam sanguinis massam exhauriunt, & vasa omnia inanita reddunt: in membrorum excisione & tumorum, ex largâ sanguinis profusione, itidem comperrimus aliquando brevi contingere.

✱ Nec astringit hujus argumenti vim, quod, per venas effluere (in jugulatione & in membrorum excisione) æque sanguinem, si non magis, quàm per arterias, dicat quispiam, cùm contra se res habeat. Venæ enim quia subsidunt, quia in ipsis nulla vis cogens foras, & quia impedimento valvularum compositio est (ut postea patebit) parum admodum reddunt: arteriæ verò impetu impulsam sanguinẽ foras, largius, impetuosius, tanquam cum syphone ejectum, profundunt.

Ex-

Experienda res est : omiffa vena & incifa jugulari arteriâ in ove, vel canine; admirabile videbitur, quanto impetu, quantâ protrufione, quam cito, omnem fanguinem, è toto corpore, tam venis, quàm arteriis, contingat inaniri.

Arterias autem nullibi fanguinem è venis recipere, nifi transiffione facta per cor, ex ante dictis, patet. Quare, ligando aortam ad radicem cordis, & aperiendo jugularem, vel aliam arteriam, fi arterias inanitas & folum venas repletas confpexeris, mirari non convenit.

Hinc caufam apertè videbis, cur in Anatome tantùm fanguinis reperiatur in venis, parum verò in arteriis; cur multum in dextro ventriculo, parum in finifiro; caufa forfan eft, quod, de venis in arterias, nullibi datur tranfitus, nifi per cor ipfum & per pulmones.

Hæc res forfan antiquis dubitandi præ-

præbuit occasionem & existimandi, spiritus solos in illis concavitatibus contineri, dum vitæ superstes animal esset.

Cùm enim expiraverint pulmones & moveri desiverint, de venæ arteriosæ ramulis in arteriam venosam, & inde in sinistrum ventriculum cordis, sanguis permeare prohibetur; cùmque unà cum pulmonibus cor non desinat moveri, sed postea pulsare & supervivere pergat; contingit sinistrum ventriculum & arterias emittere, in venas ad habitum corporis sanguinem & per pulmones non recipere, ac proinde inanitas ire.

Sed hoc nec uno cordis ventriculo donatis, nec quibus uterque pro uno inservit (ut in embryone notatum antea est) accidit: iis non prohibetur, ob defectum pulmonum motus, oscula & porositates cæcas & invisibiles aperientis & cludentis, sanguinis transitus; dum is per apertas manifestasque

tasque anastomoses (foramen ovale & ductum arteriosum) perfluat.

Quod in rem nostram non parum facit fidei, cum hujus nulla alia causa (nisi quam nos ex nostrâ suppositione asserimus) adduci possit.

Præterea hinc patet, quo magis, aut vehementius arteriæ pulsant, eo citius, in omni sanguinis hæmorrhagia, inanitum iri corpus.

Hinc etiam in omni lipothymia, omni timore, & hujusmodi, quando cor languidius & infirmius, nullo impetu pulsant, omnem contingit hæmorrhagiam sedari & cohiberi.

Hinc etiam est, quod corpore mortuo, postquam cor cessavit pulsare, non possit, vel è jugularibus, vel cruralibus venis & arteriis apertis, ullo conatu, massæ sanguineæ plus quàm pars media elici. Nec lanio, si bovi (postquam ejus caput percusserit, & attonitum reddiderit) jugulum prius non secuerit, quàm cor pulsare desierit,

*not.  
Dig.*

rit, totum sanguinem exhaurire inde poterit.

Denique, hinc, de Anastomosi venarum & arteriarum (ubi sit & quomodo sit, & quâ de causâ) neminem hactenus rectè quidquam dixisse, licet suspicari, ego in illâ disquisitione jam sum.

## C A P. X.

*Primum suppositum (de copia pertrans-*  
*euntis sanguinis è venis in arterias,*

*Esse sanguinis circuitum) ab*  
*objectionibus vindicatur,*

*Experimentis ulte-*  
*rius confirmatur.*

**H**Actenus primum suppositum confirmatum est, siue res ad calculum revocetur, siue ad experimenta & autopsiam referatur. Videlicet: quod sanguis pertranseat in arterias, majori copia continue, quàm ab alimento suppeditari possit, ita ut,  
tota



tota massa brevi spatio illac pertrans-  
eunte, necesse sit, ut circuitus fiat &  
sanguis regrediatur.

Verùm si quis hic dicat, quod ma-  
gna copia possit pertransire, & non  
necesse circuitum fieri, cùm ab as-  
sumptis refarcire contingat; & exem-  
plo esse lactis in mammis proventum:  
vacca enim unâ die lactis congios <sup>a gallon</sup>  
tres, vel quatuor, vel septem, vel am-  
plius reddit; mulier itidem duas vel <sup>a pint</sup>  
tres heminas alendo infantem unum <sup>3 p 4</sup>  
vel duos, singulis diebus præbet, quod <sup>passim</sup>  
ab assumptis restitui manifestum est.  
Respondendum, quod cor tantundem <sup>Resp.</sup>  
vel amplius, una hora vel altera, com-  
putatione factâ, remittere, constet.

Sin verò nondum persuasus, insta-  
ret usque, dicendo; quod, licet dis-  
secta arteria, quasi data & aperta via;  
præter naturam contingat sanguinem  
cum impetu effundi; non tamen  
deo contingere, integro corpore &  
non dato exitu & arteriis plenis vel

E

secun-

secundum naturam constitutis, tantam copiam pertransire tam brevi spatio, adeò ut regressum fieri sit necesse. Respondendum, quod, ex ante dictâ computatione, subductâ ratione, apparet, quantum cor repletum ulterius contineat in suâ dilatione quàm in constrictione, tantundem (majori ex parte) singulis pulsationibus emitti, & proinde in tanta copia, pertransire integro corpore, & secundum naturam constituto.

\* Sed in serpentibus & piscibus quibusdam, ligando venas per aliquod spatium infra cor, videbis spatium inter ligaturam & cor valde cito inaniri, ita ut regredi sanguinem (nisi autopsiam neges) asserere necesse habeas. Posterius etiam idem clarè patebit in secundi suppositi confirmatione.

Hæc omnia, uno exemplo confirmantes, concludamus, quo fidē oculis propriis adhibere unusquisque possit.

Qui

Qui anguem vivum dissequerit, videbit plus quàm per integram horam cor placidè, distinctè pulsare, & sese tanquam vermem in constrictione (cùm oblongum sit) secundum longitudinem contrahere & propellere; in Systole albidiori colore esse, contra in Diastole; & reliqua penè omnia, quibus evidenter (cùm hic longiora & distinctiora magis sint) hanc veritatem confirmatam iri diximus.

Sed hoc peculiariter & luce clarius meridiana experiri licet: vena cava partem inferiorem cordis subingreditur, exit arteria parte superiori; jam comprehensa vena cava vel tenaculis, vel digito & pollice, sanguinisque cursu intercepto, per aliquod spatium infra cor, videbitur, à pulsu statim penè inaniri illam partem intra digitos & cor; sanguine exhausto à cordis pulsu, simul cor albidiori multo colore esse; etiam in dilatatione suâ, ob defectum sanguinis, minus esse,

& languidius tandem pulsare, sic ut emori denique videatur: cùm contra statim, soluta vena, color & dilatationis magnitudo redeant cordi.

Postea si relinquas venam; & arterias similiter, per aliquam distantiam à corde, ligaveris vel compresseris; videbis contra, illas vehementer turgere in parte comprehensâ, & cor ultra modum distendi, purpureum colorem contrahere usque ad livorem, & tandem opprimi sanguine, sic ut suffocatum iri credas: soluto verò vinculo, rursus ad naturalem constitutionem, in colore & magnitudine pulsus redire cerneres.

Ecce jam duo sunt genera mortis, extinctio ob defectum, & suffocatio ob copiam: hic ad oculos utriusque exemplum habere licet, & dictam veritatem autopsia in corde confirmare.

## CAP. XI.

*Secundum suppositum confirmatur.*

**S**ecundum confirmandum à nobis, quod ut clarius intuentibus appareat, annotanda sunt experimenta quædam, ex quibus patet sanguinem in quodcunque membrum per arterias ingredi, & per venas remeare; & arterias vasa esse deferentia sanguinem à corde, & venas vasa & vias esse regerendi sanguinis ad cor ipsum: in membris etiam & extremitatibus sanguinem (vel per anastomosin immediatè, vel mediatè per carnis porositates, vel utroque modo) transire ab arteriis in venas; sicut ante in corde & thorace à venis in arterias; unde in circuitum moveri, illinc huc, & hinc illuc, è centro in extremâ scilicet, & ab extremis rursus ad centrum, manifestum fit.

Postea quin etiam, computatione factâ, similiter manifestum ibidè est,

de copia, quod neque ab assumptis possit suppeditari, neque ad nutritionem necessario requiratur.

Simul etiam de ligaturis manifestum est, quomodo eæ attrahant; quod neque calore, neque dolore, neque vi vacui, neque ulla, ante hac cognita, causa fieri potest: similiter ligaturæ quam commoditatem & usum afferre possint in medicinâ; quomodo hæmorrhagiam supprimant & provocent; & quâ de causâ gangrenas & mortificationes membrorum inducant; & sic in castratione animalium quorundam, & tumorum carnosorum & verrucarum exemptione usui sint.

Enimverò, quia nemo harum omnium causas & rationes rectè affectus sit, hinc factum est, licet omnes ferè, ex antiquorum sententiâ, in morbis curandis, proponant & consulant ligaturas; quod pauci, earum administratione, curationibus suis vix aliquid adjumenti afferant.

Liga-



Ligatura alia stricta est, alia mediocris.

Strictam ligaturam dico, cum ita arcte undiq; constrictum membrum sit fascia, vel laqueo, ut, ultra ipsam ligaturam nullibi, arterias pulsare percipiat. Tali utimur in membrorum excisione, fluxui sanguinis prospicientes: tali etiam utuntur in castratione animalium, & tumorum ablatione; qua ligatura, affluxu alimenti & caloris omnino intercepto, tabescere & emori testiculos, atque ingentes sarcos, & postea decidere, videmus.

Mediocre verò dico ligaturam, quæ undique membrum comprimit, sed citra dolorem: & sic, ut ultra ligaturam aliquantulum arteriam pulsare sinat; qualis, in attractione & in sanguinis missione usui est: nam licet supra cubitum fiat ligatura, tamen, arterias in carpo aliquantulum pulsare, tactu percipies, si rectè in phlebotomiâ fiat ligatura.

Jam experimentum fiat in brachio hominis, vel adhibita fascia quali in sanguinis missione utuntur, vel ipsius manus fortiore comprehensione; quod quidem commodius fit in macilento corpore, cui venæ sunt ampliores, & quando (calefacto corpore) calent extrema, & major quantitas sanguinis in extremitatibus est, & pulsus vehementiores; omnia enim ibi evidentiora apparebunt.

Facta itaque stricta ligatura (quam arcte fieri, & quis eam ferre, possit, constringendo) observare licet, primum, ultra ligaturam videlicet versus manum, non pulsare in carpo vel uspiam arteriam; deinde, immediate supra ligaturam incipere arteriam, altius suam diastolem habere, & magis vehementius pulsare, &, prope ipsam ligaturam, æstu quasi quodam intumescere (ac si fluxum interceptum & transitum inhibitum perrumpere & referare conaretur) magisque quam  
par

par sit, ibi repletam apparere: interea manus suum colorem retinet & constitutionem; solum tractu temporis refrigerari aliquantulum incipit, nihil verò attrahitur in eam.

Postquam per aliquod spatium permanferit ista ligatura & derepente paululum solvatur in mediocrem, quali, ut dixi, in sanguinis missione utuntur: observabitur manum totam statim colorari & distendi, & ejus venas tumidas & varicosas fieri; & spatio decem vel duodecim pulsationum arteriam, multo sanguine impulso atque impacto, refertissimam cerni, & ab illâ ligaturâ mediocri, multam copiam sanguinis affatim attractam iri absque dolore vel calore, vel fuga vacui, vel ulla alia antehac commemorata causa.

Si quis interea, in ipso illius solutionis momento, prope ligaturam, digitum ad arteriam jam pulsantem

applicaverit, quasi subtus præterlabentem sanguinem sentiet.

Ipse porro, cujus in brachio sit experimentum, ab ipsâ mutatione ligaturæ strictæ in mediocrem, planè calorem & sanguinem pulsu ingredientem, quasi remoto obstaculo, illico sentiet; & aliquid, secundum ductum arteriarum, tanquam confestim inflatum & sparsim per manum transmissum, percipiet, & continuo calefieri manum & distendi.

*N.B.* Quemadmodum in strictâ ligaturâ, arteriæ supra distenduntur & pulsant, non infra, & venæ minores fiunt; ita in mediocri, venæ infra ligaturam turgent & renitentes fiunt, supra verò nequaquam, & arteriæ minores sunt. Imo, si venas tumidas compresseris, (nisi valdè fortiter) vix, aut supra ligaturam sanguinem diffundi, aut venas detumeri, conspicias.

Ita ex his, cuivis diligentius observanti, facile est noscere, sanguinem in-

ingredi per arterias : ipsarum enim strictâ ligaturâ nihil attrahitur, manus colorem servat, nihil influit, neque fit distensio; ipsis verò paululum solutis (ut in mediocri ligatura) vi & impulsu affatim sanguinem intus trudi, manumque tumidam fieri, manifestum est. Ubi sanguis profluit, ut in mediocri ligaturâ, arteriæ pulsant scilicet; ubi verò non, ut in strictâ, pulsant nequaquam, nisi supra ligaturam. Interim venis compressis, nihil per ipsas refluerè potest; cujus hoc est signum, quod infra ligaturam tumidiores multo sunt, quàm supra, & quàm dempta ligatura solent esse. Hinc quod compressæ, nihil superioribus suggerant, & quod ligatura impediât regressum sanguinis per venas ad superiora, easque infra ligaturam tumidas faciat permanere, clarè patet.

Arteriæ verò in isto casu, non obstante mediocri ligatura, vi & impulsu

cordis, ab internis corporis partibus, foras ultra ligaturam, sanguinem trudent. Hæc est differentia strictæ ligaturæ à mediocri, quod illa (stricta ligatura) non solum transitum sanguinis in venis, sed in arteriis intercipiat; hæc (quæ mediocri) vim pulificam, quo minus ultra ligaturam se exporrigat, ad extimasque corporis partes propellat sanguinem, non impediat.

Adeo ut sic ratiocinari liceat: mediocri ligaturâ quando venas turgidas & distentas esse & manum plurimo sanguine impleri videmus, unde fit hoc? Aut enim per venas aut per arterias, aut per cœcas porositates, infra ligaturam sanguis advenit: è venis, non potest: per cœcos ductus, minus: ergo per arterias, secundum quod dictum, necesse est. Per venas influere non posse, patet; cùm non retro sanguinem remeare contingat supra ligaturam, nisi ablatâ omninò  
liga-



ligaturâ: sed tunc subito omnes venas detumescere, & sese in superiores partes exonerare, manum dealbari, & sursum omne prius collectum & tumorem & sanguinem affatim evanescere, videtur.

Amplius; sentiet ipse, cui ita post multum spatium ligatum corpus aut brachium erat, & manus tumidæ pauloque frigidiores inde redditæ; sentiet (inquam) de solutione mediocris ligaturæ, frigidum quid sursum, usque ad cubitum vel axillas, obrepere, unâ scilicet cum revertente sanguine: quem ego frigidi sanguinis refluxum (post sanguinis missionem) ad cor usque (soluta vinculo) causam esse lipothymiaë arbitrarer; quam etiam robustis aliquando supervenire vidimus, & maximè à solutione ligaturæ: quod vulgò dicunt à conversione sanguinis fieri.

Præterea, cum statim, à solutione strictæ ligaturæ, in mediocri immis-

missione sanguinis per arterias, continuo venas intumescere videmus infra ligaturam comprehensas, non autem arterias; signum est sanguinem ab arteriis in venas, & non contra, permeare; & aut anastomosin vasorum esse, aut porositates, carnis & partium solidarum, pervias sanguini esse.

Item signum est, venas plurimas inter sese communicare, cum, ligatura mediocri supra cubitum facta, multæ attollantur simul & turgeant, ex unâ verò venulâ, scalpello exitu sanguini dato, omnes statim detumescant, & in illam unam sese exonerantes, subsidant simul penè omnes.

Hinc unusquisque potest causas attractionis, quæ fit per ligaturas, & forsan omnis fluxionis, cognoscere; videlicet (quemadmodum in manu, per ligaturam, quam dico medio-crem) quando compressæ sunt venæ sanguis exire non potest; interea si  
per

per arterias vi (scilicet cordis) impingatur, dum non potest exire inde, ut repleatur & distendatur pars, necesse est.

Alias enim qui fieri posset? Calor, dolor & vis vacui attrahunt quidem, sed ut impleatur tantum pars, non ut distendatur, aut tumefiat ultra naturalem constitutionem: sed ob infarctum & arcte impactum vi sanguinem, tam violenter & tam subito opprimi membrum, ut caro continui solutionem pati, & vasa disrumpi cernantur, nunquam tamen hoc aut calore, aut dolore, aut vi vacui fieri posse, credibile aut demonstrabile est.

Insuper ligatura contingit attractionem fieri, absque omni dolore, calore, aut ullâ vi vacui. Quod si à dolore aliquo accideret sanguinem attrahi: quo modo ad cubitum, ligato brachio, infra ligaturam, intumescerent & manus & digiti, & venæ vari-

varicosæ fierent ? Cùm propter ligaturæ compressionem eò pervenire sanguis per venas non possit : atque quare supra ligaturam, neque tumoris aut repletionis signum, neque venarum turgescentiæ, neque attractionis aut affluxus vestigium omnino appareret ?

Sed est attractionis infra ligaturam, & tumefactionis ultra naturæ modum, in manu & digitis, hæc causa manifesta, nempe, quod sanguis cum impetu & affatim ingrediatur, exire verò nequeat. Hinc omnis tumoris causa (ut est apud *Avicen.*) & omnis redundantia opprimentis in parte ; quia viæ ingressus apertæ, egressus clausæ, inde humorem abundare, & in tumorem partem attolli necesse est.

An hinc etiam contingat in tuberculis inflammatoriis, quod quousque tumor incrementam capescit, & non sit in ultimo statu, sentiatur eo loci pul-

pulsus plenus, præsertim calidioribus tumoribus, in quibus incrementum derepente fieri solet, posterioris disquisitionis erit: uti an etiam hinc contingat, quod in me ipso casu expertus sum. Ego è curru delapsus, aliquantum fronte percussus, quo loco arteriæ ramulus à temporibus prorepat, statim ab ipsâ percussione, spatio ferè viginti pulsationum, tumorem ovi magnitudine, absque vel calore vel multo dolore, passus sum; propter videlicet arteriæ vicinitatem, in locum contusum, sanguis, affatim magis & velocius, impingebatur.

Hinc apparet, quâ de causâ in phlebotomiâ, quando sanguinem longius profilire & majori impetu exire volumus, supra sectionem ligamus, non infra; quod si per venas inde efflueret tanta copia à partibus superioribus, ligatura illa non modo non adjuvaret, sed impediret: etenim inferius ligandū verisimilius esset, quo sanguis

in-

inhibitum uberius exiret, si ex partibus superioribus eo per venas descendens emanaret. Sed quia aliunde per arterias impellitur in venas inferiores, in quibus regressus per ligaturam præpeditur, ideo venæ turgent, & distentæ ipsum majori impetu per orificium elidere & longius ejicere possunt; soluta verò ligaturâ, viaque regressus aperta, ecce sanguis non amplius, nisi guttatim decidit; & quod omnes norunt, si vel vinculum solveris in administranda phlebectomia, vel infra ligaveris, vel stricta nimis ligatura membrum constrinxeris, tum tamquam ablato impetu non exit: quia scilicet via, ingressus & influxus sanguinis per arterias, intercepta est stricta illa ligatura; aut regressus liberior datur, per venas, ligatura soluta.



## CAP. XII.

*Esse sanguinis circuitum, ex secundo supposito confirmato.*

**H**Æc cùm ita sint, constat confirmatum iri etiam aliud, quod antea, per cor continuo sanguinem transire, dicebam. Videmus enim in corporis habitu, ab arteriis sanguinem in venas dimanare, non è venis in arterias: videmus insuper vel penè totam massam sanguinis exhauriri posse ab ipso brachio (idque una vena cuticulari scalpello aperta, si fiat ligatura decens:) videmus præterea, ita impetuose & affatim effundi, ut non solum brevi & cito evacuari, qui ante sectionem, in brachio infra ligaturam, comprehensus erat sanguis, sed ex toto brachio & toto corpore, tam arteriis quàm venis, constet.

Quare confiteri necesse est primo; vi & impetu suppeditari, & vi impingi

pingi ultra ligaturam; (vi enim & impulsu exit) & proinde à cordis pulsu & robore; vis enim & impulsio sanguinis solum à corde.

Deinde, à corde provenire hunc fluxum, &, per cor transitu factò è venis magnis, hâc effluere, similiter confiteri necesse; cùm intra ligaturam sanguis per arterias ingreditur, non per venas, & arteriæ nusquam sanguinem è venis recipiunt, nisi è sinistro ventriculo cordis.

Neque omnino aliter, ex unâ venâ (factâ supra ligaturâ) tanta copia exhauriri ullo modo potuisset, præsertim tam impetuosè & affatim, tam facilè, tam subito, nisi à cordis vi & impulsu consecutio fiat, dicto modo.

Si hæc ita sint, de copia computationem facere, & de circulari motu sanguinis argumentari, apertissimè possumus. Si etenim in phlebotomiâ (eo quo solet prorumpere effusione & impetu) aliquis per semihoram provenire

venire sineret sanguinem , nulli dubium , quin maximâ ipsius parte exhaustâ , lipothymiâ & syncope adventarent , & non solum arteriæ , sed & venæ magnæ penè inanitæ forent : transire ergo rationabile est , semihoræ illo spatio , tantundem è venâ magnâ per cor in aortam.

Ulterius si quot unciae per unum brachium perfluant , vel quot in viginti vel 30 pulsationibus intra mediocrem ligaturam truantur sanguinis , supputares ; daret profecto estimandi copiam , quantum per aliud brachium interea , per utrumque crus , per collum utrinque , & per alias omnes arterias & venas corporis pertranseat ; & quod his omnibus , fluxus , qui per pulmones & cordis ventriculos fit , novum continuo sanguinem suggerere , & per venas circuitum facere necessario debeat ; cum tanta quantitas nec suppeditari ab assumptis possit , sed longe major sit ,  
quàm

quàm partium nutritioni conveniat.

Amplius observandum ; quod in administranda phlebotomia quandoque contingat, hanc veritatem confirmari. Nam, rectè brachium quam ligaveris, & scalpello debito modo dissecueris, apto orificio & omnibus ritè administratis ; tamen si timor, aut quævis alia causa, aut animi pathema lipopsychia adveniat, ut cor languidius pulset, nullo modo sanguis exhibit, nisi guttatim : præsertim si ligatura strictior paulò facta sit.

Ratio est, quia compressam arteriam languidior pulsus & impellens vis infirmior recludere & sanguinem infra ligaturam trudere, non valet : imo per pulmones deducere, aut è venis in arterias copiosè transferre, enervatum & languidum cor non potest.

Sic eodem modo, & eisdem de causis contingit, mulierum menstrua,  
& om-

& omnem hæmorrhagiam sedari.

Ex contrariis etiam hoc patet; quoniam, redintegrato animo, amoto metu, cum ad se redeunt, jam aduucto robore pulsificante, arterias statim vehementius pulsare (etiam in parte ligatâ) in carpo moveri, & sanguinem per orificium longius profiliere, continuo videbitur.

### C A P. XIII.

*Tertium suppositum confirmatur, & esse sanguinis circuitum, ex tertio supposito.*

**H**Actenus de copia pertranseuntis sanguinis in cor & pulmones, centrum corporis, & similiter ab arteriis in venas & habitum corporis. Restat, ut explicemus, quomodo per venas ab extremitatibus, ad cor retro sanguis remeet, & quomodo venæ sint vasa deferentia eundem, ab extremitatibus ad centrum: quo

quo facto, tria illa proposita fundamenta pro circuitu sanguinis, fore aperta, vera, stabilia, & ad fidem sufficientia faciendam, existimamus.

Hoc autem, ex valvularum, quæ in venarum cavitatibus reperiuntur, usu, & ocularibus experimentis, satis erit apertum.

Clarissimus *Hieron. Fabr. ab Aquapend.* peritissimus Anatomicus & venerabilis senex, (vel, ut voluit doctissimus *Riolanus, Jac. Silvius*) primus in venis membraneas valvulas delineavit, figura sigmoïdes vel semilunares, portiunculas tunicæ interioris venarum, eminentes & tenuissimas. Sitæ sunt distantibus in locis, vario modo in variis hominibus, ad venarum latera connatæ, sursum, versus radices earum, spectantes, & in mediâ capacitæ ambæ (ut plurimum enim duæ sunt) se invicem respicientes, atque debite contingentes, ut extremitatibus coherere, copularique aptæ sint; &, ne



&, ne quid à radice venarum in ramos, vel à majoribus in minores remearet, omnino impedian: ita sitæ sunt, ut sequentium cornua, præcedentium convexorum media (& sic versis vicibus) respiciant.

Harum valvularum usum inventor non est affecutus, neque alii, qui dixerunt, ne pondere deorsum sanguis in inferiora subito ruat, creatas. Sunt namque in jugularibus deorsum spectantes, & sanguinem sursum prohibentes ferri: nam ubique spectant, à radicibus venarum, versus cordis locum.

Ego, ut alii etiam, aliquando reperi in emulgentibus & ramis mesenterii, venam cavam & portam spectantes. Adde insuper, quod in arteriis nullæ sint; & notandum, quod canes & boves omnes habeant valvulas, in divisione cruralium venarum, ad principium ossis sacri, vel in ramis iliacis prope coxendicem, in quibus,  
F. nil

nil tale timendum, propter erectam (ut in homine) staturam.

Nec ob metum apoplexiæ (ut alii dicunt) sunt in jugularibus valvulæ; quia materia, in somno, per arterias soporales, influere in caput prona est.

Nec ut sanguis in divaricationibus subsistat, nec in ramos exiles, vel in magis apertos, & capaces totus irruat; nam positæ etiam sunt ubi nullæ divaricationes; licet frequentiores conspiciantur, (fateor) ubi divaricationes sunt.

Nec ut motus sanguinis à centro corporis retardetur; verisimilius enim est tardè satis suâ sponte, è majoribus in minores ramulos intrudi, à massâ & fonte separari, aut è locis calidioribus in frigidiora migrare.

Sed omnino valvulæ factæ sunt, ne, à venis magnis in minores, moveretur sanguis, & sic illas dilaceraret, aut varicosas efficeret; néve à centro corporis in extremâ, sed potius ab

extre-

extremitatibus ad centrum progredetur. Itaque ab hoc motu valvulæ tenues facilè occluduntur, & sibi contrarium omnino supprimunt: sic enim positæ & ordinatæ, ut si quid per cornua superiorum minus prohiberetur transitu, sed quasi per rimas elabere-  
tur, convexitas subsequantium trans-  
versim posita id exciperet, & sisteret ne ulterius transiret.

Ego illud sæpissimè in dissectione expertus sum, si, à radice venarum initio facto, versus exiles ramos specillum immitterem (quanto potuerim artificio) ob impedimentum valvularum longius impelli, non potuisse, contra verò forinsecus à ramulis radicem versus, facillimè.


Pluribus in locis, valvulæ binæ ad invicem ita positæ & aptatæ sunt, ut ad amussim (dum eleventur) in mediâ venæ cavitate cohereant & uniantur, extremitatibus & convexis, invicem; ut neque visu cernere, neque

fatis explorare rimulam aut coïtum  
 liceat: contra verò forinsecus intro  
 immisso stylo cedunt, & (valvularum,  
 quibus cursus fluminum inhihentur,  
 in morem) facillimè reclinantur, ut  
 motum sanguinis, profectum à cor-  
 de & venâ cavâ, intercipient, & ad  
 amussim pluribus in locis (elevatæ  
 invicem dum clauduntur) omnino in-  
 hibeant & supprimant; neque sur-  
 sum ad caput, neque deorsum ad pe-  
 des, neque ad latera brachii, sangui-  
 nem à corde moveri (ita sunt consti-  
 tutæ) usquam sinant; sed motui om-  
 ni sanguinis, qui a majoribus venis  
 auspicatus in minores desinit, adver-  
 sentur & obsistant: ei verò qui à ve-  
 nis exilibus incipiens in majores de-  
 sinit, obsecundent, liberamque & pa-  
 tentem viam expediant.


Sed quo veritas hæc apertius elu-  
 cescat; ligetur brachium supra cubi-  
 tum vivo homini, tanquam ad mit-  
 tendum sanguinem; A A: per inter-

valla

valla apparebunt, præcipuè in rusti-  
cis & varicosis, tanquam nodi quidam  
& tubercula, B, C, D D, E, F, non  
solum ubi est divaricatio, E, F, sed  
etiam ubi nulla; [ C, D, ] & isti no-  
di à valvulis fiunt. Hoc modo appa-  
rentibus in interiore parte manus vel  
cubiti, si à nodo O, inferius, polli-  
ce vel digito comprimendo, sangui-  
nem deduxeris ad H secundæ figu-  
ræ, videbis nullum (inhibente omni-  
no valvula) subsequi posse; & venæ  
portionem (H, O, secundæ figu-  
ræ) intra tuberculum & digitum de-  
tractum, obliteratam, & tamen, su-  
pra tuberculum vel valvulam (O, G,)   
fatis distentam; immo si ita detra-  
ctum sanguinem & venam inanitam  
(H) retinueris, & alterâ manu ve-  
næ (O, tertiæ figuræ) partem supe-  
riorem distentam, deorsum compres-  
seris (K tertiæ) nullâ vi cogi aut im-  
pelli trans valvulam (O,) posse vi-  
debis; sed quanto majori conatu, hoc







feceris, videbis tanto magis ad valvulam vel tuberculum ( O tertiæ ) venam turgentem, distentam, & tamen inferius vacuum esse ( H, O, tertiæ figuræ.)

Hoc, cùm pluribus in locis experiri quis possit, apparet valvularum officium in venis idem esse, cum sigmoidum & tricuspidum, quæ in orificio aortæ & venæ arteriosæ fabrefactæ sunt; videlicet, ut ad amissum claudantur, ne retro sanguinem transcurrentem remeare sinant.

Præterea ligato brachio uti prius ( A, A, ) & venis turgentibus, si infra tuberculum aliquod sive valvulam, venam firmaveris per aliquod spatium, ( L 4, ) & postea sanguinem fursum, usque supra valvulam ( N, ) digito ( M, ) compuleris, vacuum illam partem venæ permanere videbis ( L, N, ) nec retro per valvulam regredi posse; ( H, O, 2 figuræ ) ablato verò digito ( H tertiæ, vel L quar-

tæ figuræ) rursus repleri ab inferioribus, & esse ut (D, C, primæ) ut hinc sursum, ab inferioribus ad superiora & ad cor, sanguinem moveri in venis & non contrario modo, planè constet.

Licet aliquibus in locis à valvulis, quæ non ita ad amussim clauduntur, aut ubi unica solum est, transitus sanguinis à centro non videatur prorsus impediri; tamen ut plurimum ita apparet; vel saltem, quod alicubi negligentius fieri visum est, illud, ex subsequantium in ordine valvularum, vel frequentia, vel diligentia, vel alio modo videtur compensari; adeo ut venæ, viæ patentes & apertæ sint, regredienti sanguini ad cor, progredienti verò à corde omnino occlusæ.

Notandum hoc insuper, ligato ut prius brachio & venis turgentibus, apparentibus nodis sive valvulis, si infra aliquam valvulam, in loco ubi subsequentem inveneris, pollicem, qui venam firmet, applicueris, ne quid à

130 *Exercitatio Anatomica I.*

à manu sursum sanguinis progredia-  
tur ; digito tum sanguinem ab illâ  
venæ portione, sursum supra valvulam  
[ L, N ] exprime ; ut ante dictum est :  
& ablato digito [ L ] finito rursus re-  
pleri ab inferioribus, ut [ D , C , ]  
& rursus premente pollice , identi-  
dem, sursum, exprime sanguinem [ L,  
N, & H , O, ] & hoc millies in bre-  
vi tempore facito.

Jam si rem supputaveris, quantum  
unâ compressione, sursum moveatur  
valvulam supprimendo, & facta per  
numerum millenarium multiplicatio-  
ne, tantum sanguinis hoc modo per  
unius venæ partem, in non longo tem-  
pore, transmissum reperies, ut de  
circuitu sanguinis, & ab ejus cele-  
ri motu, te persuasissimum sensurus  
sis.

Sed ne hoc experimento naturæ  
vim afferri dicas ; in longe distanti-  
bus valvulis, illud si feceris, obser-  
vaverisque ablato pollice, quam cito,  
& quam

& quam celeriter, sanguis sursum recurrat, & venam ab inferiori parte repleat, illud ipsum exploratum tibi fore non dubito.

C A P. XIV.

*Conclusio demonstrationis de sanguinis circuitu.*

**I**Am denique nostram de circuitu sanguinis sententiam ferre, & omnibus proponere liceat.

Cum confirmatum sit, rationibus & ocularibus experimentis, quod sanguis, per pulmones & cor, pulsu ventriculorum pertranseat, & in universum corpus impellatur & immittatur, atque in venas & porositates carnis obrepat, & per ipsas, undique de circumferentiâ ad centrum, ab exiguis venis in majores reimeet; unde in venam cavam, ad auriculam cordis tandem veniat, tanta copia, tanto fluxu, refluxu, hinc per arterias illuc, & il-

hinc per venas huc retro, ut ab assumptis suppeditari non possit, atque multo quidem majori (quam conveniret nutritioni) proventu: necessarium est concludere, circulari quodam motu, in circuitum, agitari in animalibus sanguinem & esse in perpetuo motu; & hinc fieri actionem sive functionem cordis, qua pulsum peragit, & denique, motus & pulsus cordis, causam unicam esse.

## C A P. XV.

*Sanguinis circuitus rationibus verisimilibus confirmatur.*

**S**Ed hoc etiam subungere non abs re fuerit, quod secundum communes quasdam ratiocinationes, ita est conveniens & necessarium. Primum (*Aristot. de respirat. & libr. 2. & 3. de partibus animalium & alibi*) cum mors sit corruptio propter calidi defectum & viventia omnia calida, mortua frigida



gida sint, locum & originē esse oportet caloris, (quasi lares focusque) quo naturæ fomes & primordia ignis nativi, contineantur & conserventur; à quo calor & vita in omnes partes, tanquam ab origine, profluant; alimentum adveniat, concoctio & nutritio & omnis denique vegetatio, dependeat.

Hunc autem locum, unde principium vitæ, cor esse (eo quo dictum est modo) neminem velim dubitare.

Sanguini itaque motu opus est, atque tali, ut ad cor rursus revertatur; nam in externas corporis partes amandatus, longe (ut *Arist. 2. de partib. animal.*) à suo fonte, immotus coagularetur: motu enim in omnibus calorem & spiritus generari & conservari videmus, quiete evanescere. Cum itaque sanguis in externis partibus subsistens, à frigore extremorū & aëris ambientis geletur & spiritibus (uti in mortuis) destituatur: ut rursus  
à fonte

134 *Exercitatio Anatomica I.*

à fonte & origine, tam calorem quam spiritus, & omnino præſervationem ſuam repetat, & revertendo redintegret neceſſe eſt.

Videmus, à frigore exteriore, extremitates aliquando algere, ut lividi & naſus & manus & genæ, quaſi mortuorum, appareant; quia ſanguis in ipsis (qualis cådaverum, locis proniſ, ſolet decumbere) conſiſtat: unde membra adeo torpida & ægrè mobilia evadunt, ut vitam penè amiſſiſſe videantur. Nullo modo proſecto ruruſ (præſertim tam cito) calorem, colorem & vitam recuperarent, niſi novo ab origine affluxu & appulſu caloris foverentur. Attrahere enim quomodo poſſent, quibus calor & vita penè extincti ſunt? aut quibus meatuſ condenſati, & gelato ſanguine repleti, quomodo advenienuſ admitterent alimentum & ſanguinem, niſi contentum dimitterent? niſi omnino cor eſſet hujuſmodi principium, unde  
diſis

(his refrigeratis) remanarent vita & calor (ut *Aristot. respirat. 2.*) & unde novo, per arterias transmissio sanguine calido, spiritibus imbuto, quod frigefactum & effœtum est propelleretur, & omnes particulæ, calorem languidum & vitalem fomitem penè extinctum, repararent?

Hinc ita est, ut cæteris omnibus partibus & vitam restitui, & sanitatem recuperari, corde illæso, contingere possit: corde verò vel refrigerato, vel vitio gravi aliquo affecto, totum animal pati & corruptum iri necesse est. ¶ 2.

Quando principium corrumpitur & patitur, nihil est (ut *Aristot. 3. de partib. animal.*) quod aut ipsi, aut cæteris quæ ab ipso pendeant, præbere auxilium potest.

Hinc obiter forsan petenda ratio est, cur in cœrore, amore, invidiâ, curis & hujusmodi confectis, tabes & extenuatio contingant, aut caco-  
chymia

mia & proventus cruditatum, quæ morbos plurimos inducunt & homines conficiunt: omne namque animi pathema, quod cum dolore & gaudio, spe, aut anxietate humanas exagitat mentes, & ad cor usque pertingit, & ibi mutationem à naturali constitutione, intemperie & pulsu & reliquis facit, illud in principio totum alimentum inquinando & vires infirmando, minimè mirum videri debet, quod varia genera morborum incurabilium, in membris & corpore, subinde procreet; quandoquidem totum corpus, in illo casu, vitiato alimento & inopia calidi nativi, laborat.

*2da Arg.* Præter hæc cum alimento vivant omnia animalia interius concocto, necesse est concoctionem perfectam esse, simul & distributionem; & proinde locum & conceptaculum, ubi perficiatur alimentum & unde derivetur in singula membra. Hic locus  
autem

autem cor est; cùm solum ex omnibus partibus (quamvis in venâ & arteriâ coronali privato usui) in cavitatibus suis tanquam in cisternis, & promptuario (auriculis scilicet & ventriculis) publico usui, sanguinem contineat: reliquæ omnes partes, sui ipsius tantum causa & privato usui, in vasis duntaxat, habeant. Adde: cor solum ita situm & constitutum est, ut inde pulsu suo, in omnes partes (idque secundum justitiam & proportionem cavitatum arteriarum, unicuique particulæ inservientium) æqualiter dispenset, distribuât, & indigentibus (quasi è thesauro & fonte) hoc modo largiatur.

Amplius; ad hanc distributionem & motum sanguinis, impetu & violentia opus est & impulsore, quale cor est. Adde; sanguis sponte suâ versus principium (quasi pars ad totum, vel gutta aquæ sparsæ super tabulam ad massam) facile concentratur & coit:

It.

& coit: uti celerrime à levibus causis solet scilicet frigore, timore, horrore & hujusmodi aliis.

*not.* Præterea, è venis capillaribus in parvas ramificationes & inde in majores exprimitur motu membrorum & à musculorum compressione: proclivis etiam est & magis pronus sanguis, ut à circumferentiâ moveatur in centrum, quam contra, quoniam valvulæ impedimento nullæ sunt. Unde sequitur; si principium relinquit, & loca stricta & frigidiora init, & contra spontaneum movetur sanguis, violentia opus habere & impulsore: tale cor solum est, quod dictum est modò.

## C A P. XVI.

*Sanguinis circuitus ex consequentibus probatur.*

**S**unt insuper problemata, quæ, ex hac veritate suppositâ, tanquam con-



consequentia, ad fidem faciendam  
(veluti à posteriore) non sunt inutilia,  
hæc licet multâ ambiguitate & ob-  
scuritate involutâ videantur esse: ta-  
men & rationem & causas assignari  
facile patiuntur.

Videmus in contagione, ictu ve-  
nenato, & serpentum aut canis rabidi  
morsu, in lue venereâ, & hujusmodi,  
illæsa particula contacta, tamen to-  
tum habitum contingere vitari: lues  
venerea, illæsis aliquando genitali-  
bus, primo omnium vel scapularum,  
vel capitis dolore, vel aliis sympto-  
matibus, sese prodere solet. Vulne-  
re, factò à morsu canis rabidi, cura-  
to, febrem tamen & reliqua horren-  
da symptomata supervenisse experti  
sumus. Quoniam, in particulam im-  
pressum contagium, unâ cum rever-  
tente sanguine ad cor ferri & totum  
corpus postea inquinare posse, hinc  
patet. In tertianæ febris principio,  
morbifica causa cor petens, circa cor  
& pul-

*L. B.*

& pulmones quando immoratur, anhelosos, suspiriosos & ignavos facit quia principium aggravatur vitale & sanguis in pulmones impingitur, incrassatur, non transit (hoc ego ex dissectione illorum qui in principio accessionis mortui sunt, expertus loquor) tunc semper pulsus frequentes, parvi & quandoque inordinati sunt; ab adaucto verò calore, attenuata materia, apertis viis & transitu factò, incallescit universum corpus, pulsus majores fiunt & vehementiores, ingravescente paroxysmo febrili. Calor, scilicet, præter-naturalis accensus in corde, inde in totum corpus per arterias diffunditur, unà cum materiâ morbificâ, quæ eo modo à naturâ exsuperatur & dissolvitur.

*St.* Cùm etiam exterius applicata medicamenta vires intro exerceant suas, ac si intro sumpta essent, (colocynthis & aloë ventrem solvunt, cantharides urinas movent, allium plantis pedum

edum alligatum expectorat & cor-  
dialia roborant, & hujus generis infi-  
nita) hinc constat forsan non irratio-  
nabiliter dici, venas per orificia, ab  
exterioribus admotis, absorbere aliquid  
& intro cum sanguine deferre, non  
alio modo, quàm illæ in mesenterio,  
ex intestinis chylum exsugunt & ad  
hepateum unà cum sanguine apportant.

In mesenterio etiam sanguis, per  
arterias cœliacas, mesentericam su-  
perioiorem & inferiorem, ingressus ad  
intestina progreditur: à quibus, unà  
cum chylo in venas attracto, per illa-  
rum frequentissimas ramificationes in  
portam hepatis revertitur, & per ipsum  
in venam cavam. Sic contingit, ut san-  
guis, in his venis, eodem sit imbutus  
& colore & consistentia, quàm in reli-  
quis, contra quam plures opinantur.

Nā duos contrarios motus in capil-  
lari propagine, chyli sursum, sangui-  
nis deorsum, convenienter & proba-  
biliter fieri, existimare necesse esset.

Sed

Sed an non summa naturæ providentia hoc fit? si enim chylus cum sanguine, crudus cum concocto, æquis portionibus confunderetur, non concoctio, transmutatio & sanguificatio exinde proveniret; sed magis (cùm invicem activa & passiva sint) ex alterorum unione mistio, & medium quid, (ut in confusione vini cum aquâ oinocraton;) jam verò quando multo cum præterlabente sanguine, exigua portio chyli hoc modo admista sit, & quasi nullâ notabili proportionē, contingit illud facilius quod (ut ait *Aristoteles*) cum unâ guttâ aquæ indita vini dolio, aut è contra, totum non mistum, sed vel vinum vel aqua sit. Ita in venis meseraicis dissectis, nec chymus, nec chylus & sanguis separati, sed confusi reperiuntur, & idem qui in reliquis venis sanguis colore & consistentia ad sensum apparet. In quo tamen quia chyli quiddam incoctum (licet insensibiliter) insit,

fit, natura jecur apposuit, in cuius  
æandris moras trahit ut plenior  
transmutationem acquirat, ne præ-  
naturè crudum ad cor perveniens,  
vitæ principium obruat.

Hinc in embryone penè nullus usus  
ecoris, ubi vena umbilicalis jecur ma-  
nifestè integra pertransit; nam à por-  
tâ jecoris extat foramen vel anæsto-  
nosis, ut sanguis regrediens ab inte-  
stinis foetus, non per jecur, sed in di-  
ctam umbilicalem transiens, cor (una-  
cum materno sanguine revertente à  
placentâ uteri) petat, unde etiam, in  
primâ foetus conformatione, jecur  
posterius fieri, contingit. Nos etiam,  
in foetu humano, observavimus, per-  
fectè delineata omnia membra, imo  
genitalia distincta, nondum tamen je-  
coris posita penè fuisse rudimenta. Et  
sanè quousque membra (ut vel cor  
ipsum in initio) alba omnia apparent,  
& præterea in venis nequidquam ru-  
boris continetur, nihil præter rudem  
quasi

quasi extravasati sanguinis collectio-  
nem loco jecoris videbis, quàm con-  
tusionem quandam, vel ruptam ve-  
nam existimares.

Sunt in ovo duo quasi vasa umbili-  
calia; unum ab albumine, integrum  
pertransiens jecur & ad cor rectà ten-  
dens; alterum à luteo in venam por-  
tæ desinens; quippe contingit in ovo  
pullum, primum ex albumine tan-  
tum, formari & nutriri, à luteo verò  
post perfectionem & exclusionem:  
nam intra intestina in ventre pulli  
contentum, post multos dies ab ex-  
clusionem, potest luteum reperiri, &  
respondet nutrimento lactis cætero-  
rum animalium.

Sed hæc convenientius in observa-  
tionibus circa foetus formationem;  
ubi hujus generis possunt esse proble-  
mata plurima; cur hoc prius factum,  
aut perfectum sit, illud posterius, &  
de principatu membrorum, quænam  
particula alterius causa sit; circa cor  
etiam



etiam plurima: uti, cur primum (ut *Aristot. de part. anim. 3.*) consistens factum sit & habere videatur in se vitam, motum & sensum, antequam quidquam reliqui corporis perfectum sit: & similiter de sanguine, quare ante omnia, & qualiter principium vitæ & animalis in se habeat; cur moveri atque huc illuc impelli desideret: dein cujus causa cor factum fuisse videatur.

Eodem modo in pulsum speculatione; cur videlicet isti lethales aut contra; & in omnibus generibus, ipsorum causas & præfagia contemplando, quid isti significant, quid hi & quare.

Similiter in crisis & expurgationibus naturæ, in nutritione, præsertim distributione alimenti, similiter & omni fluxione.

Denique in omni parte medicinæ, Physiologica, Pathologica, Semeiotica, Therapeutica, cum quot proble-

mata determinari possint ex hâc datâ veritate & luce; quanta dubia solvi & quot obscura dilucidari, animo mecum reputo, campum invenio spatiosissimum, ubi longius percurrere & latius expatiari ad eò possum, ut non solum in volumen excresceret, præter institutum meum, hoc opus: sed mihi forsan vita ad finem faciendum deficeret.

Hoc itaque loco (*sequente videlicet capitulo*) solummodo, quæ in administranda Anatome circa fabricam cordis & arteriarum apparent, ad suos usus & causas veras referre enitar: ibi enim quo me convertam, plurima, quæ ex hâc veritate lucem recipiunt, & hanc vicissim illustriorem reddant, reperiuntur; quæ Anatomicis argumentis firmata & exornata præ cæteris velim.

Est unum, quod, licet inter observationes nostras de lienis usu, locum habere deberet, tamen hic quoque  
obiter

obiter annotare non erit impertinens. A ramo splenico in pancreate deducto, è parte superiore, venæ oriuntur, coronalis postica, gastrica & gastrœ-piploica, quæ omnes plurimis furculis & ramificationibus in ventriculum (veluti meseraicæ in intestinâ) disseminantur; similiter, à parte inferiori illius splenici, deorsum in colon & longanorem usque, deducitur vena hæmorrhoidalis; per has venas utrinque sanguis regrediens, & succum crudiorum secum (hinc à ventriculo aqueum, tenuem nondum perfectâ chilificatione; illinc crassum & terrestriorem tanquam è fæcibus) reportans, in hoc ramo splenico, contractionum permissione, convenienter attemperatur, & ambos hos succos difficilioris coctionis (propter contrarias tantum indispositiones) natura permiscendo, & multa copia calidioris sanguinis, à liene uberrime (propter multitudinem arteriarum) scaturien-

tis, superinfusa, magis præparatos, ad jecoris portam adducit, & defectum utrorumque, tali venarum fabricâ, supplet & compensat.

## C A P. XVII.

*Confirmatur sanguinis motus & circuitus, ex apparentibus in corde,  
& ex iis, quæ ex dissectione  
Anatomicâ patent.*

**C**Or non in omnibus animalibus invenio distinctam esse & separatam particulam; alia enim (quasi dicas) Plant-animalia cor non habent; & quæ animalia sunt frigidiora, exiguæ corpulentia, mollioris texturæ, & similis cujusdam constitutionis (ut erucarum genus & lumbricorum & plurima quæ ex putredine oriuntur, non servantia speciem) iis cor non est, ut quibus impulsore non opus sit, quo alimentum in extremâ deferatur; corpus enim connatum &

unum,

unum, absque membris indistinctum habent, sic ut contractione & relaxatione totius corporis, intro sumant & expellant, moveant & removeant alimentum.

Plant-animalia dicta, Ostrea, Mytili, Spongiæ & Zoophytorum genera omnia, cor non habent, pro corde enim toto corpore utuntur, & quasi cor, hujusmodi animal est.

In plurimis & penè omnibus insectorum generibus, propter corpulentia exiguam, cor rectè discernere non possumus; attamen in apibus, muscis, crabronibus & hujusmodi aliquando (ope perspicilli) licet.

Pulsans quiddam intueri, etiam in pediculis, in quibus & transitum alimenti per intestina (cùm translucidum sit animal) instar maculæ nigræ cernere insuper clarè poteris, multiplicantis illius specilli ope.

Sed in exanguibus & frigidioribus quibusdam, ut cochleis, conchis,

squillis crustatis & similibus inest pulsans particula, quasi vesicula quædam vel auricula sine corde, rarius contractionem & pulsum suum faciens, & quem non, nisi æstare aut calidiori tempestate, discernere licet: in his ita se habet ista particula.

Impulsu aliquo opus est, ad alimentum distributionem, propter partium organicarum varietatem, aut densitatem substantiæ: sed rarius fiunt pulsationes, & quandoque omnino non, ob frigiditatem, prout conveniens illis est, quia dubiæ sunt naturæ, ita ut quandoque vivere, quandoque emori, videantur, & quandoque vitam animalis agere, quandoque plantæ.

Hoc etiam insectis videtur contingere, cum hyeme lateant, & quasi mortua occultentur, vel plantæ vitam tantummodo agant: sed an idem etiam quibusdam sanguineis animalibus accidat, ut ranis, testudinibus, ser-



serpentibus, hirundinibus, non injuria dubitare licet.

In animalibus paulò majoribus & calidioribus, utpote sanguineis impulsore alimenti & vi forsan majori polente, opus est: proinde (uti piscibus, serpentibus, lacertulis, testudinibus, ranis & hujusmodi aliis) tum auricula, tum cordis ventriculus unus est datus. Unde & verissimum illud (*Aristot. de part. animal. 3.*) quod nullum sanguineum animal careat corde, quo impulsore validius & robustius redditur, & non solum ab auriculâ agitatur alimentum, sed ab hoc longius & celerius protruditur.

Qui in adhuc majoribus, calidioribus & perfectioribus animalibus (utpote plurimo ferventiori & spirituosio sanguine abundantibus) quo protrudatur fortius, celerius & impetu majori, propter corporis magnitudinem, aut habitus densitatem, alimentum, in his robustū cor magis & carnosius desideratur.

Insuper, quia perfectioribus, perfectiori opus alimento & uberiori calore nativo, ut alimentum concoquatur & ulteriorem perfectionem nanciscatur, illis animalibus, pulmones habere & alterū ventriculum, qui per ipsos alimentum trumat, conveniebat.

Sic quibuscunque insunt pulmones, illis duo ventriculi cordis dexter & sinister; & ubicunque dexter ibi sinister quoque inest, non è contra ubi sinister ibi dexter quoque: (sinistrum voco ventriculum, usu non vero situ distinctum, videlicet qui sanguinem in totum corpus diffundat non in pulmones solum) hinc sinister ventriculus per se cor efficere videtur, & in medio situs, scrobiculis altioribus ita insculptus & majori diligentia fabricatus est; ut cor sinistri ventriculi gratia factum videatur, & dexter ventriculus quasi famuletur sinistro, nec ad conum ejus pertingat, & tenuiori triplo pariete sit, & quasi articulationem

nem quandam (ut *Aristot.*) supra finist-  
rum habeat & majorem capacita-  
tem, utpote, qui non solum sinistro  
materiam, sed & pulmonibus alimen-  
tum præbeat.

Notandum verò, quod in embryo-  
ne aliter se habeant ista & non tanta  
differentia sit ventriculorum, sed (tan-  
quam in nuce nuclei gemelli) æqua-  
liter penè se habeant, & dextri conus  
ad sinistri summitatem pertingat, ut  
cor in his tanquam duplici apice in  
cono sit. Hæc fiunt quoniam in his  
(dum sanguis non transit per pulmo-  
nes, utique de dextro cordis sinu in  
sinistrum) ambo ventriculi, per fora-  
men ovale & transitum arteriosum (ut  
dictum est) idem officium traducendi  
sanguinem, è venâ cavâ in arteriam  
magnam, pariter præstant & in uni-  
versum corpus impellunt æqualiter,  
unde æqualis constitutio.

Cùm verò pulmones usui esse &  
uniones dictas occludi, sit tempesti-

vum, tum hæc differentia ventriculorum incipit in robore, ut reliquis, esse; quia dexter duntaxat per pulmones, sinister per totum corpus impellit.

Sunt ultra hæc etiam in corde lacertuli (ut ita dicam) sive carnosæ virgulæ & fibrosi nexus plurimi, (quos *Aristot. lib. de respir. & de part. anim. 3.* Nervos vocat) qui partim separatim diverso modo tenduntur, partim in parietibus & mediastino (altis factis scrobiculis) sulcatim reconditi sunt tanquam muscoli quidam parvi; qui ad robustiorem & ad validiorem impulsus sanguinis & constrictionem cordis, quasi succenturiantur & superadduntur cordi, ad ulteriorem expulsionem sanguinis auxiliares, & ut (tanquam in navi funium diligens & artificiosus apparatus) corde undique se contrahente, undique adjuvamento forent, & sanguinem plenius & validius è ventriculis expellerent.

Hoc

Hoc autē manifestum ex eo; quod quibusdam animalibus sint, quibusdam minimè; & omnibus quibus sunt, illis plures & fortiores in sinistro, quàm dextro: quibusdam animalibus, in sinistro sunt, dextro verò nequaquam: in hominibus, plures in sinistro quàm dextro ventriculo, & plures in ventriculis quàm auriculis, & aliquibus in auriculis quasi nulli: in torosis, musculosis & agrestibus corporibus & durioris habitus, plures, in tenellis corporibus & fœminis pauciores. *migsk*

In quibus animalibus ventriculi cordis intus leves, omnino absque fibris & lacertulis, neque scrobiculis fissi sunt, (ut avibus minoribus penè omnibus, serpentibus, ranis, testudinibus & hujusmodi, per lica etiam, gallina, piscium maximâ parte) in his neque nervi sive fibræ dictæ, neque valvulæ tricuspidēs in ventriculis reperiuntur. Quibusdam animalibus *apram*

dexter ventriculus intus levis est, sinister verò fibrosos illos nexus habet, ut in anserē, cygno & avibus majoribus: in his eadem est ratio, quæ in omnibus; cum spongiosi, rari & molles sint ipsis pulmones, ad protrusionem sanguinis per ipsos, vim tantam non desiderant; proinde in dextro ventriculo aut non sunt illis fibræ, aut pauciores & infirmiores, nec ita carnosæ, aut musculos æmulantes: in sinistro verò sunt robustiores & plures, carnosiores & musculosi; quia sinister ventriculus majori robore & vi opus habet, quo per universum corpus longius sanguinem prosequi debet.

Hinc etiam medium cordis possidet, & triplo crassiore parietem & robustior est sinister ventriculus dextro. Hinc omnia animalia, etiam homines, quo densiori, duriori & solidiori habitu sunt carnis, & quo magis carnosa & lacertosa habent extrema mem-



membra & magis à corde distantia, eò magis fibrosum, crassum, robustum & musculosum habent cor, idque manifestum est & necessarium: quo contra rariori textura & molliori sunt habitu & corpulentia minore; flaccidum magis, mollius & intus minus (aut non omnino) fibrosum & enervatum cor gerunt.

Valvularum similiter usum considera; quæ ideo factæ, ne semel emissus sanguis in cordis ventriculos regeratur, & tam in orificio arteriæ quàm venæ (dum sursum elevatæ & invicem conjunctæ triquetra lineam, qualis ab hirundinum morfu relinquitur, effingunt) quo arctius obseratæ, sanguinis reflexum arceant.

Tricuspidēs in introitu, venæ cavæ & arteriæ venosæ janitores sunt, ne, cùm maximè impellitur sanguis, retro labatur; eâ de causâ non insunt omnibus animalibus, neque quibus insunt, eadem naturæ solertia factæ, apparent,

parent, sed in aliis exactius, in aliis remissius & negligentius clauduntur, pro majori vel minori impulsione à ventriculorum constrictione. Ideo in sinistro ventriculo, uti ad majorem impulsione[m] diligentior occlusio fiat, duæ tantum sunt instar mitræ, habentes, ut exactissimè claudantur, longè usque in conum, per ejus medium, pertingentes lacertulas. Hæc res imposuit forsan *Aristoteli*, ut hunc ventriculum duplicem, sectione per transversum factâ, existimaret. Ne retro in arteriam venosam labatur sanguis, & exinde robur sinistri ventriculi exsolvatur, in propellendo per universum corpus, ideo valvulæ istæ, mole & robore & exacta clausura, longè in dextro positas exsuperant. Hinc etiam  
 † necessario nullum cor sine ventriculo conspicitur, cùm lacunar, fons & promptuarium esse sanguinis debeat.  
 † Idem verò in cerebro esse non semper contingit; avium enim genera,  
 penè

penè omnia, nullum habent in cerebro ventriculum, ut patet in anserè & cygno : horum cerebrum, quamvis à cuniculi cerebro penè magnitudine æquetur, cuniculi tamen ventriculos in cerebro habent, anser non habet. Similiter ubicunque cordis ventriculus unus, ibi una auricula appendet, flaccida, cuticularis, intus cava, sanguine referta; ubi duo ventriculi, duæ similiter auriculæ. Contra verò aliquibus auricula duntaxat inest animalibus vel saltem vesica auriculæ analogæ, vel vena ipsa dilatata (non autem cordis ventriculus), cordis locopulsus faciens, uti apparet in crabronibus & apibus & aliis insectis; quæ non solum pulsus habere, sed & respirationem in illâ parte quam caudam nominant, experimentis quibusdam me posse demonstrare arbitror: unde ipsam elongari & contrahi contingit modò frequentius, modò rarius, prout anhelosi magis videntur, & aëre

& aëre magis indigere: sed de his in *Tractatu de respiratione*.

Auriculas similiter pulsare apertum est, & sese contrahere (ut antè dixi) & sanguinem in ventriculos conijcere; unde ubicunque ventriculus ibi auricula est necessaria; non solum, quod vulgo creditur, ut sit sanguinis receptaculū & promptuarium (quid enim opus est pulsatione ad retinendum?) sed motores primi sanguinis sunt auriculæ, præsertim dextra, primum vivens & ultimum moriens (ut ante dictum) quare necessaria, ut scilicet sanguinem in ventriculum subservientes infundant. Ventriculus verò continuo (seipsum contrahendo) jam antè in motu existentem sanguinem commodius elidit & violentius propellit; uti cùm ludis, pilam fortius & longius, à reverberatione percutiendo quàm simpliciter projiciendo, impellere poteris. Quin etiam contra vulgarem opinionem, quia,

uia, neque cor neque aliud quid-  
quam, seipsum extendere sic potest,  
ut in seipsum attrahere suâ diastole  
uicquam possit, (nisi ut spongia vi-  
rius compressa, dum redit ad consti-  
tutionem suam) sed omnem motum  
localem in animalibus primum fie-  
ri, & principium sumpsisse constat, à  
contractione alicujus particulæ, ideo  
contractione auricularum conjicitur  
sanguis in ventriculos ut ante patefe-  
re, & inde à contractione ventriculo-  
rum ulterius projicitur & transfertur.

Quæ veritas de motu locali &  
quod immediatum organum motivum,  
in omni motu omnium animalium,  
quibus spiritus motivus (ut *Aristoteles*  
dicit *lib. de spiritu* & alibi) primo inest,  
sit contractile, & (quemadmodum  
*νεύρον* à *νεύω*, *nuto*) à contraho dica-  
tur; & quod *Aristoteles* musculos cog-  
noverit, cum operam omnem & mo-  
tum in animalibus retulit ad nervos  
sive ad contractile & proinde illas la-  
certu-

certulas in corde nervos appellaverit; In a  
 si quando de motivis organis anima- delicet  
 lium & de muscutorum fabrica, ex turicu  
 observationibus nostris, quandoque  
 demonstrare liceat, palam arbitror  
 fore. ius a

Quin institutum prosequentes, de auricularum usu (quem ad ventriculos implendos sanguine ante demonstravimus esse) contingere videmus, quo magis densum, compactum cor & pariete crassiore est, eo auriculas nervosiores & magis musculosas, ad impellendum & implendum, esse; quibus verò contra, iis tanquam vesica sanguinea & membrana continens sanguinem apparet, ut in piscibus; ibi enim tenuissima & adeo ampla est vesica, quæ auriculæ loco est, ut super ipsam cor natare videatur: at quibus piscibus carnosior paulo illa vesica est, perbellè pulmones æmulari & ementiri videtur: ut in cyprino, barbo, tinça & aliis. *a Cynegetis præf.*

barbo, tinča & aliis. a Cypede (is) p[ro]p[ri]e  
a Barbell filis? \* A 12. q[ui]bit p[ro]p[ri]e p[ro]p[ri]e  
Die: a Barba } longi qu: a Campi. In  
ali linde,



In aliquibus hominibus, torosis videlicet & durioris habitus, dextram auriculam ita robustam, & cum lacerulis & vario fibrarum contextu interiorum ventriculis robore videretur quipollere: & mirabar sanè quod in omnibus diversis, tanta esset differentia.

Sed notandum, quod in foetu auriculæ longè majores, quam pro proportionē insunt, quia, antequam cor at, aut suam functionem præstet, (ut antè demonstratum est) cordis quasi officium faciunt.

Sed quæ in formatione foetus observavi (ut antea retuli, & *Aristoteles* in ovo confirmat) maximam huic rei fidem & lucem afferunt. Primum, dum foetus, quasi vermiculus mollis, & (ut dicitur) in lacte est, inest solum punctum sanguineum, sive vesicula pulsans, & quasi umbilicalis venæ portio, a principio vel basi dilatata: postea cum

164 *Exercitatio Anatomica I.*

cùm foetus delineatus, jam corpulentiam quandam duriores habere incipit, ista vesica carnosior & robustior facta in auriculas (mutatâ constitutione) transit, super quas cordis corpus pullulare incipit, nondum ullum officium faciens publicum: formato verò foetu, cùm jam distincta ossa à carnibus sunt, & perfectum est animal & motum habere sentitur, tum cor quoque, intus pulsans habetur, & (ut dixi) utroque ventriculo sanguinem è venâ cavâ in arteriam transfundit.

Sic natura perfecta & divina, nihil faciens frustra, nec cuiquam animali cor addidit, ubi non erat opus, neque, priusquam esset ejus usus, fecit; sed iisdem gradibus, in formatione cujuscunque animalis, transiens per omnium animalium constitutiones (ut ita dicam, ovum, vermem, foetum) perfectionem in singulis acquirit. Hęc alibi in foetus formatione, multis observationibus confirmanda sunt.

De-

Denique non immeritò Hippocrates, in libro de Corde, ipsum Musculum nuncupavit, cum eadem utriusque actio & idem officium sit, videlicet eipsum contrahere, aliud movere, nempe contentum sanguinem.

Insuper ex fibrarum constitutione, motivaque fabrica, ut in musculis ipsi, cordis actionem & usum licet cernere. Omnes Anatomici cum Galeno annotarunt, cordis corpus fibrarum ductu, videlicet recto, transverso & obliquo fabrefactum esse.

At in corde elixo, aliter se habere deprehenditur fibrarum structura: omnes enim fibræ in parietibus & septo circulares sunt, quales in sphinctere; illæ verò, quæ sunt in lacertulis secundum longitudinem exporrectis, obliquæ: sic fit, dum omnes fibræ simul contractæ sunt, ut contingat & conum ad basin à lacertulis adductum esse, & parietes in orbe circumclusas & cor undique contractum esse,

esse, & ventriculos coarctari; proinde, cum ipsius actio sit contractio, functionem ejus esse sanguinem in arterias protrudere, existimandum est.

Nec minus *Aristoteli de principatu cordis* assentiendum; à cerebro motum & sensum non accipere, nec à jecore sanguinem; sed principium venarum & sanguinis esse & hujusmodi.

Qui ipsum redarguere conantur, illud principale argumentum omitunt, aut non intelligunt, quod cornempe primum subsistens sit, & habeat in se sanguinem, vitam, sensum, motum, antequam aut cerebrum aut jecur facta erant, vel planè distincta apparuerant, vel saltem ullam functionem edere potuerant.

Adde; suis propriis organis ad motum fabricatis, cor, tanquam animal quoddam internum, diutius consistit: quasi, hoc primo facto, ab ipso postea fieri, nutriri, conservari, perfici, totum animal, tanquam hujus opus & domi-

omicilium, natura voluisset: cor tanquam in republicâ princeps) penes quem primum & summum imperium ubique gubernans sit; à quo tanquam à origine & à fundamento omnis in animalis potestas derivetur & dependeat.

At amplius circa arterias plurimam similiter veritatem hanc illustrent & confirmant, quando consideratur cur arteria venosa non pulsatur, cum numeretur inter arterias; aut cur in venâ arteriosâ pulsus sentitur, quando pulsus arteriarum à sanguinis impulsione est; aut quod arteriæ in suâ tunica tum crassitie & robore tantum à venis differant, quia sustinent impetum impellentis cordis & prorumpentis sanguinis.

Hinc, cum natura perfecta nihil faciat frustra & in omnibus sit sufficiens, quanto arteriæ propinquiore cordi sunt, tanto magis à venis in constitutione differunt, & robustiores

res sunt & ligamentosæ magis; in ultimis verò disseminationibus ipsarum, ut manu, pede, cerebro, mesenterio, spermaticis ita constitutione similes sunt, ut oculari tunicarum inspectione, alterum ab altero, internoscere difficile sit. Hoc autem iustis de causis sic se habet, nam quo longius arteriæ distant à corde, eò minore multo vi, ictu cordis per multum spacium refracto, percutiuntur.

Adde, quod cordis impulsus, cum in omnibus arteriarum truncis & ramulis sufficiens sanguini esse debeat, ad divisiones singulas quasi partitus imminuitur: adeò ut ultimæ divisiones capillares arteriosæ videantur venæ, non solum constitutione, sed & officio & sensibilem pulsum aut nullum aut non semper edant, nisi cum pulsat cor vehementius, aut arteriola in quavis particula dilatata, aut aperta magis est. Inde fit ut in dentibus quandoque & tuberculis, quandoque in di-



in digitis sentire pulsum, quandoque non possumus. Unde pueros (quibus pulsus semper sunt celeres & frequentes) hoc uno signo febricitare certo observavi; & similiter in tenellis & delicatulis, ex compressione digitorum, quando febris in vigore esset, faciliè ex pulsu digitorum percipere potui.

Ex alterâ parte, quando cor languidius pulsat, non solum, non in digitis, sed nec in carpo, aut temporibus pulsum sentire contingit, ut in lipothymia, hysterice symptomatibus, asphyxia, debilioribus & morituris.

Hic ne decipiantur, monendi sunt Chyrurgi, quod, in amputatione membrorum, tumorum carnosorum excisione & vulneribus, sanguis vi prodeat quidem ab arteriâ, sed non semper cum saltu exeat; & quod exiles arteriæ non pulsent, præsertim si ligatura compressæ fuerint.

Præterea quod vena arteriosa non solum arteriæ constitutionem & tui-

H

cam

cam habeat, sed quod tam multum, in crassitie tunicæ, non differat à venis, quàm aorta; ratio est, quia majorem à sinistro ventriculo impulsus sustinet aorta, quàm illa à dextro; ideo tanto molliori tunicarum constitutione, quàm aorta est, quanto dexter ventriculus cordis & pariete & carne, sinistro infirmior; & quantum pulmones in texturâ & mollitie, ab habitu corporis & carnis recedunt, tantum differt venæ arteriosæ tunica, ab aortæ.

Semper hæc omnia ubique proportionem servant, in hominibus, quanto enim magis torosi, musculosi & durioris sint habitus, & cor habeant robustum, crassum, densum & fibrosum magis; tanto auriculas & arterias proportionabiliter in omnibus, crassitie & robore habent magis respondentes.

Hinc quibus animalibus, leves ventriculi cordis intus sunt, absque villis,

aut

aut valvulis & pariete tenuiore (ut piscibus, avibus, serpentibus & quam pluribus generibus animalium) in illis arteriæ parum aut nihil à venis differunt in tunicarum crassitie.

Amplius pulmones tam ampla habent vasa, venam & arteriam, ut truncus arteriæ venosæ, excedat utrosque ramos crurales & jugulares : & tanto referta sunt sanguine, ut per experientiam & autopsiam, monitu etiam *Arist.* (nec decepti inspectione eorum, quæ vidimus in dissectis animalibus) scimus, quod ex eorum vulnere sanguis totus effluerit : causa est, quia in pulmonibus & corde promptuarium, fons & thesaurus sanguinis & officina perfectionis est.

Similiter arteriam venosam & sinistrum ventriculum abundare videmus (in Anatomicâ dissectione) tanta copia sanguinis & ejusdem quidem coloris & consistentiæ, quo dexter ventriculus & vena arteriosa replentur,

similiter nigricante & grumescente : quoniam illinc huc continenter peragrat pulmones sanguis.

Denique vena arteriosa dicta, vulgo constitutionem arteriæ, arteria venosa venæ, habent : quia revera, officio & constitutione & omnibus, illa arteria, hæc vena est, contra quam vulgo creditur. Præterea vena arteriosa tam amplum habet orificium : quia multò plus defert sanguinis quàm alendis pulmonibus sit necessarium.

Hæc omnia phænomena inter discendum observanda & plurima alia, si rectè perpenſa fuerint, antè dictam veritatem videntur luculenter illustrare & planè confirmare, simulque vulgaribus opinionibus adversari : cùm, quando ob causam ita constituta sint hæc omnia, difficile cuiquam admodum sit (nisi quo nos modo) explicare.

F I N I S.

*Exer-*

*Exercitationes Anatomicae duae*

*De Circulatione Sanguinis,*

A D

J. RIOLANUM,

J. Filium.

EXERCITATIO I.

**P**RODIIT non multis ab-  
hinc mensibus, Clarissimi  
RIOLANI Opusculum  
Anatomicum & Patholo-  
gicum propter, quod, ipsissimâ autho-  
ris manu mihi transmissum, gratias  
lubens refero : gratulor equidem fœ-  
licitati illius Viri, quod institutum  
maximâ dignissimum laudē perficien-  
dum suscepit.

Omniū morborū sedes ante oculo-

H 3

los

los ponere, onus est, non nisi divino ingenio exatlandum; gravem sanè subiit provinciam, qui morbos, penè intellectus aciem fugientes, oculis prospiciendos tradidit. Decent hæc conamina Anatomicorum principem: nulla enim est scientia, quæ non ex præexistente cognitione oritur, nullaque certa & plenè cognita notitia, quæ non ex sensu originem duxit.

Quocirca res ipsa & tanti viri exemplum, laborem meum efflagitans, animum invitat, meam quoque Anatomiam medicam ad medicinæ usum maximè accommodatam literis mandare & huic adjungere. Non, ut ille, solùm locos morborum ex cadaveribus sanorum indagando & secundum mentem aliorum, morborum species, qui iis in locis videri potuissent, recensendo, sed ut, ex multis dissectionibus corporum ægrotorum, gravissimis & miris affectionibus confectorum, quomodo & qualiter



ter partes interiores in situ, magnitudine, constitutione, figurâ, substantiâ & reliquis accidentibus sensibilibus, a naturali formâ & apparentiâ (quam vulgo omnes Anatomici describunt) permutentur, & quàm variis modis & miris afficiantur, enarrandum fusciperem.

Sicut enim sanorum & boni habitus corporum dissectio plurimum ad philosophiam & rectam physiologiam facit; ita corporum morbosorum & cachecticorum inspectio potissimum ad pathologiam philosophicâ. Quippe eorum, quæ sunt secundum naturam, contemplatio physiologica est prius à Medicis noscenda, quoniam, quod secundum naturâ est, id rectum & tum sui tum obliqui regula, cujus luce errores affectusq; præternaturales definiendo, Pathologia postea clariùs innotescit, & ex Pathologiâ, usus & ars medendi, novaq; plurima remedia inveniendi occasiones occurrunt.

Neque quisquam facilè crederet, quantum in morbis, præsertim chronicis, interiora pervertantur, & quanta partium interiorum monstra in morbis gignantur. Ausim dicere, plus una dissectio & apertio tabidi, aut morbo aliquo antiquo vel venenato confecti corporis, ad medicinam attulit commodi, quàm decem corporum strangulorum.

Non igitur improbo doctissimi & expertissimi *Anatomici Riolani* institutum, sed summis laudibus celebrandum puto, quippe ad medicinam utile admodum, quod physiologicam partem illustrat: non minus interim medendi arti proficuum fore existimo, si non solum locos, sed unà locorum affectus oculis conspiciendos exhiberem, vel observatos & perlustratos enarrarem, & ex multis meis dissectionibus experientiam meam recorderer.

Verùm quæ, in illo libro, de circuitu

cuitu sanguinis à me invento, traducta sunt, & ad me unicè spectare videntur, à me perpendenda prius & potissimùm veniunt. Non enim parvi faciendum, de re tantâ, tanti viri iudicium (qui omnium, quotquot sunt huius seculi, Anatomicorum facilè Princeps & Coryphæus æstimatur) sed plus, quàm aliorum omnium vel applaudentium vel repugnantium, ducenda huius unius viri sententia in gloriam, aut censura respicienda & pensitanda. Ipse igitur *Enchir. l. 3. c. 8.* motum sanguinis nostrum in animalibus agnoscit & in nostras partes, nostramque de circuitu sanguinis sententiam venit; non tamen ex toto & aperte: ait enim *lib. 2. c. 21.* quod sanguis in portâ contentus non circuletur, ut sanguis in venâ cavâ: & *lib. 3. cap. 8.* esse sanguinem qui circulatur, & vasa circulatoria esse, scilicet, aortam & venam cavam. Negat tamen eorum propagines circulationē recipere, quia

effusus, inquit, sanguis in omnes partes, secunda & tertia regionis, ibi remanet ad nutritionem; nec refluit ad majora vasa, nisi vi revulsus, in maximâ inopiâ sanguinis vasorum majorum, vel impetu & æstro percitus affluat ad majora vasa circulatoria. Atque ita (paulò pòst) sive sanguis venarum perpetuo ascendat naturaliter, sive remeet ad cor, sive sanguis arteriarum descendat sive discedat à corde, attamen, si vena minores brachiorum & crurum fuerint depleta, potest successione vacuati, venarum sanguis descendere: quod clarè demonstravi, inquit, contra Harvæum & Wallæum. Et quia Galenus & quotidiana experientia confirmet anatomices venarum & arteriarum, & necessitas circulati sanguinis, videtis, inquit, quomodo fiat circulatio sanguinis citra perturbationem & confusionem humorum & veteris Medicinæ destructionem.

Quibus verbis apertum est, quâ de causâ permotus clarissimus Vir sanguinis circuitum agnoscere partim,

tim, partim denegare velit, & cur tribuantem inconstantemque de circuitu opinionem astringere conetur. Nempe, ne veterem medicinam destrueret, non veritate ductus (quam non cernere non potuisset) sed magis ob cautelam, veretur apertè loqui, ne veterem medicinam offenderet, aut forsan ne traditam, ab ipso in Anthropologia, Physiologiam retractare videretur. Nam sanguinis circuitus veterem medicinam non destruit, sed promovet magis; medicorum Physiologiam & speculationem de rebus naturalibus ostendit, quamvis doctrinam Anatomicam de usu & actione cordis, pulmonum, cæterorumque viscerum, redarguat. Hæc quod ita sint, facile cum ex ipsius verbis & confessione, tum ex iis, quæ hic subjungam, apparebunt; scilicet, totum sanguinem, ubicunque fuerit in corpore vivente, moveri & mutare locum (tam qui in venis majoribus &

eorum propaginibus & fibris, quàm qui in partium cujuscunque regionis porositatibus continetur) à corde fluere & ad cor refluere continuè & continenter & nusquam sine detrimento manere: licet, quod non repugno, quandoque quibusdam in locis velocior aut tardior ejus motus fiat.

Primum itaque negat solummodo doctissimus Vir, sanguinem propaginibus venæ portæ contentū circulari; quod redarguere, neq; negare potuisset, si vim argumenti sui non dissimulasset: ait enim (l. 3. c. 8.) *Si in singulis pulsationibus cor admittat guttam sanguinis, quam expellit in aortam & intra horam bis millenas pulsationes edat, necessum est magnam sanguinis portionem transire.* Idem quoque de mesenterio affirmare necessum habet, quando, per arteriam cœliacam & mesentericas arterias, plus quàm gutta sanguinis pulsationibus singulis intruditur & impingitur in mesenterium & ejus venas:



nas: adeò ut vel aliquò exire pro-  
tâ ingredientis proportione debeat  
necessariò, vel venæ portæ rami tan-  
dem disrumperentur.

Nec (quod hoc dubium solvit) pro-  
babiliter dici, aut fieri potest, ut per  
easdem arterias influat & refluat, Eu-  
ripi in morem, irritò & vano labo-  
re, sanguis mesenterii: nec relapsus è  
mesenterio per easdem vias & trans-  
vasatio, quâ exonerare voluit mesen-  
terium sese in aortam, veresimilis est;  
aut contra vim ingredientis prævale-  
re contrario motu potest: nec datur  
vicissitudo ubi continuè, continenter  
& incessanter, certum est influxum  
fieri: sed eâdem necessitate, quâ in  
corde arguitur sanguinẽ impactum in  
mesenterium aliò exire, compellitur.

Hoc manifestum est, nam aliàs om-  
nem circulationem eo argumento &  
subterfugio everteret; si idem, eâdem  
verisimilitudine de cordis ventriculis  
dicendo, affirmaverit: quod nempe  
in sy-

in systole cordis impellitur in aortam sanguis, & diastole remeat, aortaque sese in cordis ventriculos exonerat, ut ventriculi vicissim in aortam: atque ita neque in corde neque in mesenterio circulatio, sed fluxus & refluxus vicissitudinarius, vano labore, agigaretur. Si itaque in corde, ob dictam rationem à se probatam, necessario sanguinis circulatio arguitur, eadē argumenti vis in mesenterio quoque locum habet; sin verò in mesenterio nullus sanguinis circuitus, neque similiter in corde, utraque enim affirmatio, hæc scilicet de corde illā de mesenterio, ejusdem argumenti vi, mutatis verbis, pendet stabiliturque aut cadit similiter.

Dicit, in corde impediunt regressum sigmoides valvulæ, nullæ sunt verò in mesenterio valvulæ. Respondeo neque hoc verum esse, in ramo enim splenico, quinetiam quandoque in aliis, repertæ valvulæ. Præterea  
in

na venis valvulæ non ubique requi-  
untur, neque in profundis venis ar-  
guum, sed in cutaneis magis, repe-  
iuntur: ubi è minoribus ramis pro-  
fluens naturaliter sanguis, satis pro-  
clivis est in majores ramos fluere, &  
retro meare plus quàm satis impedit,  
compressione musculorum circumja-  
centium & qua patet iter cogitur, ibi  
valvulis quid opus est?

Quantum autem sanguinis singu-  
lis pulsationibus in mesenterium im-  
pellitur, perinde computatur ac si in  
carpo mediocri ligaturâ venas è manu  
egredientes, non verò arterias ingre-  
dientes, constrinxeris (majores etenim  
sunt arteriæ mesenterii quàm carpi) si  
quot pulsationibus distendi vasa ma-  
nus & tumescere in molem totam  
manum numeraveris, dividendo &  
subductione facta, multò plus quàm  
guttam sanguinis ingredi (non ob-  
stante ligaturâ) singulis pulsibus, nec  
retro meare posse; quin potius re-  
plendo,

plendo; manum totam vi distendere  
& in molem efferre reperies. Eâdem  
quantitate sanguinem ingredi mesen-  
terium, per analogiam, colligere li-  
cet, si non majori, quanto majores ar-  
teriæ mesenterii sunt quàm carpi.

Si quisquam viderit & cogitave-  
rit quantâ difficultate & molimine;  
compressionibus, ligaturis apparatus-  
que multiplici cohibetur impetuosus  
profiliens sanguis, è rescissâ vel dis-  
ruptâ minimâ arteriolâ, quantis viri-  
bus (veluti si syphone ejaculetur) om-  
nem apparatus projicit, propellit, aut  
pertransit, vix puto, crederet veri-  
simile, quidquam retro meare posse  
contra tantum ingredientis sanguinis  
influxum & impulsum, præcipuè unde  
non pari vi repelli queat. Quapropter  
hæc animo secum revolvens, è me-  
senterio, contra influxum per arte-  
rias adeò impetuosum & fortem, san-  
guinem è venis portę per easdem vias  
obrepere & ita mesenterium exone-  
rare,

re, haud puto animum induceret ad edendum.

Insuper si non, circulari motu moveri sanguinem & mutari, arbitretur Vir doctissimus, sed semper eundem mesenterii propaginibus stagnare, apponere videtur, duplicem esse sanguinem, diversumque, diversoque sui & fini inservientem, & proinde diversæ naturæ in venis portæ & cæcæ: quia hic circulatione indiget ad conservationem, ille non indiget; quod neque apparet, neque ipse doctissimus Vir demonstrat verum esse.

Præterea addit Vir doctiss: (*Enchir.* 2. c. 18.) *quantum genus vasorum mesenterio, quæ vena lactea dicuntur; (inventæ ab Asseli.) quibus positis, videtur astruere, omne alimentum ab intestinis extractum per ipsas ad jecur, officinam sanguinis, derivari, quoniam ubi concoctum & in sanguinem transmutato, (dicit l. 3. c. 8.) ad dextrum cordis ventriculum traducitur, quibus positis, inquit, omnes difficultates quæ olim movebantur, de distribu-*

tributione chyli & sanguinis, per eundem  
 canalem, cessant; nam venæ lacteæ vehunt  
 chylum ad hepar & proinde seorsum isti cana-  
 nales sunt & seorsum obstrui possunt. Ven-  
 rùm enim verò cum sanguinem in  
 ramis portæ, in sinum hepatis nu-  
 merosissimè distributis, contentum  
 neget doctissimus Vir, hepar per  
 transire posse, ut sic circulatio fiat  
 quomodo (si è lacteis lac in jecu-  
 transfundatur & inde per cavam a-  
 cordis ventriculum pertranseat,) &  
 unde hoc verisimile esse demonstre-  
 tur, scire velim, præsertim cum &  
 spirituosior & penetrativus magis  
 sanguis, quàm chylus aut lac in illi  
 lacteis vasis contentum, apparet, &  
 adhuc ab arteriarum pulsu urgetur  
 ut alicubi viam inveniat.

Doctissimus Vir mentionem faci-  
 tractatus cujusdam sui de circulatione  
 sanguinis, utinam viderem, forsan re-  
 spiscerem.

Sed enim Vir doctissimus si ma-  
 luisse,



isset, in portæ venis & cavæ ramu-  
s, ponere circularem motum san-  
guinis (uti dicit lib. 3. cap. 8. in venis  
sanguis perpetuò & naturaliter ascendit, si-  
ne remeat ad cor, sicut is in omnibus arte-  
riis descendit sive discedit à corde,) non vi-  
deo, inquam, quin hoc posito, omnes  
difficultates, quæ olim movebantur  
de distributione chyli & sanguinis per  
eosdem canales, æquè cessarent; ut  
& ultrà non necesse haberet seorsum  
crasa chyli inquirere aut ponere.

Quandoquidem, sicut venæ um-  
bilicales ab ovi liquoribus succum ali-  
mentativum absorbent, deferuntque  
ad nutriendum & augmentandū pul-  
lum, adhuc embryonem existentem,  
ita venæ meseraicæ ab intestinis chy-  
lum sugunt & in jecur deferunt, idem-  
que officium adulto præstare quid pro-  
hibet asseverare? cessant enim omnes  
motæ difficultates, cum in iisdem va-  
sis non duo contrarii simul motus sup-  
ponantur, sed & idem continuus mo-  
tus

tus per meseraicas ab intestinis in jectum ad m  
eur supponatur. *opia sang*

De venis lacteis quid sentiendum, vel in  
alibi dicam, cum de lacte tractavero. *circulatoria*  
in diversis recens natorum partibus. Reman  
repto præsertim humano; reperiem quæ  
tur enim in mesenterio & omnibus cecis et  
ejus glandulis, in thymo quoque & non in  
axillis etiam: è mammis infantum & cohere  
lac obstetrices emungunt, ut putant, totum inf  
in salutem. *manere,*

At insuper doctissimo Riolo non  
modò in mesenterio contentum san-  
guinem circulatione privari placuit, *anguine*  
sed neque propagines venæ cavæ, *arteriis,*  
aut arteriæ, neque ullas partes se-  
cundæ aut tertiæ regionis circula-  
tionem recipere affirmat: adeò ut  
vasa circulatoria tantum nominet nu-  
meretque venam cavam & aortam,  
cujus *libr. 3. cap. 8.* rationem reddit  
valdè infirmam. *Quia effusus,* inquit,  
*sanguis in omnes partes secundæ & tertiæ*  
*regionis, ibi remanet ad nutritionem, nec*  
*refluit*

luit ad majora vasa, nisi vi revulsus & piâ sanguinis maximâ vasorum majorum, vel impetu percitus affluat ad vasa circulatoria.

Remanere quidem illam portionem quæ in nutrimentum abire debet necesse est; aliàs enim non nutriret, non in locum deperditi assimiletur; cohæreat unumque fiat: at verò totum influentem sanguinem ibi remanere, ut tantilla portio convertatur, non est necesse: non enim tanto sanguine quantum pars quævis in suis arteriis, venis & porositatibus ubique continet, pro alimento utitur; neque solum affluit & refluit necesse ut aliquid nutrimenti interius relinquatur, quare multo minus ut nutriat necesse est ut totus permaneat: sed & ipse doctissimus Vir, eodem libello quo hoc affirmat, penè ubiq; contrarium asseverare videtur; præsertim ubi circulationem in cerebro describit; & quatenus per circulationē cerebrum remittere

tere (ait) sanguinem ad cor; & ita cor refrigerari. Hoc modo & omnes partes remotæ cor refrigerare dicuntur: unde & in febribus cum præcordia vehementer ardore febrili torrentur & æstuant, nudatis artubus, remotis stragulis, refrigerium ægrotantes cordi quærunt.

Dum, ut in cerebro, affirmat Vir doctissimus refrigeratum sanguinem & ardore contemperatum, cor deinde per venas petere & refrigerare: videtur Vir doctissimus necessitatem quandam insinuare, uti à cerebro, ita ab omnibus partibus circulationem esse, contra quàm antea apertis verbis dixerat. Sed enim cautè asserit & ambiguè, non refluere ex partibus secundæ & tertiæ regionis sanguinem, nisi, inquit, vi revulsus & maximâ inopiâ sanguinis majorum vasorum, vel impetu affluat ad majora vasa circulatoria; quod verissimum est si vero sensu hæc verba intelligantur: na m

per majora vasa, in quibus in-  
causat refluxum, puto ipsum in-  
ligere venam cavam, aut venas cir-  
atorias, non arterias: nam arteriæ  
inquam deplentur, nisi in venas aut  
porositates partium, sed continuè à  
lsu cordis infarciuntur, in venam  
cavam & vasa circulatoria, è quibus  
in sanguis cito pede labitur & ad  
cor properat, maxima statim inopia  
sanguinis foret, nisi omnes partes in-  
flanter sanguinem in ipsas effusum  
funderent.

Adde etiam quod impetu sangui-  
nis intrusi & compulsi singulis pulsa-  
tionibus, & in omnibus partibus se-  
cundæ & tertiæ regionis contentus  
sanguis, de porositatibus in venulas,  
et propaginibus in majora vasa coga-  
tur, partium circumjacentium motu  
et compressione: ab omni enim con-  
inente compresso & coarctato elidi-  
tur contentum: ita motibus musculo-  
rum & artuum, venarum propagines  
inter-

interobrepentes pressæ & coarctatæ sanguinem de minoribus ad majores trudent.

Quod sanguis autem in singulas partes continuè & incessanter ab arteriis impellitur & impetum facit ne refluat haud dubitandum; si admittatur, quod in singulis pulsationibus arteriæ omnes simul distendantur propulso sanguine, & (ut ipse Vir doctissimus fatetur) diastole arteriarum à systole cordis fiat; neque semel egressus sanguis unquam intra ventriculos cordis regreditur propter occlusas valvulas: si hæc, inquam, Vir doctus, ut videtur, supponat, manifestum erit singulas partes cujuscunque regionis, in quas infarctu & impetu sanguis vi detrusus propellitur, si non remeet, distendi. Adde quod, quò usque pulsant arteriæ, eò usque influxus & impetus pertingat: sed in omnibus cujuscunque regionis partibus sentitur; & ubique pulsus vel

in sum-



in summis digitis & sub unguibus est:  
nec aliqua particula est in toto cor-  
pore, vel phlegmone vel furunculo  
solens, quæ lancinantem pulsationis  
arteriarum motum & solutionē con-  
nuui tentantem, non persentiscat.

Verum amplius, quod ipse sanguis  
porositatibus partium regrediatur,  
in cute manuum & pedum manife-  
stum: quandoquidem, in summo ge-  
nere & frigidis temporibus, adeo refri-  
geratas manus & artus videmus, præ-  
sertim puerorum, ut, ad tactum ipsum,  
glaciei frigiditatem penè referant, ad-  
dique stupore percitas & rigentes, ut  
vix sensum retineant, nec moveri  
possint, tamen interim sanguine sa-  
turæ, conspiciuntur rubræ aut livi-  
dæ; quæ partes recalescere nullo mo-  
do possunt, nisi, per circulationem  
propulso, scilicet, sanguine refrigerato  
& spiritibus & calore orbato, in ejus,  
locū ab arteriis influens novus calens  
& spirituosus sanguis, partes refo-  
veat,

veat, recalfaciat, motumque & sensum restituat: neque enim igne externo calore magis, quàm mortuorum membra, redintegrarentur ac restituerentur, nisi ab interno influente calido refocillarentur.

Re verà iste circulationis præcipuus usus quidem & finis est, cujus gratiâ sanguis suo continuo cursu & influentiâ perpetuâ revolvitur & in circuitum agitur: Nempe, ut omnes partes ab ipso dependentes, primò calido innato in vitâ & suo esse vitali & vegetativo retineantur, & omnia sua munia peragant, dum (ut physiologi loquuntur) ab influente calore & spiritibus vitalibus sustentantur & actuantur: ita duorum extremorum, nempe frigoris & caloris beneficio, corporum animalium temperies, in suâ mediocritate, retinetur.

Ut aër enim inspiratus sanguinis nimium fervorem, in pulmonibus & centro corporis, temperat, fuliginum-

unquē suffocantium eventilationem  
procurat, ita vicissim sanguis æstuans,  
per arterias in universum corpus pro-  
fectus, extremitates omnes fovet,  
nutrit, in vivis sustentat & ab ex-  
terni frigoris vi extinctionem prohi-  
bet.

Iniquum itaque foret & mirum, si  
singulæ particulæ cujuscunque regio-  
is, transmutatione sanguinis & cir-  
culationis beneficio non fruerentur,  
quarum gratiâ potissimum videtur à  
naturâ instituta circulatio.

Itaque ut concludam, videtis enim  
quomodo circulatio sanguinis fiat ci-  
ra confusionem & perturbationem  
humorum, in toto corpore & singu-  
lis particulis, tum in majoribus, tum  
minoribus vasis, idque ex necessitate,  
in partium omnium beneficium; sine  
illâ, neque refrigeratæ & impoten-  
tes unquam restituerentur, aut in vi-  
vis permanerent. Satis quoniam pa-  
et omnem influentiam caloris con-

servantis per arterias adventare 8  
circulationis operâ fieri.

Quare mihi videtur, doctissimum  
*Riolanum*, cùm negat quibusdam par-  
tibus inesse circulationem, magis offi-  
ciosè in suo *Enchiridio* loqui, quam  
verè; ut scilicet quamplurimis place-  
ret & neminem oppugnaret, & hu-  
maniter magis, quàm graviter, veri-  
tatis studio, scripsisse. Sicut quoque  
videtur agere, cùm sanguinem per  
septum cordis & incertos quosdam  
(*libr. 3. cap. 8.*) cæcosque meatus, in  
sinistrum ventriculum pervenire ma-  
luerit, quàm per amplissima & paten-  
tissima pulmonum vasa, arteificio val-  
vularum regressum impredientium fa-  
brefacta: rationem impossibilitatis &  
incommoditatis quam alibi dicit se  
proposuisse, videre cupio. Mirum  
esset cùm eadem magnitudo, con-  
stitutio & fabrica sit aortæ & venæ  
arteriosæ, si non earum idem offi-  
cium.

Sed

Sed illud valdè improbable, ma-  
num flumen totius massæ sanguineæ  
er tantillos cæcosque septi maxan-  
ros in tantâ copiâ ventriculum sini-  
trum petere, quæ responderet, tum  
ingressui à venâ cavâ in dextro late-  
re cordis, tum egressui de sinistro,  
qui ambo tam ampla requirunt ori-  
ficia.

Sed inconstanter quoque hæc pro-  
tulit, nam (*libr. 3. 6.*) pulmones cordi  
tanquam emunctorium & emissarium  
constituit, & ait, pulmo afficitur ab isto  
sanguine transeunte, dum ejus sordes eò  
confluunt simul cum sanguine. Sic etiam  
dicit, labem pulmones acquirunt à visceri-  
bus intemperatis & malè moratis, quæ sug-  
gerunt cordi sanguinem impurum, cujus vi-  
tium non potest emendare cor, nisi per  
multas circulationes. Idem ibidem, cir-  
ca missionem sanguinis in peripneu-  
moniâ & communicatione venarum  
cum vasis pulmonum contra Galenum  
dicit. Si verum sit naturaliter sangui-

nem transire à dextro cordis ventriculo ad pulmonem, ut deducatur in sinistrum ventriculum, inde in aortam; atque si sanguinis circulatio admittatur, quis non videt in affectibus pulmonum, sanguinem majori copia eò confluere & opprimere pulmones, nisi evacuentur primò liberaliter, dein partitis vicibus ad eos sublevandos; quod fuit consilium Hippocratis, qui in pulmone tumente, ex omnibus corporis partibus, capite, naso, lingua, brachiis, pedibus detrahit sanguinem, ut minuatur quantitas, atque revellatur à pulmone, & educit sanguinem donec corpus fuerit exsangue. Supposità circulatione (inquit ibidem) facilius deplentur pulmones, per venæ sectionem: si rejiciatur, non video, quomodo sanguis possit inde revelli; nam si refluat, per venam arteriosam, in ventriculum dextrum, obstant valvulae sigmoides, & è cordis ventriculo dextro regressum, in cavam venam, sistunt valvulae tricuspidales. Ergo, per circulationem exhauritur sanguis, sectis venis brachii & pedis. Simulque destruitur

Fer-



ernelii opinio, scilicet, in pulmonum aff-  
 etibus, sanguinem esse potius detrahen-  
 um, è brachio dextro quàm sinistro, quia  
 sanguis non potest remigrare in venam ca-  
 am, nisi ruptis duobus claustris & obicibus  
 a corde positis.

Addit insuper eodem loco (libr. 3.  
 ap. 6.) Si admittatur circulatio sangui-  
 nis & transeat sæpius per pulmones, non  
 per septum medium cordis, duplex circula-  
 tio sanguinis assignanda; una quæ perfici-  
 tur à corde & pulmonibus, dum sanguis, à  
 dextro cordis ventriculo profiliens, tradu-  
 citur per pulmones, ut perveniat ad sini-  
 strum cordis ventriculum; nam, ab eodem  
 viscere exsiliens, ad idem recurrit, deinde,  
 per alteram circulationem longiorem à si-  
 nistro cordis ventriculo emanans, circuit  
 universum corpus, per arterias & per ve-  
 nas, ut recurrat ad dextrum cordis ventri-  
 culum.

Poterat hic addere doctissimus vir,  
 tertiam circulationem brevissimam,  
 è sinistro nempe ventriculo cordis,

ad dextrum, circumagentem portionem sanguinis per arterias & venas coronales, suis ramulis per cordis corpus, parietes & septum distributas.

*Qui admittit, inquit, unam circulationem non potest alteram repudiare.* Ita addere potuisset, *non potest tertiam denegare.* Quorsum enim pulsarent arteriæ coronales in corde, si non sanguinem eo pulsu impellerent? & quorsum venæ (quarum officium & finis est sanguinem ab arteriis ingestum recipere) nisi ut sanguinem e corde tranarent?

Adde insuper, in venæ coronalis orificio valvulam (ut ipse Vir doctus fatetur *lib. 3. cap. 9.*) sæpissimè reperiri ingressum prohibentem, egressui reclinantem: ergo tertiam certè non potest non admittere circulationem, qui alteram universalem & per pulmones quoque & cerebrum (*l. 4. c. 2.*) sanguinem transire admittit. Neque enim, in singulis partibus cujuscun-  
que

que regionis, fieri similiter à pulsu ingressum sanguinis & per venas regressum, omnesque proinde particulas circulationem recipere, haud potest denegari.

Ex his verbis ipsissimis itaque Viri doctissimi clarè patet, qualis ipsius est sententia, tum de circuitu sanguinis per universum corpus, tum per pulmones ceterasque omnes partes: nam ipse, qui primam circulationē admittit, apertè patet reliquas non repudiare. Quì etenim fieri potest, ut, qui circulationem per universum corpus toties affirmaverit & per vasa circulatoria majora, ipse, ullis propaginibus aut ullis partibus, secundæ aut tertiæ regionis, universalē circulationē inesse repugnaret? Tanquã si omnes venæ & majora, quæ vocat, vasa circulatoria, in secundâ regione corporis non esse, ab omnibus & ab ipso numerarentur.

An per universum possibile sit esse circulationē, quæ non per omnes par-

tes ? ubi negat, titubanter propterea agit & in negationibus vacillat & verba solum dat ; hic ubi asseverat, cordatè loquitur & firmis additis rationibus , ut philosophum decet , & , super hanc sententiam, tanquam medicus expertus & vir probus consulit, in periculosissimis morbis pulmonum , extremum sanguinis emissionem esse remedium, contra *Galenum* & *Fernelium* suum dilectissimum : ubi si dubitasset, longè absit à tam docto viro Christiano, quod posteris experimenta per mortes, vitæque humanæ discrimina commendaret ; aut à *Galeno* vel *Fernelio* summæ apud ipsum auctoritatis , sine apertâ ratione recedere voluisset. Quicquid denegaverit itaque circuitus, vel in mesenterio, vel aliis partibus, sive venarum lactearum , sive veteris medicinæ in gratiam, sive alicujus alterius respectu, id humanitati & modestiæ tribuendum & condonandum est.

Hæte-

Haecenus satis puto manifestè apparere, ex ipsius viri clarissimi verbis & argumentis, circulationem ubique esse, & sanguinem ubicunque fuerit locum mutare & per venas cor petere; & idem mecum doctissimus Vir sentire videtur. Ideo non opus est, imò supervacaneum foret, huc meas, quas in libello de motu sanguinis rationes edidi, ad hujus veritatis confirmationem ampliorem transferre: quæ, tum ex fabricâ vasorum, positione valvularum, aliisque experimentis & observationibus desumuntur; præsertim cùm nondum viderim Tractatum doctissimi *de circulatione sanguinis*, neque adhuc ulla argumenta viri doctissimi, præter nudam negationem, repererim, quibus adductus circulationem, quam universalem, quamvis in plerisque partibus, regionibus & vasis repudiat, admittit.

Verùm quidem quod, tanquam pro subterfugio, adduxerim *Galen* au-

thoritatem de anastomosi vasorum; sed tantus vir, Anatomicus expertus, curiosus & diligens, prius, de majoribus arteriis ad venas majores, anastomoses easque patentes, visibiles, tanto torrenti & massæ sanguineæ profluvio, gurgites proportionales & orificiis propaginum (quibus aufert circulationē) majores patefacere & ostendere debuisset; antequam vias notas probabiliores & patentiores repudiaret; ubi ex sint & qualiter fabrefactæ: num ad intromittendum tantummodo sanguinem in venas idoneæ, (uti ureterum insertiones in vesicam urinariam cernimus) & non ad remeandum, vel quo alio modo fuissent, tenebatur demonstrare & declarare. Sed (nimis forsan audacter dico) nec ipse Vir doctissimus, nec ipse *Galenus*, neque ulla experientia, unquam sensibiles anastomoses conspexerunt, aut ad sensum ostendere potuerunt.

Ego quâ potui diligentiam perquisi-

fivi,



fivi, & non parum olei & operæ perdididi, in anastomosi explorandâ, nusquam autem invenire potui vasa invicem, arterias scilicet cum venis, per orificia copulari: libenter ab aliis discerem, qui *Galeno* tantum ascribunt, ut ad verba ejus jurare ausi sint.

Neque in jecore, liene, pulmonibus, renibus, aut aliquo viscere est aliquis anastomosis, licet in illis coctis, usque quò friabile totum redderetur parenchyma, &, tanquam pulvis, ab omnibus vasorum fibris esset excussum & acu detractum, ut omnes cujusvis divaricationis fibras, omnia capillamenta evidenter cernere potuerim. Audacter igitur affirmare ausus sum, neque anastomoses esse vel venarum portæ cum cavâ, arteriarum cum venis, aut pori cholidochi capillarium ramulorum, qui, per totam hepatis sinam, disperguntur cum venis.

Hoc solû modo in jecore recenti observare licet, omnes propagines venæ  
cavæ,

cavæ, per gibbam hepatis perreptantes, tunicas habere infinitis puncticulis cribrosas, tanquam in sentina, ad decumbentem sanguinem recipiendum fabrefactas. Portæ rami non similiter se habent, sed in propagines divaricantur, & , ut utraque distributio horum vasorum , hujus in sinâ parte, illius in gibbâ, ubique ad externam usque visceris umbonem excurrant sine anastomosibus.

Tribus, duntaxat, in locis quod æquipollet anastomosi reperio. 1. In cerebro, è soporalibus arteriis in basin perreptantibus, frequentes & implexæ fibræ oriuntur, quæ plexum choroidem postea efformant, & ventriculos transeuntes, tandem in sinum tertium, ubi officio venæ funguntur, unitæ desinunt. 2. In vasis spermaticis, præparantibus vulgo dictis, arteriolæ è magnâ arteriâ deductæ, venis, dictis præparantibus, quas comitantur, adhærent, & tandem intra tunicas

unicas illarum ita recipiuntur, ut ultima quasi eadem habeantur: adeò ut, ubi ad testiculorum particulam superiorem, coniformem processum, corbus varicosum & pampiniforme distum, desinunt, incertum planè sit an venæ an arteriæ an utriusque fines æstimemus. 3. Pariter & arteriarum, venam umbilicalem adeuntium, ultima stamina in venæ illius tunicis obiterantur.

Quid dubitandum, cum per tantam voraginem arteriæ magnæ, ejus ramuli sanguinis impulsu & infarctu distenti, tam magno & conspicuo etiam torrente depleri debeant; num sensibiles saltem & visibiles transitus, vortices & gurgites iis natura denegasset; si omnem sanguinis fluxum eò divertere & proinde minores propages & partes solidas, influxus beneficio omnino privatas esse, voluisset?

Denique, hoc unum experimen-  
tum

tum commemorabo, quod, ad anatomoses declarandas & eorum (qui sint) usum, ad transitum sanguinis de venis in arterias per illas vias & regressum evertendum, sufficiens esse videtur.

Aperto pectore cujusvis animalis & ligatâ venâ cavâ juxta cor, adeò ut nihil illâ in cor migret & confestim rescindantur arteriæ jugulares, illæ sive venis, utrinque. Si inde arterias, datâ portâ ilico inanitas conspexeris & non pariter venas; manifestum fore arbitror, nullibi sanguinem è venis in arterias, nisi per cordis ventriculos derivari. Alioquin enim venas, ex illarum arteriarum effluvio (ut notavit *Galenus*) brevissimo spatio temporis, similiter ac arterias, sanguine destitutas cerneremus.

Quod restat *Riolane*, & mihi & tibi ipsi gratulor; mihi ob sententiam quâ circulationem exornasti, tibi etiam, ob librum doctum, politum, suc-

accinctum, quo nil magis elegans,  
mihi transmissum; pro quo gratias  
habeo amplissimas; laudesque meri-  
tas referre & debeo & cupio; me au-  
tem tanto oneri imparem esse fateor:  
plus enim dignitatis *Riolani* nomen  
subscriptum, quam encomia mea  
(quæ velim maxima) *Encheiridio* al-  
taturum scio. Vivet in æternum ce-  
lebris libellus, nominisque tui glo-  
riam (pereunte etiam marmore) po-  
steris enarrabit. Anatomien patholo-  
giæ summâ cum gratiâ conjunxisti,  
osteologiâ novâ utilissimâ magno  
cum fructu locupletasti, mactè istâ  
virtute Vir insignissime, & me ama,  
qui te foelicem simul & longævum &  
ut omnia tua celeberrima scripta sem-  
piternæ laudi tibi sint, exoptat,

GULIELMUS HARVEUS.

*Exer-*

*Exercitatio altera*

A D

J. RIOLANUM

J. Filium,

*In quâ multa contra Circuitum Sanguinis objectiones refelluntur.*

**L**ABORIS mei partē multis retrò abhinc annis (doctissime RIOLANE) obstetricantē prælo, in lucem edidi. Nullus verò propemodum existit dies, à circuitus sanguinis natali, nec minutissimum decursi temporis spatium, in quo non benè & malè de circulatione à me inventâ audivi: alii tenellulum adhuc infantem convitiis lacerant, tanquam luce indignum, alii contrà alendum esse foetum, diju-



judicant, scriptisque meis favent & assentiuntur; illi magno cum fastidio oppugnant, hi ingenti cum applausu patrocinantur: hi me abundè experientis, observationibus & autopsia confirmasse circuitum sanguinis, contra omnem argumentorum vim & impetum existimant; illi vix adhuc satis illustratum putant & nondum ab objectionibus vindicatum. Sunt autem, qui me inanem vivarum dissectionum gloriam affectasse clamitant, & ranas, serpentes, muscas, aliaque viliora animalia in scenam adducta, levitate puerili vituperant & irrident, nec à maledictis abstinere. Maledicta autem maledictis rependere indignum philosopho & veritatem inquirenti judico; satiùs & consultiùs fore arbitror, tot malorum morum indicia, verarum luculentarumque observationum luce, diluere.

Ne oblatrent canes, aut suam ne evomant crapulam, aut ne inter philosopho-

losophorum turbam annumerentur quoque cynici, evitari non potest: verum ne mordeant, aut vesana sua rabie inficiant, vel canino dente rodant ipsa veritatis ossa & fundamenta, cavendum est.

Vituperatores, momos, scriptoresque convitiolum labe fordidos, ut, nunquam legendos mecum statui, (à quibus nihil solidum aut præter maledicta egregium sperandum) ita multo minus responsione dignos judicavi. Utantur suo malo genio, vix unquam benevolos lectores habituros puto; neque (quod præstantissimum & maxime optandum) sapientiam donat Deus optimus improbis, pergant maledicendo, donec ipsos (si non pudet) pigeat, vel denique tædeat.

Ad viliorum animalium inspectionem cum *Herachlito* apud *Aristotelem* in casam furnariam (sic dicam) introire si vultis, accedite, nam neque hic *Dii* desunt immortales; maximusque omnino-

potens pater in minimis & viliorius quandoque conspectior est.

In libello de cordis & sanguinis motu animalibus, illa tantum adhibui ex multis aliis observationibus meis, quibus aut errores redargui, aut veritatem satis stabilitam iri arbitrabar; plurima alia, dissectionis ope, sensu perceptibilia, tanquam redundantia & inutilia dereliqui; quorum quædam in gratiam studiosorum, qui illa efflagitant, paucis verbis nunc addam.

Tantum valet apud omnes Galeni magna autoritas, ut multum hæsitare video nonnullos, circa experimentum illius, de ligaturâ arteriæ super fistulam, intra cavitatem immisissam, quo demonstrari videtur pulsum arteriarum fieri à facultate, per tunicas à corde transmissâ, & non à sanguinis intra cavitates impulsu, & proinde arterias dilatari ut folles, non ut utres.

Hoc

Hoc experimentum memoratur *Vesalio*, viro Anatomes peritissimo, sed neque *Vesalius*, neque *Galenus* dicit, experimentum hoc fuisse ab ipsis, sicut à me probatum; tantummodo præscribit *Vesalius*, consultitque *Galenus* veritatis indagandæ studiosis, quò certiores fierent, non cogitans aut intelligens, difficultatem illius operis, neque, cùm sit, vanitatem: quandoquidem, licet omni diligentia administraretur, nil tamen pro illius opinionis confirmatione facit; quæ pulsus causam esse tunicas asseverat: sed magis declarat ab impulsu sanguinis concitari. Nam super calamum aut fistulam quamprimùm ac vinculo arteriam strinxeris, supra ligaturam arteria, statim ab impulsu sanguinis desuper impacti, dilatatur: ultra orbitam fistulæ, inde & fluxus inhibetur & impetus refringitur; ita ut arteria vinculo subdita, obscure admodum pulset, quia est sine impetu trans-

euntis

antis sanguinis, eò quod supra ligamuram reverberatur.

Sin verò infra fistulam abscissa arteria fuerit, videre licebit contrarium ex saltu sanguinis projecti & per fistulam impulsu, sicut solet evenire (ut in libello de sanguinis motu notavi) in neurismate, ab exesis arteriæ tunicis, hoc (intra membranas enim continetur sanguis) non tunicam arteriæ dilatatam, sed circumpositâ ex membranis & carne cystim præter naturaliter factam pro continente habet.

Inferiores arterias, trans aneurisma, pulsare valdè exiliter senties, quando superius & præsertim in aneurismate ipso, pulsus magni & vehementes apparent; quanquam ibi pulsationem & dilatationem fieri, ab arteriarum tunicis, aut facultate cysti communicatâ, fingere non possumus, sed planè ab impulsu sanguinis.

Sed enim, quo Vesalii error & aliorum inexperientia appareat evidentior,

tior, qui asserunt (ut opinantur) partem fistulæ subditam non pulsare ligato vinculo, expertus dico, subditam partem pulsaturam, si rectè fiat experientia, & cùm solveris vinculum ubi asserunt subditas arterias repulsare, ajo, minùs pulsare partem subditam soluto, quàm stricto vinculo nam sanguinis è vulnere prosilientis effusio omnia perturbat & irritum experimentum & vanum reddit: adeo ut nil certi ob impetum sanguinis, ut dixi, demonstrari possit.

Si verò (quod experientiâ mihi cognitum est) denudaveris arteriam & digitis compressis detinueris rescissam partem, poteris, ex arbitrio, multa tentare, ut veritas planè tibi elucescat. Primùm, singulis pulsibus allisum sanguinem in arteriam descendente perferentes, quo arteriam dilatari videbis. Poteris quoque sanguinem, pro libitu tuo, exprimere & dimittere; si exilem partem orificii  
laxa-



axaveris, singulis pulsibus subsultu  
jaculari & (quemadmodum diximus  
in arteriotomiâ aut perforatione cor-  
dis) singulis contractionibus cordis  
sanguinem ejici, in arteriæ dilatatio-  
ne, manifestum erit perscrutanti.

Quod si toto & continuo fluxu  
perpetim emanare siveris, & sive per  
pertum caniculum sive aperto orifi-  
cio erumpere permittas, in ipso flu-  
mine tum visu, tum tactu (si manum  
applicueris) omnes ictus cordis, om-  
nemque ejus rhythum, ordinem, ve-  
ementiam, intermissionemq; persen-  
sces; haud aliter quàm si in volam  
manus per syphonem diversis & va-  
riatis ejaculamentis, projectâ aquam  
percipere liceret, sanguinem exilien-  
tem variato impetu & inæquali, tum  
visu tum motu percipies. Tanto quan-  
toq; impetu ex rescissâ arteriâ jugu-  
ri erumpentem observavi, ut sanguis  
manui allisus, per quatuor vel quinque  
pedes, refractus reverberatusque resi-  
ret.

K

Sed

Sed quò clariùs, quod in dubio est, appareat, pulsificam vim non per arteriarum tunicas à corde manare, habeo, è nobilissimi viri cadavere, arteriæ descendens portionem, cum duobus cruralibus ramis, spithamæ longitudine, exemptam, in os fistulosum conversam; per cujus cavum, dum vivebat nobilissimus vir, descendens arteriosus sanguis in pedes, subditas arterias suo impulsu agitabat; in quo tamen casu, arteria idem passa, tanquam si super canaliculum fistulosum constricta & ligata foret (secundum *Galen*i experimentum) ut neque dilatari, eo loci, neque arctari, ut follis, neque vim pulsificam à corde inferioribus & subditis arteriis communicare, aut per soliditatem ossis facultatem, quam non susceperat, deducere potuerit. Nihilominus inferioris arteriæ pulsus agitari in cruribus & pedibus, optimè memini, dum vivebat me sæpissimè observasse; fui enim

nam ipsi Medicus assiduus, ille mihi amicus necessitudine conjunctissimus. Quare in illo nobilissimo viro, necesse inferiores arterias ab impulsu sanguinis, ut utres, dilatatas fuisse, non, ut folles, ab expansione tunicarum: siquidem, idem inconveniens, eademque interceptio facultatis pulsificæ, necesse est ut obveniat, tunicæ arteriæ in calamum & tubulum osceum totaliter conversæ, quæ calamo vel tubulo constricto, quò minùs arteriæ subditæ pulsent, obvenit. Alio quoque Viro nobilissimo & fortissimo, aortam partemque magnæ arteriæ juxta cor in os rotundum conversum novi.

Ita *Galen*i experimentum, vel saltem ejus analogon, quod industriam non inventum, sed casu repertum est, satis manifestum facit, interceptionem pulsificæ facultatis constrictione vel ligatura tunicarum arteriæ non impediri, ut inde arteriæ subditæ non

K 2

pul-sant.

atq; sic dicitur a quo =

220 *Exercitatio Anatomica III.*

vis *Galen*i experimentum (quam opinionem *Vesalius* inde confirmatam iri speraverat) redarguetur.

At non propterea omnem motum etiam tunicis arteriarum denegamus, sed, quem cordi tribuimus, concedimus, nimirum coarctationem & systolem, vel à distentione ad constitutionem naturalem regressum, ab ipsis tunicis fieri. Sed hoc annotandum, non, ab iisdem, dilatari & coarctari, sed à diversis causis & instrumentis, ut in motu omnium partium & ipso quoque corde observare licet. Ab auriculâ hoc distenditur, à se ipso contrahitur; ita arteriæ à corde dilatantur à se ipsis subsidunt.

*7. B :* Poteris & aliud experimentum eodem tempore facere. Si duo acetabula ejusdem mensuræ repleveris, alterum arterioso prosiliente sanguine, alterum venoso ex venâ ejusdem animalis extracto, poteris sensu statim & postea, cum coagulati refrixerint  
ambo

ambo sanguines, quænam sit differentia, inter utrumvis, observare : contra eos, qui aliam speciem sanguinis in arteriis fingunt, quam in venis : nempe in illis floridiore & nescio quomodo, spiritu copioso ebullientem, efflatum, (ad exemplum lactis aut mellis super igne effervescentis & intumescentis) ampliorem locum replentem faciunt.

Si namque sanguis, è sinistro cordis ventriculo in arterias impulsus, adeò in spumofam & sufflatam naturam fermentaretur, ut una aut altera gutta totum aortæ cavum distenderet, procul dubio, detumescente illâ fermentatione, ad quantitatem guttarum quarundam rediret (hanc causam assignant aliqui, cur, in mortuis, inanità arteriæ reperiantur) & idem, in cōtylâ arterioso sanguine plenâ, conspiceretur. Ita enim & in lacte & in melle refrigerato obvenire experimur. Quod si in utrâvis cōtylâ sanguis eodẽ penè colore & non multũ dissimili

consistentiâ coagulatus fuerit, similiter & serum exprimens; & pariter si utramque mensuram, dum calet & dum friget, compleverit, sufficiens erit cuius, ad fidem faciendam & ad quorundam insomnia rejicienda, puto argumentum.

Neque aliam speciem esse, sinistro quam dextro cordis ventriculo, sanguinis & sensu indagare poteris & ratione; proportionabiliter enim venam arteriosam unâ spumante guttâ distentam coaffirmatum oporteret & proinde eundem & similiter effervescentem & fermentantem sanguinem dextro quàm sinistro; quandoquidem ingressus venæ arteriosæ & aortæ egressus æquipollens & æquiparabilis est.

- \* Tria potissimum adducuntur ad hanc opinionem inducendam de diversitate sanguinis: unum, quod arteriotomiâ floridiorem sanguinem extractum vident: alterum, quod in dis-
- 2 sectione



seçtione corporum mortuorum, tam  
sinistrum ventriculum cordis, quàm  
arterias omnes adeò inanitas, repe-  
riunt: tertium, quod sanguinem ar-  
teriosum spirituosorem & spiritibus  
repletum intelligunt, & ita majorem  
multò locum occupare cogitant: quo-  
rum omnium causas & rationes, qui-  
bus ea sic appareant, ipsa inspectio  
prodit.

Primùm, quod ad colorem perti-  
net; semper & ubique exiens sanguis  
per angustum foramen; quasi perco-  
latur, est tenuior & levior pars, quæ  
supernatare solet, hæc quia magis pe-  
netrativa est, eliditur: sic in phlebo-  
tomiâ, sanguis, majori fluxu aut vi  
erumpens, è majori orificio, longius-  
que prosiliens crassior, corpulentior  
& colore obscuriore est: sin ex parvu-  
lo foramine & angusto guttatiimque  
emanaverit (ut solet è venâ solutâ li-  
gaturâ) floridior, tanquã enim trans-  
colatus, exit pars solummodo tenuior

224 *Exercitatio Anatomica III.*

& penetrativa magis, ut in hæmorrhagiâ narium, vel extractus per hirudines, vel cucurbitulas, vel quovis modo per diapedesin exiens, floridior cernitur: quia tunicæ ob crassitiem, duritiemque angustiores redduntur, nec adedè facilè reclinantes, ut exeunti sanguini viam præbeant patentem: sicut quoque contingit obesius corporibus, cùm ex pinguedine subcutaneâ, venæ orificium opprimitur, sanguis tenuior & floridior tanquam arteriosus apparet. Ex adverso si sanguis è rescissâ arteriâ liberè profluens acetabulo accipiat, venosus apparebit; multò floridior sanguis in pulmonibus, & exindè exprimitur, quam in arteriis reperitur.

+ Vacuitas arteriarum in corporibus mortuis (quæ forsân imposuit *Erasistrato*, ut arterias spiritus tantû aërios continere existimaret) inde evenit, quod quando subsident (meatibus occlusis) pulmones, nec ulterius respirant, per ipsos

pfos sanguis liberè non pòtèst trans-  
re: perseverat tamè interim per tem-  
poris spatium cor in expellendo, unde  
& sinistra cordis auricula contractior  
& ventriculus, pariterq; arteriæ inani-  
tè & sanguinis successione nō repletè,  
sed vacuè apparent: si simul cor pulsa-  
re cessaverit & pulmones respirando  
transitū prèbere, ut in iis, qui aqua fri-  
gida submersi suffocantur, aut syncope  
& morte subitanèâ extinguuntur, pa-  
riter repletæ & arteriæ reperirentur.

Quod ad tertium attinet de spiriti-  
bus, quinā sint & qualiter in corpore  
& quali consistentiā, an separati & di-  
stincti à sanguine & partibus solidis,  
an commisti, tot tamque diversæ opi-  
niones sunt, ut non sit mirum, spiritus,  
quorū natura in ambiguo ita relinqui-  
tur, communi ignorationis subterfu-  
gio inservire. Vulgò enim scioli, cū  
causas assignare haud norunt, dicunt  
statim à spiritibus hoc fieri, & om-  
nium opifices spiritus introducunt, &

uti mali Poëtæ, ad fabulæ explicatio-  
nem & catastrophën *Θιδὸν δαμναχου*  
advocant in scenam.

*Fernelius* & alii, spiritus aërios &  
invisibiles substantias, supponunt;  
probant enim esse spiritus animales  
(eodem modo quo *Erasistratus* in arte-  
riis) quia in cerebro cellulæ reperiun-  
tur, quas, cùm non datur vacuum,  
spiritu in vivis repleri concludunt.  
N. B. Tota tamen schola Medicorum, tres  
spirituum species constituit, natura-  
les per venas, vitales per arterias, &  
per nervos animales tranari spiritus:  
unde dicunt Medici, ex *Galeno*, quan-  
doque partes cerebri consensu labo-  
rare, quia prohibetur facultas cum es-  
sentiâ, id est, spiritu, quandoque ci-  
tra essentiam. Insuper, præter in-  
fluentes hos tres ordines spirituum,  
totidem implantatos videntur asse-  
re. At nos neque in venis, nervis, ar-  
teriis aut cæteris partibus vivorum  
dissectionibus explorando ullos inve-  
nimus,

*Js.*  
nimus. Alii corporeos spiritus faciunt, alii incorporeos; qui corporeos volunt, quandoque sanguinem vel sanguinis tenuissimam partem, copulam animæ, quandoque in sanguine contentos (ut in nidore flamma) & continuo fluore insitos spiritus sustentatos subintelligunt, quandoque sanguini contradistinctos. Qui spiritus incorporeos affirmant, non habent ubi insistant; sed & per potentias spiritus agnoscunt, ut spiritus concoctivos, chylicativos, procreativos & tot spiritus quot facultates aut partes.

Sed & Scholastici, spiritum fortitudinis, prudentiæ, patientiæ, omniumque virtutum & spiritum sapientiæ sanctissimum connumerant, omneque donum divinum. Malos item & bonos spiritus, assistere, possidere, deferere, vagari suspicantur: morbos à cacodæmone, tanquam à cacochemiâ, opinantur causari.

Quanquam nil magis incertum &

dubium quàm de spiritibus doctrina tradita, tamen, ut plurimum omnes Medici cum *Hippocrate* concludere videntur, corpus nostrum ex tribus compositum esse partibus, scilicet continentibus, contentis & impetum facientibus; per impetum facientes spiritus interpretantur. At si pro impetum facientibus, spiritus intelligendi, quicquid in vivis corporibus vim habet impetum agendi, spiritus nomine compellaretur. Nec ideo omnes spiritus sunt aëriæ substantiæ, nec potentiæ, nec habitus, ut neque incorporei.

Sed quod ad propositum nostrum præcipuè spectat, omisso aliorum omnium significationum tædio, spiritus, per venas aut arterias excurrentes, à sanguine non separantur, ut nec flamma à nidore inflammabili; sed sanguis & spiritus unum & idem significant, nec diversi sunt, ut vinum generosum & spiritus ejus. Nam uti vinum



num ulteriùs vinum non est (amisso  
omni spiritu) sed vappa, aut acetum,  
ita neque sanguis sine spiritu sanguis  
est, sed æquivocè cruor; veluti ma-  
nus lapidea aut mortua non ampliùs  
manus est, ita nec sanguis sine spiritu  
vitali, sanguis; sed corruptus statim  
censendus, si spiritu destitutus fuerit.  
Spiritus itaque qui in arteriis sangui-  
ni arterioso inseparabilis præcipuè in-  
est, aut actus ejus est, sicut vini spiri-  
tus in vino & aquæ vitæ spiritus, aut  
sicut flammula in vini spiritu accensa  
& sese nutriendo vivens.

Igitur sanguis, plurimùm spiriti-  
bus imbui dicitur, non quod illis tur-  
geat, aut fermentetur, aut infletur, ut  
majorem locum desideret & requirat  
(quod experimento allato per aceta-  
bulorum mensuram certissimè diju-  
dicare poteris) sed hoc sicut vinum,  
majoribus viribus & impetu agendi  
& efficiendi quod polleat, secundum  
mentem Hippocratis intelligendū est.

Idem

Idem itaque, sanguis, in arteriis, qui venis inest, licet spirituosior agnoscatur & majori vi vitali pollere: non autem in quid magis aërium convertitur, aut vaporosior redditur. Non putandum nullos esse spiritus, nisi aërios; aut nullum impetum faciens, præter flatus & ventositates; sic neque spiritus animales, naturales, vitales, qui in solidis partibus, videlicet, ligamentis & nervis (præsertim si tot statuuntur species) inhabitant, intrà cœcos meandros contentos, tot aërias diversas esse formas, aut vaporum species arbitrandum.

Qui spiritus, in corporibus animalium, corporeos agnoscunt, sed consistentia aëriâ, vel vaporosâ, vel flammeâ, ab illis scire libenter velim. An sine sanguine, huc, illuc, transire, refluxere & vagari tanquam corpora distincta possint? An verò sanguinis motum sequantur spiritus, tanquam vel sanguinis partes sint, vel indissolubili

ubili connexu & interruptâ exhalatione alligati: adeò ut neque derelinquere partes possint, neque transire sine sanguinis influxu & refluxu & transitu.

Si enim, sicut vapores aquæ attenuatæ calore, spiritus sint ex sanguine; quomodo, in continuo fluore & successione, partium existent pabulum? neque à pabulo remoti manere sine continuâ evanescentiâ possunt: proinde neque influere, neque refluerè, neque transire quavis, neque permanere, sine sanguine influente, refluente, transeunte, tanquam eorum vel subjecto, vel vehiculo, vel pabulo sequi necesse est.

Deinde scire ab illis velim, qui spiritus in corde fieri docent & eos ex vaporibus vel exhalationibus ex sanguine (sive calore cordis sive concussione) suscitatos aëri inspirato permiscant & componunt. An non tales spiritus, sanguine frigidiore mul-

tò sint æstimandi : quandoquidem partes ambæ, ex quibus componuntur frigidiore multò sint, aër videlicet & vapor : vapor enim aquæ ferventis, multò ipsâ aquâ tolerabilior, flamma quævis minùs comburens quàm carbo ellychnii, & carbo ligni quàm ferrum, aut æs candens.

Unde videtur magis, spiritus humani, calorem suum à sanguine acceptum referre, quàm sanguinem à spiritu incalescere : & tales spiritus potiùs fuligines & effluvia excrementitia sanguinis & corporis, (veluti odores) quàm naturales censendos opifices ; præsertim cùm tam citò, virtutem (si quam habent, à sanguine suo origine, acceptam) amitterent, fragiles adeò & evanidi existentes.

Unde quoque probabile foret, pulmonum expirationem datam esse, ut eâ (vapores efflondo) eventaretur & depuraretur sanguis : atque inspirationem, ut sanguis pertranseundo  
inter

ter ventriculos duos cordis, con-  
emperaretur, ambientis frigore: nè  
excandescens & intumescens, qua-  
amque fermentatione inflatus (sic-  
ti effervescens mel & lac) adeò dis-  
enderet pulmonem, ut suffocaretur  
animal: quemadmodum sæpiùs in  
periculoso asthma vidimus: cujus  
etiam *Galenus* causam referens, di-  
cit, ab obstructis levibus arteriis illud  
contingere, videlicet, vasis venosis &  
arteriosis. Hoc sum expertus, à suffo-  
cationis asthmaticæ summo discrimi-  
ne, cucurbitis affixis & multâ subito  
gelidâ affusâ aquâ, liberatos fuisse  
non paucos. Hęc forsan satis superque  
de spiritibus hoc loco, quos definire  
& docere, quid sint & quales, in *tract.*  
*physiologico* debemus: tantum addam.

Qui de calido innato, tanquam na-  
turæ ad omnia communi instrumen-  
to, tractant; & influentis caloris, ad  
omnes partes fovendas & in vitâ reti-  
nendas, necessitatē docent; eum non  
sine



sine subiecto existere agnoscunt: quia  
 ob celeritatem influxus & refluxus (in  
 animi pathematibus præsertim) hu-  
 jusque caloris motum velocem, cor-  
 pus mobile non proportionabile re-  
 periunt; spiritus introducunt, tan-  
 quam corpora subtilissima, maxime  
 penetrativa & mobilia; eosque haud  
 aliter, quàm operationum naturalium  
 divinitatem mirabilem, ab illo com-  
 muni instrumento (videlicet calido  
 innato) provenientiem, efferunt: il-  
 los spiritus, sublimes, lucidos, æthe-  
 reos, cœlestis naturæ, divinos, vincu-  
 la animæ, esse consimiliter comminif-  
 cuntur; veluti vulgus imperitorum,  
 quorum operum causas non capiunt,  
 Deos immediatos authores opinantur  
 & prædicant.

Unde calorem influentem, in sin-  
 gulas partes perperam per spiritus in-  
 fluxum, idque per arterias adventan-  
 tem, decernunt, tanquam si sanguis,  
 nec tam citò moveri, nec penitus in-  
 sinuari,



uari, nec tantopere fovere potuif-  
t. Eoque provecti sunt hujus opi-  
onis fiduciâ, ut contentum in arte-  
is sanguinem esse negent.

Sed levissimis argumentis conan-  
tur astruere, sanguinem arteriosum  
specie differentem esse, vel aëriis hu-  
usmodi spiritibus, repletas esse arte-  
ias & non sanguine, contra ea omnia,  
quæ *Galenus* adversus *Erasistratum*, tum  
ex experienciâ, tum ratione petitâ at-  
tulit.

Verùm enim verò, sanguinem ar-  
teriosum, non ita differre, superiori  
experimento & sensu, satis manife-  
stum; sanguinis influxum & spiritus  
non separatos à sanguine, sed, ut ejus-  
dem corporis, per arterias influere,  
sensus quoque facere potest manife-  
stum.

Observare licet, quando & quo-  
ties extrema, manus, pedes vel auri-  
culæ rigent & frigent, & influente ca-  
lore rursus restituuntur, quod simul  
con-

236 *Exercitatio Anatomica III.*

contingat eas partes colorari & cale-  
fieri & repleri, venasque antea exiles  
& oblitteratas ad apparentiam tume-  
fieri : unde & quandoque cùm subito  
recalescunt, dolore afficiuntur partes ;  
ex quibus apparet, id, quod influxu  
suo calorem advehit, idem esse quod  
replet & colorat : hoc autem præter  
sanguinem nihil aliud esse potest, sic-  
ut antè demonstratum est.

Longiori discissâ arteriâ & venâ,  
quavis sensu percipere evidenter po-  
test, cùm viderit partem venæ ci-  
teriolem, versus cor, nihil sanguinis  
emittere ; partem verò ulteriorem  
profundere copiosum & nil præter  
sanguinem. (qualiter postea, pag. 249.  
in experimento meo commemorato  
in jugularibus internis factò) Contrà  
rescissa arteria, sanguinis parùm, ex  
parte ulteriore dissectâ manat, citerior  
verò pars, tanquã è siphone, violento  
impulsu merum sanguinem ejaculat.

Quo experimento constat, quã  
tran-

insitus in utrisque sit, an hæc, an illa; constat item, quâ velocitate, quâ motu sensibili, non sensim & guttatim, quâ violentiâ insuper effusio fiat. Sed ne quis subterfugiendo præten-  
dat spiritus esse invisibiles: dimittatur sacrificium vasis dissecti in aquam, vel oleum; si enim quidpiam exiret aë-  
reum per bullas erumperet visibiles. *N.B.:*  
Hoc enim modo, crabrones, vespas & hujusmodi insecta, in oleo demersa & suffocata, ultimò aëris bullulas è cau-  
lâ, dū moriuntur, emittunt; unde ita respirare vivos non est improbabile.

Animalia enim omnia, aqua sub-  
mersa & suffocata ultimò, cum pro-  
funduntur & subsidunt, bullulas, ex  
ore & pulmonibus, emittere solent,  
cum spiritum reddunt.

Constat denique eodē experimen-  
tò, in venis valvulas ita exactè clau-  
di, ut aër inflatus non penetret, multò  
minùs sanguis. Constat inquam sen-  
su, neque sensibiliter, neque insensibi-  
liter,

238 *Exercitatio Anatomica III.*

liter, neque sensim, neque guttatim; sanguinem per venas à corde elongari.

Ne quis tandem eò confugiens dicat, hæc ita esse cùm turbatur natura, & præternaturaliter constituta sit, non verò cùm sibi relicta liberè agat. Quandoquidem in morbosâ & præternaturali constitutione, eadem apparent, quæ in naturali & sano statu; dicendum & existimandum non est, quod si, discissâ venâ, tantum sanguinis ex ulteriori parte emanare videatur, id præter naturam fieri, quia turbatur natura: non enim dissectio partem citeriorem claudit, quo nihil exinde exeat, aut exprimi queat, sive turbetur natura sive non.

Alii similiter contendunt dicendo, quanquam abscissâ arteriâ propè cor, in tantâ copiâ singulis pulsibus prorumpat statim sanguis, quod non propterea semper cor integrum, integrâ arteriâ, tantum pulsu pellat. Verisimi-

*De Circulatione Sanguinis.* 239

milis tamen est, omnem pulsum  
quid impellere, neque posse sine  
cujus contenti propulsu, pulsum  
continentis esse. Tamen quidam, quò  
defenderent & circulationem vita-  
nt, non verentur affirmare & asse-  
rere, arterias, videlicet, in viven-  
tibus & secundum naturam sese ha-  
ntibus, adeò plenas, ut ne ultra  
pauca grana sanguinis admittere va-  
lant, & consimiliter de cordis ven-  
triculis. Sed extra dubium est, quan-  
tuncunque & quousq: dilatari & con-  
trahi, arteriis & ventriculis concedi-  
tur, recipere sanguinis quantitatem  
cavitatibus respondentem, idque ul-  
tra multa grana esse debere. Nam si  
ventriculi ita distendantur (ut vidimus  
quandoque in Anatomia vivorum)  
quoad nil amplius sanguinis admitte-  
re possint, restitit cor ab impulsu,  
ensum renitensque si permaneat, suf-  
ocatione mortem inducit.

Sanguis dum movetur, an attraha-  
tur,

tur, an impellatur, an suâ intrinsecâ naturâ sese moveat, satis, in libello *de motu cordis & sanguinis*, dictum est: ut & de actione, functione, dilata-tione, contractione cordis, qualiter fiat ea, simul cum arteriarum diafoles: sic ut, qui exindè argumenta contra-dicendi sumant, quæ dicta sunt, vel non intelligere, vel nolle visu rem ex-plorare, videantur.

Haud quidquam puto in corpore attractum demonstrari posse præter alimentum, idque successione par-tium sensum in loca deperditi, sicut lucernæ oleum à flammâ.

Unde, omnis attractionis sensibilis & impulsione, commune organum primum illud est, quod nervi habet naturam, vel fibræ, vel musculi; nempe ut sit contractile quod (seipsum contrahendo) abbreviari possit, & ideò tendere, adducere, aut propellere: sed hæc fusiùs & apertiùs alibi in organis animalium motoriis declaranda.

Adeò



Adeò iis qui circulationem repu- *Quas:*  
iant, quia neque efficientem neque  
nalem causam vident, neque cui bo-  
o fiat, hæc pauca ad demonstrandum  
dhuc adjungam. Prius in confesso es-  
e debet, quod sit circulatio, ante  
nam propter quid fiat, inquiratur:  
am ex iis, quæ in circulatione & hâc  
ositâ obveniunt, usus & utilitates, in-  
estigandæ veritatis sunt plures. Sunt  
nim in Physiologiâ, Pathologiâ &  
Therapeiâ recepta, quorum causas,  
on novimus, esse tamen nullus du-  
itat; videlicet, febrium putridarum,  
evulsionis & purgationis excremen-  
orum; ea omnia, tamen, circuitus  
enificio intelliguntur.

Quicunque itaque circulationem  
ontrovertuntur, eò quod problema-  
medicinalia (stante circulatione)  
olvere non possint; aut in morbis cu-  
ndis, & medicamentis usurpandis,  
pparentium causas exinde colligere  
equeant; aut causas receptas à præ-

L

cepto-

ceptoribus falsas esse videant; aut approbatas prius opiniones relinquere indignum putent; & per tot sæcula traditam disciplinam, veterumque auctoritatem, in dubium vocari nefas existiment.

His omnibus respondeo, naturæ opera facta manifesta sensui, nullas opiniones, nullamque antiquitatem morari: naturâ enim nihil antiquius, majorisque auctoritatis.

Ad problemata non solubilia (ut putant) è medicinalibus observationibus, tanquam impedimenta sanguinis circulationi, objiciunt, & suos errores declarando, opponunt.

*Obi:* Stante circuitu phlebotomiâ non revelli, cùm sanguis nihilo minus parti affectæ impellatur.

2 Excrementorum pravorumque humorum transitum, per cor nobile viscus & principale metuendum.

3 Effluxum excretionemque miratur, cùm quandoque ex eodem corpore

ore, diversis partibus, immò ex eodem foramine, eodemque tempore, nonnunquam malus & corruptus sanguis egreditur; cùm, si continuo fluctu sanguis ageretur, per cor transiens permisceretur concussus.

Hæc & hujusmodi plurima, è Medicorum schola prolata, quæ fieri possint dubitant, nam repugnare videntur, quo minùs circulatio admittatur. Neque satis factum opinantur (sicut in Astronomiâ) nova systemata ordinare, nisi omnia phænomena solvant.

Non aliud hoc loco respondere videtur, quam circulationẽ non eandem, ubique & semper, esse; sed multa contingunt, ex sanguinis motu velociori vel tardiori, cordis propellentis robore & infirmitate, sanguinis copia, conditione, vel constitutione, partium densitate, obstructione & similibus. Crassior sanguis per angustos neatus ægriùs transit, pertransiens

*Resp:*

L 2

per

244 *Exercitatio Anatomica III.*

per jecoris parenchyma magis transcolatur, quàm per pulmonum.

Non pari cursu, per carnis & parenchymatis rariorem texturam tranatur, ac per nervosarum partium compactam consistentiam. Tenuior enim & purior & spirituosior pars, citiùs permeat, crassior, terrestrior & cacochymica, diutiùs subsistens, repudiatur. Pars nutritiva (ultimum alimentum, sive ros, sive cambium) magis penetrativa est (siquidem ubique apponenda, vel ipsis cornibus, plumis, unguibus, pilis denique) si omniquaque enutritæ secundum omnes dimensiones augmentantur.

Excrementa quibusdam locis propterea secernuntur & coagmentantur quæ aggravant, aut concoquantur: neque excrementa, vel pravos humores, semel segregata, neque lac, pituitam, sperma, neque ultimum alimentum (rorem & cambium) cum sanguine revolvì necesse puto, sed adhærere

hærare quod nutrit, ut agglutinetur, oportere.

De quibus omnibus, plurimisque aliis, in propriis locis determinandis & declarandis, nempe Physiologiâ, reliquisque artis medicinæ partibus; nec de circulationis sanguinis consequentibus, inconvenientiis, vel convenientiis, convenit disputare, priusquam ipsa circulatio stabilita sit, & pro concessio admittatur.

Astronomiæ exemplar non hic imitandum est, ubi ex apparentiis duntaxat & ipso quod sit, causæ & ipsum propter quid investiganda veniunt. Sed sicut quis eclypseos causam perquirens, si supra Lunam sisteretur, ibi eorum causam discerneret, quæ sub sensum cadunt, sensu, non ratiocinio sensibilibus; nulla alia certior demonstratio ad fidem faciendam adduci poterit, quàm sensus & *autopsia*.

Aliud experimentum insigne, apud omnes studiosos veritatis, cupio ex-

ploratum, quo & pulsus arteriarum ab impulsu sanguinis fieri & illustrari perspiciatur.

**N.B.** Intestinorum canis, vel lupi, vel cujusvis animalis inflatorum & excicatorum (qualia apud pharmacopœos vidimus) si in quâvis longitudine, pars abscissa aquâ impletâ, utrinque ligetur, ut sit tanquam farcimen. Poteris ab unâ parte, digiti ictu, pulsâ & vibratâ, in alterâ extremitate adversâ, applicatis digitis (ut supra carpi arteriam solemus pulsum indagare) omnem ictum & motus differentiam clarè sentire, atque hoc modo (ut etiam in omni venâ corporis turgente, sive viventis, sive mortui) poterit quispiam tyronibus omnes pulsum differentias, in magnitudine, frequentia, vehementia, rhythmico ad sensum æmulando & docere & indigitare.

Tanquam enim in longâ vesicâ repletâ & in tympano oblongo, omnis ictus unius extremi in altero simul  
cer-

De  
cernitur  
tris, sicut  
liquidâ m  
Solem  
distingue  
& vibrat  
in altero  
sensum  
quia sonu  
tantum f  
sed quia  
levissim  
quavis  
ichorosa  
tiam sub  
tam, aut  
impressa  
servat, n  
mento  
tentissim  
circuitur  
scripsi  
Qua  
to, pul



cernitur, sic proinde in hydrope ventris, sicut quoque in omni abscessu liquidâ materiâ oppleto. *hæc non potest diff. ulus hydrope*

Solemus anasarcam à tympanite distinguere; si enim omnis impulsus & vibratio, in uno latere facta, clarè in altero sentitur tactu, tympanitem sensemus; non, ut falsò existimatur, quia sonum tympani refert, & flatu tantum fiat (quod nunquam accidit) sed quia, uti in tympano, omnis ictus levissimus pertranseat, & vibratio quævis percurrat: serosam enim & ichorosam, qualis urina est, substantiam subesse denotat, & non aut lentam, aut viscidam, ut in anasarcâ, quæ impressa ictus & impulsione vestigia servat, non transmittit. Hoc experimento in medium adducto, oritur potentissima objectio, contra sanguinis circuitum, à nemine, qui contrà me scripserit, observata, aut opposita.

Quandoquidè in hoc experimento, pulsus systoles & diastoles, vide-

248 *Exercitatio Anatomica III.*

mus fieri posse, sine exitu liquoris, in arteriis idem posse ex ictu cordis contingere, sine circuitus necessitate, quis suspicabitur, & similiter Euripi in morem, illinc hùc & vicissim, hinc illuc sanguinem agitari. Verùm aliàs hanc difficultatem solvimus sufficienter, & nunc quoque dicimus, in arteriis viventium hoc non esse, quoniam continuò & continenter, auricula cordis dextra, ventriculum implet sanguine, cui tricuspides valvulæ regressum negant, & simul auricula sinistra sinistrum, & uterque ventriculus in systole, projicit sanguinem & protrudit, quem sigmoides valvulæ non sinunt remeare. Aut igitur alicubi ex pulmonibus & pariter ex arteriis emigrare, continuè & continenter debere; aut tandem alicubi stagnans & infarctus, vel continentia vasa disrumperet, vel cor ipsum distendendo suffocaret; ut in vivâ dissectione anguis (in libello meo de sanguinis motu)

ad

ad sensum contingere annotavimus.

Ad hoc dubium declarandum, duo experimenta, inter multa alia commemorabo, quorum prius antè retuli, quo clarè apparet sanguinem in venis, continuo & magno conatu & fluore, versus cor semper currere.

In jugulari venâ internâ denudatâ damæ vivæ, (coram multis Nobilibus & Rege Serenissimo Domino meo assistentibus) per medium divisâ & abruptâ, ex parte inferiori, è claviculâ surgente, vix guttæ quædam prodierunt sanguinis; quando magno impetu & rotundo fluore prorumpente, longiùs deorsum è capite per alterum illius venæ orificium, sanguis uberrimè scaturiret.

Idem quotidie poteris observare in phlebotomiâ profluente sanguine: si uno digito, paulò infrâ orificium, venam comprimas, affatim fluor sistitur: quâ compressione solutâ, abunde denuò effluit, ut prius.

In quâvis visibili longâ venâ cubiti, sursum extensâ manu & omni sanguine deorsum è manu, quoad poteris, depresso: videbis venam, quasi (relictâ in cute foveâ) collapsam: quamprimum verò summitate unius digiti comprimias, statim partem, manum versus, oppleri, turgere & (adveniente è manu sanguine) tumesceri percipies.

Quid causæ est, quod, si detento spiritu & inde compressis pulmonibus, multo ingesto aëre, simul vasa pectoris comprimantur, inde sanguis in faciem & oculos multo rubore compellatur?

Quid, quod (ut *Aristot.* in problematibus) omnes actiones, cum vi & robore magis obeuntur, detento anhelitu quàm laxato?

Quare è venâ frontis vel linguæ, compressione juguli & retento anhelitu elicitur sanguis uberior?

*N.D.* Ego aliquando in cadavere humano

no noviter strangulato, intra duas horas à suspensione, aperto pectore & pericardio, (antequam faciei rubor evanuerat) auriculam dextram cordis & pulmones, plurimum distentos & infarctos sanguine, multis attestantibus ostendi, præcipuè verò auriculam, ad maximi hominis pugni magnitudinem, turgentem adeò ut disruptam iri putares. Quæ moles die sequente, refrigerato penitus corpore & per alias vias cruore dilapso, detumescens evanuerat.

Ita, ex his & aliis experimentis, satis constat sanguinem per venas omnes, ad cordis basin, procurrere, & nisi transitus daretur in alias vias, coacervari in corde & ipsum eo obrui: uti ex alterâ parte, si non ex arteriis efflueret, sed regurgitatus reperiretur, appareret quantum opprimeret.

Aliam observationem addam. Vir *gh*  
nobilis Eques Auratus Dominus Robertus Darcy, progener doctissimi viri

& mihi amicissimi Medici celeberrimi Doctoris *Argent*: cū erat consistente ætate, sæpè de dolore quodam pectoris oppressivo, conquestus est, (præcipuè nocturno tempore) ita ut quandoque lipothymiam, quandoque suffocationem à paroxismo metuens, vitam inquietam & anxiam degeret. Multa incassum tentavit, omnium Medicorum consiliis usus, tandem ingravescente morbo, cachecticus & hydropicus factus, tandem in uno paroxismo vehementer oppressus, obiit. In hujus cadavere (præfente D. Doctore *Argent*, qui tunc temporis præsidentis Collegii Medicorum erat, & D. D. *Gorge*, Theologo & Prædicatore egregio, qui illius Parochii Pastor fuit) ex impedito transitu sanguinis, de sinistro ventriculo in arterias, paries ipsius ventriculi sinistri cordis (qui satis crassus & robustus cernebatur) disruptus & perforatus amplo hiatu sanguinē effundebat; erat enim  
fora-



oramen tantæ magnitudinis, ut facie aliquem ex meis digitis reciperet. *Alte.*

Alium virum cordatum novi, qui præ irâ & indignatione, ob acceptam injuriam à potentiori & illatam contumeliam, adeò æstuans exardescibat, ut auctis irâ & odio in dies (ob inhibitam vindictam) & animi passione vehementi, quo maximè exulceratus erat, nemini patefacto, tandem in mirum genus morbi incidit, summâq; oppressione & dolore cordis & pectoris miserè conflictabatur, ut adhibitis experitissimorû Medicorum auxiliis non proficientibus, in scorbuticâ tandem post aliquot annos cachexiam incidens, contabuerit & mortuus fuerit.

Huic tantummodo aliquid solaminis accidit, quoties & quamdiu, tota pectoris regio, à fortissimo viro comprimeretur, & (sicut pistor panem subigit) depfaretur & tunderetur. Amici ipsum veneficio, à maleficâ affectum putabant, aut cacodemone obsessum.

Huic

Huic quoque arteriæ jugulares, pollicis magnitudine distentæ (tanquam utraque esset aorta ipsa, aut arteria magna descendens) altè & vehementer pulsabant & tanquam aneurisinata duo oblonga apparebant, unde & arteriotomiam circa tempora tentavimus, sed nullo levamine.

In cadavere dissecto inveni cor & aortam, adedò distenta & sanguine referta, ut cordis moles & ventriculorum cavitates, bovini cordis magnitudinem, compensarent & æquipollerent. Tantæ, sanguinis cohibiti vel conclusi, vires sunt, tantusque impetus.

Quamquam (per experimentum pridem allatum) impulsus fieri, sine exitu (conquassatâ hinc inde aquâ) poterit in farcimine prædicto, idem tamen non potest sanguini, in vasis viventium contingere, sine summis & gravissimis impedimentis & periculis.

Ve-

Veruntamen exinde manifestum est, sanguinem in suo circuitu, non eâdem velocitate & celeritate ubique transire, neque eâdem vehementiâ, in omnibus locis & partibus & temporibus: sed pro ætate, sexu, temperie, habitu corporis, cæterisque rebus contingentibus internis, vel externis, naturalibus, vel non naturalibus, multum variari.

Non enim per vias & meandros occlusos, obstructos, aut impeditos, eâdem celeritate transit, quâ per apertos, reферatos & patentes, neque per corpora aut partes densas, contractas, infarctas, uti per raras, relaxatas & deobstructas. Neque cum debiliter, lentè & molliter fit impulsus, ita expeditè procurrit, aut penetrat, uti cum vi & robore impingitur, vel vehementiâ & copiâ cogitur.

Neque crassus ipse sanguis, aut solidior, aut terrestrior factus, adeò penetrativus, uti cum serosior, attenuatus

nuatus & liquidior existit.

*N. S.* Proinde rationabiliter existiman-  
dum est, sanguinem in circuitu suo,  
tardiùs pertransire per renes, quàm  
per cordis substantiam: celeriùs per  
jecur, quàm per renes; per lienem,  
quàm per jecur; per pulmones, quàm  
per carnes, aut alia aliqua viscera si-  
milis consistentiæ.

Similiter contemplari licet, de æta-  
te, sexu, temperie, habituque corpo-  
ris molli vel duro, de ambientis fri-  
gore densante corpora, quando vix  
venæ appareant in artubus, aut color  
sanguineus cernitur, aut calor senti-  
tur, à pastu liquidiore factò sanguine  
ab accessione alimenti.

Ita quoque venæ, conspicuè magis  
& liberè effundunt in phlebotomiâ,  
calefacto corpore. quàm refrigerato.  
Videmus cum ab animæ passione,  
(dùm administratur phlebotomia) in-  
ciderit pavidus in lipothymiam, sta-  
tim sistatur sanguinis effluxus & pal-  
lor

et exsanguis totam corporis superficiem occupet, rigeant membra, sibi-  
nt aures, oculi occæcentur & con-  
ellantur. Campum invenio ubi lon-  
us percurrere & latius speculando  
spatiari possum. Sed enim tanta  
nc veritatis elucescit lux, quâ tot  
oblemata explanari, tot dubia sol-  
tot affectionum & morborum cau-  
& curandi occasiones investigari  
ssunt, ut peculiarem tractatum po-  
ulare videantur. De quibus omni-  
is, in observationibus meis medi-  
nalibus, admiratione digna tradam.

Quid enim magis admirari con-  
ngit, quam quomodo in omni affe-  
tu, appetitu, spe vel timore, corpus  
ostrum diversimodè patitur & vultus  
variatur ipse, & sanguis hùc aut illuc  
abterfugere videtur? Irâ rubent ocu-  
s, constringitur pupilla in verecundiâ  
uboreq; profunduntur genæ; timore,  
nfamiâ & pudore pallida est facies,  
ubent auriculæ tanquam malè audi-  
turæ;

turæ; cupidine tactis adolescentibus, quàm celeriter impletur nervus sanguine & erigitur, ac tenditur. Scire autem Medicis est observatione dignissimum & utilissimum, quare omnem dolorem, sanguinis emissio, cucurbitulæ & arteriæ deferentis fluxum compressio & coarctatio artificiosa, (præsertim intereà dum fiunt) tanquam incantamento sedant & auferunt: hæc, inquam, ad observationes, ubi clarè enodantur, referenda.

Perperàm, anatomicâ dissectione confirmanda & ex *οὐτοψία* quæ sunt credenda, inepti & inexperti, dialecticis & longè petitis argumentis, conantur vel evertere, vel stabilire. Quicumque scire desiderat, an sit nec ne, quod in quæstione sensibile & visibile est, is vel expertis credere, vel ipse videre teneatur oportet; nam nullâ aliâ certitudine clariori erudiri, aut doceri poterit.

Quis vinum dulce, mustumve aquæ potum



ut antecellere, iis, qui nunquam  
gustârunt, persuadebit? Quibus  
argumentis, Solem esse lucidum &  
forâ omnes stellas splendentem, à  
tuitate cœcis, confirmabit? Sic de  
sanguinis circuitu, quem tot sensibili-  
bus ad autopsiam experimentis con-  
firmatum, jam per tot annos, habue-  
runt omnes. Nemo inventus est, qui  
in sensibilem (videlicet motum flu-  
is & refluxus) sensibilibus pariter  
observationibus redarguere, aut expe-  
rientiam allatam infringere, experi-  
entis valuit; imò contrarium astrue-  
re: ex *autopsia*, ne tentavit quidem.

Cùm interim non desint, qui, ob  
inexperientiam & rudem ignoran-  
tiam anatomicam, nihil quidquam  
sensibile, in contrarium quod affer-  
ent, habentes, vanis quibusdam &  
actis, ex præceptorum auctoritate re-  
ceptis assertionibus & non probabili-  
bus suppositis, sed quibusdâ captiun-  
culis vacuis obstrepunt; multis verbis  
insu-

insuper, iisque haud dignis, sed male-  
dictis, nec sine convitiis & contumelia  
oblatrant: quibus nihilo plus agunt,  
quàm ut dent operam, vanitate &  
ineptias suas & malos mores, argu-  
mentorumque (quæ à sensu petenda  
essent) inopiam pròdere ut cum falsa  
sophisticâ ratione, adversus sensum  
insanire videantur. Haud aliter, quàm  
maris siculi ventorum turbine concu-  
tati fluctus, contrà scopulos intrà  
Charybdin allisi, fremunt, & refracti  
& reverberati spumant, hi contrà sen-  
suum ratiocinium,

Si nihil admitteretur per sensum,  
sine rationis testimonio, aut contra  
quandoque rationis receptæ dicta-  
men, jam nulla essent problemata dis-  
putanda. Si non certissima per sen-  
sum fides foret, eaque ratiocinando  
stabilita, (ut in suis constructionibus  
Geometri solent) nullam perfectò  
admitteremus scientiam: quippe, ex  
sensibilibus de sensibilibus demon-  
stratio

ratio rationalis, Geometrica est.

Ad cujus exemplar, abstrusa & à  
sensu remota, ex apparentibus mani-  
festeribus & notioribus, innotescunt.  
Melius multò Aristoteles nos admonet  
(lib. 31. de gener. anim.) de generatione  
quædam disputans: rationi fides adhiben-  
da, inquit, si quæ demonstrantur, conve-  
niunt cum iis, quæ sensu percipiuntur, re-  
bus: quæ cum satis cognita habebuntur, tum  
sensui magis credendum quàm rationi.

Unde probare vel improbare vel re-  
robare omnia ab examinatione mi-  
nutionem factâ debemus: examinare ve-  
rò & experiri, an rectè an perperam  
dicta sint, ad sensum deducere oppor-  
et & sensus judicio confirmare & sta-  
bilire, ubi si quid fictû, non latet. Un-  
de Plato in Critias difficilem non esse  
rarum rerum explicationem asserit, qua-  
rum experientiam habere poterimus.  
Neque apti ad scientiam sunt audito-  
res, qui nullam experientiam habent.

Quàm arduum & difficile sit, nul-  
lam

lam experientiam habentibus, illa, de quibus experientiam aut sensibilem cognitionem non habent, docere & quam inepti & indociles, inexper-  
tisque auditores sint ad veram scientiam, cæcorum de coloribus, surdorum de consonantiis judicia planè ostendunt. Quis unquam maris fluxum & refluxum, quis ex diagrammate geometrico, angulorum quantitates, aut laterum rationes, cæcos docebit? aut eos qui neque mare viderunt, neque diagrammata?

Inexpertus in anatomicis, in quantum, propriis oculis & proprio exinde conceptu, rem non tenet, cæcus in iis quoadentenus existimandus & ineptus ad doctrinam, non enim, de quibus disputet Anatomicus, neque ex quibus in rei naturâ infitis, desumat argumenta, quidquam ritè novit; sed cuncta illi pariter ignota sunt, tam quæ concluduntur & colliguntur, quàm ex quibus.

Nulla

Nulla autem possibilis cognitio est, non præexistente cognitione, eâque notiori: hæc una potissimum causa est, cur tam incerta & conjecturalis nostra, de cœlestibus corporibus, scientia sit. Ab iis, qui causas & rationes omnium scioli adeò profiterentur, scire velim, quare uti ambo oculus, simul hæc atque illâc, & quaquaversus sese intuendo moveant, nec angulatim, iste illuc, hic istuc, se contertatur oculus, ita nec ambo cordis aures? &c.

Quia febrium causas, aut pestilentiarum, aut quorundam medicamento-um mirandas proprietates, ipsorumque causas non norunt, an propterea essent negandæ?

Cur fœtus in utero, non respirans aërem, usque ad mensem decimum, pro defectum respirationis non suffocatur? Cùm natus, in septimo, vel octavo, quamprimùm aërem inspiraverit, inhibita postmodum respiratione,

tionem, ob defectum aëris suffocetur? Quare in utero existens, vel adhuc intra secundinas nondum exitum adeptus, vitam sine respiratione retinere poterit? quamprimum verò aëri semel expositus, nisi respiraverit, vitam retinere non possit?

*Complan-  
ant dict.* Quoniam multos video hærerè & de circulatione dubitare, & aliquos oppugnare ea, quæ de me non penitus intellexerunt; in eorum gratiam, breviter quid dictum velim, quæ ex libello *de cordis & sanguinis motu*, recapitulabo. Sanguis in venis contentus (suo quasi fundo) ubi copiosissimus (in venâ scilicet cavâ) juxta cordis basin & auriculam dextram, sensim ab interno suo calore incalescens, & attenuatus turgescit & attollitur (fermentantium in modum) undè auricula dilatata suâ facultate pulsificâ se contrahens, propellit eum confestim in dextrum cordis ventriculum, qui impletus suâ systole, subsequenter sese



ese ab illo impulso sanguine expe-  
iens (cùm egressum valvulæ tricuf-  
sides impediunt) in venam arterio-  
am eundem (quâ patens porta datur)  
ompellit, quò illius distentionem fa-  
iat. In vase arterioso, jam sanguis  
dversus valvulas sigmoides recurre-  
e impotens, sed quia inspiratione, si-  
mul & expiratione, extenti, ampliati  
& restricti sint pulmones & unâ quo-  
ue vasa ipsorum, huic sanguini viam,  
transitumque, in arteriam venosam  
ræbent: ex quibus auricula sinistra,  
simul & pariter cum auriculâ dextrâ,  
notum, rhythmum, ordinem & fun-  
tionem peragens, eundem, in sini-  
trum pariter ventriculum, sanguinem  
ntromittit, quem dextra in dextrum:  
nde sinister ventriculus simul & pa-  
iter cum dextro (quando regressus  
nde venerat propter eadem valvula-  
um retinentium impedimenta prohi-  
etur) in capacitatem aortæ & conse-  
quenter in omnes arteriæ ramos im-

M

pellit:

pellit: arteriæ hoc subitaneo impulsu repletæ, cum non ita subito sese exonerare possunt, distenduntur, impelluntur & diastolen patiuntur.

Unde cum continuè & continenter idem reiteretur, colligo, arterias, tum in pulmonibus, tum per universum, tot ictibus cordis & impulsionibus, sanguine adeò tandem distentas & infarctas iri, ut vel cessaret omnino impulsus, vel disrumperentur vel dilatarentur adeò, ut omnem massam sanguinis à venis exhaustam continerent, nisi alicubi effluente sanguine exonerarentur.

Idem quia etiam de cordis ventriculis ratiocinium repletis & ab auriculis infarctis sanguine, nisi pariter sese deplerent in arterias, tandem ad extremum distenti ventriculi, ab omni motu destituti fixique permanerent. Hæc collectio mea demonstrativa & vera est & necessaria, si vera sint præmissa: illa autem vera esse vel falsa,

falsa, sensus nos facere debet certiores, non recepta ratio; *αἰτία*, non mentis agitatio.

Sanguinem præterea in venis, assevero semper & ubique, de minoribus in majores currere, & versus cor ab omnibus particulis properare: unde colligo, quam copiam (continuè introrissam) arteriæ receperunt per venas traditam, eandem reverti, tandemque eò refluere, unde primum pelleretur, & eo modo in circuitum sanguinem moveri, fluxu & refluxu à corde per impulsum, cujus impetu per omnes arteriarum fibras cogitur: postea, ab omnibus partibus, continuato fluxu, regredi per venas successivè à quibus absorptus & exhaustus traducitur: hæc vera esse docet sensus ipse & à sensibilibus collectio necessaria omnem dubitandi ansam tollens.

Denique hoc est, quod enarrare & patefacere, per observationes & experimenta conabar, non ex causis &

principiis probabilibus demonstrare, sed, per sensum & experientiam, confirmatam reddere, anatomico more, tanquam majori autoritate, volui.

Ex his notandum, quantam vim & violentiam, concitatamque vehementiam in corde & arteriis majoribus, tactu & visu percipimus. Pulsus systolen & diastolen (in animalibus majoribus calidioribus) non dico, in omnibus vasis sanguinem continentibus, eandem esse, neque omnibus sanguineis animalibus; sed talem & tantam in omnibus, ut exinde fluxus sanguinis & citatior cursus, per arterias exiles, partium porositates, venarumque omnium ramos, necessariò fiat, & exinde circulatio.

Nam neque exiles arteriæ, neque venæ pulsan, sed duntaxat majores & cordi viciniore pulsan arteriæ: eò quòd non ita subito emittant, ac impellitur sanguis. Experiri poteris in dissecatâ arteriâ, ita ut liberè exeat

fan-

sanguis prout immittitur, nam pleno gurgite exiliente sanguine, in illâ vix pulsum persentiri, quia datâ portâ transcurrentis sanguis illam non distendit.

In piscibus, serpentibus, frigidioribusque animalibus, cor tardè & debiliter pulsat, ut vix in arteriis pulsum percipias, sanguinem quia transmittunt lento admodum gradu. Undè in his, ut etiam minoribus arteriarum ramulis in homine, nulla tunicarum cum venis distinctio, quia sanguinis impulsu non percelluntur.

Rescissam & apertam arteriam, (ut dixi) pertransiens sanguis non impellit, neque ea pulsat, unde clarè cernitur, arterias neque innatâ facultate pulsificâ, neque à corde demandatâ, sed solo sanguinis impulsu, diastolen pati: nam tum pleno ipso in fluxu longius profluente, tam systolem quandam, quàm diastolen discernere & tactu percipere poteris, & ut antea dixi,

omnes pulsationis cordis differentias, rhythmum, quinetiam & ordinem, vehementiam, intermissionemque in emanante fluore, (sicut in speculo imaginem) evidenter agnoscere.

Quemadmodum, cum aqua, vi & impulsu syphonis, per fistulas plumbeas in altum cogitur, singulas compressiones instrumenti, (per multa licet stadia distent) in ipso aquæ exeuntis fluxu, singulorum ictuum ordinem, principium, incrementum, finem, vehementiam observare & distinguere possumus, ita ex abscissæ arteriæ orificio. Ubi notandum, uti in exemplo aquæ, continuum effluxum esse videmus (licet modò longiùs exiliat modò propiùs) ita in arteriis, præter sanguinis concussionem, pulsum, vel vibrationem, (quæ non in omnibus, æquè cernitur) continuum exindè fluorem motumque fieri, quò usque primùm sanguis (in auriculam nempe dextram) ubi inceptit, regreditur.

Hæc



Hæc in rescissâ aliquâ arteriâ longiori, (ut jugulari) quam intra digitos si comprehenderis, exitumque modereris sanguinis, magis aut minùs pulsare, amittere pulsum & recuperare, pro tuo libitu poteris explorare, ut clarè discernantur.

Sicut, integro pectore hæc manifesta hoc modo fiunt, ita aperto pectore & exemptis exinde pulmonibus, amissoque motu respirandi, brevi experiri poteris; scilicet, contrahi auriculam sinistram, inaniri, albidiores fieri, & tandem cum sinistro ventriculo pulsum intermittere, omittere, destituere & pariter ex rescissâ arteriæ foramine, minùs & minùs sanguinem, subtiliori filo & infirmiori pulsu, proruere, & denique (deficiente nimirum sanguine & ventriculi sinistri impulsu) nihil ultra emanare.

Præterea ligatâ venâ arteriosâ experiri poteris & auriculæ sinistræ pulsum auferri, & illâ solutâ restitui, pro

arbitrio. Eodem hoc experimento, in moribundis, evidenter cernes; quod sicut prius à motu & pulsu, ventriculus sinister desistat, postea sinistra auricula, deinde dexter, ultimò auricula dextra, quod ita à quo incipiat vitalis facultas & pulsus primò, deficiat ultimò.

Quibus per sensum exploratis, manifestum est, sanguinem non per septum cordis, sed per pulmones tantum pertransire, duntaxat à respiratione commotos, non collapsos & requietos: hinc probabile est, quare in embryone (cùm nondum respirat) natura pro transitu sanguinis, in arteriâ venosâ (quo materia sinistro ventriculo & auriculâ sinistrâ suggeratur,) foramen ovale aperit, quod adolescentibus & liberè spirantibus occludit.

Patet quoque, cur opprimi & infarciri vasa pulmonum, vel in morbo graviore lædi respirationem, adeò peri-

periculosum & lethale signum sit.

Patet non minùs, quare sanguis adeò rutilans sit pulmonum; tenuior enim est, ut qui inibi transcolatur. Notandum ampliùs ex Epilogo antedicto, iis qui causas circulationis efflagitant, cordisque virtutem, omnium effectricem suspicantur, & pulsum, ut transmissionis, ita attractionis, generationisque sanguinis authorem credunt cum *Aristotele*; itidem à corde spiritus fieri, vitalemque calorem influentem arbitrantur, idque cordis innato calore, tanquam immediato animæ instrumento, vel vinculo communi & ad omnia vitæ opera peragenda organo primo: & ita sanguinem & spiritus motum, perfectionem, calorem & omnem sanguinis rationem (quam *Arist.* dicit inesse sanguini uti in aqua calidâ & in pulte ebulliente) à corde tanquam ab origine mutuari, corque causam primam esse pulsationis & vitæ existimant.

Apertè si loquar, hæc ita esse, (ut vulgò recepta sunt) non opinor: multa enim sunt, quæ me in aliam sententiam ire suadent in generatione partium observanda, quæ hic recitare non expedit, sed propediem forsan miraculosiora, majoremque lucem naturali philosophiæ allatura, à me in publicum dabuntur.

Interim dicam tantum & sine demonstratione proponam (bonâ cum veniâ doctissimorum virorum & antiquitatis reverentiâ) cor cùm dicatur omnium in corpore principium, author, fons & origo, primaque vitæ causa esse, unâ cum venis, arteriis omnibus, contentoque sanguine id subintelligendû est. Sicut cerebrum, cum suis omnibus nervis sensoriis, organis & spinali medullâ comprehensum, unum sensus organum adæquatum (ut loquuntur) est. Si verò per hoc vocabulum cor, corpus cordis, cum ventriculis & auriculis tantum  
sub-

subintelligatur, non puto esse sanguinis opificem, neque sanguinem, vim, virtutem, rationem, motum, aut calorem, ut cordis donum habere.

Deinde neque eandem esse causam diastoles & distentionis, quæ systoles & contractionis, sive in arteriis, sive in auriculis, sive ventriculis cordis, arbitror: sed pulsus pars quæ diastole dicitur, aliam habet causam à systole diversam & semper omnem systolen ubique præcedere debet.

Distentionis primam causam, calorem innatum esse, primamque distentionem esse in sanguine ipso, (fermentantium in modum,) sensim attenuato & turgente, in eoque ultimò extinctam puto. *Aristotelis*, pultis vel lactis in modum, exemplo assentior eò usque, ut illa elevatio, aut depressio sanguinis, non fiat à vaporibus, exhalationibus aut spiritibus, aut aliquo in formam vapoream, vel aëriam concitato; neque sit causata, ab externo

M 6 agente,

agente, sed ab interno principio, regulante naturâ.

Neque cor (ut aliqui putant) tanquam anthrax, focus (instar lebetis calidi) caloris origo est & sanguinis, sed magis, sanguis calorem cordi (ut reliquis omnibus partibus) tribuit, quàm recipit, utpotè omnium in corpore calidissimus.

Cordi arteriæ & venæ coronales assignantur, in eosdem usus, quibus cæteris partibus inserviunt, videlicet ad caloris influxum, pro fotu & conservatione ipsius: ideò calidiores omnes partes, quo magis sanguineæ, & quò sanguine magis abundant, calidiores convertibiliter dicuntur. Eâdem ratione, cor suis cavitatibus insigne, officina, fons, focus perennis, censendus est, non ratione corpulentiae, sed contenti sanguinis instar lebetis calidi. Hâc ratione jecur, lien, pulmones, cæteræque partes calidæ reputantur, quia multas venas vel vasa con-



continentia sanguinem habent.

Atque hoc modo autumo, calorem nativum, seu calidum innatum, ut omnium operationum, commune instrumentum, sic pulsus quoque efficiens primum esse. Hoc non adhuc constanter assevero, sed tantum pro thesi propono. Quid in contrarium objiciatur à viris doctis & probis, sine verborum scurrilitate, convitiis, vel contumeliis, scire libenter velim, & si quis hanc rem susceperit, pergratum mihi fecerit.

Hæc itaque transitus sanguinis & circuitus, tanquam partes & vestigia sunt. Nempe de auriculâ dextrâ, in ventriculum, de ventriculo per pulmones, in auriculam sinistram, inde in ventriculum sinistrum & in aortam, omnesque per arterias à corde, per partium porositates, in venas, & per venas, ad cordis basin, quàm celeriter revertitur sanguis.

Uno experimento, quisquis cui placuerit,

278 *Exercitatio Anatomica III.*

cuerit, hoc discernere per venas poterit, ligetur brachium (ut solent) mediocri ligaturâ & tamdiu brachium movendo, permaneat ligatum, quousque omnes venę adprimè turgeant; & infra ligaturam tota cutis insigniter rubescat, tùm profundatur manus aquâ gelidissimâ vel nive, donec collectus infra ligaturam sanguis refrigerescat satis; dein solutâ subitò ligaturâ senties ex sanguine frigido revertente, quàm celeri cursu sursum ad cor properet, & quam mutationem reversus in corde faciat; ut mirum non sit, quosdam à solutâ ligaturâ, post phlebotomiam, in lipothymiam incidisse. Hoc experimentum monstrat, quod infra ligaturam venę turgent non sanguine attenuato & spiritu vel vaporibus inflato, (talem enim ebullitionem, immersio in frigidum deprimeret) sed solo sanguine, eoque, qui in arterias, vel per anastomoïes, vel cæcos meandros, reverberari non potest.

Docet

Docet insuper quomodo per altos montes nivosos oberrantes, morte sæpe de improvise opprimantur, atque alia multa hujusmodi.

Sanguinem pertransire, per omnes partium poros & quaquâ versum meare posse, ne durum videatur, unum addam experimentum. Laqueo strangulatis & suspensis, accidit idem, quod brachio ligato, ut trans chordam, scilicet facies, oculi, labia, lingua, partesque omnes superiores capitis, plurimo infartiantur sanguine, maximo rubore perfundantur, turgescantque usque ad livorem: in hujusmodi cadavere, soluto laqueo, quacunque positione collocaveris, intra non multas horas, videbis omnem sanguinem, vultum & caput deferere & à supinis & sursum positis partibus, in pronas & subjectas, per poros cutis, carnis, cæterarumque partium (suo quasi ductum pondere) decumbentem & omnes illas partes infra  
positas

Exg.

positas & cutem potissimum replentem, atro tabo colorare. Quando magis sanguis vivus & spirituosus, vivo corpore, apertis porositatibus penetrativus, quàm cruor mortuus coagulatus, præsertim per habitum corporis frigore mortis densatum, viisque stipatis & compressis: tantò facilior per quascunque partes, transitus in vivis est & pronior.

Ingenio pollens, acutissimus vir, *Renatus Cartesius* (cui ob mentionem mei nominis honorificam plurimum debeo,) & alii cum ipso, cùm extractum cor piscium super planam tabulam expositum, pulsum æmulari, colligendo seipsum, vident quando erigitur, attollitur & vigoratur, ampliari, aperiri, ventriculosque suos exindè capaciores esse autumant; quod haud rectè mecum observant.

\* Collectum enim cùm est, tunc temporis, coarctari potiùs capacitates ejus omnes & in suâ systole esse, non

non diastole certum est : ut neque est, quando tanquam enervatum collabitur & relaxatur, in suâ diastole & distentione, neque ventriculi exinde ampliores sunt : sic in mortuo, non dicimus in diastole esse cor, quia à systole concidit relaxatum, collapsum, omni motu destitutum & requietum, non distentum : distenditur enim & in suâ diastole propriè est, cùm ex impulsione sanguinis per contractionem auricularum impletur, ut in vivorum anatome evidenter satis apparet.

Latet acutissimum virum, quantum differant relaxatio & relapsus cordis & arteriarum, à distentione vel diastole ; & quod eadem causa distentionis, relaxationis & constrictionis, non sit ; sed potiùs contrariorum effectuum causas contrarias , diversorum motuum , diversas, sicut adductionis & extensionis, in quovis membro, oppositos esse musculos antagonistas, sat omnes Anatomici norunt : sic contrariis

trariis motibus, aut diversis, contraria & diversa activa organa, à naturâ, necessariò fabricata.

Neque mihi arridet, causa efficiens pulsus, quam posuit (secundum *Arist.*) eandem fore tam systoles quàm diastoles, nempe effervescentiam sanguinis, tanquam ebullitione factam. Sunt enim cordis motus, subitanei ictus, celeresque percussiones: nihil verò ita quasi nictu oculi, fermentatione, vel ebullitione, assurgit & collabitur: sed lentè sufflatur, quod affatim deprimitur. Præterquam quod in dissecis, autopsiâ cernere liceat, ventriculos cordis, ab auricularum constrictione, distendi & repleri, & prout magis vel minus replentur, augeri; distentionem etiam cordis, motum quendam violentum esse, ab impulsione, non ab attractione aliquâ, factum.

*Id.* Sunt aliqui, qui existimant, quod sicut ad plantarum nutritionem, impulsu



alſu alimentum non indigeat, ſed  
nſim ab indigentibus particulis, at-  
ahatur in locum deperditi, ita ne-  
ue animalibus, eſſe aliquem impul-  
um neceſſarium, quandoquidem ſi-  
iliter vegetativa facultas in his, at-  
ue illis, opus ſuum perficiat, verùm  
iverſa ratio eſt. Calidum influens  
erpetim requiritur, ad animalium  
embra fovenda & in vivis vivifico-  
alore conſervanda, &, ab externis  
ojuriis refracta, reſtituenda, non ad  
utritionem duntaxat.

Hæc de circuitu: qui, ſi vel im-  
editur, vel pervertitur, vel nimium  
oncitur, multa periculøſa morbo-  
um genera & ſymptomata admiran-  
la conſequuntur; tam in venis, ut  
arices, apoſtemata, dolores, hæmor-  
hoides, hæmorrhagiæ; quàm in ar-  
eriis, ut tumores, phlegmones,  
dolores intenſiſſimi & lancinantes,  
neurifmata, ſarcòſes, fluxiones, ſuf-  
ocationes ſubitanæ, aſthma, ſtupor,  
apo-

apoplexia & alia innumerabilia. Quomodo subito quandoque, instar incantamenti, auferantur & curentur quædam putata immedicabilia, non est hujus loci, ut enarrem.

Inter medicinales observationes & in pathologiâ, ea tradere potero, quæ nunquam hæctenus à quovis observata comperio.

Concludam, ut tibi satisfactionem pleniorē faciam (Doctissime *Riolane*) qui in mesentericis venis, circulationem non fieri existimas, ligetur porta juxta jecoris cymum, in vivâ dissectione (quod faciliè poteris experiri) idem ex venarum, infra ligaturam, turgescentiâ, quod in administratione phlebotomiæ, ex ligaturâ in brachio, accidere videbis, quod transversum inibi sanguinis patefaciat.

*St.* Sed cùm opinari videaris sanguinem, de venis in arterias, per anastomoses, regredi posse; ligetur, in vivâ dissectione, vena magna descendens, juxta

Quæta divaricationem ramorum cru-  
 alium ; arteriam verò rescindas , sic  
 a datur porta, omnem massam san-  
 uinis , ex omnibus venis (etiam ex  
 vâ ascendente) breviter pulsu cor-  
 s exhaustam fore videbis : tamen  
 tra ligaturam, venas crurales & in-  
 feriores partes duntaxat repletas.

Quod, si alicubi in arterias per  
anastomoses regredi po-  
tuisset sanguis, nulla-  
tenus accideret.

F I N I S.

INDEX

INDEX RERUM  
*Exercitationum Anatomicarum*  
 G. HARVEI.

A.

- A**ctio Cordis quid, Pag. 51, 166  
 Aër non ingreditur arterias in dia-  
 stole, pag. 4  
 Aër non ingreditur arteriam veno-  
 sam, neque cordis ventriculum sinistrum,  
 pag. 16  
 Aëris inspirati usus, pag. 194  
 Alimentum quomodo in naturam partium  
 transmutetur, pag. 240  
 Alimentum pediculorum intestina pertransire  
 quomodo percipiatur, pag. 149  
 Allium pedum plantis alligatum expectorat,  
 pag. 141  
 Anasarca & tympanitidis differentia, 247  
 Anastomoses arteriarum cum venis nullibi  
 inveniuntur, pag. 204, 205, 285  
 Aneurisma probat arterias pulsare non vi pul-  
 sificæ a corde per earum tunicam prove-  
 niente, sed sanguine in earum cavitatem  
 propulso, pag. 11, 215  
 Aneurisma exrupta vel lassa arteria sangui-  
 nem intra membranas continet, pag. 215  
 Animalia pulmonibus carentia unum habent  
 cordis sinum, pag. 12, 57. quamam anobis  
 ven-

# I N D E X.

- ventriculis pradi, 152. vivunt alimen-  
to, 136. perfectiora perfectiori indigent ali-  
mento & calore, pag. 152
- Animalia penè omnia cor habent, pag. 45
- Animalia quam cor de non instructa, p. 148.
- quare cor non habeant, ibid.
- Animalia quadam pro corde vesiculam ha-  
bent, pag. 46, 150, 159. rarius pulsat.
- quando, quomodo se habeat, pag. 46, 150
- Animalia sanguinea omnia cor habent, p. 151.
- datur ibid. ratio.
- Anser cerebrum habet sine ventriculis. p. 159
- Aorta juxta cor in os rotundum mutata, 219
- Aorta propagines circulationem non recipiunt  
secundum Riolan. pag. 177. rejicitur, 188
- Argumentum contra circulationem potentiissi-  
mum, pag. 247. hoc refellitur, pag. 248
- Arteria cruralis portio in os fistulosum con-  
versa, 218. omnes ab aortâ, hæc à corde  
oritur, 53. nil præter sanguinem conti-  
nent, 3, 6, 236. eodem tempore omnes pul-  
sant, 2, 3, 19, 36. capillares minus pul-  
sant, 168, 268. non distinguuntur earum  
extremitates à venis, 168. distribuunt  
sanguinem per totum corpus, pag. 2, 6, 7,  
19, 51, 52, 54, 82, 85, 101, 107, 140, 195.
- aërem in diastole non introsumunt, 3, 4, 5.
- & sequ. non distenduntur ut folles, sed ut  
utres: quia im. lentur, p. 9, 10, 213, 215,  
219, 266. calorem non refrigerium à corde  
in par-

# INDEX.

in partes vehunt, 5. quò pulsum edunt vehi-  
mentiore[m] eò citius deplentur, 95. in qui-  
busdam animalibus à venis non differunt,  
II, 171. non pulsant, vi pulsficâ à corde  
descendente, aut illis innata, II, 215, 218,  
269. à veteribus dicebantur vena, 36, 85.  
ubi robustiores, 167, 170. sanguinem sal-  
tu & impetu propellant, 10, 33, 58, 92,  
115, 184, 215, 217. nisi sanguinem per  
aliam viam exonerarent quâ qua in ipsas  
sanguis ingreditur, tandem disrumpere[n]-  
tur, 82. sanguinem è venis non nisi per cor  
recipiunt, 93, 116, 208. ligata vel com-  
pressa versus cor intumescunt, versus ex-  
trema inaniuntur, 100, 106. non habent  
valvulas, 121. tunica, supra fistulam ejus  
cavitati inditam, ligatam, ejus ulterior  
pars non pulsabit, 144. quare pulsent, 266,  
268. experimentis probatur, 269. non de-  
plentur nisi in venas & partium porosita-  
tes, 266, & sequ. 277, 279, & sequ.  
Arteria venosa est vena, 172. vulgaris ejus  
usus rejicitur, 15.  
Arteriarum, venam umbilicalem adeuntium,  
ultima stamina in vena illius tunicis obli-  
terantur, 207.  
Arteriosa venâ ligatâ non pulsat auricula  
sinistra, 271.  
Asthma ex obstructis ramulis per pulmones  
disseminatis, 233.



# I N D E X

- Auricula dextra sive vesicula, auriculam referens, dicitur primum vivens & ultimum moriens, 44, 160, 272. dextrâ pulsante, quiescente corde per sentitur in ventriculo quadam palpitatio, 39, 42.*
- Auricula ante cor moventur, 38, 40, 41, 163. dicuntur primi sanguinis motores, 160. in fatu quare majores, 163. in motu sunt albidiores, 40, 41, 271. magna moles in noviter strangulatis, in refrigeratis minor, 251. quomodo repleantur, 40. ratione cordis est imbecillis vel robusta, 162, 170. sese contrahendo sanguinem in ventriculis propellunt, 160, 161.*
- Auricularum prima generatio, 164. usus, 160, 162.*
- Autopsia non longe petitis rationibus probandum, 258.*

## B.

- B** Otalli error de transitu sanguinis in sinistrum ventriculum, 64

## C.

- C** Alidum influens ad quid requiratur, 283. innatum in partes spirituum operari perperam tradunt, 234. internum refocillat membra, 194.
- Calor natus omnium operationum instrumentum, 277.*
- N
- Car-

# INDEX.

- Cartesii, circa piscis exemptum cor, error,* 280  
*Cartesium latet differentia relapsus & dia-*  
*les cordis & auricularum,* 281  
*Causa ob quam sanguis in phlebotomiâ lon-*  
*gius profilit, 113. quâ minus rectè Riola-*  
*nus de circulatione judicat, 197. qua mi-*  
*nus accurate de animalium partibus judi-*  
*cent, 57. quæ auctorem impulit ad cogi-*  
*tandum de circulatione,* 81  
*Cautio chyrurgica,* 169  
*Cerebrum consensu quomodo quandoque labo-*  
*ret, 226. cum organis omnibus sensoriis*  
*unum est sensus organum, 274. in qui-*  
*busdam est sine ventriculis,* 158  
*Chylus in hepate moratur, 143. per lacteas*  
*ad hepar secundum Riolanum, 185. quo-*  
*modo ad hepar tendat sine lacteis secun-*  
*dum Auctorem,* 141, 187  
*Cibus quomodo deglutiatur,* 50  
*Circulatio fit in propaginibus aortæ & vena*  
*cava, contra Riola. 188. indiget propulsore,*  
*137. non destruit veterem medicinam, 179.*  
*non fit in venâ portâ secundum Riola. 177.*  
*refellitur, 180. & sequ. ob quæ variat,*  
*243. autopsia probanda, 246. quæ per uni-*  
*versum corpus fit, etiam in singulis parti-*  
*buz, 202. quomodo fiat, 48, 82, 86, 131,*  
*277. sanguinis est in singulis particulis,*  
*179, 180, 195, 201, 267. probatur, 87, 89,*  
*98, & sequ. 105, 108, 116, 130, 265, 267*  
*Circu-*

# INDEX.

- Circulatione impedita multa oriuntur incom-*  
*moda, 283. una admissa, altera non po-*  
*test negari, neque tertia repudiari, 200*
- Circulationem fieri per ramos porta in sima he-*  
*patis distributos, 186, 284. in mesenterio*  
*fieri probatur contra Rioli. 180, 182, & seq.*
- Circulationis laus & calumnia, 110. usus*  
*& necessitas, 83, 133, 194, 195, 241*
- Concoctio debet esse perfecta, 136*
- Constitutio & motus cordis aliter est quam*  
*pulmonum, 2. soporalium arteriarum in*  
*cerebro, 206*
- Contagium probat circulationem, 139*
- Contextus cordis maximam cum pulmonibus,*  
*hesitandi causam in distribuendo sanguine*  
*præbuit, 27, 52. vena cava cum arteria*  
*venosa in fetu, 60. vena arteriosa cum ar-*  
*teria magna in fetu, 61. horum usus à*  
*nonnullis traditus rejicitur, 62, 63*
- Contrariorum effectuum causa contraria, 281*
- Copia sanguinis cor transeuntis arguit ejus*  
*motum circularem, 88*
- Cor aliquando movetur, aliquando quiescit,*  
*26. apparet. ibid. anguilla sine auriculis*  
*etiam in minimas particulas divisum pal-*  
*pitat, 41. columba, postquam moveri de-*  
*sierat, digito madefacto saliva, admotoque*  
*calide, iterum pulsavit, 42. dum movetur*  
*tria præcipue animadvertenda, 27. 1. Mu-*  
*cro accedit ad basin, pectus fecit & pulsum*  
*N 2 facit,*

# INDEX.

facit, ib. 11. undique sed magis secundum latera constringitur, ibid. unde hoc manifestum, ibid. 111. duriusculū evadit, ibid. hac simul fiunt, 29. dum movetur albidioris est coloris, 28, 29, 99. undique constringitur, 27, 29, 99, 281, eodem tempore cum arteriis non est in diastole, 8. eo quo movetur non distenditur, neque sanguinem recipit, 30, 32. esse primam causam pulsationis, vita omniumque actionum, non existimat Harvejus, 273. Et sequi. quomodo dicatur actionum author, 274. fons, efficina vitalis spiritus: Sol microcosmi: perfectionis causa sanguinis: auctor omnium, vita fundamentum, 5, 12, 83, 84, 133, 134, 136, 274. non tantum cordis corpus intelligitur, 275. in cadavere à retento sanguine bovini magnitudinis, 254. in embryone movetur, 63. in exanguibus quomodo moveatur, 45. in frigidioribus tarde Et languide pulsant, 269. in omnibus animalibus non est distincta neque separata particula; 148. in perfectioribus quale desideratur, 151. in quibusdam non discernitur, 149. quibusdā non pulsant tempestatibus frigidioribus, 46, 150. in quiete quomodo, 27. in systole movetur secundum omnes fibras contra Vesal. 28, 30, 31. majori copiam sanguinem in partes propellit, quam ad nutritionem desideratur; vel alimenta vel tota sanguinis

# INDEX.

guinis massa suppeditare potest, 86, 88, 89,  
 91, 96, 102, 117, 132. moribundum, 38.  
 non est primum vivens, neque ultimum mo-  
 riens, 44. non immerito ab Hippocrate  
 musculus, 165. non potest se extendere ut  
 in se ipsum aliquid in diastole atirahat,  
 161. nunquam est sine ventriculo, 158. per  
 contractionem auricularum in sua diastole  
 impletur, 89, 281, 282. pulsu sanguinem  
 per totum corpus pellit, 84, 116, 137, 140.  
 quibus robustum, 156. quomodo ab extre-  
 mis partibus refrigeretur, 190. quomodo in  
 embryone moveri incipiat, 45, 164. quo-  
 modo appareat, 164. semper habet sibi ad-  
 junctam auriculam, 46. singulis contractio-  
 nibus sanguinem propellit, 29, 52, 87, 89,  
 99. tanquam lebes a contento sanguine ca-  
 let, 276. collectum est in systole, 280. ex-  
 emptum aut mortuum dum collabitur non  
 est in diastole, 281. una semi hora plus  
 quam mille pulsus facit, 88  
 Corde affecto corrumpitur animal, 135  
 Cordis corpus non est sanguinis, nec ejus mo-  
 tus & caloris opifex, 275. sed ratione ven-  
 triculorum, 276. Cordis & auricularum  
 motus aperto pectore, 271. eorum motus or-  
 do, 272. ventriculi in motu non amplian-  
 tur contra Cartes. 281  
 Coronales arteria & vena cordi calorem &  
 conservationem addunt, 276

# INDEX.

## D.

- D** *Diastole arteriarum à systole cordis*, 192.  
*cordis & arteriarum non fiunt simul*,  
 33. *cordis est ejus dislentio*, 281. *si sanguinem à corde attrahat*, non potest eodem tempore arteria aërem recipere, 8  
*Diastole & systole non fiunt ab iisdem causis*, 275, 281  
*Differentia à colore sumpta non arguit ejus diversam speciem*, 223. *inter pulsam & respirationem secundum Galenum*, 2. *re-lapsus & diastoles cordis*, 281. *sanguinis arteriosi & venosi*, 7. *sunt ab inanitione arteriarum & repletionem venarum non arguit diversam speciem in utroque sanguine*, 224  
*Difficultas respirationis in tertianis*, 139  
*Difficultates in chyli distributione diluuntur*, 187  
*Dissectio corporum sanorum & morbosorum ad quid necessaria*, 175. *unius tabidi quantum commodi*, 176  
*Dolor quomodo tanquam incantamento sedatur*, 258  
*Durities cordis à tentione*, 28

## E.

- E** *Bullitio & elevatio sanguinis refutatur*, 278, 282  
*Exanguia nihil pulsans hyeme habent*, 46  
*Experimentum quo Galenus probat nil præter san-*



# INDEX.

*sanguinem contineri in arteriis, 6, 220. probare videtur arterias pulsare vi pulsificâ à corde proveniente, 9, 213. non potest commode adhiberi, 10. contradicatur, 214. & sequ. 220. Vesalius cum alijs rejicitur, 216*

## F.

**F**acultas pulsifica non provenit à corde per arteriarum tunicas, 11, 215  
*Petus in utero non respirat, editus in lucem defectu aëris suffocatur, 263*  
*Februm tertianarum calor, 140*  
*Fernelius in pulmonum affectibus sanguinem è dextro brachio detrahendum autumans, refellitur à Riolano, 199*  
*Fibræ cordis quales, 165. Galen. refellitur, ib.*  
*Foramen in portâ hepatis in fœtu exstat, 143. usus, ibid. ovale parte qua arteriam spectat obtegatur membrana, 60. ejus substantia, ibid. 61, 272. ovale quare in fœtu, 272*  
*Frigus de improvviso viatores opprimit, 279. in extremis partibus unde, 134*  
*Fuligines arterias in systole emittere vulgo creditur per carnis & cutis poros, 2. rejicitur in sequ.*

## G.

**G**eneratio animalium procedit ex non animali in animal, 44. pulli in ovo quomodo incipiat, 43  
*Generationes tempestatû & meteorû, unde, 83*

I N D E X.

H.

- H**æmorrhagia per se sedatur, 95  
 Hæmorrhoidalis vena, unde, 147. ejus  
 usus, ibid.  
 Hepar in embryone fere nullius usus, 143. ejus  
 prima generatio, 144. in fœtu posterius ge-  
 neratur, 143  
 Hippocrates quomodo sanguinem misit in tu-  
 mescente pulmone, 198

I.

- I**mpulsio & vis sanguinis à corde, 116  
 Impulsus sanguinis distendit arteriam, 10.  
 quod exemplo probatur, 246  
 Incommoda quam ex ligatâ arteriâ, 5  
 Inconstantia Riolani proditur, 197. & sequ.  
 Inexpertis difficile docentur, 259, 262. & sequ.  
 Inspiratio facit ad translocationem sanguinis  
 per pulmones, 71, 77

L.

- L**acertula ventriculorum cordis ab Aristot.  
 Nervi, 32, 162. usus, ibid. 154. in  
 quibusdam non reperiuntur, 155. in sini-  
 stro ventriculo robustiores, 156  
 Laniò nisi jugulum boum secuerit, antequam  
 cor pulsare desinit, totum sanguinem non  
 exhauriet, 96  
 Ligatura est stricta vel mediocris, 103. stri-  
 cta brachio injecta quid liceat observare,  
 104. quid hac soluta, 105. & sequ.  
 Ligaturarum differentia, 108. frustra sapius qua-  
 re ad-

# INDEX.

re adhibita, 102. usus in medicina, 102, 103

Lipothymia causa in sanguinis missione, 109,

278. in lipothymia sistitur sanguis, 56.

ejus symptomata, 257

## M.

**M**assa sanguinis media è jugularibus & cruralibus vasis evacuatur tantum in mortuis, 5, 9. è venâ cavâ in arterias cordis pulsus transit, 86, 88, 97. per apertam arteriam brevi effluit. 6, 92, 93

Materiam serosam, & pus empyicorum in arteriam venosam absorptam per urinas excretam experientia probavit, 20

Medicamenta exercent intus vires exterius applicata, 140. quomodo deferantur ad cor, 141

Morborum præcipue chronicorum effecta, 176

Motum cordis diligentius perlustrans, quid observabit, 51

Motus cordis cognitu difficilis, 22. desinitur, 28. deglutitioni comparatur, 50. in animalibus moribundis, 38. in quibus manifestior, 26. quomodo fiat, 48, 282. similis est muscutorum, 28

Motus duo auricularum & ventriculorum videntur unus esse, 49

Motus & usus cordis & arteriarum à prioribus traditus, rejicitur, 21

Motus in corde quatuor loco, non tempore distincti, 8, 37

Motus localis in animalibus, unde, 161

## N 5

Motus

# INDEX.

Motus proprius cordis non est diastole,	30
Motus quidam sanguinis deprehenditur auricula dextra pulsū cessante, non calore,	42.
sanguinis celeritas experimento probatur,	278
Mors,	132
Mortis genera duo,	100
Musculi in motu quomodo sint constituti,	28

## N.

Natura providentia in chyli distributione,	142
Natura in fœtu duobus ventriculis utitur quasi uno,	65
Notitia omnis ex sensu,	174
Nubecula in ovo, cui gallina incuberat, in aquâ ostensa, medio punctum sanguineum apparebat,	47
Nutritio pulli in primâ ejus generatione,	144.

## O.

Objectiones quædam confinguntur quibus annihilari posset argumentū à copiâ sanguinis cor transeuntis sumptum, 97, Et seq.	
Opinio de ventriculorum usu Et officio absurda convellitur, 13. vulgaris de arteriarum diastole Et systole,	3
Ordo quo cor pulsare desinit,	39
Origo vena coronalis positiua, gastrica, Et epiploica, 147. earū disseminatio Et usus, ib.	

## P.

Pars nulla de repente opus magnum perficit, 53. nutritur sanguinis motu, 83. quo san-	
---	--

# INDEX.

- sanguine, ib. quomodo dicatur calidior, 276  
 partes algentes circulatione, calorem recipiunt,  
 134. quâ ratione valere dicantur, 276  
 Physiologia Medicis sciri necessaria, 175  
 Plant-animalia cor non habent, 148, 149  
 toto corpore pro corde utuntur, 149  
 Por. sitates in septo cordis nulla sunt, 18  
 Portio sanguinis exclusi debet respondere quan-  
 titati contenti, 89, 98, 117  
 Pulmones non habent eundem usum cum arte-  
 riis & corde, s. quare circa cor fabrefacti, 2.  
 quare facti secund. Hier. Fabr. ab. aq. p. 17  
 Pulmonum sanguis quare rutilans, 273. Sub-  
 stantia, 19. spiritus secundum Columbi-  
 num conficiunt, 6  
 Pulsatio in effluente sanguine conspicuus, 269.  
 moderari potest in rescissâ arteriâ, 271  
 Pulsus arteriarum non fit vi pulsificâ descen-  
 dente à corde per earum tunicas, 216, 218.  
 causa, 35, 37, 40, 51, 132, 192. copinio.  
 Cartelii rejicitur, 282. cordis & arte-  
 riarum sunt contractiones, 40. cordis in  
 exanguibus, 45. usus arteriarum differt  
 à pectoris atque pulmonum, 2. contra Ga-  
 lenum, qui refellitur, 11

Q. **Quantitate** magnâ sanguinem cor trans-  
 ire, 116. & sequ.  
 Quicquid ultimum in animali fit, istud pri-  
 mum deficit, 45

Rama

# INDEX.

## R.

- R** Amicruralium vasorum in os fistulosum  
conversi, 218 splenici usus, 147  
Refutatio opinionis de diastoles & systoles ar-  
teriarum usu, 3  
Respiratio & pulsus non sunt iisdem causis, 11  
Respirationē laci in magnis morbis lethale, 273  
Respirationis usus, 233  
Retentio menstruorum ex timore, 118

## S.

- S** Anguis à corporis circumferentiâ ad cen-  
trum moveri est pronus, 138. aliquis  
in parte manet nutritionis ergo, 189. con-  
tinetur natura in arteriis, 54, 55. cor in-  
greditur non attractione, sed pulsu auricu-  
larum, 195. quoductu moveatur, 101, 131,  
191, 193, 278, 279, & seq. 68, 69, 72, 77,  
78, 82, 265, 266. palpitante ante motum  
auricularum dubitatur, 44. hic citius, illic  
tardius, movetur, 180, 244, 255, quomodo  
circuletur secundum Riolanum, 178, 188,  
190. contradicatur, 185, 189, & sequ. in  
adultis, cur potius transcolatur per pul-  
monum parenchyma, quam ut in foetu  
per vias patentes, 67, 69, 70, 72, 78,  
272. magnâ quantitate cor transit, 116.  
non transit medium cordis parietem, 19,  
56, 65, 196, 272. per easdem arterias  
non fluit atque refluit, 181, 182, 183, 184,  
192. quomodo dicatur spirituosus, 229.



# INDEX.

quomodo moueatur per cor in pulmones, du-  
 ctibus, qui in fatus reperiuntur, nondum ob-  
 literatis, 64. quomodo per cor transeat, 248.  
 experimentis probatur, 249. necessario in  
 alias partes demigrat, 148, 166. per venas  
 ad cor, per arterias à corde in circuitum  
 movetur, & à quo incepit regreditur, 267,  
 270. à cordis corpore, nec vim, nec mo-  
 tum, nec calorem accipit, 275. omnium ca-  
 lidissimus, cordis calorem non contra tribuit,  
 276. transit aperta via è venis in arterias  
 per sinus cordis, 58, 59, 64. fit hoc potissi-  
 mum in imperfectioribus & primum cres-  
 centibus, 78. venosus non differt ab arte-  
 rioso, 220, 222, 235  
 anguinem è dextro ventriculo in pulmones  
 distribui, probatum à Gal. 73, & sequ. 131  
 anguineum magis calet, 276  
 anguinis fermentationis causa quomodo calor  
 innatus, 275. motus celeritas experimento  
 probatur, 278. ebullitio, elevatioque refu-  
 tatur, ibid.  
 anguinis quantitas in ventriculo contenti, 87  
 cientia ex praeexistente cognitione oritur, 174,  
 263  
 ensibus habenda fides, 245, 260, & sequ.  
 267  
 opti cordis usu à nonnullis traditus, rejici-  
 tur, 18. ejus substantia, ibid.  
 optum cordis à retento sanguine ruptum, 252  
 Spiri-

# INDEX.

*Spiritus, quid, quales, an à sanguine separati, 225. Et sequ. disputatur.*

*Systole arteriarum Et cordis non fiunt simul, 8, 33, 34. cordis consistit in motu, 30, 33*

*Systoles causa prima, 275*

## T.

**T***Abes quomodo ex marore Et amore, 136*

*Timor cohibet effluxum sanguinis in phlebotomiâ, 118*

*Timpanitidis Et anasarca differentia, 257. non datur a sono tympanum emulante, ib.*

*Tumor ex lapsu magna celeritate enatus, 112*

## V.

**V***Alvulae demonstrant sanguinem per arterias in corpus distribui, per venas ad cor regredi, 125, 128. in jugularibus quam ob causam secundam aliquos, 122. rejicitur. in sinistro ventriculo arctius quam in dextro clauduntur, 158. in venâ coronali reperta, 200. ligato brachio, præcipuè in varicosis, veluti nodi apparent, 125. quadam, quanquam in quibusdam locis non inveniuntur, ad amussim clausæ non destruunt tamen quæ de illis dicta, 129. semper reperiuntur in canibus Et bobus circa venarum cruralium divisionem, 121. ubique non necessaria, 183*

*Valvularum binarum coherencia, 120, 123. usus, 124. cordis usus, 157. muralium usus Et situs, 158. semilunarium situs, 73.*

# I N D E X.

73. necessitatem ex Gal. 74, & sequ. situs  
 & usus, 75, 129, 121, 122, 123, 127, 128,  
 183. tricuspidum numerus, 13. situs, 157.  
 usus, 13, 157. in quibusdam animalibus  
 non reperiuntur, 155, 157. usum inventor  
 non est assecutus, 125
- asa circulatoria secundam Riolanum, 188
- asa umbilicalia duo in ovo, 144
- asorum spermaticorum unio, 206
- vena arteriosa ligata tollitur motus auricula  
 sinistra, 271, revera est arteria, 48, 172.  
 ejus tunica, 170, 172. orificium ejus quare  
 amplum, 172. eundem cum arteris san-  
 guinem continent, 7, 220, & sequ. tria ad  
 hanc opinionem evolvendam objiciuntur,  
 222. refelluntur in sequ.
- Vena deferunt sanguinem ad cor mediate vel  
 immediate ab arteriis acceptum, 85, 86,  
 99, 101, 201. in anatomia sanguine abun-  
 dantes inveniuntur vacuis arteriis, 93,  
 224. non fit in fœtu, neque unum cordis  
 ventriculum habentibus, 94. non fit in  
 morte subita extinctis, 225. mesenterica  
 qualem succum contineant, 142. plurima  
 coeunt, 110. pro arteriis dicta, 36, 85. um-  
 bilicales in ovo succum alimentitium ab  
 ejus liquoribus adsorbent. deferuntque ad  
 nutriendum pullum, 187
- Vena ligata versus cor detumesit, 98, 99,  
 106, III, II4
- Vena-

# I N D E X.

<i>Venarum duplex genus non ratione latens, sed officio secundum Aristotelem,</i>	84
<i>Vena umbilicalis hanc fetus manifeste transit,</i>	143
<i>Vita à quo incipit etiam desinit,</i>	271
<i>Ventriculi cordis semper sanguine repleti, 72. in fatu, 153. eorū diversitas quare in homine.</i>	
<i>Ventriculis quiescentibus non pulsatur arteria, 33</i>	
<i>Ventriculorum contractio, unde, 32. in extensione cordis sanguinem non trahunt, ibid. cordis, eadem actio, pulsus, atque motus, 12</i>	
<i>Ventriculus sinister cor videtur efficere, dexter ejus famulus, 152. crassior &amp; robustior dextro, 156. dexter pulmonū causa factus, sanguinem per totum corpus fundit,</i>	154
<i>Vesicula in basi cordis piscium posita, refert auriculam vel ejus analogon,</i>	41, 58
<i>Via circa cor, per quas in fatu transit sanguis, post menses, immo annos, fatu in lucem edito, aliquando inveniuntur,</i>	63

## E R R A T A.

Pag. 7. lin. 12. lege, affirmantes. Pag. 162. lin. 20. lege, ipsam. Pag. 163. lin. 4. lege, interiūs. Pag. 220. lin. 1, lege, pullent: atque sic rite à quovis, &c. Pag. 234. lin. 8. lege, penetrativa.

## F I N I S.

JACOBI DE BACK

*apud Roterodamenses Me-*  
*dici ordinarii*

DISSERTATIO  
DE CORDE.

Cum copioso

*Tam Rerum quàm Capitum*  
*Indice.*

EDITIO ALTERA.



ROTTERODAMI,

Ex Officinâ ARNOLDI LEERS,

CLC LCC LIV.

HARVEJO  
ET  
BACCIO,

EPIGRAMMA.

*Huc adsis Medica, cui placet, artis opus.  
Ecce tibi monstrat natura mira latentis*

Zacharias Sylvius.

Reye



Reverendo Doctissimo Viro

G U I L I E L M O

H A R V E J O

Medico Regio.



Ogitanti mihi sub ejus nominis  
 præsidio, nostra hæc de Corde  
 dissertatio lucem visura, hone-  
 stius & majori cum decore, pro-  
 liret; nullo eam melius & potiori jure, di-  
 andam, imo decorandam putavi, quam si  
 non perituro tuo nomini, Doctissime Har-  
 veie, consecraretur; nulli quàm tibi decuit  
 offerri, siquidem tibi soli in illam jus est, tibi  
 soli sui ortus debet principium, te sine lucem  
 non vidisset, neque in publicum prodiiisset  
 unquam: fateor candide, nisi tuo invento  
 excitatus, invitatusque, neque veteris doctri-  
 næ limites egrediendi, neque partium mihi  
 aturam ulterius investigandi unquam data  
 nisset occasio. Eam itaque tibi lubens me-  
 ritòque dedico & voveo: in quo duo mihi  
 ræstare videor; animi ego mei gratitudi-  
 nem ostendo; Doctissimusque Vir, incompa-  
 ibili ingenii sui acumine acquisitæ doctrinæ  
 tuæ primitias nanciscitur. Paucum equi-  
 em, ex nostrâ hæc oblatione, tuo nomini,  
 A 2 quod

quod jam per integram Europam notum, ad Indos & longè distitos orbis tractus, cælo evehitur, accedit. Plura debere scimus, sed quia in magnis voluisse sat est, sufficiat cum nostrâ hâc dissertatione, dum majora facere non detur, oblatum tibi gratum animum. Petitionem oblationi annectimus enixè rogantes, ut quas penes te innumeras, tuâ diligentîâ repertas, circa humani corporis fabricam, observationes habes, uti ex tuo edito *de motu cordis & sanguinis exercitatione* liquet, earum nos participes facere, & communi usui exponere, omnesque veritatis amantes tibi multò devinctiores reddere, digneris: præcipuè verò tuum

J. DE BACK.

A D

# LECTORES

## ALLOQUIUM,

In quo tractantur honores & reverentia artis inventoribus debiti: sentiendi libertas pluris habita: artis medicæ fundamentum veritas: *Harvejus* circulationis sanguinis author: hac multa veterum statuta inversa: Authoris scribendi causa: Medicinæ compendii brevis norma.

**Q** Vani apud Antiquos habiti, qui, sedulo nitentes, communi bono & concivium salutì invigilantes, coavis posterisque suos labores & inventa communicarent, statuta antiquitus præmia, tributique honores satis luculenter ostendunt. Medicina inventores inter Deos, qui studiis, liberalibusque artibus excelluere inter Musas Pernaßique cultores numerati; divinis omnes honoribus as-

A 3

ficie-

## 6 AD LECTORES

ficiebantur. Hac semper, urbium, rerum  
 publicarum, regnorumque fundatoribus  
 cura fuit, ut hujuscemodi præmiis tamquam  
 ablectamento & stimulo ad meliores arte  
 & scientias subditorum ingenia incitarent  
 nec in eo acquiescentes, sed magnâ ipsorum  
 opera pluribus in locis instructæ ades, quibus  
 publicis alendos sumptibus, lausque addi-  
 tis præmiis, doctrinâ excellentes ad se alli-  
 cerent extraneos. Sunt & erecta ad eru-  
 diendam juventutem gymnasia, quæ præ-  
 ceptorum doctrinâ imbuta ad similes tenden-  
 honores, veterum inventis sua superadder  
 novis præmiis invitabatur. Neque artium  
 inventorum meritis honoribusque postero-  
 rum sedula diligentia & conatu quippiam  
 derogari judicabatur, quasi, non integram  
 aut omnibus absolutam numeris, tradidisse-  
 sent artem; satius erat, ab ipsis jacta esse  
 fundamenta, quibus tamquam tramite &  
 viâ pedibus insistere artis filii, ut in scien-  
 tiis aptè erudiri, vel sciendi amore seu desi-  
 derio flagrantes ad multò altiora evehi pos-  
 sent. Ne perfectionem suæ arti attribuer  
 vide

# ALLOQUIUM. 7

videretur, ab excusatione divinus Senex *Hyp:*  
 aphoristicam doctrinam incipit: Vita bre- *nota*  
 vis, ars longa: bene pensare, non solum  
 unius vitam, sed omne ævum artis nostræ  
 longitudo superavit, quæ perfectionem non-  
 dum adhuc nacta, eandem apud posteros  
 inveniet fortè nunquam; tam præceps per-  
 scrutandi occasio, tantaque judicandi diffi-  
 cultas est! tanto magis, si neque ager, ne-  
 que astantes, reliquaque Medico officium fa-  
 cienti obsequantur: præcipuè si certis ani-  
 mi devincti regulis ulterius ad veritatem in-  
 dagandam excurrere impendantur. Hip-  
 pocratis non satis æstimandus interpretes,  
 lib. 3. nat. facult. cap. 10. Quisquis  
 (non artis perfectionem summam) quid su-  
 pra vulgum scire desiderat, ait, non  
 naturâ modò, sed doctrinarum rudi-  
 mentis præstare cæteris, veritatis tan-  
 quam insano amore teneri, nocte die-  
 que contendere, quæque à clarissimis  
 viris tradita sunt discere, judicare,  
 multoque tempore explorare, ac quæ  
 rebus sensui patentibus consentiant,

quæque rursus dissentiant considerare debere. Præterea idem Galenus, tanti inquirenda veritatis libertatem æstimat, ut 6. epidem. 4. aphor. 7. tyrannidem vocitet alicui sententia sine demonstrationibus decentibus quempiam teneri velle. Etiam 6. epid. sect. 2. aphor. 17. acriter reprehendit magistro sese alligantes & sine examine dedentes : Qui alicujus, inquit, seipsum vel servos, vel libertos pronuntiarunt, hi, ubi scriptum ab ipso aliquid inventum est, confestim comprobant, tum temerè, tum inconsultè. Manifestum ex hisce est, quam candidè veritatis lucem clara hæc Medicina lumina, in artis Patricæ decorem, & communem hominum salutem, dilexerint, ut veritatem inquirendi, rationes scrutandi, & de re qualibet ipsis ducibus sentiendi libertatem, tyrannidi & servitio præferant. Qui excellere in arte medicâ velit, nec jurare in alicujus auctoris sententiam, sed ab omni sectæ genere alienus, nudam tantum veritatem sectari eique subscribere debet :  
 sic



sic enim claustris confractis, & sui juris red-  
dita (secundum Lucret.)

Vivida vis animi pervicit, & extra  
Processit longè flammantia mænia  
mundi :

Atque omne immensum peragravit  
mente, animoque.

Unde refert nobis victor quid possit  
oriri,

Quid nequeat ; finita potestas deni-  
que cuique

Quanam sit ratione ; utque altè ter-  
minus hæret.

In horum Heroiū relictā doctrinā, à tene-  
rā adolescentiā instructus & quasi educa-  
tus, tradita ab ipsis dogmata serio sum am-  
plexus, & quasi religio fuit ea defendere :  
& merito, si quidem artis Patres ejusdem  
nos filios crearunt : iis debemus, quod in ar-  
te profecimus ; & cognitionem, ad quam  
sumus evecti, ipsorum adjumento & tradi-  
torum ope, acquisivisse fateri cogimur. Præ-  
terea juramento Hippocratico astricti artis

# IO AD LECTORES

filiū sese invicem fratrum & quorum auxilio artem addidicere, parentum habere loco tenentur. Si itaque patri honorem & reverentiam debet filius, quid ni nos artis filii nostros patronos & genitores revereri cole-reque tenemur?

Horum monitu fixum mihi immotumque in animo semper habui ad Doctoratus honorem admissus, nihil in praxi tentare, nisi ad hoc rationis examine inducerer; vel si ab alio quidquam benefactum dictumve audirem, quin de re obviā rationes investigare, quibus ad minimum mihi ipsi satisfaceret, conarer. Tali mihi instructo animo, ante annos circiter quindecim contigit in manus incidere Guilielmi Harveji Exercitationem Anatomicam de motu cordis & sanguinis, cum jam ante quinque vel sex annos in lucem prodierat, quamplurimis insignis doctrinæ viris in sententiam tractis. In hac (relictis plurimis veteris doctrinæ statutis, cujus ego fundamenta jeceram) sanguinem non per venas ab hepate in singulorum partium nutritionem, earundem at-

tra-

# ALLOQUIUM. 11

tractione, moveri; sed, à corde per arterias, eundem, in totum corpus dicto usui, impelli, & superfluum per venas remeare, ut in corde denuo refocillatus (sic illi visum) & novis imbutus spiritibus, omnibus membris deintegrò reportaretur & circulari motu continuo sæpius, idque parvo temporis spatio, reduceretur per eandem viam. Hanc ego rem novam examino, quæ primo aggressu facile refutari posse videbatur, sed justâ exagitata trutinâ, adhibitâ cum ratione autopsiâ; inexpugnabilis, imo cogente veritatis stimulo, ambabus amplectenda ulnis reperiebatur. Quid faciendum? Anne relinquendus Hippocrates, postponendusque Galenus? Minimè: si veritatem, rationibus, ipsisque sensibus munitam, sectamur, sumus Hippocratis, sumus Galeni. Nihil contemnendum, ait Senex, nihil judicandum temerè. Clarissimorum virorum scripta, hic, anne sensibus pateant, anne dissentiant, examinare jubet: veris fundamentis rationalis & dogmatica Medicina nititur, & nisi quod veritate comprobatur,

batum, firmum stabileque judicandum est.  
 Accrevit indies hæc primo putata in Medi-  
 cinâ hæresis, ut non solum Angliæ nativi soli  
 Academias, sed & Germania, Gallia, Ita-  
 lia, & Belgii nostri Universitates peram-  
 bulaverit, & præter ingentem doctissimo-  
 rum virorum numerum, etiam Professores  
 pluribus in locis sibi addictos reddiderit: quo-  
 rum nonnulli publicis lectionibus, disputa-  
 tionibusque, nec non editis scriptis opinio-  
 nem hanc tandem divulgaverunt perquam  
 magno studiosorum applausu; ut vix repe-  
 rias creatum Doctorem, cui sanguinis cir-  
 culation non innotescat, imò arrideat. Sed  
 quemadmodum, ex uno supposito vero, mil-  
 le desumuntur consequentiæ, cum ratione  
 convenientes; atque, uni destructa, posi-  
 tiones innitentes mille vacillant & corruunt:  
 sic contigit concessio, statutoque sanguinis  
 circulatorio motu, innumera veteris doctri-  
 na statuta inveri; unde totus docendi ordo  
 turbatus, præposterè & sine certâ methodo  
 doctrinâ omnino confusè instituitur & ad-  
 discitur, quàm, positionibus catenatim co-  
 heren-

harentibus & certo ordine instructis, stabili-  
 liri decet. Hac ratio est, quod omnes in ali-  
 quibus non satis convenientes, aut in causâ  
 motus sanguinis, aut in ejusdem modo, aut  
 in effectu dissentiant : vel rem tamquam  
 nimis laboriosam & collegis invisam, ulte-  
 rius non investigantes, relinquunt : cùm  
 prius, rationibus & autopsiâ adducti & evi-  
 di, Harveji inventum de motu sangui-  
 nis suscepissent, & editis scriptis approbas-  
 sent. Mihi verò cùm hujus rei examen ne-  
 gligere, aut vacillantibus insistere pedibus,  
 non satis decorum videretur ; rationes, quo  
 usque meo animo satisfactum foret, versare  
 & perquirere suscipio, & partium actiones  
 & usus, novo examine indagando, destru-  
 ctum ordinem brevi methodo redintegrare  
 & illustrare tento. Sed cùm tanto hoc non  
 peragitur silentio, quin inter collegas, alios-  
 que familiares eâ de re quam sapiissimè sint  
 orti sermones ; quin etiam in Anatomicis  
 demonstrationibus aliquando, quæ de cir-  
 cuitu sanguinis occurrerent, attacta sint &  
 ventilata : unde accidit, cùm nonnulli ea,  
 idque.

idque seriâ disquisitione, perscrutarentur, semper novis occurrentibus dubiis, ut à me sedulò & amicè petierint, ut, quæ de materiâ hâc præmeditata haberem, publicis scriptis in communem usum divulgare vellem: quod quamvis mihi senescenti molestum foret, secundo supra trigesimum jam ferè elapso anno, quo me praxi dedidi, & uii fit, theoricam aliquo modo Meduinam reliqui, (si eam hæc de circulatione materia non resuscitasset) & tam propriis negotiis, quàm praxi occupato vix tempus superesset, quod huic operi largiri possem; ut tamen amicis complacerem, me invitum recusantemque sivi exorari tandem, eò usque, ut Eximii Viri D. HARVEII, de cordis & sanguinis motu, tractatui (quem de novo ARNOLDUS LEERS Bibliopola vigilans prælo excudendum commisit) quod ad eandem materiam faciat, aliquid adderem. Dissertationem itaque de corde scribere sum aggressus, partim, quia cum Doct. Harveji materiâ convenit; partim etiam, quia cordis examen esse

ex-



exactius tractandum & seduliori curâ per-  
crutandum existimo. Hujus enim opinata  
excellentia & splendor, tantum, cum Me-  
dicorum, tum Philosophorum veterum &  
neotericorum mentes, tanquam fascino, de-  
vinxit, oculosque occaecavit, ut clarum ve-  
ritatis lumen non videntes, nulla, nisi ob-  
scura & imaginatione concepta, pro veris  
recipiant.

Mentibus itaque hasce caligines & ca-  
taraëtas oculis adimere dum aggredior, ne  
mihi imponatur unicè rogo, me veteribus  
suos honores, artisque patribus debitam re-  
verentiam, fraternamque cum artis filiis  
concordiam velle diminuire, si pauxillu-  
lum, quod mente concepi, tanquam in con-  
cilium vocatus, quando de reformanda Me-  
dicina methodo agitur, in medium adfero.  
Ne verò eam magis turbare velle videar,  
(veluti si circulatorio motu introducto ani-  
mæ naturales & vitales confundi facultates  
mihi non satis sit) & veterem de corporis  
œconomiâ doctrinam omnino rejicere, &  
negatis spiritibus Hippocraticam corporis hu-  
mani

mani divisionem, ab omnibus huc usque receptam ejusque doctrinæ fundamentum, me invertere, accuser; isti malo fore remedium confido, si de eo in ipso me limine excussem & liberem.

Analytica docendi methodus, ad humanæ naturæ indagationem explicationemque, semper commodior Medicina proceribus dum visa fuit, ex Hippoc. scriptis divisionem desumpsere, quæ corpus in continentiam, contentam & impellentiam partiuntur. Continentia vocarunt partes solidas, contenta humores, impellentia spiritus. Sed, spiritibus quæ adscribitur substantiæ subtilitas, mobilitatem quidem & ad motum promptitudinem inducere potest, non verò activum motum; præterea si aliqui demur, contentorum nomine merentur; vita etiam destituit, ut ab alio moveantur, necessum habent: si itaque divisionem hippocraticam firmam stabilitamque velimus, aliud quid querendum est, cui impellendi vis & potestas competat meliusque quadret. Fiet hoc, si viventem hominem in continens, contentum

& im-

& impellens dividamus : per continens intelligendo corporis massam solidam , prout ab Anatomico tamquam subiectum tractatur ; per contentum , sanguinem sive alimentarium humorem , prout à corpore sive substantiâ solidâ continetur . Neque est , quod inferamus , plures in corpore reperiri humores , cùm omnes , quotquot sunt , faciant ad sanguinis constitutionem ; vel enim concurrunt tanquam partes constituentes ; vel ejus excrementa inutilia ad excretionem separata sunt . Impellentis nomine non spiritus , sed incorporea anima est insignienda , quæ , nam inepta contineri , est in toto & quâlibet parte totâ , cum omnibus suis facultatibus : ab hac omnis impetus & impulsio ; hac vivificante & impellente , partes dispositæ actiones edunt & peragunt .

Generalem de homine doctrinam Antropologiam voco , partes cujus statuo , secundum hanc divisionem , Psychologiam , Somatologiam , & Hematologiam , in animæ , corporis & sanguinis doctrinam : ab anima enim impellente , corpore disposito operante ,

rante, sanguine adjuvante, seu tamquam medio concurrente, omnes, quotquot in homine spectantur, tam occulta, quàm evidentes, peraguntur functiones.

Psychologia doctrina est, quæ animam humanam, ejusque effectus rimatur. Hæc, *ψυχὴ* dicta, est hominis ipsa forma, sine quâ talis (scilicet homo) esse non potest, omnium motuum & functionum insita causa. Ab Aristotele *ψυχολογία* etymo notatur, (quod Hermolaus Barbarus perfecti habiam vertit) diciturque actus primus corporis organici potentia viventis.

Lubet Ludov. Vives præclarè dictum hic inferere. Anima est agens præcipuum (inquit lib. 2. de anim.) habitans in corpore apto ad vitam. Agens nominatur, quasi artifex: nam quod agit quippiam per instrumenta, in eo ipso vis inest agendi illud ipsum, ut in pictore pingendi præcipuum additur. Nam si quis calorem, vel humorem, vel spiritus, aliquid dicat agere in corpore, sciat, illa omnia non per se agere, sed

e, sed ab animâ id habere, ut agant. Ergo anima ipsa artifex est, non aliunde: in eo utique corpore vim suam mutuans.

Verè illi actus nomen quadrat, quia suum corpus actuat: imo merè activa est nullis passionibus obnoxia. Passivum & immortale uni subjecto convenire nequeunt: si-  
quidem quod patitur tandem interit.

Asserto huic objiciet fortè aliquis, quæ Medici de animi affectibus statuunt: imo Hippoc. lib. 2. aphor. 6. Si dolentes dolorem non sentiunt, mens ægrotat.

Verum est plerosque animum & mentem cum anima confundere, imo humanæ menti omnes animæ qualitates tribuere.

Differunt tamen inter se anima & animus; quod illa vita sit & qua vivimus; hic consilii & quo sapimus: unde Philosophi etiam sine animo vitam manere, & sine mente animam durare, dicunt.

Animi pathemata, passionēs, non animæ, sed mentis aut animi, à sensuum organorum affectionibus, excitata mutationes

*N.B.* nes sunt quas corporis dispositiones cum anima percipit, non patitur: percipere enim, non pati, sed agere est.

Animatum (forte animal) hinc dicitur, quidquid in se motus principium habet. Pro actionum & effectuum in corpore elucescentium diversitate, diversas animae ponimus potentias & facultates.

Facultas est animae agendi functionesque edendi per corporis actiones semet exrens vis & aptitudo.

Quibus singulis, ut in actum ducantur, concessa propria sunt organa, quae vulgò pro actionum auctoribus habentur; quamvis sola anima ad agendum instrumenta sint.

Animam in corpore tria præcipuè moliri cernimus; vitam nimirum, vitam meliorem commodioremque, & tandem perennem: pro tribus hisce actionibus, tres ei præcipuas adscribimus facultates, sub quibus dein reliquas tamquam inservientes comprehendimus.

Vitam dum corpori anima procurat, illam vim, facultatem vitalem sive naturalem



em aut etiam vegetativam nuncupamus; luxile verò, quod ipsi assiduo deperit, tamquam œconomus, novo pabulo resarciendo, quia sustentat & auget; œconomicam dicimus.

Hanc dividimus in preparatricem, dispensatricem & assimulatricem, quæ, magnâ ex parte, hæc nostrâ dissertatione ventilabuntur.

Pabulum quod omnino dissimile est nutritionis gratia (quæ similis appositione peragitur) ut simile reddi & in eandem cum nutriendo substantiam converti possit, novam, corpori partive aptam & propriam formam induat necesse est.

Sed tam magnum opus quia non protinus, & primo aggressu (ut apud omnes, credo, in confesso est) perficitur: si quidem ipsi addi, quod utile ad tam alienam massam subigendam, & adimi, quod est inutile, ad mutationem ineptum & nocivum, requiritur. Cùmque una pars tanti oneris sit impar, plures ad hoc exequendum desiderantur, in quibus assumptum nutri-

trimentum suas metamorphoses subeat.

Tres sunt evidentiores, quas patitur formarum mutationes; convertitur enim in chylum, chymum, & sanguinem; unde facultates emergunt chylica, chymifica, & hamatopœtica: quibus addi possunt, quia ad hanc contribuunt, bilifica cystis, & melancholifica vasorum atrabiliariorum, &c.

2do Dispensatrix animæ facultas est quâ illa omnibus & singulis partibus nutrimentum suppeditat: hæ enim propter continuum alimonii effluvium, novo semper refocillari, foveri & vigorari debent ut ad suas actiones aptentur & incitentur. Auricularum & cordis ad hoc servitio, cum arteriarum adjumento, utitur.

Auriculæ (sic, ab aurium figurâ, dictæ). corpora cœcava venarum sunt tamquam appendices, carnosæ fibræ ad faciliorem contractionem donatæ, insitæ cordis lateribus, ad ejus basim & principium seu ingressum ventriculorum, à quibus earum sinus solis valvulis, foris apertis sed intus clausis, separantur; promptuaria sunt sanguinis, in qui-

quibus per venas, communem cum illis habentes cavitatem, tam è toto quàm pulmo-  
ribus redux sanguis colligitur, ut in cordis  
entriculos deponi possit. Numerus pro ven-  
riculorum numero variat: quibus animan-  
bus unus contigit iis una itidem est auri-  
cula, quibus duo, duæ.

*N.B.*

In fetu tenello ante cordis formationem,  
vesicula, quæ progressu temporis in auricu-  
las abit, apparet pulsans, dispensatrici mu-  
nere fungens, sed illo crescente vesicula sive  
auricula tanto labori impotenti cor in ad-  
umentum additur.

Cor durâ vastâque contractili carne  
(tamquam rusticus ad laborem) instructum,  
in amplis, dum quiesceret, ventriculis re-  
ceptum sanguinem, per patentia ostia, val-  
vulis regressum inhibentibus munita, magnâ  
vi & impetu semet, ab accepto onere expe-  
diens, in arterias protrudit. Hoc dum fun-  
gitur cor ministerio, agenti & dispensanti  
animæ, ad totius corporis nutritionem ma-  
teriam suggerit. Hinc omnes ejus emanant  
dignitates; hinc rex, Microcosmi Sol, ca-  
loris

loris fons & focus, omnium actionum, ipsiusque vite auctor nuncupatur: quamvis solum molestiam, quam à distendente sanguine patitur, excutere intendat.

Arteria, teretes, concava, duplici satiusque firma, ut tanto impetui sint pares, tunica donata, in omnes nutriendas partes sanguinem tamquam canales deducunt.

Hunc agendi modum, qui multorum subsultuum & collapsuum seu contractionum interventu perficitur, pulsationem & pulsum, hancque anime vim, facultatem pulsificam vulgò nominant.

3<sup>tio</sup> Assimilatrix facultas ea anime vis est, qua corpori sanguinis particule familiares jam reddita secundum omnes dimensiones appositæ in propriam & eandem formam ducuntur. Dicimus, sanguinis particulas, partim ob tam minutam divisionem, quâ dirimuntur, ut etiam minimis corporis secundum omnes dimensiones jungi possint: partim quod omnis sanguis tam minutim divisus familiaris non sit, sed plurimum inepti cum eo fluat, quod in venas denuò re-

meat,

neat, & quandoque magnam partem prius  
 simulati, & in constitutione morbosâ rur-  
 um liquati, vel hoc novitio dissoluti, secum  
 apit multis iterum circuitibus alterandus  
 & purgandum.

Si pari cum dissoluti quantitate nutri-  
 mentum ad partis restorationem concur-  
 at, dicitur nutritio; si majori, accretio  
 ve auctio; si verò minori vel si partem  
 simulati secum rapiat, maceratio vel ex-  
 enuatio vocatur.

Facultatibus hisce plures aliæ inserviunt;  
 partibus enim (tàm ubi preparatio & as-  
 mulatio fit, quàm unde dispensatio) præ-  
 arandum, asimulandum & dispensan-  
 lum recipi & admitti convenit; ibique pro  
 empore, si opus est, retineri, & tandem  
 ropelli: hinc facultates emergunt, re-  
 eptrix, retentrix, concoctrix, & propul-  
 rix, vel, si mavis, expultrix.

Attrahtricem ullibi usu venire, præter-  
 uam ad inspirandum, aliosque motus lo-  
 ales qui musculorum ope perficiuntur, equi-  
 lem nescio: siquidem partes omnes fortio-

B

res,

res, in debiliores sua onera deponunt, quæ in quiescentes fortiores, vel dispensatoris beneficio adjunctæ, per pateniores vias sese expediunt. Quidpiam ab aliquâ parte attrahi ad sui distentionem non est verisimile: extendi enim pati est, cum attrahendi actione non quadrans.

*N.B.* Recipere & admittere partes in sua penetralia videmus (quamvis violenter & à fortius agente mittatur) naturaliter, quod familiare est, uti & alienum & molestum, si modò per patentes convenientesque ductus vel in, à naturâ concessa, receptacula id ipsum, molestiam arcendo, deponere possint.

Præter naturam (quod propriè violenter fieri creditur) accipiunt partes debiliores, à fortioribus subito influxu, quod familiare minus est; vel paulatinâ congestione in alveis morborum materiam, à quâ commodè liberari non poterant, in perniciem admittunt.

Retentio ad aliquod tempus summè partibus necessaria est; ventriculo ad cibi digestionem; intestinis ad tenuioris chyli ex-  
pres-



refectionem; moram trahit in suâ cysti, tam  
d conservationem, quàm in requisitam ne-  
cessitatem bilis; in vesica lotium, uti & in  
recto alvina feces ad munditiem & hone-  
statem; omnium summopere partibus resi-  
endis nutrimenti, jam ad æquitatem re-  
acti, retentio, ob adhesionis & assimila-  
tionis causam, competit; sic seminis in præ-  
paratibus, foetus in utero, lactisque in mammis  
ad prolis propagationem, educationemque.

Concoctrix est ea anima vis, quâ ali-  
mentum dissimile, vel quod in corpore noci-  
um est, additione vel abstractione, in beni-  
giorem naturam, ut in corporis substan-  
tiam faciliè verti possit, alteratur.

Concoctiones pro subjecti varietate  
variant, & varias habent appellationes, in-  
ter quas generaliores sunt *πέψις* & *πεπασ-*  
*μός*.

Pepsis est cibi in propriam nutriendi  
formam alteratio.

Pepasium generaliori significatu Ga-  
len. 6. epid. comm. 5. omnem deductio-  
nem ad mediocrem temperiem appellat;

comm, 2. verò lib. 1. epid. morbi & eorum quæ præter naturam sunt cōctionem : sic ut Pepsis circa nutrimentū, Pepasmus circa causam morbificam versetur quarum cōctiones sunt. Differunt præterea quod in hac major pars tamquam inutile adimatur, in Pepsī aliter in bonā constitutione eveniat. Sed quia additione & detractione utraque peragitur, si morbificum in parte quāpiam infixum hærens affluente sanguine diluatur & dissolvatur, resolvi & discuti dicitur, si non, putrescens corrumpitur, vel in pus convertitur, unde resolutio, discussio, putrefactio, suppuratio, quæ omnes cōctionum modi sunt.

Propultrix vel Expultrix (si ita MAVI) ea est facultas, cum quā vita primum incipit, & quā cessante, vita tandem desinit. In animalis primordio, ab humoris impulsu elevata vesicula cum sese contrahit, ut influxum promoveat, protrudatque elevantem liquorem, & pulsus & vitæ primum signum dat.

Sic enim unumquodque naturā comparatum

atum est, ut à noxio & quantitate qualitateve molesto abhorreat, illudque quantum otest contractione removeat: contractioe, inquam. quâ omnes totius corporis perguntur motus tam naturales & œconomi, quàm animales & voluntarii: suâ sponne quidquid per vim elevatur & extenditur ad naturam & priorem constitutionem coatur reverti.

Considerandum quod nulla pars in alterius commodum propulsionem intentet, ut *N.B.* ulterius, scilicet, subveniat in auxilium; sed emet ipsam à molesto & nocivo, hoc expellendo, liberare nitatur: quamvis sic cor & partes omnes sunt dispositæ, ut hæc omnium actio, proprio respectu, peculiaris contractio & expulsio sit, ab animâ tamen agente in totius corporis commune commodum instituitur & dirigitur.

Meliorē corpori vitam largitur, quando, sensu & motu, atque omnium maximè rationis beneficio, id decorat. Animalē hanc vim, quâ à vegetabilibus animalia discernit, vocamus; ab hisce verò hominē rationalem.

Animalia, vegetabilibus longè superiora, voluntariis motibus, cœlestium astrorum motus dignitate excedere, cùm judicentur; in quonam meliori illustriorique excellentiâ seu eminentiâ solio rationem, homini super cæteris attributam, collocabimus? Huic, in mundi exordio, cerebrum (sentiendi voluntarièque movendi præcipuum organum) tam concinnè de meliori luto fabricavit Prometheus, ut anima, divino ore inflandæ, aptum accommodatumque foret instrumentum, quò suo origini dignas ederet actiones. Hoc substantiâ molli & mobili ad singulas cordis pulsationes respondente, meningibus exquisitissime sentientibus septâ constans, mediantribus nervis (qui ex substantiâ hâc meningibusque miro modo intertexta productiones sunt) sensoriis externis continuum, in perenni motu existens, & pro communi sensorio inserviens, objectorum affectiones externis sensoriis receptas facillimè percipit: perceptas ideas seu signaturas in memoriâ recondit; quas phantasia resuscitans, si sola, appetitui, si concurrente ratione & intellectus judi-

udicio, voluntati offert: quò loco motivæ  
 executrici facultati imperet, ut convenien-  
 tia prosequatur vel disconvenientia fugiat,  
 ad salutem & incolumitatem.

Perennem & perpetuam vitam dum in  
 individuo, ob substantiæ, unde componitur,  
 ineptitudinem, conservare non potest, id in  
 alio, novam speciem producendo, efficere  
 anima conatur, quam facultatem procrea-  
 tricem appellamus.

Quæ est novæ prolis, seu similis individui  
 creandi producendique potestas.

Hujus rei, quia multis occultata involu-  
 cris, quamvis perceptio sit difficilis, unde &  
 ardua procul omni dubio ejus explicatio,  
 paucis nihilominus, quæ super eâ materiâ  
 (Harveianâ luce viam monstrante) ut mea  
 menti satis facerem, concepimus, in me-  
 dium (sub pactâ conditione tanquam in con-  
 cilium admissus) afferre aggrediar.

Est tanta eximii viri Guil. Harveji  
 in naturæ penetralia scrutando diligentia &  
 sagacitas, & in observata tradendo, tam  
 candida sinceritas, ut ejus tradita, quæ om-

nium fide facile merentur, amplecti non erubescamus in perpetuam ipsi laudem cedit, quod invenerit, communique commodo liberaliter tradiderit de sanguinis motu & animalium generatione,

quæ longa vetustas (bris.

Occulit arcanis oracula mersa tene-

Procreatio ab uno non dependet individuo, duorum utriusque sexus concursu, tertium producit; quorum singula in communem hanc rem sua contribuunt: mas potentiam, foemina materiam, conceptus actum, utriusque complementum.

Procreationis sunt diversae partes; generatio, formatio, & parturitio.

Generatio est prolifici seminis effectio, & ad animam cujusque adipiscendam formam via, foecundatione & conceptione peragitur.

Verum semen est Aristoteli (lib. 1. de generat. anim. cap. 18.) quod, ex ambobus coeuntibus originem trahens, utriusque sexus naturam obtinet.

Sic, quod maris & foemina coeuntium fructus, futuri foetus semen est, conceptus



vocatur, aliquid præexistens, à quo foetus creatur & producitur.

Quod verò à generante provenit quamvis generationis sit principium & causa efficiens, genitura dici debet, non semen: quia, quod ab utrisque coeuntibus requiritur, non habet; scilicet vim plasticam & materiam, in quâ illa in actum duci possit.

Mari genitura, ex sanguine, tamquam materiâ, quem arteria, spermatica dicta, in filamenta innumera divisâ, ne eo affatim influente obruantur, in testibus elaboratur, & à sanguineâ massâ (quam in capillares numerosas venulas, retiformemplexum cum arteriarum filamentis venulis perquam similibus, constituentes deponunt) separatur, mediantibusque vasis ejaculatoriis, per variciformes parastatas in prostates glandulas deducta, ad usum ab iis conservatur, vel in rariore coitu cum sanguine, quem adduxere ad nutritionem arteria, in venas remeat.

Mulier non omnino ab similem materiam, partes spermatica vulgò dicta, produ-

cunt, quam variis consideratione dignis rationibus adductus, venerandus Senex, generaturam esse vel quidpiam ad generationem facere, Aristotelem secutus, negat.

Instrumenta, huic materia generanda adscripta, esse inepta, neque omnibus inesse, & quibus insunt, nunquam eodem modo reperiri, asserit: testes quia semellis, coitionis tempore, sicuti masculorum, non alterentur, & huiusmodi humore turgeant; quia ejaculatoria dicta vasa aliter disposita (quae uterinis animalium cornibus quadrare dicit, uterique tubas vocat) alteri usui inserviant; quia uterum neque in coitu, neque postea talis materia ingrediatur, sed tamquam excrementum excernatur (quavis aliqua humorem quendam, in coitu, emittant) ad conceptum necessario non requiri concludit.

Sed cum tantus ad hanc materiam in corpore muliebri cernatur apparatus; & exfectis testibus animalia foeminina castrentur & infœcunda reddantur; denique cum humorem hunc incitata & in coitu (quamvis

vis non omni) cum voluptate vel majori vel minori mulieres ejeciant: ignoscet eximius (Vir) si hasitandi mihi dubitandique occasionem hac prabeant; primò, num tamquam medium, inter genituram masculam & uterum interveniat hac materia, quæ cum familiarior & naturalis magis corpori, à quo producta, quàm externè adveniens sit, suo concursu, facilius atque commodius uteri corpus, novâ temperie, à maris geniturâ inficitur, quâ concipiendo & semini sive conceptui in suo sinu generando aptum reddatur: temperies enim hac cum sine materiâ traduci non possit, muliebris interventu, viri genituræ apta portio ab utero, secundum corpus non verò secundum cavitatem, æquabilius admittitur; ut inde fecundetur, & ad conceptum, prolis exordium, in sinu suo, producendum aptetur. Secundò, num ad fœtus, jam auctioris, alimoniam & augmentationem conferat: siquidem ad pulli nutritionem duplex pabulum, albumen & vitellus, concurrat, num similiter & fœtus duplex sibi alimentum, per placentam vi-

tello, per tubas albumini respondens, hauriat.

Quidquid sit, nisi viri amplexu, ejusque genitura interventu foemininus aterus (ad generationem corpus & cavitatem seu sinum, conceptionis locum, contribuens) fecundetur, id est, secundum corpus sive substantiam, seminificâ vi imbuatur; neque in suâ cavitate semen concipiet, neque ad maturitatem, ut sit plantarum semini, oviparorumve ovo, simile & analogum, foetus scilicet praexistens principium, producet.

Natura in operibus sibi consona, similibus usibus consimiles partes instituit, eâdemque viâ & methodo, in rebus generandis & procreandis, tam in viviparis quàm oviparis, procedit: quippe ordine quo in ovario ovum, & ex eo postea pullus, sic in utero conceptus, & ex eodem foetus formatur & producitur.

**N.B.** Ovum Aristoteli est, ex cujus parte animal gignitur, reliquo in alimentum cedente. Conceptui conditiones hæ convenient, est-

stique membrana obductum, sine testacorum:  
 n hoc differunt, quod ovum, in se habens  
 quidquid ad pulli constitutionem & aug-  
 mentum facit, conceptus sit foris expositus,  
 unde pullus procreatur: conceptus verò,  
 quia ad incrementum plus alimenti à matre  
 requirat, est ovum intus manens, donec for-  
 tus perfectionem adquisiverit.

Animalium brutorum, novem mensibus <sup>exp:</sup>  
 utero gerenium, accuratâ crebrâque sectio-<sup>autogr:</sup>  
 ne (nam eodem modo generationes fiunt)  
 compertum est, coitus tempore & postea,  
 ne quidem alicujus rei vestigium in ute-  
 ro reperiri, neque maris genituram, ne-  
 que aliud quippiam in cavitate ejus hære-  
 re: uterus solum major & aliquantulum  
 crassior conspicitur floridior colore: unde  
 affectum corpus facile colligere est, ejus-  
 que mutatam cum aliquâ materiâ tempe-  
 riem: post mensem ferè, hâc interiorâ ver-  
 sus migrante, minorem uterus molem præ-  
 se ferre incipit; interioris cavitatis pa-  
 riete, tamquam si inflaretur, intumescen-  
 te; ut per omnem fere sinum, tam tener  
 lavis-

lavisque evadat, ut totus molliſſimâ pulpoſa ſubſtantiâ, etiam carunculas, in eo ſita (quæ inde nihilo majores paululum albeſcunt) involvente, oppleatur.

Paulo poſt hæc tuberantia flacceſcens paulatim ſubſidet atque extenuatur; hoc tempore per mediam uterî cavitatem mucroſa quadam filamenta ducuntur, quæ junctâ mucilaginofam tunicam exhibent, plezum choroidem per cerebri ventriculos excurrentem, referentem.

Hæc poſt aliquot dies aquoſâ, albâ, lentâ & albugineâ materia impletur, & uterî lateribus, ut nihilominus facile ſeparari poſſit, aliquantulum adheret.

Conceptus hic verus eſt, & utriuſque ſexus virtute præditum, verum ſemen: Ariſtoteli eſt ovum membranâ obtectum, cui putamen detractum ſit: eidem pro ovo habetur, id, ex cujus parte animal gignitur, & reliquum cibus eſt ei, quod gignitur.

H. Viviparinum itaque ovum cum ratione dicitur; hoc conſtituant bini humores totidemque membrana ſeu tunica.



Humores sunt albugineus & cristallinus.

Albugineus copiosior & alteri comparatus turbidior paululum est, fracti gallinacei ovi, tenuiori & liquidiori prius effluenti humori respondens.

Cristallinus humor, cristalli instar transparentis & limpidus, priori purior & crassior: ovi crassiori albumini perquam similis.

In hoc fortè tertius reperitur humor, Fabricii cicatriculam seu maculam in ovo representans, qui Harvejo oculus vere dicitur, quia vitelli tunica adherens, albus, planus, & circularis aviculæ pupillam referat, sed ideo (ut opinor) magis, quia ex eo, tamquam arbori ex oculo, pullo omnis origo & vita exurgat: opinionem hanc mihi parit, quia præter duos numeratos humores evidentes, in ovo is reperiatur; dein quia sicuti, in plantæ semine, oculus, gemma, & germen protuberans cernitur, sic in hujus fere meditullio futuri foetus exordium punctum primò saliens, dein vesicula pulsans, reperiuntur & conspiciuntur. Hoc notandum, quod.

quod cristallini hujus binarium ternariumve numerum ventura totidem proles emulantur.

Humores hi viviparorum conceptibus omnibus semper insunt, & quoniam ovo in testâ concluso in pabulum tot cedere cernuntur totidem fœtui cum suis secundinis migrare in substantiam confido: differre etiam ab aqueo humore, in quo natâre postea fœtus deprehenditur, & à quo consistentia variat, existimo & hunc prioribus absumptis è secundinarum interiore superficie in chorii sinum exsudare ut fœtui pro aëre inserviat, scilicet ut hic in eo moveri, & humectando nutrimento frui possit.

Membranarum sive tunicarum exterior & solidior chorion dicitur: hac per uteri cavum extensa, totum conceptum involvens & continens, immediatè liquorem albugineum, & postea aqueum in suo sinu amplectitur.

Alterâ tunica, amnium dicta, exteriore multò tenerior est & transparens; humorem cristallinum circumdans, intra prioris  
ambi-

ambitum, in albugineo natat. Si gemellif-  
 us sit conceptus (ubi bini reperiuntur hu-  
 mores cristallini) binæ continentes mem-  
 branae sive tunicae, exterioris, totum con-  
 ceptum involventis, amplexu, cum albugi-  
 neo humore, colligata conspiciuntur.

Hæ sunt in sinu fœcundati uteri conceptus  
 conspicuæ partes; si semen, ovum aut con-  
 ceptus vocitetur, ad idem res redit; præ-  
 existens quidpiam est & fœcundati uteri  
 fructus ex quo fœtus formatur & producti-  
 tur.

Sive fœcundatio fiat à solâ contaminante  
 qualitate sine materiâ; sive subtilissimam  
 materiam, temperiem & vim p̄solicam in-  
 ducentem, adjunctam habeat, quæ à solâ  
 maris geniturâ, vel fœmina tamquam me-  
 dio interveniente (unde non solum utrius-  
 que parentis similitudo sed & avorum, &  
 quandoque morbi, liberis induntur) sin mi-  
 nus: hoc certò constat in congressu seu co-  
 itu, nec virilem nec muliebre genituram  
 (vulgò semen nuncupatam) ab utero in suo  
 sinu recipi; sed circiter mensem integrum  
 ina-

inanem reperiri & tandem ab exiguo initio, hominis in utero, brutorum vero in cornibus, conceptionem fieri.

*N.B.* Dum hisce scribendis occupatus sum, videre mihi contigit muliebrem effluxum, conceptum scilicet integrum, nonâ circiter, post pragnationem, septimanâ rejectum, ex rotundo oblongum minoris ovi gallinacei magnitudine, cineritio colore albescentem; hic flaccidus nonnihil subsidebat; satis crassam quamvis levis texturâ, habebat tunicam; pars acutior, cui rubescentia filamenta tamquâ lanuginea (non aliter quam si ibi abruptus esset) appendebant, nigredinem quandam, à contento simili grumescenti sanguini, ostendebat, dimidii minoris fabæ magnitudine, quod principium jecoris uterini judicabam. Apertâ scalpello tunicâ albugineus statim effluxit liquor, manente cristallino satis elato, ut transparente membranula adhuc contineri videretur: in hoc duo conspiciebantur rubescentia corpuscula, minimi digiti latitudine, à se invicem dista, oblonga, in se contracta, magnitudine

& for-

& formâ quâ scrupulum notare solemus; explicabant se in aquâ nonnihil, ut capita, in quo puncta nigra pusilla, tanquam infixi acus vestigia, oculos referebant, aliàs, ut & brachiorum & crurum rudimenta, informia: è contracturâ medio utrique, veluti pulposum filamentum prominebant umbilici productiones; quæ cuncta gemellorum conceptum satis evidenter demonstravere.

Mirum alicui videri non debet, si in acutiori conceptus hujus fastigio inventa placenta sit, cum obtusiori parti adharere soleat: id ob duplicem rationem contingere potuit; enixu enim pars utero annexa nonnihil elongata, altera verò propter gemellorum conceptionem (ubi duo sunt amnii totidem humores cristallinos cum embryonibus continentes) consuetò amplior fuit.

Vidimus aliquando circa duodecimam septimanam expulsos foetus sesqui pollucis longitudine, quibus tam perfectè essent delineata membra, ut in aquâ tepidâ explicatorum, & unguium rudimenta cernere & sexus dignosci, possent. Nuperrime sexdecim heb-

hebdomedarū abortum masculum longitudine quatuor pollicum latitudinē superantem perfectis omnibus membris cernere contigit.

Quemadmodum pulli in ovo-formatio peragitur, eodem modo in conceptu foetus suam formam acquirit: matris siquidem amplexu & interno calore non aliter fovetur, quàm à gallinæ incubatu, vel alterius externi similiter calore blando, ovum ad pullulationem excitatur: cùm hac tamen differentia, quod pullo cum ovo nutrimentum producat, ut sic pabulum congenitum consumendo, eoque fruendo vivat; cùm foetus, cui hoc perperam largitur, à matre victum sive nutrimentum obtineat: à quâ interim, non magis quàm pullus ab incubante gallinâ, aut fovente calore, fabricatur aut formatur, sed ab internâ congenitâ causâ, seu propriæ animæ plasticâ vi; quæ sibi tamquàm habitaculum & domicilium instruit & fabricatur, ex materiâ primū membranis contentâ & conceptui congenitâ; dein adultiore foetu, eâ quam à matre per placentam & uteri forte tubas haurit, illâ vitello, hac albumini analogâ.



In cristallino humore apparet primum  
unctum saliens ad Solē vel perspicillo con-  
spicuum, hoc in rubescentem vesiculam vel  
alteram pulsantem migrat, auriculas tem-  
pore constituentem; huic allineantur fibrae,  
penularum & arteriolarum propagines,  
paulatim majorem rubedinem acquirentes,  
accrevitque postea massula carnosae contra-  
ctilis, ad majus robur, cor scilicet, majori  
vi in dictas fibras inchoatum sanguinem  
movens: unde, quae per integrum prius cri-  
stallinum & aqueum dein humorem vaga-  
bantur, crescentes, & ad exteriorem tuni-  
cam usque excurrentes, umbilicum & pla-  
centam efficiunt, hac, tamquam syssarco-  
seos copulā, foetus utero accrescit & necti-  
tur; siquidem primum conceptus membra-  
na, placentam annexam non habet, sed ob-  
tusiore parte tamquam tenui musco aut la-  
nugine vestitā accrescentis placentae princi-  
pium praebeat: cum per interiorem ejus su-  
perficiem levem & lubricam plurima fe-  
rantur filamenta, umbilicalium vasorum  
propagines exhibentia.

Hanc

Hanc vidimus, plus quàm semel, & ante & circa tertium pragnationis mensem, enixam, omnino rubentem & crassam, ut frustum grumati sanguinis referret; quæ undique clausa embryonem vix figuratum, altera verò vice perfectè delineatum, ex umbilico pendentem, contineret: quæ propter dubitavi interdum, integram in placentam, & solummodo membranosiorem magis extensilem partem, propter foetus augmentum extensam, chorii nomen servare: si quidem ab hoc sit inseparabilis, & ex ejus medio umbilicalia vasa omnia membranâ cum eâ communi colligata, pendere videantur, quæ per integrum chorium dispergi solent.

*N.B.* Placenta ab edulii generis, sic vocati, forma, quam exclusa refert, vel ab hepatis & pancreatis similitudine, uterinum jecur, chorii pancreas, ab obstetricibus matrix, & secundina dicitur: in mulieribus, cæterorum animalium uterinis carunculis annexarum cotyleæonum seu acetabulorum vices agit: caro lienis parenchymati similis, mollis & ex

ante  
eni-  
fru-  
m-  
al-  
um-  
pter  
am,  
ex-  
um  
qui-  
ue-  
um  
ur,  
ole-  
ati,  
atis  
ur,  
&  
um  
ur:  
&  
ex

rubro nigrescens, multifidos vena & ar-  
riolarum umbilicalium surculos fulcit,  
vet & tuetur: cavâ suâ parte foetus spe-  
at, convexa uterum, cujus superficiei ag-  
glutinatur, non autem inseritur; terminat  
quippe foetus vasa, quorum nulla utero lar-  
gitur aut ab eo admittit.

Umbilicus dicitur foetus pars, qua, inte-  
rini fere formâ, ex ventris medio enata,  
tegumento membranoso, securitatis ergo,  
ria vasa cum uracho involvente, constans,  
in placentam inserta cernitur.

Foetus partem vocamus, quoniam secun-  
dina, non uteri, sed foetus, à quo nutriun-  
tur & augmentantur, partes censenda.

Constat ex duabus arteriis, venâ, ura-  
cho, & membrana integente. *It.*

Urachus, non ultra trium transverso-  
rum digitorum longitudine, in adulto, su-  
pra abdomen excurrent, in umbilici mem-  
branâ obliteratur.

Arteriæ ex iliacis orta, extraneis foetus  
partibus seu secundinis nutritium humorem  
advehunt.

Vena

Vena è porta trunco excrescens, sub umbilici tegmine excurrent in secundinas, ramulatum divisa, dispargitur, ut ex his nutritium humorem allectum foetui adducat.

Nutritum, pro foetus constitutione variâ, etiam variat: principio vegetantem vitam degens, & exile primordium nactus, congenitus nutritur, delineatur & formatur humoribus, secundinis suam partem accipientibus, quibus absumptis ab utero pabulum priori simile nanciscitur, quod ovi albumini non absimile ab utero placenta offertur: unde verò illud emanet dum res obscura est, suspicari licet. Vterus pragnans majorem acquirit crassitiem, ejus vasorum exteriorum maxima pars arteria sunt, interiorum vena: à sanguine arteriis extrinsecus advecto, matrix portionem foetui nutrimento aptam separat placentaque tamquam exudando, largitur, alteram venula circulationis ordine recipiunt & cordi revehunt. Roris instar accedentem hanc materiam, non verò sanguinem (cui se forte associat à tubis adventans) placenta admit-

tens

ens cum rubescente succo, per arterias umbilicales allato, diluit, & venae surculis foeti adducendum, bene præparatum apponit.

Hinc indies sanguis augetur; foetus vero grandescens ore humorem viciniorē sugere & in ventriculū admittere incipit (unde & in ventriculo & intestinis superioribus chylus, crassioribus faeces reperiuntur) ut tandem, partibus hisce, ad munia præstanda assuefactis, ipse, in sugendi arte exercitatus, & perfectam maturitatem natū, liberam auram capturus, promoveatur ad partum.

Partus ut sit naturalis, diversa requiruntur, quæ à parturiente matre & pariendo foetu desumuntur, siquidem mutuas sibi operas invicem præstare tenentur, nisi enim ad actionem hanc æquè maturi paratique contribuant, vix foelix solet esse partus.

Maturus foetus aestimatur qui (cū jam ad oeconomicas obeundas functiones dispositæ sunt partes) liberiolem desiderans aërem, capite declivi versus uteri collum inflexus,

matrem ad commune opus, velit nolit, incitans & urgens, exitum sibi molitur & parat.

Matri matura matrix, ad inferiora, emollita descendit, & orificium aperit, unde chorii pars, cum contentâ aquâ, in vaginam labitur; coxendicis osium synchondrosis emollitur, & ut fœtui exeunti via pateat, laxatur; totius corporis conspirantis commotio percipitur & concitatus pulsus.

Hisce concurrentibus, utriusque constantibus viribus, partum naturalem & foelicem instare judicamus: qui maxime naturalis censetur, si cum ambientibus membranis excludatur illæsis, non aliter quam maturus ab arbore fructus integer, seminibus non effluentibus, solvitur: si secus eveniat; membranis ruptis hærente placentâ, quæ interdum difficulter separatur, prava quandoque symptomata inducuntur. Post hunc naturalis magis, si capite deductis ad latera brachiis prodeat, & quo ab hac positione differat magis à naturali recedere judicatur: quamvis, mortuo fœtu, quæ



# ALLOQUIUM. 51

edibus inchoatur parturitio aestimetur commodior.

*Ad viam unde digressus redeo.*

Anima potentiis partes, quibus ea exeuntur, appropriatae sunt, quae veluti etiam humores, ab illâ elaborantur & perfectionem acquirunt.

Quamobrem, cum animae facultatibus numeratis, functionum seu partium actionum etiam numerus sit evidens, easque opera & effectus consequantur, si earum in psychologia brevibus verbis ordinem compleverim, eundem & in ceteris me demonstrasse confido.

Antropologicam hanc scientiam quia nerè physica physiologiam, quae verò affectuum doctrinam comprehendit, sive naturales, sive praternaturales sint, pathologiam appellandam existimo. Illis actiones corporis perquam benè peraguntur; hisce verò laeduntur; in hâc classe de morbo, ejus causis & accidentibus; in illâ de sanitate, causis & similiter accidentibus ejus agitur. Curat autem therapeuticus sanitatem con-

servando & deperditam, si Deo visum, restituyendo.

Compidiosæ hujus normæ narrationem, dissertationi nostræ præmisimus, ut, quæ in eâ examini subjecimus, non sine methodo, prodire notum sit: in quâ etiam brevitatis aded fuimus studiosi, ut illa, quæ in rerum obviarum descriptionibus ab aliis tradita & dilucidè satis explicata sunt, repetere superfluum judicando prætereamus, eaque sola, quæ ratione fulta à vulgò receptâ opinionione discrepant, proferamus. Potuissent hæc phylologico comitu & disertiore stylo exornata prodire: sed

Nobis non licet esse tam disertis  
Musas qui colimus severiores.

Neque etiam decet, materia enim hac tam longe à communi sententiâ diversa, narranda fabulæ in modum, prolata videretur: veluti faciunt, qui res viles & abjectas, culicem, pediculum, asinum, rareloquentiâ, quam summis laudibus extollere gestiunt; aut absurda & sensuum omnium

nium iudicio falsa, veluti, mulieres non esse homines, aut res multò absurdiores non solum defendere, sed fucatis & sophisticis argumentis veritatis similitudine vestire conantur, ut per ea ingenii alacritatem & in doctrinâ excellentiam ostentarent. Tale mihi in animo nunquam fuit, neque aliâ de causâ quam amicorum instantiis adactus, nullâ arrogantiam aut contradicendi desiderio, sed solo veritatis studio inductus, hac ad veritatis, semper uniformis sibi que similis, incudem, regulam generalissimam & omnium normam, nullis sophisticis argutiis aut incognitis fictive vocabulis obscurata, examinanda offerimus.

Non inconueniens nobis visum est, cum, unâ cum observandissimi Senis Gu. Harveji Exercitationibus Anatomicis, & nostram de Corde dissertationem, secundò ARNOLDUS LEERS pralo excudendam committeret, si & iudicium nostrum de nonnullis, quæ postera hac ætas, acutissimorum ingeniorum feracissima, post primam editionem, examinanda obtulerit,

*aliquibus in locis, ubi commodius id fieri posset, insererem: partim ut de noviter inventis & nostram opinionem exhibeam; partim ut prolatam antehac sententiam, uti decet, ab objectionibus iniquis, liberem.*

*Quæ rejicite, si veris rationibus & autopsiâ minimè munita, si verò consideratione ea digna & amplectenda judicaveritis, iis fruimini & valete.*



JACOBI DE BACK

*Dissertationis de Corde,**Sectionis primæ,*

CAPUT I.

*De re quæpiam laturus sententiam qualis : cor nondum bene perscrutatum : quanti illud æstimarint Veteres : ejus etymæ expositio : unius partis in aliam nullum dominium : cor pars servilis : facultates non influunt.*

**Q**U I de rei alicujus veritate laturus sententiam est, neque illustris cujusdam viri auctoritate, neque opinionis prius receptæ amore, neque ullius rei studio, moveri, sed iis, quæ oculis videntur, manuum tactu percipiuntur, & ab ipsâ autopsiâ depromptis rationibus confirmantur, fidere debet: quod solius imaginatio-

nis inventum, nullo sensu stabilitum est, licet communiter & ab omnibus ferè receptum sit, non adedò adhærere tenetur, quin potius evidentia, perceptibilibus, sensilibusque rationibus comprobata amplectere velit.

Ratum hoc ante omnia fiet, qui cordis fabricam, motum & usum, veris certisque rationibus examinare statuit.

*Not.* *Momus Jovis* opera reprehendens, inter cætera, fenestram in humano pectore requirebat, per quam, & cor, & quod in eo lateret, conspici posset: sed toto aperto pectore, ipsoque corde viso, revisoque toties, tam vivo quàm emortuo, sedulis etiam & accuratis doctissimorum virorum exercitationibus, observationibusque adhibitis, decertatum nihilominus est ante nostra secula in hoc usque ævum, neque adhuc de illius motus causa, effectu & usu inter viros graves & doctrinâ illustres convenit.

Sunt



Sunt qui à semel receptâ opinione nunquam desistentes, cum multis errare malunt, quàm cum paucis bene sentire: alii relictâ autopsiâ, ea sequi gaudent, quæ neque visa, neque sensibus ullis comperta sunt unquam: quibus tamen tanquam fundamentis superstruunt innumera, quæ non aliter, quàm è tripode *Apollinis* prolata, à viris equidem eruditissimis versatisque sedulò amplectuntur, atque acriter sua quisque omni zelo, allatisque rationibus defendere pergunt: ut dubitares, cuinam parti palmam tradere debeas.

Præbuit nuper clarissimus ingeniosissimusque *Guilielmus Harveius*, Angliæ Regis Medicus peritissimus, & Anatomies in Londinensi Collegio Professor eximius, invento suo de cordis & sanguinis motu, occasionem ex hoc labyrintho tamquam *Ariadnes* filo evadendi; nisi ipse auctor in servando veterum placita curiosior, cor-

di attributum principatum nimis religiosè esset veneratus.

Accessit, quod ævum hoc acutissimorum ingeniorum ferax, tam in arte nostrâ quàm philosophiâ excellentium, obtulerit nobis incomparabili ingenio virum, extraneum quidem, sed in hoc nostro Belgio degentem, qui doctissimis suis scriptis quamplurima veterum Philosophorum placita rejiciens, aliaque luce clariora dogmata exhibens, novam nobis de causâ motus cordis opinionem fabricavit, à venerandi *Guilielmi Harveji* statuto nonnihil decedens, & quamvis cum illius de sanguinis circularis motus invento consentiat, in cordis tamen motus causâ non convenit, anne jure inter alia, quæ ante hac de corde tradita sunt, examinare aggrediar.

A longo jam ævo audit cor, non tantum vitæ, sed & universi corporis unicum esse principium, in quo suum anima cœpit domicilium; & è quo  
tanquam

tanquam fonte facultates & spiritus vitales scaturiunt. *Platoni* hic irascibilis, *Aristoteli* verò vegetantis, sentientis & ratiocinantis animæ sedes stabilitur. Præterea humidi officina, calorisque nativi focus & fomes, nostri corporis Sol, cujus influxu omnia viscera calent & recreantur, esse gloriatur: adde; hic, ut ajunt, artificiosus *Zenonis* ignis continetur, hic divinus & cœlestis calor servatur, quem *Prometheum* è cœlo furatum, ut hominem vita donaret, Poëtæ fingunt; atque ideo primum movens primusque motor dicitur, primaque & unica, si non conficiendi, saltem perficiendi sanguinis, officina.

Propter tot dotes, tantasque dignitates totius corporis pars nobilissima, quæ digniorem sedem obtinens, tanquam Monarcha proclamatur, microcosmici imperii habenas solus administrans.

*Haud multos regnare bonum est,*

*Enim idem: Rex unicus esto.*

Hinc Cor à Græco *Κῆρ*, contracto ex *Κῆαρ*, quod à *Κεω* uro derivant: & Græcum *Καρδιαν*, quasi *Καρδιαν* à quodam dominio & principatu dictum volunt: cum potius à verbo *Καρδιαν*, quod est *moveo, vibro*, deducatur: bene vernacula nostra lingua *hardt* appellatur, quod *durum* Latinis sonat, quia inter partes molles & carnosas durum est: vel quia (nam *harden durare* significat) in actione suâ & motu, sine fatigatione perseverando, durat.

Hisce honoris titulis, imò pluribus, si non divinis & supernaturalibus (nam, cordis calore, sine animæ adjumento, actiones in corpore omnes, præter cogitare, exeri, creditur) tanquam *Æsopica cornicula* aliarum avium amicta & decorata plumis, ab auctoribus exornatur cor, tantâ confidentiâ & zelo, ut religio foret obloqui vel contradicere: sed videamus,  
anne

anne (quemadmodum illa, cum singulæ aviculæ jure merito suas repeterent plumas, exuta & nudata saltare non desiit) plus quàm saltus ipsi superfuert, cùm, & anima & partes aliæ, sua receperint.

Unius partis in aliam principatum *vid.* explodit *Phrygius Æsopus* in suâ, de membrorum pro primatus dignitate altercantium certamine, fabulâ.

Sed seriò : quomodo imperabit, quod ipsum agenti animæ pro instrumento inserviens, toti corpori, omni tempore, sine morâ, famulari natum, est, & non aliter, quàm asinus molam trahens, prout instigatur tardius aut velocius, vel pro viribus fortius aut debilius, procedit?

At dices cordis opera in vitâ nos *ofici* indigere non posse : vitamque à cordis motu incipere. Idem evenit in organi lusu, ubi famulus tubos & fistulas *hujus* follibus primùm inflat, neque sine istâ inflatione luditur, non tamen ille, sed qui

qui sonos ritè modulatur, ludere dicitur.

*N.B.* Primatus, major dignitas, & perfectio, non ideo alicui parti competit, si ejus operâ priùs anima indigeat, aut si ante alias fabricata sit: ostendunt suo exemplo hoc, umbilicus & secundinæ (fœtus enim partes sunt) ante alia membra & ipsum cor formatæ, fœtu verò perfectò & in lucem edito, indignæ & inutiles abjiciuntur.

Perfectiora non primâ aggressione, sed morâ & longiore tempore talia evadunt.

*N.B.* Asserere facultates à parte quapiam influere imaginarium, si non à ratione alienum: illæ enim, animæ ubique præsentis, ad agendum potentiæ sunt: hæc in toto & qualibet parte totâ judicatur esse, cum omnibus suis facultatibus; & ubique, modò apta inveniat instrumenta, corporis omnes, tamquam artifex, actiones edere in confessio est.

Mem-



Membra ejusdem animæ organa suam ad agendum aptitudinem, cordi non magis, quàm cæteris partibus, cum quibus communi vitâ fruuntur, referre possunt: similarium temperiem, dissimilarium conformationem aptâ formâ, situ, numero & magnitudine constantem; & utriusque convenientem unionem, à corde vel parte quâpiam in aliam influere, neminem credere existimo. *N.B.*

Hæc & alia lævia sunt, neque multifacienda tanquam rixæ inutiles: sed, spirituum elaborationem, sanguinis, perfectionem, peculiariterque inplantatum calorem, duarum priorum, ut & actionum omnium (quemadmodum censent) authorem, cordi attribui non posse, si evincatur, omnes facile ipsi affectæ præeminentiæ evertentur & corruent.

## CAP. II.

*Spiritus etymî acceptio : ejusdem veterum definitio : in corpore tale non reperitur : veluti triplex in qualibet parte substantia, sic etiam in sanguine : spiritus & calor malè confunduntur : spiritus substantia à sanguine inseparabilis : spiritus animæ & corporis non est vinculum nec animæ instrumentum proximum : animalis facultas per spiritus non ducitur in actum : quomodo sensationes fiunt : spiritus substantia spiritus non est : Harveji sententia : D. de Reeck quid de iis sentiat.*

*not.* **S**piritus etymon variè accipitur, sed, qui hic in considerationem venit, nonnullis definitur : corpus tenuissimum ac subtilissimum, calidum & purissimum, ex tenuissimâ & maximè sincerâ parte sanguinis genitum. *fr.* Vel aliis, est substantia tenuissima & rarissima, ex sanguinis vapore & aëre genita, primum & proximū animæ in obeundis functionibus instrumentum.

*vi.* Ex quibus definitionibus colligitur, spiritum esse substantiam quandam à sanguine diversam, per se & separatim subsistentem : quoniam ex ejus sincerâ & tenuissimâ parte ; vel

ex

ex ejus vapore & aëre genitus dicitur.

Sed ubinam, quæso, aliquid tale in corpore unquã factum vel repertũ est?

Triplicem contendunt esse spiritum. Q. d.  
 unum; naturalem, vitalem, & animalem, tribus facultatibus partibusque principibus, unde, singulus (ut ajunt) oritur, accommodatum. Sed in fœtu, ante partium principum non solum aptitudinem, sed deliniationem, plastica functio evidens est: si à spiritu conceptui ingenito fieri putes; à quo ille fovebitur? si quidem novo influenti pabulo sustentari debeat; ceditne, contra naturæ ordinem, ingenitus in influentem & vice versa? Si à matre habere dicas: ne quidem sanguinem ab eâ habet, sed propriâ hæmatopoëticâ vi illum sibi parat, etiam ante creatum & ipsum cor; si itaque sanguinem, quem spiritus materiam dicunt, sibi concinnet; debet & hunc sibi efficere, quod ante organorum creationem absurdum, si non impossibile

sibile judicamus. Præterea nec creatæ & perfectæ principes dictæ partes spiritus ullos efficiunt : in hepate naturalem non gigni, jam à longo tempore pro nobis evictum est.

In corde, quod solum pro ductu & transitu (sinuum respectu) inservit, quia nullam sanguis in ejus ventriculis moram trahit, neque ibi ullam, dum nihil ipsi addatur vel adimatur, mutationem subit, effici credibile non est.

Si in cerebro fiant, erit hoc in ventriculis vel substantia : prius herculeis acutissimus *Hofmannus* argumentis evincit (quæ conamine nimis invalido, in suo *Enchiridio* celeberrimus *Riolanus* tentat evertere.) Alterum, ab omnibus, pro ventriculis pugnantibus, non admittitur, neque ab ipso *Hofmanno* probatur.

Si instetur cerebrum, elaborandis spiritibus, per nares & palatum ærem attrahere, neque eo propterea indige-

ligere posse : negamus id spirituum  
 causa fieri. Admittitur ille in ventri-  
 culis, recrementorum receptaculis, &  
 patijs inter utramque meningem da-  
 tis, ut cerebri, quod continuè move-  
 tur, liber & impeditus posset esse mo-  
 tus : nam ad ejus systolem accedit, à  
 diastole verò recedit.

Si spiritus ullibi in corpore repe-  
 riatur, deberet inveniri in corporis  
 habitu, vel contineri vasis ei ascriptis,  
 arteriis, venis, vel nervis : quod as-  
 serere imaginarium, neque ullis de-  
 monstrationibus firmatum est.

In habitu, sive quâlibet parte cor-  
 poris, consideratur quidem triplex  
 substantia, spirituosâ, humorosâ, so-  
 lida : sed illas separare, est ipsam par-  
 tis structuram invertere, non minus  
 quàm si, quod ex quatuor elementis  
 congestum est, in diversas ad sensum  
 existentes substantias dividere, ali-  
 quis vellet : dissolutâ hac substantia-  
 rum compage, neque tantum viven-  
 tis

tis pars , sed corporis esse desinit.

Si in vasis reperitur, erit hoc præcipuè ubi maxima ejus judicatur esse copia, in corde scilicet & arteriis. Sed *Galen*i autoritas, & experimentū ab ipsis sensibus petitū, quibus maximè est habenda fides, contrariū edocet, & nil præter sanguinē in arteriis contineri.

Si denudatā arteriam, supra infraq; ligatā, inter duo vincula in longū aperias, nihil præter sanguinem invenies, tantā copiā effluentem, quantam arteriæ capacitas comprehendere poterat.

Si, cum sanguine fluere, quis dicat, & tenuissimam esse partem illius, qui arteriis & venis continetur: quamvis spirituosæ substantiæ spiritus nomen concederemus; concladeremus interea non esse aliquid à sanguine separatum; quomodo separatum esse posset, quod cum sanguine mixtum tam celeri cum eo motu agitur?

*N. B.* Concedimus in sanguine partē esse aëream, quā dū destituitur (nā de substantia



tantiâ ejus est) cruor, grumus & fa-  
 nies vocitatur, estq; sanguinis munere  
 exequendo omnino ineptus: sit itaque  
 in sanguine etiam triplex substantia  
 non aliter quâ in quâlibet parte, (cras- *ft*  
 samentum scil: humor, & aër) sed, sine  
 formę ejus destructione, inseparabilis.

Qui de spiritu disserunt, cū calore  
 adeò eum confundunt, ut, unum posse  
 sine altero esse, negent: quin imo re &  
 substantiâ unum esse, solâ ratione dif-  
 ferre, totque calores quot spiritus, de-  
 bere statui, contendunt; quemadmo-  
 dum calor quidâ fixus partibus singu-  
 lis est connatus ab ortu primo, cujus  
 ministerio naturales actiones edūtur;  
 sic etiam spiritum à primis natalibus  
 partibus singulis affixum & insitū esse  
 omnium functionū ministrū; proinde,  
 quot sunt partes substantiis & tempe-  
 ramentis differentes, tot esse spiritus  
 fixos specie distinctos concludunt.

Sed quia hic singularum partium *vid.*  
 calor & spiritus, promptissimè & in-  
 definenter evanescit, debuit, ut ajunt,  
 à prin-

à principibus partibus alius mitti, influens dictus, cujus continuo accessu, prioris jactura justè reparetur.

Quibus positis (quamvis calorem qualitatem cum spirituosâ substantiâ aptè confundi posse non concedimus) permittimus equidem, nam similia similibus nutriuntur & reficiuntur, sanguinem, qui in vasis fluit, triplici dictâ substantiâ eâque inseparabili præditum posse dici: cùm partes exinde constitutæ, eo nutriantur & reficiantur.

Sed statuendum non existimo, solam partium spirituosam substantiam, sine humerosâ & solidâ refocillari posse in nutritione, nisi suam partem ad justitiam proportionatam etiam hæ accipiant.

Quæro tamen, cùm talis spiritus (liceat sic dicere) sive substantia spirituosâ pertineat ad constitutionē partium & similiter sanguinis, quare distinctè (cùm unum simul ens efficiant,) confide-

derabitur ? nam , non coactè multiplicare entia , est præter omnium Philosophorum edictum , & rationi re-  
agnat.

Sed videamus cui bono , aut in quem usum spiritus animantibus dæos existimant : ut sint animæ , ajunt , unum corpore vinculum ; quia incorporea & immortalis hominis anima , aduco corpori , nisi per intermedium spiritum , copulari non posset.

Quasi verò substantia incorporea *(vid)* unum corpore solido , nisi subtilioris interventu , convenire non posset ; dum tamen , non majorem , cum uno quàm cum altero , consensum habeat , omnino hæc vana videtur esse assertio.

Addunt proximum animæ esse instrumentum , quo actiones edit : sed anne hoc de insito , anne de influente dicitur ? insitus de substantiâ partis est , sive substantia ejus spirituosâ , quæ aliis combinata , separatas actiones nullas edit : tribuitur sola partibus anima,

anima, ut, ad actiones edendas, impellens sit, non verò insitus spiritus. Influens verò, dum non vivens, sed à sanguine inseparabilis sit substantia, nisi in partis substantiam cesserit, proxime nihil quicquam, ad actionem edendam, afferre potest.

Pars enim justâ temperie, concinnâ conformatione, & debitâ unione instructa, animæ potentiâ vivificata, & sanguinis motu circulari calefacta mobilisque reddita, actiones quaslibet, meâ sententiâ, perficit.

*Quæst.* Magna super facultates animales videtur posse moveri difficultas, à quibus tam sensus quàm motus peraguntur mediantibus nervis; hisce obstructis, compressis aut incisis, ipsâ parte manente integrâ, sensus tamen & motus tolluntur, quia spirituum (uti asserunt) meatus impeditur; hi enim substantiæ tenuissimæ nervorum poros citissimè permeantes, facultatem ad membrum & speciem sensibilem

ad

d' cerebrum gerunt & regerunt.

Re perspectâ & benè consideratâ  
us ille & reditus spirituum, neque  
tiam levissimæ auræ, quamvis libe-  
æ, tam subitus, ne imaginatione qui-  
lem, esse posset.

Quare multiplicamus entia & con-  
ugimus ad non demonstrabilia? evi-  
lencia, quæ sensu percipi possunt, se-  
tanda sunt.

Præstat, meo iudicio, id non à spi-  
rituum interceptione expectare; sed  
potiùs ab impeditâ, quæ cerebro cum  
nervis communis est, actione, me-  
liante quodam, quo illi à cerebro im-  
puuntur, humore.

Nam censendum est, spiritus, non  
ninus hic, quàm alibi, substantiam  
esse spirituosam, è quâ nervi & suc-  
cus nutritius, quo abundant, non ali-  
er, quàm aliæ partes, & ipse, sanguis  
compositi sunt; quæque, à carnosâ  
& solidâ omnino inseparabilis, sola  
subsistere non potest.

D

Sed

*Resp:*

Sed ne quis dubitet de humoris hujus existentia, nervo vel punctum solum laeso tantâ copiâ interdum exstillat, ut ab imperito Chyrurgo compesci vix possit.

*art.* Notandum enim, quemadmodum corpus continuò & indefinenter novo nutrimento refocillatur: sic & nervos perpetuò sine intermissione refici, non sanguine immediatè ex arteriis in ipsos deposito, quod fortè soli carni accidit, sed succo ipsis cum cerebro familiari, à quo eum copiosè accipiunt, tam ut ipsis cedat in nutrimentum, quàm ut partibus aliis sensu præditis communicetur.

*It.* Nutrimentum à cerebro habere nervos præparatum evidenter demonstrant: primò, quia sunt cerebro, cum spinali medulla, continui, sine læsione inseparabiles, & partes ex substantiæ cerebri meningibus obductâ portione conflatae, ut diceret cerebrum per totum corpus extensum esse.

Præ-



Præterea quod nullas, visibiles ad  
minimum, arterias & venas habeant.

Neque de humoris hoc copioso  
proventu, qui continuò in nervos pul-  
sū impellitur; neque de impulsivâ vi  
in extremas partes eum movente,  
quasi molle cerebrum tantâ potentiâ  
præditum non sit, movenda difficul-  
tas est: cùm per arterias carotides  
tantâ copiâ sanguis deferatur in ce-  
brum, imo multò majore, nisi foret  
in usum communem, quam indigeat;  
tanta etiam vi impellitur, ut hoc, mo-  
tu continuo pulsatorio, non aliter  
quam arteriæ ipsæ, inquietum pulset,  
& simul succum separatoriâ suâ vi à  
anguine (cujus superfluum venæ re-  
cipiunt) segregatum, vel suâ mole ex-  
primente, vel sequentibus pulsibus  
proventibus, nervis nutrimentum  
appeditet.

Hisce positis, facillimè concipitur  
quomodo moveantur sensus, & sen-  
sationes fiant.

Cerebro substantia contigit mollis  
& mobilis, ut ad singulas cordis pul-  
sationes (ob adductum per arterias  
carotides sanguinem) respondeat;  
hæc à meningibus, membranis con-  
tractilibus & exquisitissimo, à con-  
formatione, sensu præditis, arctissime  
(præcipuè à piâ, quæ sese per omnes  
ejus anfractus insinuat) amplexa pro  
communi sensorio animæ inservit.

Illud itaque in continuo existens  
motu, nervosque (qui sunt ejus sub-  
stantiæ meningibus obductæ portio-  
nes) sibi habens continuos & per om-  
nes sensibiles partes dispersos, cum  
iis alibilem succum communicet, af-  
fectionem vel etiam levissimam in  
objecto sensorio excitatam, etiam in  
parte extimâ, percipit.

Vix vel pars aliqua attingitur, vel  
visibili specie retina afficitur, quin  
hoc cerebrum cordis pulsu incessan-  
ter concitatum, quia ejus motus non-  
nihil ab hæc affectione mutatur, per-  
sen-

entiscat, & per impressas notiones  
cognoscat; non aliter quàm in cy-  
tharæ chordâ extensâ, inter pulsan-  
dum, leviter digito attactâ, sonum  
mutari animadvertimus.

Hæc actio cùm sit tam subita, (imo  
citior multo quàm spirituum itus &  
reditus fieri posset) tamque percepti-  
bilis & evidens; quis non judicabit  
plausibilius, & majori cum ratione  
statui debere (cùm hæc cerebri me-  
ningibus septi, &c. continua actio,  
nervis omnibus per partes sensibiles  
disseminatis, hoc nutritio humore  
mediante, sit communis) cùm propter  
nervi obstructionem, compressionem  
aut incisionem, partis actio lædatur,  
id à læsâ potius functione cerebri,  
cum nervis communi, procedere,  
quàm ad imaginariam missionem &  
remissionem nullibi apparentium spi-  
rituum confugere: nam impeditâ nu-  
trimenti immissione, cerebrum, quæ  
ultra ligaturam, aut nervi læsionem  
D 3                      fuerat,

fiunt, percipere, neque eo usque voluntatem exercere valet.

*vid.* Concludo itaque, cùm neque in toto corpore talis substantia, quæ cum spirituum definitione convenit, reperitur, neque quæ alicui fini spiritibus attributo competat, nec spiritus esse ullos, nec in corde elaborari posse. Imaginari quidem posse fatemur in quâlibet parte atque etiam sanguine esse substantiam aëream, quam spirituosam appellare veteribus placuit; sed illam spiritum posse dici (quia ab humorosâ & solidâ inseparabilis) aut tale quid esse, quod sub spiritus descriptione comprehendi posset, negamus. Hujus rei plures rationes, cùm in refutandâ hæmatosi cordis occupabimur, sese offerent, ad quam antequam descendamus, operæ pretium videtur, quo eam ordine peragi existimem, narrare.

Ne solus interim, tum decantatæ & ab omni ævo receptæ de spiritibus opi-

opinionem, me opponere videar, illustrium virorum mecum sentientium auctoritates adducere, in sententiæ nostræ confirmationem, videtur operæ pretium.

Nobis astipulatur reverendus sagacissimus Senex HARVEIUS de *gener. animal. lib. exercit. 70.* quanti sit huius Viri faciendum iudicium, ejus asserta & inventa, omnium prædecessorum suppositis anteponenda, facile probant.

Assentitur nobis eximius plurimique æstimandus Doctor ARNOLDUS DE REECK, Hagienſium Medicorum ſuo tempore primarius: cujus epistolice quæſtionem, quam mihi ornatissimus Medicinæ Doctor J. BLANCKENDAEL, apud Hagienſes magnâ cum laude praxin ~~ex~~ exercens, communicavit, hic annectendam dedimus.

## QUÆSTIO EPISTOLICA

Clarissimi Viri

ARNOLDI DE REECK,

Medicinæ Doctoris, apud Ha-  
gieneses, suo tempore primarii.

**A**Ntequam de spiritu agimus, prius  
dicendum est, quid per spiritum in-  
telligamus. Dicunt itaque Medici, in cor-  
poribus viventibus & animâ sensitivâ præ-  
ditis, præter vapores (qui internas ubique  
opplent cavitates, & quos in corpore, prop-  
ter calidi in humidum actionem, esse, non  
est dubitandum) esse insuper in variis par-  
tibus, præcipuè autem in visceribus, corde,  
cerebro & hepate, & in canalibus ab istis  
visceribus oborientibus, in sensoriis quoque  
omnibus, aliqua corpora aërea, tenuia, pel-  
lucida, levia & mobilia, ex sanguine or-  
ta, ex intento peculiari, & speciali virtute,  
à naturâ procreatâ, parentia animæ impe-  
rio, quibus anima tanquam præcipuo in-  
strumento utitur, ad omnes suas actiones  
obeun-



abundans, & sine quibus eas exerere non potest, & illa corpora appellant spiritus.

Quaritur ergo an tales aliqui spiritus in corpore reperiantur? Videtur autem quod non.

Primò, entia non sunt multiplicanda sine necessitate, sed non videtur aliqua necessitas ponendi in corpore spiritus; ergo: minor probatur; quia in primis nullus sensus ejusmodi spiritus in nobis percipit.

Secundò, Ratio etiam non cogit eos ponere: ergo.

Hoc probatur, primò; quia si propter aliquam rationem spiritus essent ponendi, propter aliquam harum sequentium essent ponendi; sed propter nullam harum debent poni: Ergo.

Vel enim deberent poni, propterea quod essent medium conjunctionis animæ cum corpore; eo quod videatur, quod anima, quæ est spiritualis, nobilissima, ac æthereæ, non potest conjungi cum corpore terrestri & sordido, sine mediò participante rationem utriusque: sed propter illam causam

non debent poni: quia anima non indiget illo medio ad sui conjunctionem, etenim forma & materia uniuntur seipsis & immediate: at anima est vera forma, corpus est materia, & conjunguntur ut materia & forma, & faciunt ens unum per se: ergo non debent uniri medio ejusmodi spirituum.

Vel deberent poni, ut essent anima instrumentum: sed propter illam causam etiam non ponuntur: nam videtur quod instrumenta anima, seu potius corporis animati, sint potentia & temperamentum, & quod possit sufficienter cum illis agere seu operari: & non requiritur aliud instrumentum, imo videtur, quod anima non posset operari per spiritus, quia res naturales operantur, per instrumenta sibi essentialia, & essentialiter intrinseca: atque spiritus sunt externi corpori animato; quia non sunt essentialiter anima, ut patet; sunt etenim externi ipsi corpori: non enim essentialiter insunt corpori, nec sunt de essentia membrorum, saltem influentes.

Vel

*Vel essent necessarii, ut iis mediantibus, facultates influerent, in ipsum corpus: sed, propter illam causam, etiam non sunt necessarii: quia ubi est anima, ibi in virtute sunt omnes facultates ejus; atqui anima est in toto corpore: ergo, in toto corpore sunt essentialiter, quoad actum primum, omnes animæ facultates: ergo de nusquam debent influere: ergo non requiruntur spiritus, ut facultates per eos influant.*

*Tertio; si essent ulli spiritus in nobis, essent congeniæ naturæ cum vaporibus sanguinis misceri; si miscerentur, non essent idonei functionibus animæ, itaque frustra essent: ergo.*

*Videtur itaque quod omnes rationes & argumenta, quibus probatur spiritus esse, facillimè possunt solvi, & nullam habeant necessariam consequentiam.*

## SECTIONIS II.

## CAPUT I.

*Sanguinis definitio : hæmatosis quid : quomodo peragitur : quomodo in fœtu exorditur : alendi aptitudo, non color, sanguinem facit : in unâ parte hæmatosis non perficitur : coctiones additione & deductione fiunt.*

**S**ANGUIS est venis & arteriis contentus, animalis naturæ familiaris humor, ad partium nutritionem, in se materiam aptam continens, toti corpori calorem, cum aliturâ, ad vitæ sustentationem administrans.

Humoris hujus elaboratio *hæmatosis* seu *sanguificatio* appellatur.

Duplex in hâc elaboratione cernitur differentia ; prior cùm in ipsis partibus seu corporis totius habitu peragitur hæmatosis, ubi sanguis multis reiteratis vicibus, corpus circulatorio motu permeando, multis in locis recrementa deponendo, partium-  
que

que similitudinem tandem acceptando (neque potest ullibi melius similitudinem habere quàm ab iis, quibus assimulari debet) præparatur, ut in ejus substantiam adaptari possit.

Altera est, ubi noviter assumptum alimentum sive cibus & potus præparatur, ut cum priore mistum, ad corporis penetralia sine noxâ admitti possit, & ad nutriendum, cæteraque sanguinis munia præstanda, aptum reddatur.

Hoc, sine priori modo præparati sanguinis interventu, non perficitur; nam noviter assumptum, nisi variis in locis requisitâ additione, largâ dilutione, perfectâque mixtione subactum, tale non evadit. Cum prioris, differentię sanguine, vitam inchoari, & subsistere, cum secundâ verò sustentari incrementumque sumere certum est.

In primo animalis exordio, conceptus, præexistens utriusque sexus semen,

semen, seu viviparinum ovum, dum materno calore fovetur, in humore cristallino, punctum primò nascitur saliens tam pusillum, ut præ exiguitate visum effugiat, & si non Solis lumini exponatur aut perspicillo exploretur, vix conspiciatur: huic rübescenti tantillum humoris, cui insidet, quantum ejus exiguitas patitur, per vices additur, ut in vesiculam rubentem denique attollatur, quæ manifestius renitens & sese contrahens, vitæ conspiciuum exorsum præbet; dumque magis magisque, tam dicti, quàm albuginei humoris aliquid admittitur, ipsâ in auriculas migrante, corculum ac venarum & arteriolarum principia & propagines delineantur, & rubro colore inficiuntur, ut tandem, grandescente fœtu, & congenitis conceptui (albugineo & cristallino) humoribus in sanguinem facescantibus, nutrimenti penuriam compensans, novum, mater continuè largitetur alibi-

lem



lem succum, qui in uterino jecore præparatur, sanguineque ab embryone elaborato, & per arterias umbilicales adducto, diluitur, ut, mediante umbilicali venâ, reducatur foetui, & ulteriorem perfectionem nactus, copiam sanguinis, quo nutriri & augmentari is posset, augeat.

Per os adultiorē, in utero, aqueum humorem sugendo allicere, credibile est: siquidem maturus in lucem prodire debeat, qualis non esset, si ventriculus & interaneæ partes ad sua munia forent inepti; aptitudinem nisi antea assuetæ non habent; neque fugere recens natus, nisi prius eductus tam citò posset; quod tam cito dediscit si à mamma abstineat: adde, quod in ovo in aqueo humore rostrum interdum aperire pullus conspiciatur: præterea quod & chylus & excrementa in foetus intestinis reperiantur, quæ certa per os assumptorum sunt indicia.

Hoc

MB:

Hoc processu, tantillo semper adveniente, quod priori usque diluitur & familiare redditur, hæmatosis inchoatur, & crescente animali ad vitæ finem perseverat.

Non existimo humori, tenello corpori apto, antequam creatum hepar est, & dum adhuc albeat aut rubedinem nondum adhuc perfectum nactus sit, sanguinis nomen quempiam denegaturum; nam alendi aptitudo, non verò hepatis præsentia & rubedo, sanguinem faciunt: plurium animalium sanguis non rubet; in adultorum venis contentus magis vel minus sanguis esset, prout magis vel minus ruberet.

Alterius verò differentię hæmatosis, cum assumptum alimentum in sanguinem convertitur, incipit: hoc enim à naturâ animalis omnino alienum, per varias mutationes, quas coctiones vocant, familiare simileque primò debere reddi, ut in corporis sub-

Substantiam cedere posset, notum factis est.

Omnes hæ coctiones in unum finem inservientes, aptando scilicet nutrimento, ut in sanguinem, corporis alituram, converti possit, hæmatosis causæ dici merentur: sed, cum à parte unâ tam diversæ functiones non peragantur, uni parti sanguificationem imponere est absurdum.

Galeno teste (de placit. Hippocrat. & Plat. lib. 6. cap. 10.) nullum perfectum & magnum opus, repente unâque aggressione fieri, totamque suam expolitionem ab uno naturali instrumento acquirere potest.

Mutationum sive coctionum harum narrationem, quo scilicet ordine & modo, secundum meam opinionem, ex peragantur, aggressurus, solum, quæ fide merentur, quia cum autopsiâ, tum sensibilibus demonstrationibus, & ad probationem sufficientibus rationibus munita videntur, recitare decrevi.

Ante

Ante omnia scitum velim, quod nullam manifestam & stabilem, alimentum subeat coloris aut consistentiæ mutationem, nisi, vel additione rei utilis & convenientis, vel detractioe inutilis & animantis naturæ repugnantis, eveniat: & quod nullâ in parte seu membro, dici possit, coctionem fieri ad hæmatosin pertinentem, vel ad ejus perfectionem facientem, ubi alterutra additio aut detractio, vel utraque manifestè & evidenter non præstetur.

Hisce præmissis, in quibus partibus coctiones, & in quibus minimè fiant; quænam ad hæmatosin faciant & quæ non; nec non quæ pars perfectionem sanguini; quæve minimè tribuere potest; facillimè, & luce clarius innotescet: probationem sequens narratio, in singulis periodis, secum afferet.

## CAP. II.

*Alimenti prior coctio : mediante ventriculi humore ; non calore & contactu perficitur : ad cibi dilutionem non sufficere potum , qui ipse dilui debet : acidus sapor in ventriculo non à liene : anne aliquid à ventriculo feratur in lienem : ejus usus.*

**A** Ssumptum alimentum , oris salivâ aliquantulum imbutum , (ut tantò facilius ventriculi humorẽ admittat) linguæ , partiumque oris adumentum in œsophagum , atque ejusdem muscutorum , fibrarumque ope in ventriculum relegatur : ibi humore , quem interior tunica continuò exsudat , perfunditur , contrahendique ventriculi vi miscetur , quantumque potest , subigitur.

Videtur , quò distenditur magis , eò rarior fieri dicta tunica , ejusque pori patentiores , & vice versâ : quare major , cùm aliquid in capacitate ad diluendum contineat , humoris hujus affunditur copia , quam cùm conciderit , tùm enim & densatur , & diluendi

luendi necessitas tantum non urget.

*11. A.* A solo contactu colorem consistentiamve mutari, usque naturali operatione, sine substantiæ additione vel detractiōe, visum fuisse non existimo: speculo alius ab objecti specie color induci videtur, & à calore aqua dilatatur, imo sævum liquatur: sed, recedente objecto & ablato calore, speculum colorem & quod dilatatum, liquidumve est ad naturalem consistentiam revertitur.

*St.* Calorem, quatenus homogenea colligit, & heterogenea disjungit, ad coctionem facere confido; quamvis pisces, quorum interanea & ipse sanguis frigent, escam integrè diglutitam cum ossibus perfectè digerunt, & sunt ultra modum rapaces.

*vid.* Hujus sententiæ veritatem si quis ipsis oculis videre desiderat, justæ magnitudinis piscis stomachum introspeciat, cum alium integrum pro pastu ingurgitaverit, (quoniam non totum



utrum corpus simul, sed partes exteriores & fundo ventriculi propiores rarius digestionem consumuntur) piscis aglutiti superficiem, aliquo elapso tempore, videbit, ferè consumtum digestamque, & circa stomachi parietes, mucus (mucosum quidem, sed escæ minus permixtum) noviter è tunica anterioris poris, sudoris instar, egressum; ut liquidò pateat hunc subigendo cibo dari; nam hoc maxime subiectam & digestam portionem, in intestinis, per pyloram contrahendi vi ventriculi, protrusam conspiciet.

Decet equidem quod alienum est multo copiosoque humore familiari, ab ipso corpore deprompto, sufficienter dilui, (cùm aliter melius simile reddi non potest) ne dissimile ad penetralia permeans, nutriendas partes offendat: adde, quod, nisi in ventriculo cibus humore hoc benè subigatur (dum alibi talis non reperitur, neque etiam elaborandi datur commoditas)

ditas) primæ coctionis vitium non corrigatur postea à secundâ.

¶ Sed ne à potu, qui humectando macerandoque cibo assumitur, hoc fieri aliquis dubitet, certum est, hunc ipsum etiam hoc succo semper dilui, antequâ ventriculum egrediatur (non verò tam longo tempore ad hoc habet opus, siquidem citiùs mollia & potiùs liquida digeruntur crassis) nam aliquo post assumptionem tempore vomitu rejectus crassior & muccaginosior conspicitur; nisi ventriculus malè affectus, & debilis coctionis fuerit, tunc enim liquidior & sæpe acidus prodit, quia benigno hoc succo destitutum ingestum omne acescit & corrumpitur.

vid. Saporem hunc acidum lieni plures attribuunt, immeritò equidem, dum ab hoc nil quidquam, neque limus, neque humor, neque spiritus acidus ad promovendam digestionem, aut incitandum appetitum, aliamve ob-  
cau-

usam, ad ventriculum feratur: ratio est, quia nulla est via, neque ulli liene in ventriculum immediati ductus.

Anne aliquid à ventriculo in lienem deferatur, asserere arduum est: non existimare viros etiam graves & non contemnendi iudicii, portionem chyli tenuiorem sese insinuare in tunnicarum ejus poros (simili modo quo magninantur admitti ab intestinorum membranis & venis meseraicis tenue, quod post egressum è crasso residuo expressione separatur) & unà cum sanguine remeante per venarum gastricarum ramulos in lienem duci, ibique ex arteriis copiosissimis, in venas transeunti sanguini misceri, & à calore ejusdem lienis subactam, deinde per ductum splenicum, cum hæmorrhoidali in venam portæ & hepar confluere.

Hæc cum obscura sint neque satis manifesta, iis adhibere fidem, aut  
con-

contradicere non audeo : tunica ventriculi tantum videtur impedita emit-  
tendo humore ad coctionem requisi-  
to, ut suspicer, duobus contrariis mo-  
tibus, è tunicæ poris in capacitatem,  
& è capacitare in tunicæ poros, præ-  
cipuè dum chylicandum adhuc in eo  
hæret, uno eodemque tempore infer-  
vire non posse.

¶

Nihil probat, quod venæ quæ in  
lienem feruntur ligatæ, in animali vi-  
vo, versus ventriculum intumescant ;  
hoc enim omnibus venis ligatis est  
familiare detumescere versus trun-  
cum, distendi verò cis ligamen.

Quare & hic, venæ enim gastricæ  
in ramum inferuntur splenicum, &  
quidem in liene adhuc latitantem, sed  
lienis substantiam, qui per eas mitti-  
tur, sanguis non attingit, confunditur  
tantum cum ex eo egrediente, & cito  
motu, sine morâ in portam, diluendo  
chymo, è glandibus mesenterii ibi  
concurrente, fertur.

In

In hunc solum finem & usum (licet ipsi à viris doctissimis & Medicinæ proceribus plures attribuantur) lienem existimo fabricatum, ut scilicet sanguinem, quem copiosè à ramo arteriæ cæliacæ (& præter sanguinem nihil, neque ab aliâ quapiam parte quidquam) accipit, per raram & spongiosam suam substantiam percolatum, in portam deponat, ut ibi, unà cum à reliquorum viscerum nutritione revertente, chymum paucum respectu affluentis sanguinis, suâ copiâ diluat: cujus tanta est necessitas, ut, cum, obstructo liene, sanguinisque motu inhibito, chymus non aptè diluatur, corpus extenuetur à depravato nutrimento, lien verò, à restagnante sanguine, in majorem & molestam increascit molem.

## CAP. III.

*Venarum lactearum usus : descriptio pancreatis & ejus ductus : ejusdem cum aliis lacteis differentia : usus pancreatis usus : respondetur objectionibus Bartholini & van Horne.*

**I**N intestina postquam est demissus chylus, peristaltico motu quod crassum est ulterius semper movetur, per rarum verò ipsorum corpus variè arteriis & venis, tam vulgaribus quàm lacteis, perforatum, quod tenuè est, exprimitur.

Hæ venæ, scilicet lacteæ, in intestinorum sinu patentes, hoc, (præcipuè ipsarum maxima per pancreatis medium secundum longitudinem excurrens, manifesto & aperto ore, ipsæ cum meatu biliario communi) lactis instar albicans, in suos sinus admittunt, atque rursus à distentione sese liberare conantes, illæ in glandes mesenterii, hæc in pancreas elaborandum promovent Manifestè hoc, cuilibet cum attentione & adhibitâ diligentia ob-



observanti, in canis vivi aperto abdomine, videndum se exhibet, ut nulli sit, quàm propriis oculis, credendum.

*Pancreas* seu *Callicreus*, *Pandenon* alicui, nonnullis, propter candorem & mollitiem, *laëtes*, dicitur. Corpus est carneum, enatum prope primam lumborum vertebrâ, latum tres quatuorve digitos, à liene secundum suam longitudinem, humani ventriculi parti posteriori ejusque fundo subjacens, & renibus incumbens ad intestinum duodenum & hepatis concavum exporrigitur: præter glandulosam & mollem carnem, membranam quâ vestitur, arterias à cæliacâ, venas portæ continuas, & nervos sex-  
*dis.*  
 ci paris propagines, habet & ductum per ejus carnem variè distributum ac divaricatum.

Ductus hic venarum lactearum maxima, manifesto, sibi cum meatu biliario communi, hiatu ab intestino.

jejuno satis conspicuo incipit, secundum corporis latitudinem, & pancreatis longitudinem, calami scriptorii ferè crassitiem adæquans, extenditur: in cadavere nihil quicquam, dum aperitur, continet, aliarum lactearum more, quæ tamen omnes, ob exiguitatem, & quod membranis quibus fulciuntur, nimis sint similes, inanitæ disparent, visumque nostrum effugiunt; hic verò, propter magnitudinem, & quia per carnem, à quâ facillè discernitur, excurrit, satis est conspicuus: in animali vivo, aliquot postpastum horis, aperto, albo humore impletus tumet, ligaturâ constrictus intestinum versus intumet magis, ultra verò statim inanitur.

Cui quæso fini lacteus Succus adducitur? Anne ut in nutrimentum pancreati cedat? Minimè: est enim humor hic ad nutriendum ineptus dein arterias habet pancreas ex ramocæliaco huic operi accommodatas  
im

mò majores multò, quam parva ejus  
noles requirat: evidens signū etiam  
alteri usui & majori, scilicet commu-  
ni bono inservire: nam in molle &  
& spongiosā carne depositus succus  
lacteus, sanguine (qui copiosus eò,  
ob dictam rationem confluxerat) per-  
fusus atque subactus, ejusdem colo-  
rem & consistentiam nactus, in venas  
transfertur.

Affertum hoc de pancreatici cana-  
lis usu, duobus præclaris hujus seculi  
luminibus arridere non videtur, *Tho-*  
*ma Bartholino* & *Joanni van Horne* Me-  
dicinæ Doctōribus, & in Academiis  
Hafniensi & Lugduno-Batava Pro-  
fessoribus eximiis, in tractatibus, illi,  
*de lacteis thoracicis cap. 3.* huic, *de novo*  
*ductu chyliifero*, circa finem.

Ille citato loco plures recenset, in-  
ter alios Clarissimum *Petrum Gassen-*  
*dum* apud Parisienses Matheseos Pro-  
fessorem, *Nathanaëlem Higmerum* Ar-  
tium & Medicinæ Doctōrem Oxo-

niensem, & me cuius nomen non bene novit.

Doctissimus & editis scriptis insignis Gassendus in *app. de nutrit. anim.* (unde extractus discursus scepticus, qui Gallicè olim prodiit, *de viâ chyli, & motu cordis*) ipsâ autopsiâ variisque rationibus instigatus, cholidochû ductum non tantû egerendæ cholere, sed & ingerendo chylo destinatum gestit.

Diligentissimum naturæ indagatorem Highmorum inculcat, quod *Anatom. disquis. lib. 1. part. 2. cap. 8.* contra se *Virsungianum* ductum bilem ex vicinia admittere asserat; quod eo loci non reperio: negat quidem contra *Bartholinum*, bilem in illo ordinariâ naturæ lege contineri, sed, cùm in meatum biliarem inhiet in hominibus, facilè, ait, in dissectione, contingere posse, partium commotione, bilem à meatu biliario in eum refluere, quod in dissectionibus sæpius se observasse dicit.

Ad

Ad utriusque effati everſionẽ contendit, in exitu cholidochi valvulam vel potius obliquum ductum prohibere & vetare, in distributione chyli, ne nutritius succus excrementis (biliſo & à pancreate ſcendenti) miſceatur. Liceat mihi, doctiſſimorum Virorum veniã, paucula ſuper objectum hoc, dum & me res tangere videtur, reſpondere.

Bilem excrementum eſſe in hãc noſtrã diſſertatione, ante aliquot annos, negavimus; neque excrementi nomine mereri adhuc probatum eſt: quale aut quid à pancreate proveniat, neque clariffimus Vir, neque alius quiſpiam, novit aut vidit unquam. 11. B.

Sed quæſo: quomodo hoc vel valvula, vel alicujus ductus obliqua inſertio impediet, cùm, vel *Bartholino* judice, via in inteſtinum pateat, ubi & chylus & putata excrementa concurrunt lacteis offerenda?

Contra *Highmorum* illatio infirma

E 4 non

non minus est, siquidem, in homine, uterque ductus simul combinantur extra intestinum, unum & communem constituentes meatum, qui digiti circiter latitudinem per tunicas procedens, unam portam in ejus cavitate efformat: huic appositam valvulam vel aliquam communis ductus obliquam insertionem, bilis in pancreaticum canalem ascensum impedire posse, omnium judicio impossibile est.

Quamvis videatur clarissimus Vir ductui cholidochi differentem à *virfurgiano* valvulam tribuere, in homine tamen eundem habet uterq; exitum; in animalibus quidem suum singuli sunt sortiti: sed pancreatico inferior semper accedit; ut puram interdum bilem, chylum verò non nisi bile perfusum, admittere possit. Hinc petenda credo, ratio est, quare felle colore stylus argenteus, notante *Virfurgio*, in canalem immissus tingatur.

Con-



Contra me clarissimus Vir infert, *obv.*  
 quod eadem valvula, sive interior in-  
 testini tunica valvulæ æmula, sive ob-  
 liquus ductus, ne stylum quidem ex  
 intestino, nisi accedente vi, admit-  
 tat, multòque minus chylo transitum  
 concedat; quod impossibili me indu-  
 ctum experimento defendere asserit.

Quantum ad prius; valvulam ad *Resp.*  
 cholidochi initium nunquam vidi: in-  
 testini tunicam internam rugosam  
 esse, & plicas habere innumeras ori-  
 ficium abscondentes, scio: si in lon-  
 gum dissecti intestini latera deducas,  
 ut fiat conspectius, omnino disparet,  
 nec spectandum se offert; pressâ ve-  
 rò vesiculâ felleâ, & egrediente non-  
 nihil bilis, oblonga cernitur rimula,  
 cujus labia nonnihil tument; hæc si-  
 ne ullâ molestiâ, impedimentove, si  
 cautè agatur, stylo vel syringulæ tam  
 liberum concedit ingressum, quàm  
 bili exitum.

Si aquam per syringulam, in com- *Exp.*  
 E 5 munem

munem solum meatum, immissam injicias, sponte in *VVirsungianum* ad pancreatis extrema fluit, manente cholidocho ductu vacuo, ob situm obliquum; si intestinum componas, ut fistula meatusque cholidochum respiciat, totum ductum porumque implebit ad hepatis interiora excurrent, manente cystis cervice, ultra divaricationem seu pori biliaris exortum, omnino vacuo. Hæc contra exercitatissimi *Lyseri* (*cult. anat. lib. 1. cap. 6.*) certissimo experimento, testibus propriis oculis notavimus.

Vidimus præterea, in cane venatico usque emaciato, quem semivivum, aliquot post pastum horis, lacteas thoracicas exploraturi, aperuimus: dissecto abdomine, laceratoque nonnihil omento, & intestinis ab hepate sinistrorsum devolutis, conspiciendum se præbuit (quia nulla obstabat pinguedo) vas lacteum vel cæterarum lactearum in modum albicans in hepatis

tis cavum excurrent, anatis pennæ crassitiem excedens; hoc filo prehensum signamus, dum alia inquirere stabat in animo, quibus peractis, ad vas nostrum redimus, & cholidochum esse præter expectationem invenimus.

Præterquam quod experimentis hisce planum apertumque sit, nullâ valvulâ meatum obsideri, sed per hunc, in utrumque ductum, non minus patere aditum quàm egressum: constat etiam clarissimi Gassendi chylodochum ductum non esse omnino not. contemnendum: confirmat & nostram de motu bilis in hepar sententiam: sed ante omnia nimis maturè hepatis structum à sagacissimo Bartholino rogum sepulchrumve destruit & evertit.

*Hoc quia nec fato, meritâ nec morte peribat,*

*Sed miserum ante diem, solitas revocatur ad auras.*

2. Impossibili me existimat experimento

nid.
 rimento inductum, chylum in pancreate admitti, defendere. Laboriosam satis administrationem esse equidem fatemur, non verò impossibilem. Experimentum hoc ut feliciter succedat, animadvertendum, ductum hunc in brutis, trium circiter digitorum latitudinem infra cholidochum, ex opposito intestini latere exortum, in posticâ pancreaticis parte, quâ dorsum respicit, in parenchymate absconditum, locum sibi obtinere: è suâ sede itaque devolvatur antrorsum pancreas, ut tunica ejus caroque postica exterior, in medio secundum longitudinem, incidi apte possit, cavendo tamen ne ductus lædatur, sed is, ungue reliquâ obtegente carne laceratâ & contritâ, conspiciendus detegatur; tunc lateralibus singulis furculis seorsim ligatis, truncus constringatur, ut adventans succus ulterius excurrere impediatur.

Veniamus ad objecta Clarissimi

van

*van Horne*, hæc primo intuitu multò majoris ponderis esse videntur, sed æquâ pensitatâ lance infirmiora nimis & invalida assequendo scopo reperiuntur. Ornatissimus Vir, ut hepatichymificationis officium adimat, nullum ad hoc chylum ferri gaudet evincere: quod, si lacteas aliò divertit, *Gassendi* chylodochum ineptum, & *wirsungianum* canalem isti usui non inservire demonstraverit, præstitisse, chyloque omnem ad hepar aditum occlusisse, sibi videtur.

Putat me oppidò falli, quod ductum hunc pro lactearum maximâ habeam; 1. quotquot enim sunt, ait, lacteæ, eo sunt tenuiores exilioresque, quo intestinis sunt viciniore, cuius contrarium in ductu pancreatico evenit: 2. quin & parietum robore plurimum à lactearum subtili membrânâ differt. 3. Adde etiam, quod intestinorum plicæ carnosæ, descendente chylo, foramen seu aditum ejus

4. nec tacet interim chylum in eo nec visum unquam, nec videri in vivo animali posse, propter impossibilem ejus vasis ligaturam.

5. Denique quorsum abiret chylus ille cum ad lienem non pertingat ductus, nec à venâ splenicâ exluggi aut recipi ullo modo possit, rogat.

*Resp.* I. Respondemus *Asellium* lactearum inventorem, sic eas indigitasse, non ab exortus modo, sed ab officio & externâ apparentiâ, quod nimirum ad externum intuitum candicarent lactis instar, propter contentum quem vehunt lacteum succum. Neque Clarissimis Viris *Bartholino* & *Pecqueto* vitio vertitur, quod ductus, in thorace similem liquorem venæ subclaviæ adferentes, lacteas thoracicas vocaverint, quamvis, è chyli receptaculo, ampliorem exortum, quam in subclaviis insertionem, habeant.

II. Naturæ ordine, venæ & arteriæ majores, robustioribus & crassioribus



ribus constant membranis, quàm exiliores & pusillæ. Sed ad quid inservit hæc comparatio? non enim descriptum vas mesentericum, neque lactearum mesenterii ramum esse diximus; sed peculiarem pancreatis ductum, à *Virfungio* primò detectum, communē cum cholidocho sortitum portam, ab officio, quod ipsi contigisse existimamus, lactearum maximam vocamus. Hoc Clarissimus Vir oppugnare incipit, dum, descendente chylo, intestinorum plicas carnosas, ait, aditum occludere.

III. Cum veniâ tanti Viri dixerim, impediunt quidem ne pleno gurgite sæculentus in foramen apertum irruat chylus; sed liquidiori ejus parti viam ipsas omnino occludere, nec orificii fabrica, plicarum dispositio, nec chyli fluxibilitas videntur astruere. Commodiùs liquidioris magisque fluxilis chyli pars, per intestinorum rugas plicasque colata, defæcataque,  
am-

ampliori ore excipitur; cum reliqua magis hærens impactaque, per poros exiliores velamenti bombicini (liceat mihi clariss. Viri verbis uti) in vasculorum lacteorum oscula, ex crassiore & magis liquidâ parte orbato, exprimi.

IV. Ligandi modum tradidimus, qui si Clar. Viro laboriosior videatur, faciliorem adjungimus, quo tamquam certo experimento veritas explorari poterit. Vas hoc, dum natura nihil frustra facit, non semper inane esse omnes consentire confido; ductuique quia ducendi officium competit, hoc pancreati aliquid adducere, vel ab ipso abducere quidpiam, dictare rationem existimo: qui itaque litem dirimere velit, ligaturam, in animali vivente, hujus ab intestino exortui injiciat; si egerendo natum sit, intumescet supra ligaturam; sin advehendo inanietur.

Diligentissimus *Highmorus* in illo  
nul-

Nullum conspicuum humorem inveniri, licet, in vivis dissectionibus, filo statim ad intestinum connectatur, asferit.

V. In porosum hinc abscedit pancreatis parenchyma, ibique cum sanguine, quem advexerunt arteriæ cœliacæ rami, dilutus venarum surculos intrat, splenico (non suctione, quod ligatura prodit, sed impulsione) recipiendus.

Quam facilè hujusmodi objectiones corruant, omnibus liquet, quæ condonandæ equidem laudandæque; siquidem, uti ex silicis cum chalibe concussione ignis, sic, è concertationibus amicis, eruitur patescens veritas.

## CAP. IV.

*Lactearum mesentericarum usus: chymosis rudior sanguificatio: quid chymus: sanguinis in jecore uterino præparatio: naturæ circa alimentum ordo.*

**N**on aliter de chylo hiatum hunc præterlapso censendum, è quo, contrahendi vi intestinorum, circumjacentium viscerum comprimente mole, nec non musculorum abdominis continuo motu, exprimitur chyli tenuior portio, & à venis lacteis recipitur in glandes deponenda, unde, cum sanguine supra dicto modo confusa, venulas intrat capillares, è quibus elapsa in venâ portæ, magnâ undique sed præcipuè è liene, peculiariter eo muneri destinato, confluyente sanguinis copiâ, diluitur.

Rudior hæc est sanguinis præparatio, quæ (si propter rubedinem sanguinis nomine meretur) *hamatosis* est appellanda: sed quia nondum cuncta, quæ ad sanguinis constitutionem  
requi-

requiruntur, sed tantum primam dispositionem, nactus est, actio hæc *chymosis* potiùs dicenda videtur.

*Chymus* terrestris & siccæ partis cum humore permistus, vel eorundem mediante calore percolatus succus est, talis dici potest illa materia, quæ venis lacteis continetur, & à chyli crassiore substantiâ segregata est; sed quia à Medicinæ proceribus pro chymo sumptum & hoc est, quod à chylo separatum in venis meseraicis adhuc hærens per irradiationē ab hepate rubro colore (ut ajunt) inficitur; nos etiam hanc materiam, adenibus pancreatis & mesenterii elapsam & venæ portæ ramulis exceptam, chymū vocari posse existimamus: quem admodum enim, ex sicci & humoris permistione, sapor, vel potius sapidum, constituitur, sic etiam, ex chyli tenuiore portione sanguine dilutā, chymus seu succus sapidus, accommodatur, ut in sanguinem ulterius  
cla-

elaborari possit, conficitur, veterum chymo, in venis mesenterii, rubescenti æquipollens.

*vi* Chymosi huic respondet (dum in utero fœtus hæret) sanguinis in jecore uterino, seu placenta, præparatio, in quâ à corpore uteri descendens succus (elabatur enim albuminis ovi ferè similis, non formâ sanguinis, quod autopsia cum in brutis cotyledones ab uteri acetabulis avelluntur, & vasorum dispositio demonstrant, matris enim non ultra placentam extenduntur) cum sanguine, per arterias umbilicales, cum ad nutritionem, tum ad hujus operis administrationem, apportato diluitur & miscetur, primamque dispositionem sanguinis nanciscitur.

Admiranda solertis naturæ, in hoc opere, industria est, de animalis enim vitæ sustentaculo, bonæ matris instar, sollicita, in ventriculo assumptum, prius pauco (respectu consequentis)  
& mis-



& miscibili succo in pastam, mollem tamen, subigit, è quâ convenientiore & magis aptâ portione, tanquam torculari, expressione separatâ, fæces in cloacam abjicit.

Ne suctione ullâ quispiam succum hunc in lacteas venas aut mesenterii glandulas allectari existimet, sola atque unica ligatura contrarium edocet, ultra quam ductio nulla se extendere, neque quampiam partem in tumorem attollere potest.

Servatam depuratamque instar lactis albicantem in adenibus, dein cum affuso sanguine elaborat & exagitat, in modum nostrorum pharmacopæorum coquorumve, qui materiam medicamini vel juri permiscendam, primum paucò liquore excipiunt ad meliorem misionē, addito tandem condimento, & reliquo liquore, omnia simul debite subigunt: sic etiam in adenibus, dilutæ paucò sanguine materiæ, copiosorem affundit natura

tan-

tandem, additâ pro condimento bile; ne verò quidquam impermistum præterlabatur, & corporis thalamum ingrediatur aut commaculet, per hepatis meandros minutissimos innuenerabilesque filtratum, perfectiùs miscetur, & tandem in venam cavam (cordi deferendum, cum reliquo revertente) promovetur.

## CAP. V.

*De novo chyli receptaculi & chyli feri ductus invento: de vasis lymphaticis noviter repertis: omnium examinatio: glandinm mesenteris usus defenditur.*

**Æ**Vum hoc nostrum dum doctrinâ sagacitateq; pollentium ingeniorum numero præcedentia secula facile superet, novis artibus & scientiis locupletatum indies refulget magis: inter alias Hippocratica ars pluribus noviter inventis ornatâ splendore coruscat. Olim ex Angliâ de sanguinis circuitu & de generatione animalium eximii Harveji gratis offertum munus

nunc eam decoravit : nunc Gallia, Hollandia, Dania, Suecia etiam sua, ad majorem ejus splendorem, reperta conferunt.

Ornatissimi Viri *Joannes Pecquetus Diepaus* Parisiensis Medicus in Gallia, & *Joannes van Horne*, Anatomes in Academiâ Leydensi Professor in nostrâ Patriâ, novum invenere chyli receptaculum ductumque à nemine antea observatum, sed fortuito non opinantibus, dum naturæ arcana in bestiis vivâ sectione scrutantur & rimantur, oblatum.

Inventum hoc adornat *Clar. Bartholinus* Hafniæ Professor, qui in homine primus ductum istum demonstravit, & in eo receptaculi vices lumbares glandulas gerere detexit.

Huic excellenti Viro præterea debemus, quod, recondita naturæ inquirendi desiderio captus inexplibili, facem nobis accenderit, qua obscuriores in animalis corpore tenebras illustrans,

strans, de veritate prioris inventi & plurium aliorum, melius judicandi peperit commoditatem, dum vasa, quæ (lymphatica vocat) in abisso recondita tandiu latuere, Solis lumini conspicienda exhibuerit. Licet eundem sibi appropriet honorem Doctissimus *Olaus Rudbeck* Suecus, hepatis ductus aquosos & vasa glandularum serosa, in regno & præsentia invictissimæ Virginis *Christina*, demonstrasse, non quidem scriptis edidisse, se affirmans.

Inventa hæc non continenda, penitior observatione & examine digna, primo intuitu, quam de glandularum mesenterii chymosi sententiam protulimus funditus evertere videntur; & quia inventores hepatis, & chymosin, & hæmatosin, attributum huc usque munus, novo chyli receptaculi & ductus chyliferi seu lactearum thoracicarum invento, eripere non solum gaudent, sed id evidentissime probare, ipsisque oculis spectandum

dum se præbere profitentur. *Quæ* res, dum nos tangant, si breviter chyli, sic vocatum receptaculum, ductusque chylicos & aquosos cum vasis lymphaticis & serosis examini subjecero, irritum inanemve fore nostrum laborem non confido.

Receptaculum itaque hoc, chyli vesicula, cisterna & penus, sacculus lacteus, inventoribus dictum est; glandulas verò lacteas lumbares, quales in homine esse reperit, *Clar. Bartholinus* vocat.

In lumborum ferè medio; sub arteriis cœliacis & emulgentibus; juxta venam cavam descendentem; inter renes, capsulas atrabiliaras (quas uti & renes contingit aliquando) musculosque psoas; supra lumbares vertebrae; infra mesenterii centrum ipsi subinde superpositum, locum obtinet in brutis, (observante *Clariss. Bartholino*.) cùm hoc parem elegere in homine situm inferiores duæ lumbares

F                      glan-

glandulæ; sed tertia dextrum, & superiorem sub appendicum diaphragmatis exortu.

X In brutis, quibus unicum contigit, membranofum, molle, & flaccidum est, humore intus contento, apertum aliquot à pastu horis, candicante, alias seroso refertum & turgidum: in homine corpora glandulosa & solida, similem ut in brutis per anfractus dispersum humorem habent.

Usum receptaculo huic tribuunt, quod chylum per mesenterii lacteas ejusdem majori glandulæ seu **A**selliano pancreati advectum per ramusculos lacteos excipiat: qui deinde, mediantibus aliis chyliiferis seu lacteis ductibus, eidem receptaculo continuis, per thoracem ad venas subclavas cordi advehitur.

Hoc invento, certam chyli & conspicuam ad cor esse viam repertam, exultant Viri clarissimi & doctissimi, *vi.* heparque lacteo succo seu chylo, uti ajunt,



ajunt, frustratum nec chymoseos nec hæmatoseos officinam esse exclamant.

Sed cùm circa mesenterii basim in hujus receptaculi vicinia plures concurrerent ductus lacteis similimi, quibus in hepar lacteum humorem duci existimaretur; & à magnæ doctrinæ multique judicii Viris, vel truncum sicuti parenchymati implicatum, in quo venæ lacteæ coëunt, vel diversos meatulos minores (quorum figuras in tabulis depictas edidere) à glanduloso pancreate emersos ad hepatis ima progressi statueretur, mansit dubia res, & tamquam clavo suspensa sub judicio.

Donec clar. *Bartholinus* solo filo, non uno unico ~~medaliis~~ meatulis hisce stricte alligato, introitū & egressum tam difficilis obscuriq; labyrinthi aperiret, ipsis oculis conspiciendum exponens, non ad hepar, sed ab eodem, contrario quam putatū erat motu, ad mesenterium & novum receptaculū, contentum in vasculis hisce humorē fluere.

Nunc actum de misero hepate, antiquo munere defungitur, dignitatibus principatuque exuto parantur exequiæ, epitaphium tumulo inscribitur. Sed in eo insons dormiat, donec iræ huic occurrens, mesenterio, ne à nobis ipsi attributo officio orbis, similes cum hepate pœnas luat prævisero, ipsi gratiam cum Vivæ præclarissimis, & è carcere egrediundi veniam impetravero.

Venis lacteis receptum chyli candentem succum diximus, non rectè ad hepar, sed in mesenterii glande ferri, indeque admixto aliquantulum sanguine in venarum ramulos depositum, per portam hepati adduci. Huius asserto obstare fortè judicabitur, quoniam novo invento omnem chylum per lacteas venas in receptaculum, vel impulsus, vel suctione allectum, ipsa autopsiâ demonstrari creditur, & per thoracicos chyli ductus venis subclaviis infundi, cordique in sanguinem

dege

legenterandum advehi. Attentâ con-  
 sideratione res digna est. Quoad nomen  
 non videtur cum receptaculo quadra-  
 re nec ductibus convenire quod chy-  
 um ferre dicantur: chymus seu perco-  
 atus succus indigitatur subtilior pars,  
 à chylo impuritatibus scatente, sepa-  
 rata; neque ultra intestina, servato  
 nomine, solet chylus extendi. Clar.  
*Asellius* suas venas a colore & succo lac-  
 teo quem vehunt, lacteas non verò  
 chyliferas dixit: solus Clar. *Gassendus* †  
 ductum biliarium chylodochum nun-  
 cupavit, quamvis injustè, quod chy-  
 lum tamquam per hiantem meatum  
 (qui aliàs per plicas rugasque intesti-  
 satis apte depuratur) in hepar eâ viâ  
 duci opinaretur; potiori equidem ju-  
 re, quàm si lacteas, quæ per exiles po-  
 ros colatum, recrementis purgatum,  
 & nonnihil alteratum, chymum ad-  
 mittunt, chyliferas appellasset. Sed  
 de nomine contendere, quamvis ad  
 explicationem rei plurimum facere  
 F 3                      soleat,

soleat, idem quod de lanâ caprinâ rixari esse putatur.

Sed neque receptaculum neque ductus ejus thoracici recipiendo aut ferendo succo lacteo sunt propriè destinati : dedicantur potius humori, quem semper omni tempore & maximâ copiâ accipiunt & gerunt, scilicet lymphatico seu aquoso, sic impropriè dicto. Verum quidem est succi lactei partem (parvam alterius respectu, quæ portæ ramis affluit) mesenterii glandibus elapsam, cum dicto humore, dispensationis chymi tempore, in receptaculum aut lumbares glandulas deponi : sed dum hoc accidentariè, neque omni tempore eveniat, & multò minori proventu, quàm alter, eo confluat, statuendum confido humori lymphatico, liceat sic dicere, & receptaculum & thoracicos ductus adpropriandos esse.

Vix sanæ mentis judicaretur, qui portæ venam cum suis ramis, quia hu-

humorem lacteum vel chyli succum / sanguini admixtum, (cujus forte centesimam partem non adæquat, ) vel chyliferam vel lacteam vocaret : quoniam vix alia in comparatione hâc inter humores miscendos est differentia, quàm quod succi lactei color à sanguine rubescat, aquosus verò, qui achromatistus & coloris expers est, à lactei albedine inficiatur.

Sed quis qualisve aqueus vel lymphaticus hic humor sit, paucis inquiramus.

Observandum animalis corporis partes in sanguineas & exangues vulgo dividi : illæ sanguine nutriuntur, quem cum abundantius & majori copia accipiant, quàm pro nutrimento indigeant, superfluum non omnino similis (plurimis enim constat dissimilibus, quæ assimilari nequeunt, particulis) in capillares primùm surculos & tandem in venas majores remeat, circulatorio motu. Hæ quamvis san-

guine carere videantur, non sunt interim achymæ nec exuccæ. Diximus hujus dissertationis pag. 74. nervos continuè & indefinenter, à cerebro, ejus sunt propagines, nutrimento refici, & magnâ quantitate nutritium hunc humorem partibus sensu præditis communicare. Hic succus in partibus hisce abundans, qui ob dissimilitudinem nutriendo ineptus est (non aliter quàm de sanguine dictum est) in subtiles primum rivulos & tandem in majores, ad hoc usque ævum veteribus reconditos, relegatur.

Est itaque humor hic, re ipsâ, non aquosus & lymphaticus (sed si talem, propter apparentiam externam, quis vocare velit, non repugnamus) sed *not.* sanguineus, imo sanguis, cui, uti pagina 88 diximus, non color sed alendi aptitudo nomen indit.

Aquam & serum renes à sanguine separatim, vesicæ offerunt, cutis in sudores & insensibiliter exhalat, & oculis



oculis finitimæ in lachrymas interdum effundunt : si nutriendæ partes sanæ (de morboſis, unde hydrops, alia ratio eſt) privatâ coctione aquam ſepararent peculiaribus vaſis expurgandam, eam cum recrementis in veſicam, inteſtina, aliave naturæ convenientia loca mitterent, non verò ſanguineæ maſſæ cordi deferendæ ſua excrementa affunderent.

Sed ne quis ſanguinem, propter nutriendarû partium convenientiam, colore mutatum eſſe dubitet ; vaſa, quibus continetur, venæ ſunt & ſurculi à venoſo trunco exorti, qui in albescentes & membranofas, tam viſcerum quàm extremorum membrorum & artuum, partes inferuntur : ſive in abdomine, thorace, brachiis, cruribus, aliisve corporis locis examinentur, bartholinâ face adhibitâ, non aliter, quàm ſi ſolaribus radiis illuſtrarentur, huiusmodi eſſe, reperiuntur : ut concludere non verear me-

senterii glandes, hoc novo invento minime gravari: quid de misero hepate sit expectandum, hoc nodo soluto, postea videbitur.

## CAP. VI.

*Bilis sanguinis condimentum, hepatis excrementum non est: vesicula syntaxis: quomodo in ea bilis generetur: ejus necessitas: per porum biliarium ducitur cum portione chymi in hepar: per cholidochum ductui pancreatico & intestinis offertur: de portâ & cavâ venâ: hepatis reviventis usus.*

**P**aradoxon proferre fortè videbor, cùm sanguini bilem pro condimento addi statuam, quæ tam à veteribus quàm neotericis excrementum (quamvis utile ad movendas fæces) judicata est, tamquam animalium, quæ dulcibus gaudent & nutriuntur, naturæ omnino contraria; sed adferendas rationes, ipsâ autopsiâ stabilitas, demonstraturas existimo, bilem hepatis non esse excrementum, neque ab eo in cystim felleam deponi; sed ab ipsius membraneo corpore,

re, ad hoc disposito, à sanguine, per arterias cysticas rami cœliaci propa- gines, advecto separatam, in propriam cavitatem, pœnum & promptuarium, ut inde necessitate postulante, san- guini addi, & hæmatosim juvare pos- sit.

Cystis cholidochus, vesicula bilia- ria, sive folliculus felleus constat sub- stantiâ membranê contractili & ex- tensili; præter reliquis visceribus communem, propriam habet tuni- cam validam, quæ omni fibrarum ge- nere firmatur; figuram obtinet ro- tundam, oblongam tamen, & tan- dem in longiorem apicem desinen- tem, constituentem cavitatem ad vi- sum inaccessibilem; nam unicum tan- tum habet meatum, seu ductum intus apertum, foris clausum, septus enim est valvulis bili egressum quidê con- cedentibus, sed regressum omnino impedientibus.

Vesiculæ huic concessæ sunt, præ-

ter à sexto pari ad sensum nervos, arteriæ & venæ cysticæ, illæ rami cœliaci, hæ venæ portæ propagines; illæ sanguinem ipsi apportant, hæ superfluum & opere defunctum à vesiculâ in portæ venam regerunt: quod ex sanguinis motu, vasorum naturâ, constitutione valvularum, & adhibitâ in vivente animali ligaturâ omnes animadvertere possunt.

Præter has, quamvis constituentes partes nullas habeat, nihilominus turgentem bilem (quâ usque tumens & plena est) vel pressa, contracta, aut à copiâ irritata in meatum apertum sibi continuum exonerat, quàm tamen à nullâ parte vicinâ remotâve accepit vel accipere potuit.

Vesica urinaria, quamvis intuenti undique clausa videatur, ut ad extensionem inflata ne quidem vento pateat, habet tamen ureteres, ductus membraneo corpori obliquè insertos,

tos, urinam renum vi à sanguine secretam deferentes; sed vesicula hæc, exceptis arteriis, quæ nisi sanguinem, prout in vasis continetur, afferunt, nullos meatus habet, per quos aliquid accipere possit.

Hiscæ positis, concludendum puto hepatis non esse excrementum bilem, nec ejus separatoriâ vi à sanguine discerni: quoniam in eo nec segregandi *Vid.* locus, neque ipsa separata bilis, neque ullæ viæ, per quas in vesiculam duci separata posset, reperiuntur. Deinde, cum aliunde vesiculæ bilis non affertur, neque aliud quam sanguis (quem copiosè satis arteriæ tribuunt) in sola ejus tunica admittitur; credendum existimo ipsius tunicæ idiosyncrasinâ à sanguine bilem segregari, & per ejusdem poros, quasi exsudando, in cavitatem deponi & in usum asseruari.

Ne quæso alicui mirum & imaginarium hoc videatur; sic nobis destillat

*fr.* stillat in os saliva; sic humorem præparando chylo exsudat interior ventriculi tunica; sic urina in renum sinus deponitur; in abscessuum etiam pelliculis hoc modo diversa coacervatur materia, pro partis unde ea dimanat naturâ.

*fr.* Hujus in vesicula collectæ bilis necessitatem evidenter ostendere credo, quod omnibus animantibus insit, usque adeo ut proverbio suam formicæ bilem inesse dicatur: sed videamus, an, sanguini eam addi, ex evacuationis modo, necessariò non sequatur.

*fr.* Strictior vesiculæ cervix magis elongata antequam meatum biliarium constituat, cholidochum dictum, habet in suo sinu valvulas, quæ præterquam, quod à meatu hoc nihil in vesiculam ingredi patiantur, ipsius effluxæ bilis regressum præpediunt: quod videndum se exhibet, cum expressam ex vesiculâ bilem digitis re-

pri-



primere conamur, nullo enim studio in eam repelli potest.

Meatus hic in duos dividitur ductus; quorum unus, primum in duos, dein in plures & innumeros divisus furculos per hepatis parenchyma excurrit; hunc porum cholidochum ad alterius meatus differentiam nominamus: hujus ope, succo chyloso temperata, hepati advehitur bilis, quæ ejus meandros minutissimè divisa permeans, & è portæ venâ affluenti mixta sanguini, in cavam promovetur.

Alter ulterius progressus, pancreatico ductui sociatus, cum quo postquam unum efformaverit meatum, in jejuni principium obliquè, inter utramque intestini tunicam aliquantulum deductus, inseritur; ut unum, cum hoc ipso, in intestino foramen efficiat; quò expressam, cum lacteo humore bilem confundat, & pancreati, vel foramen egressam venis lacteis cum chyli præterlapsi succo preparandam exhibeat.

Patet

Patet hujus veritas primò, quod duos simul liquores sine confusione concurrere, dein, quod succum chyli crassiolem intestina exprimere, & venas lacteas eundem admittere, non verò bilem tenuiorem, absurdum, imò impossibile, videtur.

Decet huic albo insipido & dulci liquori bilem addi, cum ut hujus acrimonia & flavus exsuperans color, albo crudo incoctoque succo in adenibus temperetur; tum ut illius adhuc tarda, pigraque constitutio excitetur & promoveatur.

Si alter, scilicet ad intestina progrediens meatus obstruatur, vel ab externâ compressione eo usque conneat, ut bili via ad intestinum succoque chyloso introitus impediatur, plura inconvenientia contingunt, neque bilis calor & ferocia affuso humore lacteo mitigatur, nec pacatur; neque in pancreate & mesenterii glandibus, succo lacteo vigor additur:

ditur: atque ideo non diluta temperatave bilis per priorem meatum tantô majori copiâ in hepar, & inde cum sanguinis massâ in corporis habitum fertur, icterum excitans, flavoque colore totum corpus tingens.

Qui potum largius hauriunt (ventriculo enim citius cibo elabitur) quàm bilis effusio tingere possit, aqueam & non tinctam urinam reddunt: parum etiam ab assumpto cibo, pallidius mejitur lotium, quia potulento, prius majore copiâ elapso, bilis quantitas inæqualior est, quàm cùm crassior promovetur chylus.

Contingit itidem, quibus, ob coniventem aliquâ de causâ meatum, bilis nisi per intervalla exoneratur, iis aliquando aqueam nullo colore tinctam excerni urinam, quæ, post parvum temporis intervallum, reserato vel exonerante se ductu cholidochô, colorata rursus redditur.

Dictis rationibus & allatis exemplis,

plis, bilem non hepatis excrementum esse, sed in meliorem & communem usum, in folliculo generatam coacervari prius, & suo tempore tam chylo affundi, quàm hepati largiri, mihi persuadeo.

In venâ portæ concurrunt, magna sanguinis copia à liene missa, chymus in pancreate alteratus, unâ cùm in mesenterii adenibus præparato, sanguis ab aliorum viscerum nutritione effæctus, etiam ex hæmorrhoidalibus venis affluens, & tandem nonnulla bilis portio, quæ solùm confusa, neque sibi invicem debitè permista, non minimum corpori nocumentum afferre possent; quod sapientissima natura providens, hepar apposuit, per cujus interanea, tamquam per cribrum, quæ confusa diximus, agitata adedò comminuuntur miscenturque, ut in unam massam redigantur, quæ sic salutaris facta, reliquo sanguini in venâ cavâ additur.

In

In hepate enim venæ portæ radices, & cavæ insignis rami innumeræ propagines exporriguntur, quæ ejus parenchyma permeantes, tandē jun-  
guntur, & sibi invicem adnascuntur: uti diceres unam venam prius in surculos plurimos divisam, postea rursum coëuntem.

Patet hoc, si portæ vena, immisâ fistulâ, infletur, quod cava videatur in tumorem attolli: ipsis oculis etiam conjunctiones hæ cernuntur, si hepatis cocto omnis caro pectine cautè adimatur, quâ separatâ & elutâ, venarum se substantia perquam benè videndam exhibet, ut divisiones coitionesque exiles eleganter conspici possint.

Est itaque hepatis munus, suarum venarum beneficio, parenchymate munitarum, præparatam alibi materiam, (chymum scilicet & bilem, cum sanguine ad diluendum, maximè à liene, & aliis alendis partibus affluxo,  
addito

addito per arterias parvas, ad parenchymatis nutritionem, advecti superfluo) in unum naturæ familiarem liquorem, cæteri massæ sanguineæ addendum, redigere, citra magnam & manifestam moram, quam nonnulli ex venarum propaginibus in hepatis substantiâ delitescantibus non unitis, (dum in his portionem sanguinis crassio rem morari, ut attenuetur, putant) probare conantur: quamvis tantum sint arteriarum ramulis correspondentes venulæ, per quas, aliarum omnium more, sanguis subito motu transit.

Tot concurrentium & confusorum exquisitâ mixtione, supplementum perfectionemque hepar chymosi imponit; quod dum præstat, quamplurimum ad sanguificationem contribuere videtur; cujus tamen consummationem à pulmonibus expectandam censemus.

Hiscæ variis mutationibus coctio-  
nibus-



nibusque alteratum, & in venâ cavâ cum eo, qui è toto remeat, confusum, sanguinem alimentarium esse, & ad corporis nutritionē aptum affirmant, qui per venas eum in omne corpus distribui contendunt: sed cūm assertio hæc, ut mihi videtur, aliorum rationibus satis superque evicta sit, eam intactam relinquo.

Affirmat etiam exemplum fœtus, nam in utero simili sanguine nutritur: sed aqueus ipsi, pro aëre, humor sanguini attenuando satis est; cūm in lucem edito, is sine aëre nutritius esse non possit.

Hepar, nec chymoseos nec hæmatoseos officinam, nominari nec esse posse, contendunt in doctrinæ summo culmine locati præclarissimi Viri, receptaculi chyli, ductuumque chyli-ferorum & lymphaticorum vasorum inventores, hoc præcipuo nixi fundamento, quod chylum non recipiat: non recipere probatum putant, quod  
venæ

venæ lactææ, quibus chylum, si non omnē, saltem totum à sordibus crassioribus purgatum, recipi asserunt, in truncum non desinat ad hepar tendentem. Fuit hoc argumentum ab iis allatum, quibus venarum *Afelli* lactearum usum evertere curæ erat; cùm ad visum & conspicuè eò debere duci chylum existimarent.

13. Foret etiam doctissimorum Virorum plausibilis, & absque omni dubio iusta veraque assertio, si evidenter & ad conspectum, chylus ad hepar teneretur ferri; sed cùm hoc contra naturæ sit ordinem nimis infirma nec recipienda. Hæc corporis securitati consulens, nihil ad ejus penetralia alieni aut nocivi admittit, nisi multo priùs sanguine, alienam qualitatem compescente & obtundente, dilutum sit.

Hinc est quod præter tantam sanguinis diluviem, à viscerum nutritione refluï, & liene animal donaverit, quò

quò per spongiosum parenchyma fil-  
ratum, ab arteriis acceptum sangui-  
nem, tam liberaliter largitur, in  
non alium finem, quàm diluendo  
chylò, ut à pancreate & mesenterii  
glandibus contaminatum, rubroque  
colore tinctum, in splenicos & me-  
sentericos ramos effusum, probe di-  
uat, & salutarem hepati advehat.

Lacteum omnem succum ad rece-  
ptaculum non ferri, demonstratur  
1. quod alii ductus eidem operi infer-  
riant, ut cholidochus & pancreaticus.  
2. Quod omnis qui per lacteas in me-  
senterii glandes chymus ducitur, ad  
receptaculum non derivet; non re-  
spondent enim à glandibus abducen-  
tes adducentium numero: 3. non de-  
duissent ramusculi, sed mole majores  
ductus efformari, ut aliorum nume-  
rum magnitudine & capacitate com-  
pensarent, quàm reperiuntur. 4. Non  
deberent alio impediri opere, siqui-  
dem chymi distributionis tempore,  
non

*Not.*

non minor succi lymphatici, sic dicti, copia, per ductus hosce vehitur, quàm ante & postea ; quoniam is semper pari mole (nisi à causâ extraordinariâ) ad eos, à nutriendis partibus, fluit, qui tamen eo tempore, quamvis colore mutantur, majores tumidioresve non videntur. 5. Quod

5 portæ rami & majores & numero plures in promptu sint ; ideoque diluendo chymo, eumque devehendo cum sanguine ad hepar, paratiores.

6 6. Adde, quod ea via à primo ortu à naturâ strata sit, cum fœtui per umbilicalem venam, portæ in sinu hepatis continuam, omnem nutritium, à matre derivantem, succum naturæ affunderet : ut, eâdem quâ nutritionem inceperit, per eandem etiam viam continuaturam, neque ab eo opere & viâ ante obitum destituturam, concludere liceat.

Eviſtis itaque objectis & ab accusationibus liberū hepar in antiquum, quod

quo ab omni ævo fungi solet, munus  
& principatum, cum omnibus digni-  
tatibus, ipsi jure debitis, restituatur.

Non derogabit quippiam ejus di-  
gnitati, si paululum chymi cum succo  
aquofo, (sic dicere liceat) à partibus  
membraneis resultante, ad sanguinis,  
qui à capite & artibus superioribus  
descendit, renovationem, in subcla-  
vias venas ascendat: decet enim ut  
suam partem habeat, cum tantâ co-  
piâ reficiatur per hepar, qui ab infe-  
rioribus partibus in cavam refluat: est  
enim chymus pauxillus & alter hu-  
mor laudabilis & aptus, ut rubenti  
sanguini misceri & in pulmone even-  
tilatus, corpori nutriendo in pabulum  
largiri possit.

## CAP. VII.

*Sanguinis ut sit nutritius duo necessaria: ejus mobilitas unde: factui qualis inservit: quæ causa quod in lucem is prodeat: quis æris in corpore usus: quare infans non perforato podice & urinario meatu citò moriatur: sanguis venosus alendis partibus ineptus, nutritio quomodo fiat; quanta æris ad nutritionem necessitas: ejus varii in mixto effectus.*

**U**T corpori in alimentum cedere sanguis valeat, duo apprimè necessaria sunt, mobilitas &urgens aliquod, quibus juvantibus ad loca nutrienda fluere aut moveri possit: hoc, dum à sanguine non dependeat, sed tanquam movens à mobili diversum sit, ad hæmatosin nihil contribuit; illa, scilicet fluxibilitas mobilitasve, ad ejus constitutionem pertineens, ab hæmatopoëticâ vi accedere debet, & hæmatosi acceptum referri.

*not.* Sanguinem mobilem fluxilemque reddunt serum seu aqua, & immixtus aër, (quorum hic meritò primum humidum dicitur.)

Calo.



Calorem hisce annumerare non  
 uideo; calidus in corpore sanguis in-  
 erdum grumescit, cum nimirum  
 est extravasatus; frigidus in piscibus,  
 & in cadaveris venis contentus fluere  
 non desinit; è venâ extractus in pel-  
 li nonnunquam fluidus permanet, qui  
 in vase terreo rariore collectus den-  
 scatur.

Sufficiant itaque priores duo, cum  
 hoc discrimine, quod à serosiore san-  
 guine membra mollia, flaccida, &  
 torpida; ab aëreo (nam aër, in disso-  
 lutione rei, separatur receditque me-  
 ius) solidiora, robustiora & vegetio-  
 ra reddantur.

Hic quamvis animantibus conve-  
 niat, & necessarius sit (cum ut partes  
 nutriendas pervadere, tum ut, ejus  
 compage dissolutâ, quod conveniens  
 est assimilari, & noxium separari  
 excernique facilius posset) fœtui ta-  
 men dum in utero est, liquidum sero-  
 sum à matre hauustum nutrimentum,

nutriendis & augendis tenellis flaccidisque membris, sufficiens est.

Cum verò grandescit, præterquam quòd, solidius alimentum desiderans naturā aëre indigeat, quo etiam opus habet ad facilitandum cordis & cerebri motum. Hæc enim continuè moventur, & alternā diastole & systole exagitantur, neque à tenellæ existente foetu impediuntur; cum corde enim totum pectus, cum cerebro ipsum cranium cute vestitum, celeritate attolluntur & concidunt.

Tempore solidescantibus membris, ossa indies majorem nanciscuntur duritiem, motuique magis resistunt: crescente interim corporis cordisque robore, pulsus & cerebri motus majores fiunt, quā procedentis discordia, foetum liberioris motus appetentiā infligatum, ad locum mittendum, aëremque quærendum invitari, partumque urgeri contingit.

¶ B.

Infante in lucem edito, serio

ta

ndum est , aëre attracto sanguinem  
 imectari subtilioremque reddi, un-  
 e excrementa (quæ gestationis tem-  
 ore fuerant pauca) augmentur, serum-  
 ue, tunc minus utile, excernitur co-  
 osius : adeò ut, infantem natum non  
 perforato urinario meatu, vel podice,  
 qui in utero vegetus & sanus vixe-  
 (t) antequâ fluxerit, pultemve ullam  
 mperit, vel saltem non magnâ co-  
 iâ, brevi tempore extingui, cernatur.

Ex horum consideratione edoctus,  
 mihi egomet persuadeo, sanguinem  
 tunc, neque ullum venis contentum  
 effætus enim & crassior est) partibus  
 endis esse aptum, nisi aëris debitâ  
 opiâ absolutè mixtus & vivificatus,  
 earum etiam minimas particulas  
 dmitti queat. Nutritio enim non ex-  
 ernâ appositione exequitur, sed cum  
 utrimentum non tantum parti, sed  
 us etiam minimæ portiunculae se-  
 ndum omnem dimensionem debi-  
 additur & assimilatur.

Ab aëre, primo humido, corpore tenuissimo, fluxibilitatem hanc afferri sanguini, satis patet; primò, quia nullus in partes per arterias mittitur, quin prius eventulatus, & à fuliginibus inutilibus purgatus, cum eo perbenè elaboretur: dein, quia is assidue sine aliquantulâ morâ hauritur, ut sanguini subigatur.

Si quis solummodo ad cordis motum & refrigerium necessarium dicat, piscium is exemplo evincitur: præterquam enim, quod hi usque frigeant, aquam assidue ad singulas cordis pulsationes absorbent, & per brachia emittunt, quâ & refrigerio, si opus habeant, & cordis motui, satisfieret: iis tamen à naturâ concessa vesicula est, in quâ aërem secum deferunt, ut sub aquâ degere possint, neque semper in superficie natare cogantur, aëris captandi causâ: si enim, excipulo vel nassâ capti, aut alveolo servati, diutius sub aquâ detineantur,

&amp;

& aërem recipere impediuntur, tandem vesiculæ aëre consumpto, suffocati moriuntur.

Confirmat etiam aëris insignes effectus lapidescibilis materia, ob aëris combinationem, aquæ instar fluxilis; ea vix ipsius petraë poris egressa lapideam duritiem obtinet, sine alicujus visibilis rei separatione, aëre facile suâ sponte vel aliter disjuncto, ambienti sese copulante.

*Sic & corallum, quo primum contigit  
auras*

*Tempore, durefcit, mollis fuit herba  
sub undis.*

In humano corpore, per exiguos poros, liquores exire conspiciamus, qui corporis superficiem vix egressi, crassescere & in muccum converti, exiguis poris omnino imparem, cernitur, sine tamen rei alicujus ablatione manifestâ: quod ideo aëri imputandum insensibiliter separato, censeo.

## CAP. VIII.

*Sententia Columbī de vitalis sanguinis officinā : rationes probantes : pulmonum constructio : de arteriā & venā pneumonicā, hanc non esse arteriam neque illam venam : vena & arteria in fœtu duobus exortibus è cordis ventriculis prodeunt : segregationis causa : venarum auriculæ exortibus apposta, quæ illarum partes, non cordis.*

**I**N pulmone aëris cum sanguine missionem institui, & hinc vitam fieri, *Realdus Columbus* Anatomicus celeberrimus omnium primus, *lib. de re anat. 11. cap. 2.* censuit : considerans enim venæ arteriosæ capacitatem, ob magnitudinem alendis pulmonibus imparem, alteri etiam usui eam destinatam judicavit : deinde cum pulmonis substantia sine vitali sanguine subsistere nequeat, qui in eo esse deprehenditur (nam qui tussiendo ejicitur, è pulmone floridus, tenuis, pulcher egreditur, qualem arteriosum Medici asserunt) hoc modo argumentatur : Si sanguis vitalis aliunde pulmoni non tribuatur, necessarium



fariò in eo gignitur; sed aliunde non tribuitur: nam neque ab aortâ ramum ullum habet; neque per arteriam venosam (quæ ob valvularum constructionem sanguinem à corde non admittit, pulsaret enim si admitteret) quidquam accipit; Ergo, &c. Gigni etiam sequitur, cum arteriam venosam sanguine, nō fumis fuliginibusve, plenam & sine pulsu esse (qui à corde proficiscitur) viva sectio demonstret.

Hisce confirmatus, rationibus ait; (ipsa verba recitare lubet) *Aërem per nares & os inspiratum suscipit: nam arteria aspera vehiculo per universum pulmonem fertur; pulmo verò aërem illum unà cum eo sanguine miscet, qui à dextro cordis ventriculo profectus, per arterialem venam deducitur. Sanguis huiusmodi ob assiduum pulmonum motum agitur, tenuis redditur, & unà cum aëre miscetur, qui & ipse in hâc collisione, refractioneque preparatur: ut simul mixti sanguis & aër, per arteria venalis ramos suscipiantur: tan-*

*demque per ipsius truncum ad sinistrum cordis ventriculum deferantur : deferuntur verò tam bellè mixti, atque attenuati, ut cordi exiguus præterea labor supersit.*

Ubi major commoditas datur & occasio, ibi, perfectionem hanc, sanguinem nancisci credibile est : pulmonibus semper præsens aër, & conveniens compositio contigit: est enim ipsis caro mollis, levis, rara, spongiosa, triplici vasorum genere adeò intertexta, ut spongiæ instar aut spumæ in modum perforata reddatur. Vasa sunt vena & arteria pneumonica, & arteria aspera, quorum usus ex relatione sequenti facilè innotescit.

Arteria pneumonica (vena arteriosa malè nuncupata) prope basin ex editiore loco dextri cordis ventriculi orta, vix pulmones intrat, (paulum ultra ductum oblongum in fætu apertum, in adultis verò oblitteratum, quo ea arteriæ aortæ continua inseparabilisque existens, utriusque unitatem  
osten-

ostendit) quin in duos ramos secetur, quorum alter ad dextram, ad sinistram alter partem abit, hisce iterum bifariam sectis, & in minutissimos furculos divisis, per integram, ad extimam usque eorum substantiam excurrit, & sanguinem huic operi contribuit.

Huic respondet multâ ramulorum serie per eandem substantiam dispersum vas, nulli alteri visceri commune, aspera arteria dicta, quæ fistula est oblonga, ex cartilaginibus semiannularibus, bronchia dictis, & membranis invicem connexis efformata, semper aëri patula, ex humiliore faucium sede incipiens, œsophago incumbens primum, mox supradicto modo etiam divisa, & per pulmonum substantiam dispersa, ipsisque pneumonicæ arteriæ furculis combinata aërem ad hoc opus sanguini addit, cum quo is, pulmonū motu subigente, perfectè mixtus attenuatur, ut fu-

ligines & excrementum crassius (quorum hoc tussiendo expectoratur, illi expirantur) separari, & in bronchiâ deponi possint, sanguis verò pulmones nutriendi causâ pervadere, & venæ pneumonicæ exiles propagines intrare, valeat.

Vena hæc, cavæ non solum substantiâ & constitutione similis, sed continua, ut sine laceratione disjungi nequeat (malè arteria venosa appellata) oritur è cordis sinistri ventriculi summo, principio carnosio, lato, (auricula à similitudine & propter sinistrum ventriculum cui annexa est, sinistra dicta) concavo, quod tanquam spincter se contrahens, collectum sanguinem in ventriculum deponens hoc distendit, non aliter quàm vena cava à parte dextrâ: arteriæ hæc se comitem reddens, eodemque modo divisa (unâ cum arteriâ asperâ) per pulmonis omnes particulas vagatur, ut in capillaribus aut minoribus suis surculis,

lis, aliarum venarum more, acceptum sanguinem in majorem truncum deferat, & contrahente se auriculâ, ad singulos cordis quietes, in sinistrum ventriculum deponat.

In foetu longè aliter hæc sese res habet: cui, cum serosum, sive à sero & modico à matre accepto aëre fluxile redditum (uti antea dictum est) nutrimentum pro tenellis mollibusque membris sufficit, pulmonum usus quiescit, ibi uterque cordis ventriculus, simul eodemque motu, tamquam unus (quem solum pulmone carentia animantia habent) sanguinem à venis in arterias movendo inservit.

Natura enim in venturum usum cum duos necesse deberet fabricare ventriculos, utrique venæ & arteriæ tribuit exortum, ut in utroque à venâ receptum sanguinem in arteriam ab utroque etiam exponeret: hinc factum, quod, quemadmodum arteria pro ventriculorum numero, è dextro  
atque

atque sinistro exortum nacta, etiam vena ex utroque diverso principio exoriatur in eundem finem tendente: sic tamen ut pulmoni ferianti (nutriri enim debet) ex arteriæ dextro exortu ramulus apportans, è venæ verò sinistro principio superfluum sanguinem reducens contigerit; qui, crescentibus pulmonibus & dein majori munere fungentibus, in majorem excrecentes molem, anastomoses magnitudine longè superant, magis etiam, quia, in lucem infante edito, communes postea inutiles meatus (ductus arteriosus & foramen ovale) obliterantur non solum, sed multum crescere desinunt: non tamen usque adeò mutantur, quin ductus obturatus magni ligamenti instar, continuitatem arteriæ pulmonicæ cum aortâ, & venæ cum cavâ, solâ membranulâ clausus, meatus apertè satis demonstrent.

In hoc, ab arteriæ exortibus, venæ discrepant, quod hujus utrumque prin-



principium, amplo varicoso & (ob carnem, quâ tamquam spinctere obducitur) mobili, cordique continuo, appendice (auriculam vocant) stipetur: quorum dextrum sinistri capacitatem longè superat, causa fortè est (nam violenter sanguis dum ad cor impellitur, hujus operatione & contractione, impeditus auriculas extendit) quod totius corporis motus & contractiones, pulmonum, licet aliquando ultra modum inflentur, violentiores sunt.

Auriculæ venarum potius partes *not* sunt quàm cordis, quia cum illis cavitatem habent communem, à cordis verò sinubus, valvulis sunt separati; dein solis venis, non verò aliis vasis, contingunt, in quarum substantiam carneis fibris aliquantùm excurrunt: adde, quod auricularum motus à cordis distincti diversique sint. Hęc consideratione digna, quia ad veritatem quæstionis propositæ indagandam,   
viam

viam & lumen præbitura sunt, non omittenda censui. Sunt quidem & aliæ, quæ mediatè ad hæmatosin faciunt partes, quia sanguinem, ab inutilibus, rebusque noxiis liberando, elimant, & puriorè aptioremque reddunt, præter dictos pulmones, (scilicet renes, vesica, intestina, cutis, palatum, interna oris tunica, aures, nares, oculi, &c.) quæ sunt dispositæ, ut ab alato sanguine, simili in nutrimentum assumpto, reliquum utile adhuc in venas deponant, inutile aut in suos sinus, aut per corporis circumferentiam excernant; sed quia longior earum foret narratio, brevitati studens eas præteribo.

## CAP. IX.

*Ad loca nutrienda sanguinem debere moveri: quando & quomodo vita incipiat: bullula in auriculam migrat, cui in subsidium venit cor: hujus situs & compositionis ratio: quale instrumentum anima cor.*

**D**iximus modò aliquod urgens, quo ad loca nutrienda jam mobilis omnibusque numeris absolutus san-

sanguis moveretur, esse necessarium; suâ sponte enim eo non fluere, neque à partibus attrahi, sanguinis natura (gravia solum, nisi urgeantur, deorsum tendunt,) & autopsia demonstrant. Quo modò id ab animalis ortu incipiat, & per integram vitam perduret, sub diligentis etiam scrutatoris judicio, narrare lubet.

Vita, incipere & primam inchoationem sumere, videtur, cùm in animantis primordio disposito, juvante calore homogenea congregante, & heterogenea separante, liquoris nonnihil in id, quod jam solidescere cœpit, & venæ principium representat, irrepens, hoc in bullulam seu vesiculam attollit, quæ, primum renitendo, dein sese contrahendo, in arteriæ primum rudimentum eundem liquorem agit, hoc denuò rediente & contrahente se vesiculâ, reïteratis sæpè vicibus, à rudi membrorum delineatione, crescente magis motu,  
partes

partes nutrimentum & majorem perfectionem adipiscuntur, liquorque sanguinis consistentiam & colorem, à quo dum carnosarum accretio, vesiculæ (quæ nonnullis animalculis sufficiens per vitam perennat) auriculæ formam induenti caro, cum cordis primo exordio, adnascitur, quod auriculæ in subsidium, ut sanguinem ulterius propellat, creatur.

Huic muneri ut par sit, locatum est, non in corporis medio seu centro, quod umbilicus obsidet Anatomicis, sed in pectore, loco capiti propiore, huic tanto commodius sanguinem tributurum, qui suâ sponte in decliviora facilè fluit; dein ut in eo costis septum impedire in pericardii capacitate moveretur.

Carnem duriores, ita tamen ut contractilis sit, accepit rudi Minervâ elaboratam, non aliter (si licet exemplis, in parvis, grandibus uti) tamquam toscanâ architecturâ constructa

columna, quæ, portando pondere, rusticè ædificio fabricata supponitur, sic carnea hæc moles, ut suâ vastitate ingentem laborem, cui destinatur, ferre valeat, à naturâ animali concessa est.

Duos caro hæc facit sinus, dextrum nimirum & sinistrum, quorum ille, quia sanguinem in pulmones vicinos movet, minus crassos habet parietes, & dextro cordis lateri quasi adnascitur; sinister verò, quia in universum corpus sanguinem dispensat, multò crassiore carne sepitur.

Sinubus hisce respondent communia vasa valvulis munita, venæ scilicet cum suis apendicibus seu auriculis, & arteriæ, quarum illæ foris apertæ intus clausæ, arteriæ verò intus apertæ foris clausæ, tam patentibus orificiis, ut, sanguinis transeuntis copiam non exiguam esse, ostendant evidenter.

Nulla præter hæc apportantia aut reagentia, communi operi accom-

modata vasa habet ; solummodo ad nutritionem , sanguinem apportantes arteriæ coronariæ exiles , ab aortâ , antequam pericardio excidat , exortæ , ejus basi inseruntur , cum suis conjugibus venis , quæ è cavâ , mox ubi cor transit , enatæ cordis basi communicantur , ut superfluum sanguinem colligant , & venæ cavæ cordi regerendum restituant.

Sic constructum in pericardii sinu pendulum , solum basi seu latiore parte (pericardio & exortis vasis median-  
tibus) aliis partibus in thoracis medio , connectitur ; cæterum verò corpus , à lato principio , coni instar , in apicem seu mucronem , versus sinistrum latus antrorsum exporrectum , definens , & pericardii aquæ motum facilitanti innatans , ubique liberum existit.

Hinc fit , ut , in actione quando cor est ( quæ omnium simul fibrarum contractione peragitur ) ad immobile prin-



principium liber apex trahatur, sursum elevetur, &, tamquam saltum faciens, pectus externè perceptibili pulsu feriat.

Concludo itaque, cum partibus nutrimentum apponi requirat necessitas, neque parti ulli, corde excepto, ad hoc sit concessa commoditas (docet vasorum consensus, auricularum connexio, valvularum dispositio, fibrosæ contractilisque carnis vastitas, conveniens situs, omnium debita compositio, & ipsis oculis sanguinis à contractione protrusio, in animali vivo, conspicua) cor esse animæ instrumentum sanguinem venosum ab auriculis acceptum, in arterias urgens & transmittens, cujus ea ministerio toti corpori nutrimentum dispensat.

Hoc solo cordis usu (cui obloqui ipsis sensibus est derogare fidem) qui majori ejus æstimatione capti obæcatique sunt, minimè contenti, cor multò præstantiora munia obire, credunt,

dunt, atque, toti caloris & vitæ auctorem causamque efficientem esse, volunt: hoc verò quia spirituum & sanguinis adminiculo præstari putatur, & spirituum & ipsius sanguinis officinam esse contendunt.

---

C A P. X.

*Conringii pro cordis hæmatosi argumenta: eorum refutatio.*

Quamvis ex narratione præcedenti rationes erui possint, quibus contrarii evidentiam demonstrare facilè est, tamen non satisfecisse mihi videor, si ad argumenta, quæ clarissimus Vir Herman. Conringius in Helmstadiensi Juliæ Academiâ Professor plurimi faciendus pro hæmatosi cordis profert, responsionem non dederim: hæc ordine, quo ex ejus *de gener. & mot. nat. sanguinis lib. cap. 34.* ea excerpti, recensere non gravabor.

I. Arteriarum principium cor esse in confesso est; ab eodem principio autem non

minimus

minus & venas derivari vel oculi testantur  
luculentissimè : est igitur cor omnis san-  
guinis quoque principium & primaria origo  
ac officina.

2. Firmat idem sanguinis omnis ad cor  
fluxio & ex corde promanatio: (neque enim  
ad ullam aliam partem aut ullum aliud  
viscus omnis sanguis tendit, non ex ullo alio  
omnis profluit) ast omnis motus boni obti-  
nendi gratiâ instituitur, adeoque in corde  
omnis sanguis maximum bonum suum adi-  
piscitur.

3. Ad hoc, cor primo omnium inter  
alias generatur partes, sanguinemque &  
gignit & continet, nullo alio viscere adhuc  
nato; ut in ovis altero tertiove ab incuba-  
tu die videre est, & doctissimorum virorum  
auctoritate probatur: est autem hoc certo  
argumento, ex aptâ dispositâque materiâ,  
sine alterius visceris adminiculo, posse cor  
sanguinem conficere, imo omnem primum  
sanguinem, unde corporis partes constituun-  
tur, quique adeò exquisitissimè est elabora-  
tus, à solo corde excoqui.

4. Con-

4. Constat præterea in nonnullis sanguinem generari, jam corrupto jecinore ac liene, modò cor sit robustum, ut calore suo, hepatis lienisque labem queat compensare : qualibet item circa cordis temperamentum passio facit, ut, aut bene, aut secus, sanguis totius corporis excoquatur. Itaque vel hoc solo, in sanguine conficiendo, vim ac facultatem cordis colligere liceat.

5. Alendi aptitudinem à corde esse, argumento est, quod nulla pars corporis nutritur, nisi sanguine in corde ante elaborato. In foetu sanè sanguis, materia partium, primò omnium in corde spectatur, & ipsummet hepatis parenchyma, procedente tempore, hinc generatur. Frustra omne quod nutrit, in corde est elaboratum, nisi elaboratione illà sanguis prepararetur, ut possit eò rectius alere. Constat porrò eum, qui ex hepate jam profluxit, sanguinem saltem sæpe si non semper, crudiores esse, quàm ut in partium nutrimentum possit cedere : nec tamen omnis ille vel denuo ab hepate coquitur, vel manet inutilis, à corde

*de itaque adipiscitur ut fiat idoneus.*

6. *Quia omnis calor animalis ab uno est corde, dubitandum non est, omnem sanguinis ultimam perfectionem à corde esse, adeoque cor esse primariam sanguinis omnium officinam.*

I. Quantum ad primum attinet; concesso, arterias & venas à corde exoriri, inde non sequitur, cor earum esse efficiens principium; neque auctoris mentem esse puto, unam partem ab alterâ existentiam habere; omnes siquidem in exordio deliniationem nactæ suo tempore perficiuntur.

Neque existimo ab eodem sustineri, sanguinem esse propter venas & arterias, sed has sanguinis causâ (ut sint vasa deferentia, non verò efficiencia) esse factas; neque sic concludere; quod efficiens venarum & arteriarum causa est, itidem est sanguinis: sed potius à consequentiâ sumpto argumento dicere (nam ubi venarum &

H

arte-

arteriarum est exortus, ibi earum fuit prior necessitas, quæ est à sanguine continendo) ubi prius *vena & arteria* reperiuntur & principium habent, ibi & prius reperitur & principium habet sanguis, atque hoc in corde. Ergo, &c.

Resp. Non sequitur ubi sanguis primum est conspicuus, ibi ejus esse exortum, non aliter quàm si argumentaretur, à trunci principio oriuntur radices (si comparatione hâc uti liceat *venæ* sunt corporis radices) ergo arboris succus nutritius.

*viu.* Exoritur sanguis ab invisibili principio (prout ego capio) nam, per poros venularum rudimenta, ex animalis primordii particulis, liquor sanguini analogus (vel potius sanguis cum particulis adhuc tenellis quadrans) concurrat; hic (extentione bullulam seu vesiculam quæ tempore formam auriculæ induit) facit & attollit, ejusque diastolem ciet, atque illi primum renitendi, dein contrahendi ansam

præ-



præbet : diastole enim, quam systole, ordine prior est. Quomodo enim aliquid se contrahet quod prius agentis extensionem non passum sit ?

Unde sequitur, sanguinis, ab invisibili ortu, concursum, vesiculæ efficiens esse principium, non verò vesiculam concurrentis sanguinis : quemadmodum rivulorū scaturigines, hos, qui multis concurrentibus flumen efficiunt, non contra flumen rivulos.

Manifestum itaque est, quamvis è corde venarum origo & exortus conspicuus, non ideo à corde exoriri sanguinem, sed ad cor confluere. Quod ordine prius est, consequentis causa dici potest, non contra.

In ovo, antequam cor formatum est, conspicitur primum pulsans vesicula, quæ à sanguine dilatata rubescit, seque contrahens, omnem rubedinem deponit, albescit denuo, & disparet ; indicium sanguinem ante vesiculam (quæ auricula, non verò cor, fit)

existisse, & ipsam à sanguine rubescere non verò sanguinem à vesiculâ.

II. Firmatur quod dictum est; quia sanguinis ad cor fluxio est, aliunde suam habere originem certum est: cum pace mihi respondere liceat; ad nullum viscus omnem sanguinem (ubi *NB.* is mutationem aliquam subit) quam pulmonem tendere; nec ex ullo alio, omnem numeris absolutum, quantumque fieri potest perfectum profluere, quam pulmone, & ratio dicta & autopsia demonstrat.

Fœtus, cui pro nutrimento, seroflor sufficit sanguis, pulmonis oper non indiget, neque corde mutationi causâ opus habet, modò dispensant ejus motu frui possit.

Non movetur equidem ad pulmones sanguis, nisi ut melioretur, si i carere potuisset adultum, & multis sanguine pollens animal, modo quidum in utero degeret, in venturum usum fœtui non essent fabricati.

Peragitur hæc melioratio, non intentione pulmonis, sed agentis animæ: partes sanguine oneratæ eum, aut renitentiâ, suâ mole, aut contractione, ulterius, ut inde liberentur, movent: sic cor, ab exprimente auriculâ, sanguine ad distentionem impletum, ut ab istâ molestiâ liber fiat, eundem promovet.

Instituatur itaque, in bonum partis moventis, motus, non verò semper rei motæ, quod in recrementis evidens est: alterius etiam gratiâ partes non agunt, sed, in proprium commodum, quæque familiaria admittunt & noxia abigunt. Sub isto numero comprehenditur cor, cujus intentio non est, cum in aortam sanguinem impellat, partibus nutrimentum præbere, sed sibi illatam molestiam arcere; cæterum gubernantis animæ munus est, organis ritè dispositis, singulis partibus alituram largiri.

III. Partes omnes in principio

H 3

ob-

obscuram quanquam habeant delineationem, conspicitur tamen primò pulsans vesicula; quæ temporis progressu, carnosior facta utriusque auriculæ formam adipiscitur: quare, si aliquid primùm nasci dici mereatur, ante partes alias auricula generatur, quæ, præterquam quod omnium prima movetur, etiam ultima à motu desistit: non verò carnosæ illa pars ventriculos constituens, in cujus carne & sinuum dispositione, motum omnem (quamvis is ab eo, qui primus in embrione & ovo conspicitur, diversus sit, & eundem subsequatur) omnemque potentiam & facultatum scaturiginem collocant.

Sed neque hæc ipsa (auricula scilicet) sanguinem generat, sed à toto confluentem accipit, à quo etiam producit.

IV. Vitiato jecinore vel liene, non tamen ultra metam corrupto, sanguinem generari bonum, aut non excess-

excessive pravum, certum est : unius interdum leve vitium, cæteris juvenibus sanis, natura sine magno detrimento tolerat : sed hepate vel liene omnino aut graviter corrupto, corpus aut cor posse sanum esse vel robustum, non credo.

Constat liene obstructione laborante, quoniam sanguis inde non benè diluitur, cor palpitationibus vexari : mala etiam, quæ partes toti infervientes afficiunt, toti corpori obesse solent.

Pluribus ad unum opus contribuentibus partibus, earum unâ vel alterâ malè habente, si tota non abolitur operatio, (diminutè vel depravatè sæpè peragitur) cæteris sanis hoc imputandum est ; cordi id ascribere est inconveniens, præcipuè cùm nondum constet ejus operâ ad sanguificationem esse opus.

Asserere inde grave est quamlibet, circa cordis temperiem, passionem

facere ut sanguis aut benè aut secus excoquatur, nam plures partes sunt, quarum perversâ dispositione aliarum eucrasia evertitur, modò in consensum trahantur: quid vetat corde malè affecto, propter viciniam pulmones vel alias affici, quæ ad hæmatosin pertinent? dein ut plurimum cordis temperiem, ab alterius depravatâ, vitiari contingit, ut cordis affectus alterius symptoma, non verò causa sit. A quâ parte læsa læditur actio, ab eâ sanâ editur.

V. Nullam partē ali, nisi sanguine, qui prius cordis ventriculos transierit, in confesso est; nutrimentum verò in eo elaborari, ut melius alere possit, negamus; sed in foetu sanguinem in vesiculâ prius conspici, & dein hepatis parenchyma, imo, ipsius cordis carnē temporis progressu inde generari, verum est: sed quonam inde desumpto argumento probetur, sanguinem, in auricularum sinubus, vel cordis



dis ventriculis mutari elaborarive, aut aliquam alendi nancisci aptitudinem, non video.

Neque quidquam urget ex hepate persæpè profluxisse sanguinem crudiorē, is multis reïteratis circulationibus excoctus, & à recrementis purgatus, idoneus redditur, neque opus habet ut in hepate denuò coquatur aut in corde perficiatur; solum, ut hujus ope, postquam in pulmone novam singulis vicibus polituram nactus, in arterias impellatur, necessarium est.

VI. A corde omnem animantibus calorem accedere verum est, non quia cæteris visceribus magis calet, sed quia, per accidens scilicet, hujus motu is in partibus, per quas subito transit sanguis, excitetur: signum evidens sanguini in corde à calore perfectionem non accedere, adeoque cor primariam sanguinis officinam non esse.

## CAP. XI.

*Instantia supra datam responsionem è Cartesii methodo desumpta : quare venosus arterioso sanguis crassior : sanguificationis organum cor non esse, neque ipsè consummationem imponere probatur.*

**P**RO instantiâ super hâc responsione inservit, & sanguinem elaborari in corde probare videtur, cùm ibi evidentem mutationem fubeat : hoc firmatur asserto Clarissimi Nobilis Viri R. Cartesii, qui in probationem sui ignis, quem statuit à Deo in animantium corde conditum, omnis motus & actionum (sic etiam circulationis sanguinis) auctorem esse, hæc method. pag: 47. adfert. Differentia quæ observatur inter sanguinem qui è venis exit, & eum qui ex arteriis promanat, aliunde oriri non potest, quàm ex eo quod transiendo per cor rarefactus & veluti destillatus fuerit, atque ita subtilior, vividior & calidior sit, statim atque inde exiit, hoc est, cùm in arteriis continetur, quàm esset paulò antè

*antè quàm in eas ingrederetur, hoc est, cum in venis stabulabatur. Et si probè attendatur, comperietur, hoc discrimen non apparere manifestè, nisi in viciniâ cordis; minùs autem in locis ab eo remotioribus.*

Assumit Clarissimus Vir arteriosum sanguinem venoso tenuiorem esse; neque abs re, siquidem venosus effætus nonnihil aëreæ substantiæ deposuit, & quam adhuc servavit fortè, fuliginosior & tardior, vivacitatem priorem non retinuit; cui accedit, quod liquoris nonnihil insensibili transpiratione, etiam cum sudore & urinâ separatum & excretum sit: si crassitiem aliquam in partibus exterioribus refrigeratus acceperit, cum frigore hanc deposuisse confido, antequam ad cor deventum sit.

Concesso arteriosum venoso tenuiorem esse, tenuitatem arterioso accedere posse negat, nisi quod à cordis calore sit rarefactus & quasi destillatus (de cordis calore paulò pòst agere

decrevimus) ratio ejus est, statim ab exitu subtiliorem, vivaciorem, & calidiorem esse quàm antè introitum. Si clarissimus Vir introitum prioris & exitum posterioris ventriculi intelligit, concedimus sanguinis consistentiam imò colorem nonnullam accepisse mutationem, non verò in corde, sed in pulmonibus ob rationes antedictas: si verò de singulorum exitu & introitu loquatur, expressè negamus, sanguinem ventriculum dextrum consistentiâ aliâ egredi, quàm intraverat; neque unquam demonstrabitur sinistrum ventriculum sanguinem crassiores ingredi, quàm paulò pòst egreditur.

Sanguificationis organum cor nominare quam sit absolum exinde patet; quòd ea, non ab unâ parte seu instrumeto, sed à pluribus perficiatur; dum enim plures sanguinem constituentes res concurrere, & diversimodè elaborari conveniat, (quemadmodum

dum non omnis fert omnia tellus) nec una pars, res specie tam diversas supeditare, nec tam diversas operationes præstare, nata est.

Si porrò consummationem sanguini à corde imponi quis dicat, hisce credo argumentis evincetur.

Primò, quia in corde sanguini nihil quidquam additur vel adimitur: in ventriculo adjicitur cibo potuique assumpto liquor ex ejus tunicis in capacitatem exsudans; in intestinis tollitur quod crassius & ineptum est; in pancreate & mesenterii adenibus chymo sanguinis juxta quantitas additur, quæ ad majorem dilutionem in portæ ramis, administrante liene aliisque visceribus, egregiè augetur, ut tandem ab hepate, additâ, mediante suâ cysti, bile, absoluto per dedalios meandros cursu, exinde una, undique similis, massa constituatur.

Cordis operâ nihil hujusmodi sanguini advenit, dum nulla sunt administran-

nistrantia vasa, quæ vel quidquam adferant, vel ab eodem separati aliquid abducant.

Arterias coronarias iisque junctas venas præstare hoc nullus puto existimat ; minores enim sunt quàm ut communi & tam magno opèri inservire possint.

Solent per quam benè auctores, Medicinæ procures ; ex vasorum magnitudine, dum cernerent longè majora parti cuiusdam contigisse, quàm pro administrando nutrimento indigeat, metiri, alterius gratiâ, à nihil frustra faciente naturâ, id esse factum : liceat sic etiam nobis, ab eorum exiguitate sumpto argumento, concludere, non alteri muneri, quàm alendo cordi coronarias esse datas : tanto magis, cum partibus aliis secundum hanc ferè proportionem vasa tribui constet.

Si sanguini à corde impartiretur perfectio, ad minimum, aliquam inde sub-



subiret mutationem, cum nulla percipi possit, sed qualem ab auriculâ accepit dexter ventriculus, talem in pulmonis arteriam exonerat, talem etiam, qualem sinistra largitur auricula, sinister aortæ sanguinem tribuit; mutationem vel color, vel consistentia proderet.

Qui cordi hæmatosin ascribunt, ventriculo ejus sinistro majorem inesse potentiam statuunt; sed videsis, quanta exinde sequatur absurditas, pulmones imperfecto alerentur sanguine, quia ab aortâ, vel sinistro ventriculo, ne quidem arteriolam accipiunt; neque retrogradè perfectum, sanguinis motu & valvulis impediētib, habere possunt.

Ratum itaque sit & certum, cordis ventriculos sanguini solummodo <sup>con-</sup> meatum, quem cum venis & arteriis <sup>hi:</sup> habent communem, exhibere; carnem verò eundem fortius impellere: cum enim venæ auricularum adju-  
men-

mento in longè diffita membra sanguinem invalidæ impellere non possent, cor ipsis pro juvamine adjunctum videtur, ut viribus pollens majoribus, auricularū defectum suppleat:

## SECTIONIS III.

## CAPUT I.

*Anne cordi major insit quàm visceribus aliis calor: affirmantes veterum rationes impugnantur: Cartesii de calore sententia: hanc quænam applausibilem faciunt, cordis compositione & rationibus venientibus: auricularum motus cordis prior & posterior.*

**D**UCIT nos ordo ad tertii propositi examen: Anne cordi major quàm visceribus aliis insit calor! Quæstionis hujus affirmantes partes eo usque sustinent veteres quotquot sunt & nostri ævi philosophi, ut tamquam axioma à nemine vocetur in controversiam, & quemadmodum nummos, ad id quod cognitissimum est, probant vulgò, eodem quasi modo huic sententiæ,

tan-

tanquam firmo omnibusque cognitiſſimo fundamento, ſuperſtruunt unanimiter omnes cordis præeminentiam & principatum ſuper aliis partibus, omneſque eidem potentias ab omni ævo conceſſas, & noſtris etiam temporibus aſcriptas.

*Ariſtot. de juvent. & ſeneſt. lib. cap. 4.*  
ex corde principium caliditatis, & animam tamquam in hâc parte ignitam, dependere dicit.

*Galen. lib. de form. fœtus cap. 3.* cor, quaſi ignis focum, animalia ſortita eſſe aſſerit.

Ab hoc calorẽ, quo corpus animalis ad tactum calidũ apparet, in omnia membra diffundi vulgò exiſtimant.

At tactus de calore ſententiam ferre poteſt, neque fides abroganda de proprio objecto ferenti iudicium: aperto vivi animalis pectore, tantus calor in corde tactu non percipitur, neque exploranti major quàm aliorum viſcerum obſervatur.

Me-

Medici omnia quantum possunt sensu dijudicant, & quod imperceptibile est, nullum esse dicunt: annon jure major in corde calor esse negatur, quia tactu imperceptibilis? Non inferendum est manus cuticulam nimis esse densam, neque eandem frigidiorē; per moram innotesceret, multum enim refrigerati luculenti ignis calorem non statim sentiunt, quem postea non ferunt.

Animadvertendum etiam est ad cordis substantiam, num sit ad hujusmodi calorem satis apta: potenter agenti respondere debet idoneum subjectum, caro tanto calore ferendo non est, si ab eo humorum fiat ebullitio, ipsa caro facilè elixaretur vel affaretur: non satis est lampadi oleum, sed & elichnium requiritur subsistens & in flammâ durable.

Calor hic cordis est ingenitus vel affcitus, ille à novo adventitio succo tandem diminueretur & extingueretur,

retur, siquidem aliquid addi non potest quod æquè calet, nam à corde ipso tamquam ignis foco calefieri debet, atqui omne agens reactionem patientis ferre debet, unde tandem obtunditur; tepidum etiam caloris æstus mitigare notum est.

Aliunde debet accedere affcitus, sed unde, quæso, is procedet? an à parte minus calente mittetur? an à pabulo sustentabitur extraneo? aliud pro nutrimento cordi non advenit, quàm per arterias strophaleides; nequè earum sanguis alius est, quàm qui toti corpori in nutrimentum exporrigitur.

In aliis partibus calor huiusmodi vel major fortè excitaretur, sunt aliæ concipiendo calori aptiores, sicciore nimirum; quo etiam densiore inhæreat subjecto calor, eo intensior est.

Clarissimus Vir *Renatus des Cartes*, cujus ingenium non solum admiror, sed & philosophiam maximi facio,  
lib.

*lib. meth. p. 40. & 42.* auctor est, in corde humano Omnipotentem excitasse sive collocasse calorem seu ignem non lucentem (haud absimilem illi, quo fœnum incalescit, quando non siccum satis congestum est, aut quo mustum super vinaceis relictum ebullit) omnes corporis actiones exercens præter cogitare, quod solum hominibus, tanquam ab animâ rationali procedens, inter animantia proprium esse autumat.

A calore hoc sanguinis guttas in cordis sinus illabentes ait statim inflari & dilatari (aliorum liquorû modo cum guttatim in vas excessivè calens cadere sinuntur) unde tam arterias (nam eodem tempore portionem in eas aliquam dicit illabi) quàm cordis parietes attolli, valvulas intermedias aperiri, & in toto diastolem excitari; sanguinem verò, quia in arteriis refrigeratur, detumescere, valvulas dictas claudi; tam cordi quàm arteriis



teriis induci systolen; venarum valvulas aperiri, ut novo sanguini liberum faciant introitum, contendit.

Hunc sanguinis motum necessario sequi, ait, ex organorum dispositione, quam oculis videmus, calore digitis perceptibili, & sanguinis naturâ, quam experiëntiâ cognoscere possumus.

Placuit multis hoc effatum, applausibilis equidem est motus in animalibus causam è re evidenti colligere, quàm ad animam, cujus nos nescire naturam fateri cogimur, confugere: cui accedit, quod animalis vita, à calore inchoari, & in frigus terminare, quam evidentissimè cernatur.

Sed ab organorû dispositione, perceptibili calore, sanguinisque naturâ (ad quorum tribunal Cl. Vir causam suam dijudicandam offert) tamquam staterâ benè pensatâ re, sanguinis quidem talè circulatorium esse motû, sed à longè aliâ causâ procedere, patebit.

De

De calore egimus, organorum videamus dispositionem. Cordi concessa sunt quatuor communi operi vasa inservientia, duæ venæ, totidem arteriæ, binis ventriculis, dextro & sinistro aptatæ; utrique vena contigit & arteria, à venis acceptum sanguinem in arterias pari quantitate exponunt: venæ dotata appendicibus sive loculis carnosus (auriculas vulgò vocant) contrahendi vi præditis, præter innumeras, quibus, propter commodiorem sanguinis provectionem, scatet, valvulas in cordis introitu habent quinque, quæ à sanguine trans-eunte, spontè aperiuntur, à conante regressum clauduntur; quarum tres venæ cavæ ad orificium dextri ventriculi, duæ venæ pneumonicæ orificium sinistro ventriculo occludentes, contigère.

Arteriæ neque in meatibus valvulas, tamquam inutiles, (quia ipsarum actio est ubique una; nam omnes simul

mul eodemque tempore dilatantur; simul omnes, eodem momento, ad priorem constitutionem tendentes contrahuntur, vel ob externam prementem molem collabuntur) ulla, neque appendices seu auriculas, sed earum loco, cor affixum habent, in cuius exitu ab utroque sinu tres patentes, itidem adnexæ sunt valvulae, quæ, à sanguine regredi nitente, propter arteriarum contractionem, clauduntur.

Organis sic ritè dispositis, ipsis oculis æquus iudex tumentes sese auriculas cernit contrahere, & contentum sanguinè nullis resistantibus valvulis in ventriculos exprimere, atque cor exinde in tumorem attolli, & in diastolen exsurgere; hoc distentum, dum onus suum conatur contractione excutere, clauduntur à compressione, quæ prius patuere, valvulae auriculis appositæ, spontè viam concedentibus, quæ arteriis respondent.

Sed

Sed quia necesse non est, ut paribus viribus utrique concurrant ventriculi; dexter in solos pulmones eosque vicinos, sanguinem deponit; sinister verò toti corpori ministrando inservit, eundem extremis longeque diffitis, imo resistentibus partibus largitur.

Hinc monet cordis dispositio hauriendam esse rationem, quare tantâ carneâ mole sinister sepiatur, cum dextro tam tenuis, alteri comparatus, contigerit paries.

Notandum insuper, ob eandem rationem, valvulas cordis operationi resistentes, imparibus donatas esse fibris (lacertulos vocant) in sinibus è parietibus exortis & valvulis insertis, ut sint tamquam funes & retinacula, quæ inhibeant, ne, in contractionibus, ex ultra metam adaectæ, retinendo sanguini reddantur inutiles: in sinistro enim ventriculo copiosiores & multo firmiores reperiuntur.

Arte-

Arteriæ dum patentibus valvulis hoc sanguine affatim & insultu implentur, in molem attolluntur & in diastolem exsurgentes, pulsus faciunt; renitentibus verò & sese contrahentibus iisdem, à sanguinis compressi mole, clauduntur valvulæ earum oribus oppositæ, &, ne is denuò in cordis sinus recurrat, impediunt.

Hunc, propter cordis dispositionem, consecretaneum in motu ordinem, imò ipsam actionem, agendi que modum, in vivo animali, præcipuè majori (quia cordis collapsus & exsurgentia ob magnitudinem melius potest discerni) & moriente (cùm sint tunc tardiores motus) non solum visu, sed etiam tactu percipere facile est.

Cor fibras suas contrahens, & coactis viribus basi innitens, quo tempore mucronem attollit, pectusque, exterius perceptibili pulsu, percutit, fit ad visum mole minus, & ad tactum

præterquam quod contractius & durius sentiat, ejus diminuta quantitas, cum elevatur apex, apprehendente manu perbellè observatur sciscitaturque.

Addamus rationes. Partium omnium actiones cum contractione peragantur, quare cordi hoc denegabimus? constat enim carne contractili, instar musculorum firmiore tamen & validiore.

Adde quod, si hæc ab inflatione & detumescencia sanguinis attolli & concidere deberet, inepta foret; nam tam vasta consistentia, forti & vehementi actioni, magis convenit; flacidior passioni aptior est.

Si à præcedente auricularum contractione, quâ sanguinem ex exonerant, cor in molem attolli videatur, non imputanda diastole est calori dilatanti: sed prius verum: ergo.

Auricularum motum præcedere, & semper à principio præcessisse, in  
ovis



ovis singulis consequentibus diebus apertis luculentissimè apparet. In hisce primùm vesicula pulsans conspicitur, cui in dextram auriculam mutata, tandem cor adnasci cernitur.

Hoc & ratio monet; nam auricula eundem pulsandi rithmum, quem vesicula habebat, servat, cor ab eo diversum & distinctum motum habet. PB

Auricularum quia motus prior est, à cordis motu non dependet, ab eâ agente cor immediatè attollitur, non vice versâ, nam immediatè à corde nihil accipiunt.

Manifestum hoc etiam est, quia, corde non amplius pulsante, imo mortuo, adhuc auricula quolibet suo ventriculo respondens pulsat. Non pulsante plus ventriculo sinistro pulsat proxima auricula; eâ mortuâ, sius dexter adhuc vivere cernitur; quo cessante, supervivit dextra auricula; hac à motu abstinente vel ad

minimum conspicuo, observatur tremulus nonnullus in sanguine motus, à levi auriculæ morientis conatu in mobili sanguine (ut opinor) excitatus.

Partium itaque dispositio agendique ordo quasi digito indicat cor impletionem attolli; non verò ab intenso calore, sanguinem ineptum ad tam subitam elevationem, dilatante extendi; ingenitaque vi molestâ arcendi, suâ contactione acceptum in arterias deponere, sicque alternas diastoles systolesque, ab auriculis cordi, à corde arteriis excitari.

## C A P. II.

*Quanam ex sententiâ de sanguinis inflatione Cartesii consequantur absurda.*

**V**Ideamus quenam doctrinâ hanc de sanguinis subitâ inflatione & quasi ebullitione sequantur absurda.

Cogitur clarissimus Vir statuere uno eodemq; tempore peragi & cor-

dis & arteriarum diastolen : quod si verum, inutiles sunt harum ostiis appositæ valvulæ, quod, cùm natura nihil facit frustra, absurdum est asserere.

Notum est arteriis nullas contigisse, quia earum una, ubique per totum corpus, est simul incipiens & desinens diastole & systole, quæ si per cordis sinus simul extenderentur, non minus ibi valvulæ, quàm in arteriis, frustraneæ essent.

Adde quod nulla etiam illarum valvularum esset necessitas, quia nihil in arteriis, quod sanguinis regressum urgeret, reperiretur ; contrahendi vi non pollent, clarissimo Viro auctore ; neque in corpore conceditur frigus constrictione reperiens, quale etiam clarissimus Vir non desiderat, sed solum minorem calorem, quo sanguis detumescat, ut systolen faciat.

Secundò ; sequeretur valvulas arteriis junctas, à refrigerato & detu-

mescente sanguine claudi; quod est illo tempore, cum eas claudere sanguis minus valeat, aut opus sit, scilicet cum minus plenæ sunt arteriæ: verbo dictum sit, cum non conceditur occasio, nec potentia; nam propriâ non clauduntur contrahendi vi, neque cordis (quàm in epistolis ad Lovaniensem Medicum negat) neque arteriarum, sanguinem urgente, seu comprimente.

Præterea, si cordis systole fiat cum in arteriis refrigeratur sanguis; fit hoc, aut quia in iis, densato sanguine, conceditur è corde egressuro locus; aut quia unâ refrigeratur, qui in cordis sinubus est sanguis, ut unâ concidat.

Si prius verum, subsequitur cordis systole illam, quæ in arteriis est; hoc est, distincto tempore fit; quasi dicas; à frigore densatur sanguis, qui in arteriis est, quique inde fit mole minor, hinc aperiuntur valvulæ, & elabitur

bitur è ventriculis sanguis alius, quod omne uno tempore fieri non potest; probatur, quia, si valvulæ arteriarum post cordis diastolen statim clauduntur, detumentibus adhuc arteriis (nisi illa cessaret non clauderentur, nam sanguis egrediens, & extraneo non minus in agendo pollens non sineret eas claudi) fieret utraque clausio & apertio harum valvularum in arteriæ systole.

Si posterius verum; quare non refrigeratur à frigidioris sanguinis guttis ingredientibus? venarum siquidem arterioso frigidior, magis etiam in pulmone refrigeratus; atqui ab hoc inflatio augetur: unde sequitur, quod, in uno eodemque objecto, minus frigans majores edat effectus magis frigido.

Denique si, quod à calore liquefcit aut rarefit, id ipsum à frigore durescit & densatur: tenuitatem à cordis calore acceptam, in arteriis causâ fri-

goris etiam amittet sanguis, quod si verum, quomodo poterit poni inter venosum & arteriosum differentia, quæ Doct. Harveio pag. 47. metho. obijcitur?

Non accipimus responsionē (p. 136. & sequent. epistol. quæst. I. Beverovic.) datam ad objectionem Medici Lovaniensis (eiusdem libr. pag. 124.) in quâ præterquam quod concedat Clarissimus Vir sanguinem ex arteriis per extremitates in venas influentem, nullam ibi pati mutationem, ait, *in venis semper esse aliquas guttas, quæ ex arteriis non fluxerunt, quia nempe ab intestinis in illas semper aliquid humoris illabitur, itemque venas omnes unâ cum hepate instar unius vasis esse spectandas: nec non, contra positionem (pag. 47. method.) propriam, sanguinem debere easdem qualitates, quas acquirit à corde, in omnibus arteriis retinere. In hepate sanguinem fieri rubrum, atque ideo in venis nisi rubrum reperiri.*

Ab



Ab intestinis ad corporis venas non est via nisi per portam & hepar, quod ipsum nisi ramum à cavâ habet, cujus sanguis contra flumen natâre non didicit, neque illi magis, quàm è corporis habitu remeanti, valvulæ patent.

Præterea, si densatur & incrassatur sanguis magis, quò longius à corde recedit, quomodo capillares imò multò minores arteriolas ingredietur, etiam corporis poros permeabit ut alat? corporis enim minutissimæ portiunculæ, secundum omnes dimensiones nutriuntur & augentur, non externâ appositione.

Pedetentim etiam sanguinis motus progredieretur, si inflatione tamquàm ebullitione & refrigeratione peragi debeat (velocitas, quæ à calore datur, à frigore adimitur) præcipuè si guttatim procederet; etiam si tantum guttæ maxima pars simul è corde egrediatur, licet guttæ magnæ sint:

nam guttæ, guttarum terminos non excedunt.

Sed quare guttam tantum uterque ventriculus sanguinis admittit? nihil obest, quod non integer antequam elevari possit, impleatur: in procinctu est sanguinis copia, auricula premeas, lata via, & patentes valvulæ; præterquam quod tantam quantitatem cordis aucta & diminuta moles, atque arteriarum per totum corpus elevatio transire demonstrent.

Apertâ majori arteriâ omnis sanguis effluit, quod guttatim si cor ingrederetur, quamvis etiam magnæ guttæ essent, fieri non posset.

Quidnam quæso fit de sanguine cordis substantiam per coronarias arterias intrante. Anne & is inflatus in majorem molem attollitur, & retro movetur? Anne verò in cordis carne, ubi maximus debet esse æstus (quia inde ventriculi calent, dein propter quod unumquodque tale est, illud  
maxi-

maximè tale est) refrigeratur? non est credibile: venæ arteriis magnitudine respondentes, non alium quàm ab aliâ carne remeantem accipiunt.

Hisce adde, quod ligaturâ in vivo animali interceptâ aortâ, oculis cerneretur inflatio sive ebullitio, nec tam subitò cessaret præcipuè adhuc pulsante corde.

Cor è corpore exemptum, nullo ventriculorum servato ordine, si secundum longitudinem, vel transversim, utcumque libitum fuerit, in plura frustula diffecetur, nullis servatis ventriculis (qui occludi debent antequam latera elevari possint, in auram alias abiret elevantis ictus) unumquodque frustulum aliquamdiu salit, imo sese contrahendo & erigendo, ambientis aëris molestiam conatur excutere, postque singulos insultus (quibus frustula minora fieri facile cernitur, præcipuè si majora inspiciantur) laxatum concidit, ab opere

desistit, & post quietem exilem, primò satis brevem tandem longiorem, erectionem repetit; si interim acu vel stilo pungatur, aliâve molestiâ afficiatur in diversos novosque se erigit subsultus ut injuriæ externæ se opponat, sine ullo caloris, ebullitionis, aut dilatationis, ingredientisve humoris indicio.

Non aliter in corpore cor integrum solet, à distendente sanguine illatam molestiam, sese contrahendo, arcere, postque singulas actiones ab opere desistere & quiescere, quo tempore denuo ab auriculâ novo sanguine impletur & obruitur, ipsique rursus contrahendi occasio offertur.

Contractionis hujus cum calor, ebullitionis aut dilatationis auctor (cujus omnino contrarium effectum patet esse) causa dici non possit; ab animâ opifice, actionum omnium causâ efficiente, secundum ubique ab omnibus receptam opinionem, ego ad  
con-

ad contractionem vivificatum corpus impelli existimo.

Nullæ corporis dispositi actiones peraguntur, nisi cùm partes arcent aliena & molesta; contractione una pars alteram movet extenditque; in contractione & subalternâ quiete consistit vita, quæ, à contractione inchoatâ, quiete terminatur.

Ab hâc opinione non abducit me Clarissimus Vir suâ quæstione Lovaniensi Medico, *Epist. quæst. Beverovic. pag. 127.* pro exempti cordis motus causâ disputans: *quo pacto ab animâ humanâ ille motus pendebit, qui etiam in cordis partibus divisus reperitur, cùm animam rationalem indivisibilem esse, & nullam aliam sensitivam vel vegetantem sibi adjunctam habere sit de fide?* Cæterorû animantium motum animæ non videtur hâc quæstione derogare, difficultatem solùm movet super animâ humanâ, quæ me minus angit, hæc enim sub nullâ dimensione comprehensa

hensa & incorporea, cum non amplius suo corpore finita est, nec circumscriptionem, nec divisionem ullam pati potest, nec passura est, antequam extremo die suo corpore denuo vestita judicanda resurgat.

---

### C A P. III.

*Do calore sanguinis : caloris definitio : elementorum qualitates in mixto manent : unus in omnibus calor solo gradu differens : quomodo calor è sanguine eliciatur,*

**E**X hiscè ego satis superque elici posse confido, nullos in corde elaborari spiritus; nullamque sanguinem in eo pati mutationem, multo minus perfectionem acquirere; denique majorem in corde quàm aliis visceribus nullum esse calorem. Quid de principatu, & imperio, quo in corpore pollere dicitur, sentiendum restet, sit penes æquos judices.

Unum adhuc solvendum superest; unde scilicet calorē nanciscatur sanguis, & unde partibus vividus reficiens-



ciensque calor accedat, si à corde cundem non habeat : certum enim est calorem cum sanguine in partes omnes deferri, partium inde calorem augeri, easque inde refocillari; quò etiam plus habemus sanguinis eò nos plus calere.

Calor tactibilis qualitas, calidique subjecti forma, elementi ignei est effectus : definitur Philosopho qualitas activa, homogenea congregans, heterogenea segregans : motu hæc peraguntur, motu mixti compages dissolvitur, & singula dissoluta ad sua primordia moventur, cum ignis activæ suæ vi mixti (quod contrariorum unione constat) partes movendo concitat & disjungit: singulis ad sua tendentibus, facillimè igneæ particulæ, ubi major est confluxus, junguntur, unde ignis vires assumens, majorem combustibilitatem particularum motum, excitat.

Præbuit hoc fortè ansam Doctissimo Viro H. Regio, quod (*disput. medic. prim.*)

*prim. thesi 17. & fundament. physie. p. 98.)*  
calorem vocaverit variam agitationem seu motum insensibilium particularum.

Mihi non motus aut agitatio esse videtur, sed aliquid, quod motu è subiecto producitur modo dicto : è quo facile capitur ratio, quare, quò motus sit fortior & celerior, faciliùs in rebus calor excitetur; nam heterogenea quantò citiùs magisque separantur, tantò igneæ particulæ, in omnium rerum fabrica convenientes, commodius conjunctæ vires suas exerunt & calorem inducunt; qui augetur, cùm, aliarum rerum compagem dissolvendo, sibi igneas particulas, ex istâ materiâ effluentes, copulet.

Constant enim cuncta quatuor elementis, quorum singula suis integris concurrentia viribus, dum mixtum constituitur, qualitates integras servant, & datâ occasione exerere nituntur,

tur, naturaliterque exerunt, quantum compages ferre potest, & quamvis eas potentiori formę subicere cogantur, non tamen intereunt, neque etiam unum in alterum mutatur.

*Nullius exitium patitur natura videri.*

Ignę particalę in tantum ab aliis concurrentibus elementis obtunduntur, ut tamquam sopitę nullas exere-re vires possint, & ne sensum aliquando moveant, imo omnino extinctę videantur; quę tamen motu & contritione, præsertim in rei dissolutione, aliãve juvante causâ, unitę, non solum calefaciunt, sed interdum urunt & flammam movent.

In nimis fortiter mixto, quàm ut dissolvi queat, illę externi ignis adjumento adedò nonnunquã intenduntur, & in actum moventur, ut alias elementares mixti partes longè superent, quę tamen, externo agente ablato, ad naturalem constitutionem mox redeunt.

Quam-

Quamvis ignis actiones, pro gradu excedentiâ, tam in animali, quàm in re inanimatâ, varias edat; in omnibus nihilominus unus idemque calor est, elementaris scilicet, neque præter eum ullus alius reperitur, sive constituens, sustentans, seu interimens dicatur; sive cœlestis, naturalis, temperamenti, innatus, insitus, influens, sive præternaturalis, febrilis, universalis, particularis, sive alio quovis nomine indigitetur, solo modo & graduum exsuperantiâ distinguitur, non secundum formam.

Neque aliter differt, qui externo tactu percipitur in vivente, ab eo, qui ad compositionē partis alicujus confluit, cujus forma etiam post mortem aliquamdiu persistit, quamvis omnis antea perceptibilis calor effluerit, totumque cadaver frigere sentiatur, donec putredine ejus compages dissolvatur, & singulæ particulæ ad sua primordia recedant, quo motu  
igneæ

igneæ conjunctæ, calorem faciunt tactu perceptibilem, præcipuè eventilatione prohibitâ ; eâ enim liberâ, in auras diffarentur antequam uniri & sensibilem calorem efficere possent.

Si in corpore vivo alicubi contingat infarctum putrescere, id tandem eruptione factâ turgens, cætero humori mixtum ejusdem calorem auget ; nam acrimonia, aut alienâ qualitate molestâ partes irritando, & ad celeriolem propulsionem eas incitando, sanguinis efficit motum citatiorem, unde major calor inducitur : non aliter (si non magis) quàm si cibus potusve calefaciens, multas igneas in se habens particulas, pro nutrimento assumptus esset.

Quemadmodum extra animalis corpus excitatur produciturque calor, cùm scilicet suis vinculis liberatur, sic is, in eodem, motu creatur, & è nutrimento educitur : hoc à partibus (ab animâ vivificatis & impulsis)

agi-

agitatur, concitatur, minutissimèque dividitur, in quâ actione, celeri & indefinente motu convenientes ignei (liceat sic dicere) atomi, vires suas, uniti, calore manifesto, elucescere faciunt.

## C A P. IV.

*Quæ requirantur ut sanguis possit calefieri : sanguis unde mobilis : quomodo fiat nutritio : minutissimè sanguis divisibilis.*

**R** Equiritur in actione hâc seu caloris in animali productione, primo sanguinis mobilitas; dein aliquid movens; denique viarum dispositio per quas moveri, & quibus, tamquam terminis, movendus contineri possit.

*vi* Mobilitatem partim à seculo habet, sed maximè ab aëre, qui in pulmone sanguini additur, hoc mediante in tenuissimas partes indefinitè divisibilis omnes etiam quam densissimas partes pervadere potest.

Tanta



Tanta est inter divisibilitatem mobilitatemque affinitas, ut quò aliquid facilius minutiusq; dividi natum est, eò est mobile magis. Mobilitas summo opere sanguini est necessaria propter nutrimenti distributionem.

Nutritio enim humoris nutritii cum singulis partibus unio est & assimilatio, quòd nutrimentum unum simile vivens deveniat, cum parte nutriendâ, non externâ appositione peragitur, sed id membrorum etiam minutissimas particulas eatenus penetrare & pervadere debet, ut iis secundum omnes dimensiones addi & uniri queat.

Observandum itidem est, non totum, qui advehitur, sanguinem uniri; habet siquidem in se idem varias & diversas particulas, quarum nonnullæ isti, cæteræ alteri parti magis convenientes & aptæ sunt; nullæ tamen, nisi similes quæ sunt, appositæ adhærent & debite assimilantur,

reli-

reliquæ ineptæ ultra tendentes in venas remeant: si major, quàm quæ exhausta est, copia additur, fit accretio; si verò portio prius adhæsi una rapiatur, fit decretio & partium extenuatio.

Sanguinis mobilitatem demonstrat ipse præparandi modus, non enim in vasa lactea nisi tenuior mobiliorque chyli portio admittitur, quæ postquam mesenterii glandes & pancreas prius transierit, percolato venoso sanguine diluta, & aliquantulâ bile mixta, vastam parenchymatis hepatis substantiam percurrit, & tandem in pulmonibus aëre imbuta mobilitatis requisitam perfectionem adipiscitur; quàm autem mobilis, divisibilisque sic præparatus sanguis sit, docet quæ in singulis partibus nutritio & auctio hoc mediante peragitur.

Quantum etiam ea divisio ad caloris præbeat educationem, ipsa experientia testis est, attrita siquidem & levi-

levigata medicamenta multo citius potentiusque agere, quam integra conspiciamus.

Galenus locum afferre lubet, qui, lib. 1. de med. simplic. facult. cap. 11. sic habet. Eorum, quæ facultate calidâ esse n. confesso est, nullum omnino nos calefacit, rursusquam tenuissimè sit comminutum: piper integrum corpori appositum, nullam caliditatem edit: si pollinis, instar cui lingue re inspergatur, excalefacit; præcipuè si frigitur.

C A P. V.

Quare moveri sanguis debeat: præcipuum movens instrumentum cor: transeuntis copia unde colligatur: cordi auxiliantur arteriæ: harum agendi vis probatur: quid ad motum singula præstent partes.

**M**obilitas hæc sanguinis ad caloris productionem non sufficit sola, nisi enim is à quodam urgente impellatur, & motu celeri conciteur, non calefieret; particulæ quoniam igneæ nisi conjunctæ calefaciunt;

ciunt ; motu eæ celeri eliciuntur, dum enim præ aliis celeritate pollent, ante alias exsiliunt, & vinculis liberatæ cœunt, ut vires exerceant.

Quamvis, ut moveri possit, sit dispositus sanguis, quia tamen vitâ destituitur (non minus quàm spiritus, si ulli in corpore reperiuntur) semet ullo modo movere non valet : ab animâ enim omnis est actio : neque aliquid nisi animatum sentire, aut se movere potest, solum ea corpus & ejus partes vivificat, quibus ordine & debitè aptatis suas potentias in actum ducit.

Hæc anima motrix & impultrix ad opus hoc in primis cordis utitur ministerio, quod vastâ contractili carne dotatum, acceptum ab auriculis sanguinem (sine aliâ, quàm semet à molesto pondere liberandi, intentione) in arterias onus hoc, sese contrahendo, promovet, tam crebris & celeribus pulsationibus, ut ex illis, nec non  
con-

contracti & dilatati cordis comparatione, ostiorum patentium magnitudine, & arteriarum per totum corpus ad singulas cordis contractiones, tangibili elevatione, factâ conjecturâ colligere facilè quisvis possit, quàm celeriter perenni motu sanguis partes omnes pererret atque transeat.

Cordi in actione hâc secundant arteriæ & cæteræ partes omnes: illæ impletæ & cordis agendi vi distentæ, cùm contrahuntur & vicinarum mole premuntur in singulas partes, pro re natâ, eundem dispensant: pneumonica scilicet in pulmones, aorta in integrum corpus, nullâ gravitatis, aut levitatis factâ differentiâ: neque enim levior sursum, aut gravior deorsum tendit; sed uno impetu sine aliquo discrimine ad minùs renitentes, aut magis inanitas partes movetur.

Ne quispiam existimet, quoniam dictum antea est, ab impellentis cordis actione, in arteriæ vulneratæ dia-

K                      stole,

stole , sanguinem impetu proflire , ideo sanguinem propellendi omnem vim à solo corde manare, neque arterias ad id quippiam tribuere, quoniam, dum implentur, exsilire is videatur.

Non concluditur inde sanguinem in arteriarum systole ulterius non moveri ; collabuntur enim & contrahuntur ut denuò in diastolen insurgere queant, & quamvis tunc è vulneratâ arteriâ tam magno impetu, ut salire possit, non egrediatur, elabitur tamen quemadmodum è venâ, & quantum concidentia labia effluere admittunt.

Quanta arteriarum in protrudendo sanguine sit potentia, manifestè ab injectâ ligaturâ patet, vix enim eâ, in vivente , arteria etiam magna constringitur, quin statim ultrâ vinculum, tempore , quo vix tres quatuorve pulsationes peragerentur, omnino inanitur, quamvis à cordè, impedi-

diente



diente fasciâ , nullum procedentem  
sentiat impulsû.

Partes omnes & singulæ nutriendę,  
dictarum arteriarum actione, sangui-  
ne seu aliturâ usque adeò imbutæ, (ut  
etiam distendantur & intumescant )  
alienum omne & molestum naturali-  
ter exprimere & expellere tentant :  
nam præterquam quod renitentiâ &  
suo pondere receptum seu contentum  
humorem remove natae sint , qui  
plures in se particulas etiam diffimi-  
les, quæ in substantiam viventem ver-  
ti & assimilari non possunt, continet ;  
dein, quia sine cessatione aut requie,  
indefinenter novus priori succedat, ad  
hoc illæ tanto magis invitantur. Hu-  
jus veritatem remeantis , è corporis  
habitu in venas, sanguinis proventus  
docet.

## CAP. VI.

*Sanguinis motui destinata via : quomodo ea disposita : quare venis non arteriis valvula : quare eae cordi : quousque vasorum ductus extendantur : quid pro corporis habitu accipiendum : non necessaria, ad sanguinis motum, manifesta anastomoses : de iis Cartesii, item Harveji sententia.*

**P**Artes vias constituentes, per quas sanguis meare, & quibus tamquam terminis contineri ejusque calor conservari possit, sunt cor, arteriæ, totius substantiæ pori, & venæ cum suis appendicibus.

Vena cava cum ramis & suâ auriculâ, dexter cordis sinus, & arteria pneumonica simul meatum faciunt, quemadmodum vena pulmonis, ejus affixa auricula, cordis sinister ventriculus & arteria aorta cum suis propaginibus alterum. Horum singulus unus est & continuus, omnino immunis, quod ipsis oculis est conspicuum, valvulis tantum pluribus in locis recursum impredientibus obsitus.

Hæ

Hæ venis, in cavitatibus, plurimæ & innumeræ sunt adnatæ, cùm, quia partium corporis inæquales sunt motus, tùm, quia externo compressu, ob tunicarũ mollitiem facilè connivent, unde sanguinis non solum motus impediri, sed is magno corporis damno retrorsum premi posset, nisi à naturâ valvulis id præventum esset.

Ad cordis introitum & egressum tantum ob primam rationem sunt adnatæ, scilicet, quia auricularum, cordis & arteriarum non est unus, sed diversus motus: arteriis nullæ sunt concessæ, quia uno impetu à cordis actione elewantur, atque eâ cessante simul contrahuntur & concidunt; dein quia propter substantiæ duritiem vicinarum partium mole non facilè sicut venæ comprimuntur.

In meatibus hisce sanguini à corde aut arteriis nihil quidquam, præter concitator motus accedit, omne quod habet per venas additur; non

K 3 quod

quod ipsæ aliquid de suo tribuant, sed totum, quod in meatu seu capacitate continetur, à partium substantiâ defluxit.

Ductuum descriptorum principia unà cum venis incipiunt, sicut termini unà cum arteriis desinunt, quæ utræque partes similes sunt, sic dictæ, quia sibi ubique sunt similes, & quælibet earum pars simili nomine, vena & arteria vocitetur.

Ubi igitur illæ eatenus partium substantiæ inseruntur, & divaricationibus seu divisionibus plurimis adeò implicantur, ut nomen & similitudinem omnino amittant, vena aut arteria appellari desinunt, sed pro substantiâ, quæ ad partium nutriendarum structuram confluit, accipiuntur.

Ibi cum venis incipiunt ductus, & cum arteriis desinunt, nomenque amittunt: & quemadmodum, quod iis continetur sanguis, sic, quod solidum

dum in toto ultra terminos est, corporis habitus & substantia nuncupatur: hæc poris undique pervia, sanguini per dictos meatus advecto, in pulmonibus prius subtilisato & mobili reddito, per intima sua penetralia transitum concedit, ut etiam minima partis portiuncula secundum omnem dimensionem nutriri & augeri possit.

Non necessarium esse existimo, anastomoses arteriarum & venarum ad intuitum manifestas statuere, si quidem per ipsam corporis substantiam is exquisitè divisibilis permeare potest; per carnosam quidem velocius, quàm per compactiorem; tantâ tamen actionis concordia, ut una alterius operi non obsit, aut (dum corpus sanum existit) illud impediat.

Clarissimus Vir R. *Cartesius* hæc anastomoses tam ponit esse necessarias, ut, per has solas esse datam viam ad sanguinis circulationem perficiendam,

dam, credat; inò tam manifestas & patentes, ut, ex arteriis per earum extremitates in venas influentem, nullam ibi pati mutationem, & si venosi & arteriosi sanguinis sit aliqua differentia, hanc ipsi, quia aliquid ab intestinis & hepate affluerit, acquisitam asserat (quod paucis verbis refutavimus.)

Inventi hujus laudem Medico Anglo tribuendam dicit, quod glaciem illam fregerit, scilicet dubium solverit, quare venæ non inaniantur, & arteriæ non rumpantur, cùm omnis sanguis, qui cor transit, ex illis, in has influat.

Verum quidem est, quod Venerandus *G. Harvejus*, suæ circulationis doctrinam magis possibilem susceptiblemque averfantium mentibus dum reddere conatur, (quoniam aliqui, ut ipse ait, nil nisi adductis auctoritatibus admittunt) *Galen*i locum (*de usu part. 6, cap. 10.*) afferat; ubi is in toto  
mu-



mutuam anastomosin atque osculo-  
rum apertionem arteriis simul cum  
venis esse dicit.

Sed Venerandus Vir solummodo,  
in quantum prodesse possit, locum il-  
lum citat, quamvis per corporis habi-  
tum transire sanguinem ejus mens sit:  
neque sine ratione, siquidem dicto  
modo fiat nutritio.

Præterea manifestum est, quod, si  
pars quæpiam, ubi nulla omnino con-  
spicua est vena, vulneretur, sanguis  
inde exsudet, aut effluat: contracta  
ossa, totius corporis partes siccissimæ  
& solidissimæ, carnem, sanguinis in-  
dicium, in fragmentorum labiis pro-  
ducunt, (quam mobilibus fragmentis  
adnatam non semel vidimus) quâ illa  
concreescunt & invicem colligantur,  
hâc tempore ossescente & in callum  
degenerante.

## CAP. VII.

*Motu calorem excitari probatur, tam in non animatis  
quàm animalibus: de loco ubi is educatur: con-  
cluso.*

**C**onstat itaque sanguinem esse summè mobilem, & in minutissimas particulas indefinitè divisibilem; cor etiam, arterias & omnes totius corporis partes eundem indefinienti, forti & quam velocissimo motu, per meatus primùm apertos & impeditos, dein corporis substantiam exiguis poris perviam & transitum, dum sana sunt omnia, non impediētem, ciere & potenter urgere.

Motu calorem excitari manifestum est: videmus, quæ fricantur, incallescere; collisos filices scintillas emittere; gravi concitato motu etiam ligna flammam concipere: cū tamen, sicuti etiam stirpes, metalla & inanimata, quia immobilia sunt, frigeant.

Ani-

Animalia etiam minora & imperfecta, licet vitâ fruantur, ob motus exiguitatem, non modò non calent, sed ad contactum frigent, non obstante, quod ad eorum constitutionem & fabricam satis copiosè igneæ particulæ confluxerint: quod millepedes, locustæ, cantarides, suo probant exemplo, nam si introsumentur, aut externè humano corpori applicentur, urunt & exulcerant.

Si cursu aut alio quovis exercitio corpus exagitetur, unde sanguis celeriori motu ciëatur, totum corpus inde magis incalescit; quod itidem fit, cùm cibis acribus & medicatis vel meraciore potu, copiosiore nutrimento, aut aliâ de causâ, sive salubri, sive morbificâ, partes corporis irritatæ sanguinem solito citius promoveant.

Auctore Galeno (*de morb. causis lib.*)  
*universa corpora plus incalescere solent motu improbo, vel ex putredine, calidioris cor-*

*poris viciniâ, vel ex astrictione, alimento calido.*

Si proximas causas enumerare quispiam desiderat, hæ sunt, quæ particulas igneas jungunt, aut in actum educunt: alimento administratur materia, è quâ motû eæ eliciuntur; calidi viciniâ ad edendas vires juvantur, mixti vel partis formâ manente; impeditâ e ventilatione præcavetur, ne diffilentur, & in auras abeant.

Motu itaque calorem è rebus educi certum est: sed ubinam, aut ubi loci in animali id contingit, an in cordis ventriculis? Siquidem hoc sine morâ movetur, primum præcipuumque promovendo sanguini inserviens organum est; dein quia omnis ad illos sanguis confluit.

Verum est, cor, non primum quidem ordine, sed præcipuum movendi sanguinis instrumentum, dispensatoris officio fungi, cujus operâ in universum corpus nutriendis partibus el-

elaboratus distribuitur : sed quoniam manet ibi compacta & integra sanguinis massa, cujus compositio caloris augmentum quantum potest , impedit & averfatur , cordis ventriculis affcribi non potest, quod sanguini calorem augeant, vel quod in illis ex eo calor eliciatur.

Existimo ego, ubicumque nutritio fiat, ibi evidentissimè hanc actionem peragi; atque partes, dum nutriuntur, incallescere : tunc sanguinis compositio dissolvitur, isque minutissimè dividitur; tunc etiam compedibus liberatæ igneæ particulæ & unitæ, vires suas calefaciendo exerunt.

Quod si, pro temperamenti exigentiâ, partiumque compositionis & unionis tolerantiâ, debitè peragatur, calor blandus & naturalis excitatur, actiones etiam totius corporis omnes, secundum naturam rectè, prout in sano requiritur, eduntur.

Sin verò sanguis quantitate qualitateve,

tateve, tam propter internas, quàm  
externas causas, peccans, vel exerci-  
tia immodica, animive affectus ma-  
jores, & quæ concitatiores, quàm  
par est, motum excitare possunt, ca-  
lorem modum excedentem accen-  
dunt, corporis actiones turbantur, fe-  
bres inducuntur, & in quâlibet parte,  
secundum temperiei & meatuum dis-  
positionem, symptomata moventur :  
quorum enumeratio dum metas no-  
stras excedat, satius erit demonstra-  
se, cor, in animalis corpore, nullam  
habere præfecturam aut principatum,  
neque spirituum officinam, neque  
sanguinis fontem esse, quia majori  
nullo præ cæteris visceribus calore  
pollet.



## APPENDIX.

*Anne Harvejus sentiat cordis ventriculos in systole dilatari, ut sanguinem recipiant, & in diastole constringi ut eundem extrudant: tale è Cartesii suppositis sequi: cujusnam potior de systole & diastole sit sententia.*

**N**ON video quâ ratione sit inductus Clarissimus Vir R. Cartesius, ut asserat Venerandû D. Harvejum sentire, cordis ventriculos in systole dilatari, ut sanguinem recipiant, & in diastole coarctari, ut illum in arterias extrudant. Staterâ hanc rem pensemus æquâ.

Clariss. Vir, cor propter subitam sanguinis elevationem, & quasi ebullitionem, (*epist. quæst. Beverov. p. 176.*) à calore ejus insito excitatam, non aliter quàm si in vas excessive calens guttatum quendam liquorem infundas (*method. pag. 42.*) intumescere & in diastolen attolli, eo tempore, dum per-

percutitur pectus, & externè pulsus sentitur, existimat.

Venerandus *Harvejus*, cor, eodem tempore, quo pectus ferit, fibras omnes tendere, semet erigere, undique contrahi, depleri & inaniri, atque in systole esse, asserit, & probat.

Idem tempus, quo hic systolen fieri contendit, ille diastolæ tribuit.

Anne propterea *Cartesio* licitum est *Harvejo* ascribere, quod ejus menti contrarium est? ac si cor dicat dilatari & sanguinem recipere in systole, quia *Cartesius* eo tempore systolen fieri contendit, quamvis ipse diastolen tunc fieri asserat & demonstret: pari jure idem de *Cartesia* posset dicere *Harvejus*, sed videamus in quem sit cudenda hæc faba.

Venerandus Doctor *Harvejus* animantis corporis indagator argutus, in cordis motu duo observat tempora, unum motus, scilicet quo cor seipsum movet & in actione est; alterum  
quie-

quietis, quo ab actione cessans, movetur & extenditur ab auriculis sanguinem immittentibus.

Hæc tempora ait manifestius posse distingui, accuratiusque observari, in frigidioribus animalibus; omnium optimè, in aliis calidioribus, cum mori & languidius tardiusque cor pulsare incipiat.

Tunc enim temporum periodi sunt longiores, qui in vegeto propter brevitatem vix discerni possunt; tunc etiam cernitur, peractâ systole, cor ab actione desistens quiescere, atque (in animali scilicet moriente) esse laxum, flaccidum, enervatum, & quasi inclinatum jacere.

Hoc tempore, ait, auriculæ se tendunt, constringunt, & sanguinem in ventriculos impulsu movent, quos dum distendunt, diastolen faciunt: quâ perfectâ, scilicet cum summè distentum sit, cordis motum incipere, dicit; quo tempore undique sese  
con-

contrahens & basi innitens erigitur, minorisque magnitudinis & longiusculum, mucronem fursum elevat, & pectus percutit.

Tempus hoc systolen, prius diastolen vocat: prius incipit depleto corde, & ab opere quiescente, desinit corde impleto; alterum tunc exordiens corde fibras omnes tendente & contrahente peragitur, & opere peracto desistit.

Sit penes æquum judicem, anne Venerandus *Harvejus* sanguinem in systole in cordis ventriculos dilatatos recipi, & in diastole, dum illi coarctantur, in arterias extrudi sentiat: præcipuè cum, pendente sub iudice lite, determinatum non sit, cujus sit potior sententia.

Enucleemus Clarissimi Viri de systole & diastole placitum, & scrutemur annon id, quod in alio carpit, è propriis scriptis manifestè consequi pateat.

Siqui-

Siquidem diastole & systole sua habent tempora, quibus mensurantur, & à se invicem distinguuntur; videamus quomodo principium unius & terminus alterius discerni, ex ejus supposito, possint.

Diaholes & systoles differentiam dignoscimus, vel solo tactu, pingui, ut ajunt, Minervâ, (quod in arteriâ explorandâ magis usu venit) vel adhibitâ ratione.

Priori modo, quia cordis (uti etiam auricularum & arteriarum) extensio diastole est, systole verò contractio; quod magis summæ extensioni tempus prope est, diaholes, quemadmodum systoles, extremæ contractioni proximum statuitur: diastole in mediâ ad dilatationem viâ incipit, & in mediâ ad contractionem definit; reliquum systole tempus adscribitur.

Altero modo, qui adhibitâ ratione est, incipere judicatur (cùm secundum Clariss. Viri sententiam sumatur)

tur) incipiente ebullitione, scilicet cum intumescere cum sanguine cor exordiat: systolen verò, cum, à refrigerato sanguine, concidere incipiat.

Quo velis modo capiatur, necessario sequitur sanguinem in systole cordis ventriculis admitti, & in dilatione seu diastole, eundem in arterias demitti.

Super priorem modum non cadit dubitatio: posteriori modo sequi restat. demonstremus, quoniam apertis verbis hoc ipse non asserat.

Sed pag. 44. & sequenti lib. method. inquit. Simul atque duæ sanguinis guttæ sunt ingressæ, nimirum in unamquamque cavitatem una, quæ statim rarefiunt & dilatantur propter calorem, quem illic inveniunt; quâ ratione fit, ut totum cor intumescere faciant, simulque pellant, & claudant quinque valvulas, quæ sunt in egressu, unde manant.

Videtur Clarissimus Vir asserere sanguinem intrasse antequam rarefactio



Etio incipiat, postquam, enim inquit, intrarunt guttæ, sanguis rarefit, qui facit diastolen, unde in systole intrasse manifestum.

Docet etiam consequentia: sanguis in ventriculos intrat, cum apertæ sunt venarum portis appositæ valvulæ, egreditur verò iisdem clausis, arteriarum apertis: atqui Clarissimo Viro valvulæ venarum in systole cordis apertæ, in diastole clausæ, ergo sanguis in cordis systole ventriculos intrat, non in diastole.

Præterea à dilatato sanguine in arterias intrante fieri earum diastolen supponit, systolen verò ab in iis refrigerato. Quare in arteriis, è quibus systoles causa manat, introitus & condensationis tempora magis distincta erunt, quàm in corde, à quo causa diastoles petitur, introitus & dilationis?

Sed quid multis demonstrationibus opus est? Doctissimus H. Regius Medicinæ

dicinæ in Ultrajectinâ Universitate  
 Professor Cartesianæ Philosophiæ e-  
 gregius sectator, *fundam. physicor. libr.*  
*pag. 183.* expressis verbis diastolen pul-  
 sus partem dicit, quâ cor à rarefcente  
 sanguine ex venâ cavâ in dextrum, & ex  
 arteriâ venosâ in sinistrum in systole illapso  
 secundum latitudinem & profunditatem  
 dilatatur & intumescit.

Et paulò pòst. Neque hæc pulsus pars  
 ex eo pro systole cordis habenda est, quod  
 abscisso vivi animalis cordis mucrone, ven-  
 triculi ejus hic arctari sentiantur & con-  
 spiciantur. Nam diastole cordis non ex ven-  
 triculorum dilatatione, sed ex ipso cordis  
 tumore, qui etiam arctatis ventriculis con-  
 tingere potest, est æstimanda.

Concludendum itaque est, Claris-  
 simum Virum (nam sanguinem acci-  
 pere non possent, quin dilatentur,  
 præcipuè à guttis, uti ipse ait, satis  
 magnis; quia viæ sunt valdè amplæ  
 & vasa, unde proveniunt, vehemen-  
 ter impleta sanguine & à quibus de-  
 tumef-

tumescunt, dum inaniuntur, auriculæ) statuere, quod in Venerando Doct. Harvejo carpit, ventriculos in systole dilatari, ut sanguinem recipiant, & in diastole arctari, cum sanguis in arterias extrudatur.

Annon optimo jure Venerandus Doct. *Guilielmus Harvejus* dicere posset Clariss. *Ren. Cartesii* de motu cordis sententiam proprio experimento jugulari: quo infantis *Harveji* opinionem expugnatam & jugulatam ire contendit? Quoniam eatenus jam devenimus, ut horum doctissimorum virorum discrepantes opiniones sciamus, videre non erit abs re, ex utriusque collatis rationibus, cujusnam sententia de systole sit applausibilior.

Cum ferè ab omni ævo diastolen, se extendendo & tanquam follis, sanguinem in ventriculos trahendo, cor repleti diceretur, atque id fieri, illo tempore, quo pectus ferit, & foris pulsatio sentitur, receptum esset; obser-

observavit Venerandus *Harvejus*, isto tempore non diastolen (quâ cor, dum ab opere & contractione desistit quiescens, à sanguine, auricularum systole, in ventriculos immisso, in majorem molem extenditur) neque cor distendi, neque sanguinem recipere, sed systolen peragi: quæ cordis est actio, sanguinem in ventriculos receptum, in arterias propellens, easque in diastolen attollens.

Animadvertendum, ait, cor, cùm se movet, contrahi & tendi (aliarum partium more, quæ similiter in actione contrahuntur) unde fit contractus, quòd tam ad conspectum quàm contactum patet, quia minoratur, & durius & magis renitens percipitur.

Hanc consequentiam probat exemplo musculorum, qui dum se contrahunt, duriores & magis renitentes percipiuntur: præterea, quod fibræ, dum contrahuntur, abbreviantur & incrassantur, sic etiam cordis substantia

tia & parietes, eo tempore, incrassantur.

Ventriculos sanguine non impleri eo tempore probat, quia arctiores & constrictiores fiunt & minus capaces, dein, quia inaniri videntur; per inflatum enim vulnus cum saltu sanguis exit, cordis contractione expressus: denique albidius fit cor, quod dum impletur, sanguinei coloris fit saturum; in piscibus & frigidioribus animalibus magis conspicuum.

Omnes partes, dum in actione sunt, vigorantur, quiescentes verò flaccidæ & molles sunt; pulsationis tempore cor, quia in actione est, vigoratur, contrahitur, semet erigit in tantum, ut pectus percutiat.

Hæ sunt, ex tractatu de motu cordis & sanguinis *Harveji*, excerptæ rationes, quibus inductus, cordis motus duo esse tempora, demonstrare nititur; unum motus, quo sese contrahendo pectus ferit, in quo systole per-

L

agitur;

agitur; alterum verò quietis, quo diastole fit, & cor sanguine impletur & distenditur.

Clarissimus *Cartesius* cordi nullam attribuens actionem propriam, sed ejus motum à nullâ præcedente potentiâ sive animæ facultate, mechanice excitari asserens, à calore, ipsi implantato, sanguinem dilatante, & ejusdem ebullitionem excitante, in diastolen cor attolli & pulsare pectus existimat, hisce motus rationibus, uti eæ in respons. ad Medic. Lovan. epist. habentur.

In cuniculo vivo postquam cordis mucro fuit abscissus, ejus basis manens adhuc vasis appensa pulsavit satis diu, atque in eâ commodissimè aspexi duas illas cavitates, quæ ventriculi cordis appellantur, in diastole fieri ampliores, & in systole arctiores.

Et paulò pòst: Nota, ut hoc experimentum rectè fiat, non solum mucronis extremitatem, sed mediam partem totius cordis esse abscindendam, vel etiam amplius: idque



idque in cuniculo timido animali, non cane esse tentandum.

In canibus enim ventriculi cordis varios habent anfractus, quorum singula cavitates dilatatione sanguinis ita extenduntur, ut interim generalis cujusque ventriculi cavitas angustior reddi videatur. Denique: Atqui tunc illud dilatari, vel ipso tactu probari potest, manu enim prehensum multo durius in diastole, quàm in systole sentitur.

His doctissimus D. Regius fundam. physic. pag. 183. addit: Si tum temporis cor & arteriæ vulnerentur, ex tumido corde & dilatatis arteriis, sanguis eodem tempore exsilire conspicitur.

Præterea pagina sequenti: Quo tempore arteriæ impulsus cessare sentitur, eodem momento videmus latus cordis, sternum spectans, concidere, ibique maximè ubi orificio aorta respondet; dextrum verò latus & sinistrum, versus dextras sinistrasque costas, collabascit; mucro recedit à basi, totumque cor, teste sensu tactus, laxum,

*flaccidum & molle evadit. Vulnerato autem corde & arteriis, nihil sanguinis tū temporis ex iis egreditur, & vulnera eorū concidunt.*

Hæ sunt utrimque allatæ demonstrationes, eædem ferè, in contradicentium tamen probationem, à viris fide dignis; quid dicemus?

*Et vitulâ tu dignus & hic?*

Non videor, ne Clariss. Viro auctoritatem minuam, ejusve fidei quidquam derogem, hoc interrogans satisfecisse injurio cuidam blateroni, anonymo tamen, qui in defendendo Cl. Cartesio causam Dei se fortè agere existimans, molossi instar, cui amicos etiam allatrare innatum est, manuscripto injuriarum pleno inculcat quod nihil ad illud respondeam: cū responsione eum nostrâ indignum judicem, silentio hæc præterire decreveram: sed quid sibi vult bonus Vir, quod Clar. Virū vel inscitix vel malitix insimulem? dicamq; nescivisse differentiam quæ est inter cor vegetū & moriens, quod

quod illud partibus omnibus validis  
 novo impulso sanguine in diastolen  
 elevetur, cum hoc eodē tempore, quia  
 sanguine vel non vel non satis im-  
 pleatur, laxum flaccidumque decum-  
 bat? aut dicam ignorasse quod inter  
 cor integrum & ultra medium am-  
 putato mucrone discrimen sit, quia  
 propter sanguinis effluvium elevari  
 ineptum est, solo contractivo motu,  
 quo systole peragitur, remanente? An-  
 ne verò vult malā fide exemplum al-  
 latum contendam? quod cuniculum  
 eligat, animal uti parvum, pusillo  
 corde donatum, in cuius motu magna  
 non potest observari differentia, aut  
 in cuius corculum digitus immitti  
 non potest, quò undique contractio-  
 nem compressionemque sentire quis  
 posset? & cuius ultra medium mu-  
 cronem abscindi vult, ut coniformi  
 figurā vitiatā (quā cohiberi & conti-  
 neri solent) extrorsum se trahere fi-  
 bræ, & ventriculos dilatare videren-

tur? Ignoscant benevoli Lectores, si ab impudente homine illata injuria extorserit, quod tanto Viro debita reverentia reticere coëgerat. Satis mihi esse cogitaveram, penes æquos judices relictâ causâ, cùm inter elatos ad tantum doctrinæ culmen Viros lites componere nostrum non sit, solâ distinctione Venerandi Senis sententiæ favere.

Dictum siquidem est, diastolen & systolen duplici modo posse distingui; priori sive pingui Minervâ si eæ considerentur (scilicet si diastole dicatur, cùm cor summè tumeat, systole verò cùm minùs tumeat) videbuntur Clarissimi *Cartesii* & Doctissimi *Regii* allatæ rationes aliquid inferre posse.

Sed si ratio adhibeatur, cognoscetur systolen incipere in summâ diastole, scilicet, cùm cor summè à sanguine extensum, fibras tendens sive contrahens, eundem in arterias exprimat; desistere verò ab actione  
hâc,

hâc, cùm, ulterius tendere seu contrahere fibras non valens, easdem laxet, novæ diastole occasionem præbens: incipit cùm cor agere desinat, nam hoc quiescente peragitur; finitur, dum novam contractionem cor exorditur.

Hoc itaque modo diastole systoleque consideratis, etiam cæcus videt, secundum Venerandi *Harveji* sententiam firmissimis demonstrationibus stabilitam, esse concludendum; dum diastole fit, cor quiescere, sinus impleri & patentiores fieri, parietes extendi & tenuari, ipsum secundum omnes dimensiones mole augeri: in systole, actione propriâ se movere, vigorari, parietes contractione increfari, ipsum minorari, mucronem erigere, sinus angustari, & expressione depleri, sanguinem in arterias protrudi, easque interea inde in diastolen exsurgere, eo tempore, quo eriguntur auriculæ.

Magis erunt hæc manifesta, si consideretur, in vivente aut vegeto corpore, cordis latera non concidere, neque, eo uti profertur modo, laxum, flaccidum & molle collabascere versus dextras & sinistras costas; sed hoc in moriente animali solum evenire: cujus exempla profert Ven. *Harvejus*, ut tempora proprii motus & quietis cordis, evidentius distinguerentur; & manifestè (dum tarda sunt omnia) cor se movere & contrahere in systole, in diastole verò ab actione quiescere, demonstraret.

Animali sano cuncta hæc tam citò peraguntur, ut vix à contractione desistat cor, quin, ab urgente sanguine, contrahentibus auriculis, per patentes vias, impleatur nictu oculi interdum citiùs: ita ut impletionem & depletionem discernere arduum sit, si non impossibile.

Eodem etiam tempore è cordis & arteriæ vulneribus sanguinem exsilire  
verum



verum est; in illius systole, in hujus verò diastole, ab eodem urgente & se contrahente corde: hoc enim inanitum, dum ab auriculâ impletur & attollitur in majorem molem, quamvis exeat interea sanguis, saltu tamen non profilit; auriculæ actio quippe non satis valida est: deinde inaniti sinus, qui implendi sunt saltum impediunt; sed validior cordis contrahendi vis sanguinem per utrumque vulnus exsilire facit, è proprio, dum sanguinem exprimit, ex arteriæ, cùm illam implendo extendat.

Ornatissimus doctissimusque Vir *H. Regius*, quamvis eodem, quo cor pectus ferit, tempore ejus esse diastolen statuatur, non tamen cum *Clariss. Cartesio* ventriculos tunc dilatari & extendi à sanguine dilatato asserit; sed tunc temporis eos coarctari & angustari, candidè concedit: sed ut generosè, strenui ducis instar spartâ acquisitam defendentis, sui effati verita-

tem defenderet, diastolen non à ventriculorum amplitudine metiendam esse, sed eandem à parietum incrassatione induci sustinet: quod præmoniti (quisque enim suorum dictorum est interpres) facile admittimus, sed de cæteris paribus idem postulamus pariter concludat: sic, ad idem redeunte re, alternæ tam auricularum, quàm cordis & arteriarum systolæ erunt & diastolæ; incipiet diastole auricularum, quam sequetur, in auricularum systole, cordis, & hanc arteriarum dum hoc systolen patitur, sive de cavitatibus, sive de parietibus id intelligatur. Sed auriculas & arterias dilatari cùm impletæ majores fiant, cor verò diastolen pati cùm latera vel ejus caro incrassetur & sinus coarctentur, inconveniens judicamus & absonum.

Addamus pauculas hæc nostras, quibus Rev. *Harveji* stabiliri sententiam posse judicamus, rationes.

Si

Si rarefieret & majorem molem acquireret in dextro ventriculo sanguis, majus orificium debuisset pneumonicae arteriae (sit idem de aortâ dictum) tribuere natura, quod trans-eundo sanguini esset patens satis: ipsa quantitas, in diastole quæ intravit, exire debet sequenti systole, cujus si moles augeretur, portâ indigeret majore pro sanguinis augmento: non minus, quàm videmus cavæ venæ foramen, quo cordi aptatur, respondere amplitudini partis, quæ supra cor est, & simul ejus, quæ infra cor est.

Nihil urget dicere, per angustius foramen, majori pressione & vi, copiosiore liquorem posse transire: ad transeuntis molem transmittentia vasa crescere solent.

Accedit, quod contrarium cordi habere motum, & concidere aurículas, cùm cor attollitur, confessione ipsius *Cartesii* constet; atqui eo tempore, quo cordis, secundum *Harvejum*,

fit diastole, eæ deplentur & collabuntur; dum verò sese contrahendo pectus ferit, replentur & intumescunt. Ex hisce manifestè apparet, esse concludendum, cor, eo tempore quo pectus ferit, sese contrahendo movere, sanguinem in arterias exprimere, & in suâ systole esse: cùm verò ab actione hac desistat, & quiescat, à sanguine impleri & extendi, cavitates ampliores, latera verò tenuiora reddi, totum mole, secundum omnes dimensiones, augeri & in diastole esse, longè aliter, quàm Clarissimus

Vir opina-

tur.

FINIS.

Dissen-

Differtationis de Corde  
Sectionum & Capitulorum  
E L E N C H U S.

**A**D Lectores alloquium, in quo tractantur, honores & reverentia artis inventoribus debiti: sentiendi libertas pluris habita: artis Medica fundamentum veritas: Harvejus circulationis sanguinis auctor: hac multa veterum statuta inversa: auctoris scribendi causa: Medicina compendii brevis norma.

Pag: 5

S E C T I O N I S I.

CAP. I. De re quâpiam laturus sententiam qualis: cor nondum benè perscrutatum: quanti illud aestimarent Veteres: ejus etymii expositio: unius partis in aliam nullum dominium: cor pars servilis: facultates non influunt.

Pag: 55

CAP. II. Spiritus etymii acceptio: ejusdem veterum definitio: in corpore tale non reperitur: veluti triplex in qualibet parte sub-

## I N D E X.

*substantia, sic etiam in sanguine : spiritus  
 Et calor malè confunduntur : spirituosas  
 substantia à sanguine inseparabilis : spi-  
 ritus anima Et corporis non est vinculum  
 nec anima instrumentum proximum : ani-  
 malis facultas per spiritus non ducitur in  
 actum : quomodo sensationes fiant : spiri-  
 tuosa partium substantia spiritus non est :  
 Harveji sententia : D. de Reeck quid de  
 iis sentiat.*

Pag: 64

## S E C T I O N I S I I.

**C A P. I.** *Sanguinis definitio : hamatosis  
 quid : quomodo peragitur : quomodo in  
 factu exorditur : alendi aptitudo, non co-  
 lor, sanguinem facit : in unâ parte hama-  
 tosis non perficitur : coctiones additione Et  
 detractioe fiunt.*

Pag: 84

**C A P. II.** *Alimenti prior coctio mediante  
 ventriculi humore, non calore Et contracta  
 perficitur : ad cibi dilutionem non suffice-  
 re potum, qui ipse dilui debet : acidus sa-  
 por in ventriculo non à liene : anne aliquid  
 à ventriculo feratur in lienem ? ejus usus.*

Pag: 91

**C A P. III.** *Venarum lactearum usus : de-  
 scriptio pancreatis Et ejus ductus : ejus-  
 dem*



# INDEX.

*dem cum aliis lacteis differentia : ductus  
pancreatis usus : responderetur objectionibus  
Bartholini, & van Horne.* Pag: 98

**C A P. I V.** *Lactearum mesentericarum u-  
sus : chymosis rudior sanguificatio : quid  
chymus : sanguinis in jecore uterino pra-  
paratio : natura circa alimentum, ordo.*  
Pag: 114

**C A P. V.** *De novo chyli receptaculi & chy-  
liferi ductus invento : de vasis lymphati-  
cis noviter repertis : omnium examinatio:  
glandium mesenterii usus defenditur.* 118

**C A P. V I.** *Bilis sanguinis condimentum,  
hepatis excrementum non est : vesicula  
syntaxis : quomodo in ea bilis generetur :  
ejus necessitas : per porum biliarium duci-  
tur cum portione chymi in hepar : per cho-  
lidochum ductui pancreatico & intestinis  
offertur : de porta & cavâ venâ : hepa-  
tis reviventis usus.* Pag: 130

**C A P. V I I.** *Sanguini ut sit nutritius, duo  
necessaria : ejus mobilitas unde : fœtus  
qualis inservit : qua causa quod in lucem  
is prodeat : quis aeris in corpore usus : qua-  
re infans non perforato podice & urina-  
rio meatu citò moriatur : sanguis venosus  
alen-*

# INDEX.

*alendis partibus ineptus : nutritio quomodo fiat : quanta aëris ad nutritionem necessitas : ejus varii in mixto effectus. 146*

**CAP. VIII.** *Sententia Columbi de vitalis sanguinis officinâ : rationes probantes : pulmonum constructio : de arteriâ & venâ pneumonica, hanc non esse arteriam neque illam venam : vena & arteria in fœtu duobus exortibus è cordis ventriculis prodeunt : segregationis causa : venarum auricula exortibus apposita, qua illarum partes, non cordis.* Pag: 152

**CAP. IX.** *Ad loca nutrienda sanguinem debere moveri : quando & quomodo vita incipiat : bullula in auriculam migrat, cui in subsidium venit cor : hujus situs & compositionis ratio : quale instrumentum anima cor.* Pag: 160

**CAP. X.** *Conringii pro cordis hamatofi argumenta : eorum refutatio.* Pag: 166

**CAP. XI.** *Instantia supra datam responsionem è Cartesii methodo desumpta : quare venosus arterioso sanguis crassior : sanguificationis organum cor non esse, neque ipsi consummationem imponere probatur.* Pag: 178

# INDEX.

## SECTIONIS III.

CAP. I. *Anno cordi major insit quàm visceribus aliis calor : affirmantes veterum rationes impugnantur : Cartesii de calore sententia : hanc quamam applausibilem faciant, cordis compositione & rationibus venientibus : auricularum motus cordis prior & posterior.*

Pag : 184

CAP. II. *Quanam ex sententiâ, de sanguinis inflatione Cartesii, consequantur absurda.*

Pag : 196

CAP. III. *De calore sanguinis : caloris definitio : elementorum qualitates in mixto manent : unus in omnibus calor solo gradu differens : quo modo calor è sanguine eliciatur.*

Pag : 205

CAP. IV. *Quarequirantur ut sanguis possit calefieri : sanguis unde mobilis : quomodo fiat nutritio : minutissimè sanguis divisibilis.*

Pag : 212

CAP. V. *Quare moveri sanguis debeat : precipuum movens instrumentum cor : transeuntis copia unde colligatur : cordi auxiliantur arteria : harum agendi vis*  
pro-

## I N D E X.

*probatum: quid ad motum singula præsent  
partes.*

Pag: 213

**C A P. VI.** *Sanguinis motui destinata via:  
quomodo ea disposita: quare venis non ar-  
teriiis valvula: quare ea cordi: quo usque  
vasorum ductus extendantur: quid pro  
corporis habitu capiendum: non necessaria  
ad sanguinis motum manifesta anastomo-  
ses: de iis Cartesii, item Harveji senten-  
tia.*

Pag: 222

**C A P. VII.** *Motu calorem excitari, proba-  
tur, tam in non animatis, quam animalibus:  
de loco ubi is educatur: conclusio.*

Pag: 226

## A P P E N D I X.

*Anne Harvejus sentiat cordis ventriculos in  
systole dilatari, ut sanguinem recipiant,  
& in diastole constringi, ut eundem extru-  
dant: tale è Cartesii suppositis sequi: cu-  
jusnam potior de systole & diastole sit sen-  
tentia.*

Pag: 231

IN-

# INDEX RERUM

## *Hâc Dissertatione contentarum.*

### A.

- A** Bortus novem septimanarū. pag : 42  
Accretio. 25, 214  
Actio cordis fit contractione omnium fibrarum. 164, 232, 234  
Actio omnis ab anima. 216  
Actiones animæ tres. 20. à quâ parte læsâ læduntur, ab eâ sanâ eduntur. 176. corporis dispositi quando peragantur. 205. fiunt contractione. 194  
Aër sanguini commistus: merito dicitur primum humidum. 146  
Aëris ad nutriendum necessitas. 150. effectus insignes. 151. usus. 67, 148, 149, 155  
Agens reactionem patientis debet ferre. 187  
Alimentum cum saliva oris quare misceatur. 91. solo contactu non mutatur. 92. familiari humore debet dilui. 93  
Amnium, 40  
Anastomoses, manifestæ, non necessariæ. 223  
Anima est tota in toto & singulis partibus. 17. est mere activa. 19, 29. non indiget medio, quo cum corpore unitur. 82. non patitur. 19, 20. quibus ad actiones edendas sola tribuitur, 72, 204. quid. 18  
Animæ actus nomen bene quadrat. 19  
Animalia vegetabilibus superiora. 30. genituram

# Index Rerum.

turam tempore coitus in uteri cavitate non recipiunt.	37, 41
Animatum quid.	20
Animus & anima quomodo differant.	19
Anthropologia quid. 17. ejus divisio. <i>ibid.</i>	130
Aorta sanguinem per corpus distribuit.	217
Aptitudo alendi sanguinem facit, non color.	88, 128
Argumenta, quibus <i>van Horne</i> conatur destruere chylum ad pancreas ascendere. 109. rejiciuntur in sequ.	135
Arteria aspera. 155. duplici tunicâ donata. 24. pneumonica. 154. hujus usus.	217
Arteriæ cordi auxiliantur. 217. eodem cum auriculis tempore in diastole exsurgunt. 247. non habent valvulas. 190, 221. quare. 197, 221. spermaticæ. 33. ubique eandem habent actionem. 197. umbilicales. 47	135
Arteriarum agendi vis. 217. probatur in sequ. usus.	24
Artis Medicæ difficultas.	6
Artium inventorum merita.	5
Auctio.	25
Auctor spiritus non solus rejicit.	79
Auricula quid. 22. unde primum producta. 45	135
Auriculæ dum se contrahunt, sanguinem in cor exprimunt. 191. quando moveantur. 233. venarum partes non cordis.	159
Auricularum actio. 190. fibræ. 22. numerus. 23. valvulæ.	190



## *Index Rerum.*

### *B.*

**B** *Artholinus* vasorum lymphaticorum inventor. 119

Bilis ab hepate non deponitur in folliculum.

130, 133. est sanguinis condimentum.

130. necessitas. 134, 136. non est excrementum.

103, 130. per cholydochum

ductui pancreatico, & intestinis offertur.

135. per porum biliarium defertur cum

portione chymi ad hepar. 135. quomodo

in folliculum veniat. 131, 133

*Blateroni* respondetur. 242

Bullula in animalis exordio in vesiculam abit

cui in subsidium cor venit. 162, 195

### *C.*

**C** Alor an faciat ad sanguinis fluiditatem.

147. cum spirituosâ substantiâ non

confundendus. 70. excitatur motu. 208,

226. facit ad coctionem. 92. in omnibus

unus & idem. 210. non est contractionis,

ebullitionis aut dilatationis causa. 204,

251. quid. 207. quod rarefacit, id con-

densatur à frigore. 199. quo modo è san-

guine eliciatur. 211. ubi educatur. 229

Caro cordis. 194, 216. genita à sanguine.

176. tantum caloré ferre nequit, ut humo-

res in bullas eleuet. 186. usus. 183

*Cartesii* de calore sententia rejicitur. 188.

pro

# Index Rerum.

- pro cordis hæmatosi assertum contradici-  
tur. 178
- Cartesio* cor mechanice à nullâ facultate mo-  
vetur. 242
- Causa quare in effectû, modo, & causa, mo-  
tus sanguinis dissentiant. 13
- Cerebri substantia. 16, 76
- Cerebrum rationis sedes. *ibid.* sentiendi mo-  
vendique præcipuum organum. *ibid.* af-  
fectiones objectorum externis sensoriis  
receptas faciliè percipit. 30. non facit spi-  
ritus. 66. pulsationibus cordis respondet.  
30, 76. quasi per totum corpus exten-  
sum. 74
- Chorion. 40
- Chylus an ex mesenterii glandibus deferatur  
ad hepar. 124. *Et sequ.* in pancreas pro-  
pulsus cum sanguine deferitur in venas.  
101, 113. in intestinis fœtus repertus cer-  
tum est indicium, cum per os aliquid as-  
sumpisset. 87. nutritioni est ineptus. 100
- Chymosis quid. 114. quomodo fiat. *ibid.*
- Chymus quid. 115, 125
- Cibus si humore per ventriculi tunicas exu-  
dante, non bene subigatur, vitium primæ  
coctionis non corrigetur à secundâ. 94
- Coctio fit additione & detractione. 90
- Coctiones variant. 27
- Conceptus quid. 33. est ovum intus manens.  
37. est ovum viviparinum. 38. quomodo  
fiat.

# *Index Rerum.*

- fiat. 37, 38, ejus augmentatio. 36
- Concoctrix, 27
- Corringii* pro cordis hæmatosi argumenta. 166. *Et sequ.* refutantur. 169. *Et sequ.*
- Consummatio sanguini non est à corde. 181
- Copia sanguinis cor transeuntis unde colligatur. 217
- Cor an rex totius corporis. 61. *Et sequ.* 230.
- cæteris visceribus non magis calet. 177, 185. *Et sequ.* 206, 230. distinctum ab auriculis habet motum. 195. dum se movet contrahitur. 240. è corpore & in frustra sectum, quare aliquandiu saltet. 203. fit mole minus. 193, 240. magnâ vi & impetu sanguinem in arterias propellit. 23. materiam ad corporis nutritionem suggerit. 23. nondum bene perscrutatum. 56. non est sanguinis perfectionis organum. 170. *Et sequ.* 180. *Et sequ.* 230. non gignit spiritus. 206, 230. per accidens calorem corpori communicat. 177. præcipuum instrumentum sanguinem propellens. 216, 228. quale animæ instrumentum. 165. quando in diastole. 191, 196. quare in medio collocatum. 102. solum distribuendi commoditatem habet. 165. solummodo discutere videtur molestiam, quam patitur à distendente sanguine. 24, 173, 204, 216. unde dictum. 60
- Cor à dilatato sanguine *Cartesio* movetur. 242.

### *Index Rerum.*

242. quod probat exemplo cuniculi. *ibid.*  
sub conditionibus. 243. hoc rejicitur. 245.  
& evincitur. 251. in diastole quiescens im-  
pletur. 247, 252. pectus feriens contrahi-  
tur, non impletur. 241, 243, 246, 251.  
& tunc sanguinem per vulnus emittit. *ib.*  
248. vegetum à moriente, integrum ab  
ultra medium dissecto differt. 245, 248.  
hoc non elevatur. *ibid.*  
Cordis compositio. 162, 190. dignitates.  
23, 50, 58, 60. contracti contingentia.  
240, 241. probatur exemplo. *ibid.* dia-  
stole & systole duplici modo consideran-  
tur. 246. Regio à carnis crassitie aestima-  
tur. 250. quibus conditionibus hoc ad-  
mittitur. *ibid.* examen exactius tractan-  
dum. 15. motus duo tempora, 241, 248.  
hæc in sano difficulter discernuntur. *ibid.*  
substantia & usus. 23  
Corporis divisio. 17  
Corpus novo nutrimento refocillari debet. 74

### D.

**D**ia stole arteriarum. 193. arteriarum &  
cordis non fiunt simul. 194, 197,  
221. Diastole & systole quomodo dignos-  
centur. 235. cordis non imputanda calo-  
ri dilatanti. 194. sed sanguini illabenti in  
cor. 233, 239. est distensio. 235

Dia-

## \* Index Rerum.

- Diastole est prior systole. 171  
 Dignitas non convenit alicui parti; quia ante alias fabricata. 62  
 Divisio facit ad caloris productionem. 214  
 Ductus cholidochus apparuit in vivâ sectione lacte plenus. 107. cum pancreatico in bestiis non jungitur. 104  
 Ductus chyloferus à quibus & quomodo primum inventus. 119. an merito dicatur chyloferus. 125  
 Ductus pancreatis. 98. admittit aquam in os commune cum cholidochus syringulâ injectam, hoc vacuo manente. 106. conjungitur in homine cum meatu biliario. 102. & seq. in cadavere reperitur vacuus. 100. in sectione vivâ lacte turgidus. *ibid.*

### E.

- E**lementorum qualitates manent in mixto. 209  
 Entia non multiplicanda. 73. 81  
 Experimentum quo probatur in arteriis non contineri spiritus. 68. quo probatur chylum ascendere ad pancreas. 108  
 Extenuatio. 25, 213. ab obstructo liene. 97

### F.

- F**acultas animæ quid. 20, 62. vitalis & naturalis. 21. animalis. 29. assimilatrix. 24. attractrix an detur. 25

### M

Fa-

## Index Rerum.

Facultates aliis inservientes. 25. non influunt in partem quampiam.	62
Facultatum diversitas unde.	20
Fœmina ad procreationem quid tribuat.	32
Fœtus eodem modo, quo pullus in ovo formatur. 36, 44. ejus generatio. 45. formatur à calore, seu animæ vi plastica. 44. in principio nutritur sanguine serosiore. 172. maturus quis. 49. nutrimentum habet à matre. 44, 86. ob quâs causas prodeat. 148. quare grandescens humores viciniore in ventriculum sugendo alliciat. 49, 87. quomodo nutriatur. 48, 87	
Fibræ valvularum cordis impares. 192. eorum exortus <i>ibid.</i> usus. <i>ibid.</i>	193
Folliculi fellis descriptio.	131
Folliculum à vicinâ neque remotâ parte bilem potest recipere.	132

## G.

<b>G</b> alenus non rejiciendus.	11
<b>G</b> assendus porum biliarium vocavit chylodochum.	125
Generatio.	32
Genitura. 33. maris unde. <i>ibid.</i> hæc uterum non ingreditur. sed tanquam excrementum secundum <i>Harvejum</i> elabitur. 34. non ingreditur uteri cavitatem sed substantiam. 35, 37, 41	
Genitura fœminæ an ad nutritionem fœtus aliquid	



# Index Rerum.

- aliquid conferat. 35  
 Genituram in fœminis esse, vel quippiam ad  
 generationem facere, *Harvejus* negat. 34.  
 examinatur in sequ.  
 Gymnasia in quem finem extracta. 6

## H.

- H**æmatosis quid. 84. dupliciter confide-  
 ratur. *ibid.* quomodo fiat. 84, 85  
*Harveji* in naturæ penetralia scrutando di-  
 ligentia. 31  
*Harvejus* an sentiat cordis ventriculos in sy-  
 stole dilatari, ut sanguinem recipiant, &  
 in diastole constringi, ut eundem extru-  
 dant. 231. fuit curiosior in observando  
 Veterum placita. 57  
 Hepar rejicitur à quibusdam tanquam san-  
 guinis officina. 122. & sequ. 141  
 Hepatis venæ. 139. usus. 138. & sequ.  
 Homo rationalis. 29  
 Humor quo nervi abundant, immerito dici-  
 tur aqueus. 128. est sanguineus. *ibid.* quo-  
 modo ad cor redeat. *ibid.*  
 Humores quotquot sunt, faciunt ad sangui-  
 nis constitutionem. 17. in ovo. 39. in  
 ovo, quales in conceptibus viviparorum.  
 43. quotquot cristallini totidem venturæ  
 proles. *ibid.*  
 Humoris aquei usus in fœtu. 40

## *Index Rerum.*

### *I.*

- I** Cterus unde. 137  
**I** Incautè quidam judicant. 57  
Infans quare meatu urinario & podice non  
perforatis statim moriatur. 149  
Instrumenta genituræ generandæ dicata, sunt  
in fœminis inepta, neque omnibus insunt.  
34. secundum *Harvejum*.  
Intestina ea quæ à ventriculo accepere motu  
peristaltico promovent. 98

### *L.*

- L** Actearum thoracicarum usus. 126  
**L** Liberi quomodo parentibus similes. 41  
Libertas inquirendæ veritatis, magni apud  
*Galen.* habita. 8  
Lien an à ventriculo aliquid accipiat. 95, 96.  
in ventriculum nihil dimittit. 94, 95  
Lienis usus. 27, 143

### *M.*

- M** Acula in ovo pulli origo. 39  
**M** Magistris debemus quod in arte profe-  
cimus. 9  
Magistri ut parentes habendi. 10  
Mas ad procreationem quid tribuat. 32  
Medicinæ inventores inter deos numerati. 5  
Medicina rationalis & dogmatica, veris ni-  
titur fulcris. 11

Mem.

# Index Rerum.

- Membranæ foetum involventes. 40, 41  
Mistio chyli & sanguinis in adenibus. 117  
Mobilitas sanguinis unde. 213  
Motus animalium voluntarii dignitate superant motus astrorum. 30. quomodo fiant. 73. quomodo spirituum ope peragantur. 72. rejicitur. 73. sunt contractiones. 29  
Motus non semper in bonum rei motæ, sed partis moventis instituitur. 173  
Motus sanguinis circularis. 11. ambabus ulnis amplectendus. *ibid.* ejus divulgatio. 12. hoc posito innumera veterum statuta evertuntur. *ibid.*  
Motus sanguinis tardè fieret si esset à rarefactione, seu ebullitione. 201  
Motus sanguinis tremulus non pulsantibus auriculis, superest. 196  
Motuum & actionum in animantibus causa, secundum *Cartes.* 178, 188

## N.

- N**atura consulit securitati corporis. 142.  
similibus usibus. consimiles instituit partes. 36  
Naturæ circa alimentum ordo. 113  
Nervi humore copioso, à cerebro delabente imbuuntur. 73. & *sequ.* 128. quomodo nutriuntur. 23. & *sequ.* 128. per partes sensibiles. disseminati. 76, 77. unde producti. 30, 76, 128

# *Index Rerum.*

Nervus obstructus vel læsus, actionem motus  
& sensus impedit. 72, 78  
Nutrimentum pro foetus constitutione va-  
riat. 48  
Nutritio quid. 25. quomodo fiat. 149. 213

## O.

**O**pus magnum primo aggressu non per-  
ficitur. 21  
Ordo, quo cor emoritur. 195

## P.

**P**abulum in corporis substantiam com-  
mutandum, aliam induit formam. 21.  
quid ad ejus mutationem requiratur. *ibid.*  
tres patitur evidentiores formarum muta-  
tiones. 22  
Palpitationes ex obstructo liene. 175  
Pancreas non nutritur chylo. 100  
Pancreatis descriptio. 99  
Paries cordis sinister, dextro crassior. 192  
Pars admittit familiare, molestum deponit.  
26. ad sui distentionem nihil attrahit. *ib.*  
derepente opus magnum non perficit. 89.  
facultati appropriata. 51. nulla ab alterâ  
existentiam habet. 169. nulla alitur nisi  
sanguine cor prius transgresso. 176. nulla  
in alterius commodum propulsionem in-  
tentat, ut alteri in auxilium veniat. 29.  
quomodo actiones perficit. 72. una non  
potest

## Index Rerum.

- potest alimenti formas mutare. 21
- Partes debiliores quandoque præternaturale  
aliquid accipiunt à fortioribus. 26. idque  
fit duobus modis. *ibid.* novo nutrimento  
debent refocillari ut actionibus adapten-  
tur. 22. principes non conficiunt spiri-  
tus. 66. quid ad motum singulæ præstent. 219
- Particulæ corporis minimæ secundum omnes  
dimensiones nutriuntur. 201
- Partium corporis divisio, earumque nutri-  
tio. 127
- Partus quando judicatur felix. 50. quis ma-  
ximè naturalis. *ibid.* ut sit naturalis, di-  
versa requiruntur. 49
- Pathemata animi nō sunt passionēs animæ. 19
- Patiens tandem interit. 19
- Pepasmus. 27
- Pepsis. *ibid.* amborum differentia. 28
- Pisces quanquam frigidi, rapaces admodum.  
92, 93. sine aëre nequeunt vivere. 151
- Placenta exclusa circa pregnationis mensem  
tertium. 46. unde dicta. *ibid.*
- Placentæ generatio. 45. obtusiori parti con-  
ceptus adhærere solet. 43
- Potus eodem quo cibus succo debet dilui. 94
- Præmia quare distributa. 5
- Principia sanguinis ductuum cum venis inci-  
piunt, cum arteriis terminantur. 222
- Procræatrix. 31. intellectu difficilis. *ibid.* ejus  
diversæ

## Index Rerum.

diversæ partes.	32
Propulsio sanguinis in & ex corde, quomodo fiat.	191
Propultrix.	28
Psychologia quid.	18
Pulmo in fœtu nullius usus.	157, 172
Pulmonum constructio.	154

### R.

<b>R</b> ationes Veterum affirmantes cordi majorem quàm cæteris visceribus inesse calorem, refutantur.	185. & sequ.
Receptaculi chyli descriptio. 121. usus. 122.	
Regii candor & generositas.	249
Regius à parietum crassitie diastolen existimat. 231, 250. quomodo hoc conceditur.	250
Res naturales operantur per instrumenta essentialia, & essentialiter intrinseca.	82
Retentio partibus necessaria.	26
Rubedo non facit sanguinem.	88

### S.

<b>S</b> anguificatio in fœtu quomodo inchoatur. 86. non fit ab unâ parte. 89. 180. non fit in corde. 169. & sequ. 180. 206.	230
Sanguinis definitio. 84. principium. 170. mobilitas unde. 146. 212. in jecore uterino præparatio. 116. perfectio in pulmone.	



## Index Rerum.

- mone. 140, 172, 180. idque non fit propria intentione, sed agentis animæ. 173
- Sanguis ab hepate non movetur in partes per venas, neque a partibus in nutritionem attrahitur. 10. ad partes nutriendas debet moveri. 160. antequam in corporis substantiam mutatur, varias subit mutationes. 88. arteriosus venoso tenuior. 179. ex corde pulsus eadem via redire nequit. 23. foetui qualis inservit. 147. in corde non alteratur. 66, 181, 183, 206. in partem influxus eam non omnis nutrit. 24. non elabitur cordis ventriculis alius quam illos fuit ingressus. 180, 183. ut sit nutritius duo necessaria. 146. sine aëre non potest nutrire. 142
- Sanguis cor non ingreditur guttatim. 202. corporis poros permeat. 201. è cordis vulnere in systole egrediens, quare saliat. 249. quomodo in diastole exeat. *ibid.* mobilitatem in pulmonibus adipiscitur. 214, 223. quare moveri debeat. 215. quibusdam non rubet. 88. serosior membra facit mollia, aëreus robustiora. 147. ut possit calefieri quæ requirantur. 212. minutissime divisibilis. *ibid.*
- Secundinæ non sunt partes uteri. 47
- Semen *Aristoteli*. 32. & genitura quomodo differant. 33. an ad generationem faciat. 35. an foetum alat. *ibid.*
- Sen-

## Index Rerum.

Sensus quomodo fiat. 76, 77. quomodo spirituum ope fiat. 72. rejicitur. *ibid.* unde læditur. 73

Sententia D. *Arnoldi de Reeck* de spiritibus. 80. *Et sequ.* *Cartesii* de anastomosibus. 223. de motu cordis examinatur. 235. *Columbi* de vitalis sanguinis officina. 152. *Harveji* de anastomosibus. 224. *Regii* de motu cordis. 238. quando de systole admittenda. 239. *Et sequ.*

Sententiæ alicui sine rationibus decentibus non adscribendum. 8, 56. cui fidendum. 55

Spiritus activum motum inducere nequiunt. 16. si dantur contentorum nomine merentur. *ib.* divisio. 65, 71. insitus & insitens, actiones nullas edunt. 71, 72. non bene dicitur impetum faciens. 15. non datur. 65. *Et sequ.* 72, 81. *Et sequ.* non est vinculum corporis cum anima, neque instrumentum. 71, 72, 82. non requiritur ut per eum facultates in corpus fluant. 83. quid. 64, 80

Substantiâ aëreâ à sanguine separatâ, non potest sanguis sic dici. 69. corporis triplex. 67. si separatur, destruitur partis natura. *ibid.* pertinet ad sanguinis & partium constitutionem. 70, 73. spiritiosa non est spiritus. 78

Succus lactus non tendit omnis ad receptaculum. 143

Tactus

# Index Rerum.

## T.

**T** Actus arguit cordi majorem aliis visce-  
ribus non inesse calorem. 185

Tumor lienis unde. 97

Tunica ventriculi interior, non potest pati ut  
aliquid per eam transeat in vasa gastrica. 96

## V.

**V** Alvularum cordis situs & numerus. 163,  
190, 191

Vapores opplent internas cavitates, 80. unde  
exitantur. *ibid.*

Vasa lymphatica à quo inventa. 120. pro la-  
cteis habita. 123. usus. *ibid.*

Vasorum interiorum uteri maxima pars sunt  
venæ, exteriorum arteriæ. 48

Vena & arteria in foetu duobus exortibus è  
corde prodeunt. 157. ejus causa. *ib. & seq.*

Venæ & arteriæ causa sanguinis factæ. 169

Venæ cordis appositæ sibi habent auriculas.  
159. ligatæ versus truncum detumescunt.

96. majores constant tunicis crassioribus.

110. quare valvulis dotata. 221. lacteæ  
quare dictæ. 110, 125. harum usus. 98

Venarum gastricarum insertio. 96

Vena umbilicalis. 48. pneumonica. 156

Ventriculi cordis in quiete sanguinem reci-  
piunt. 23. robore impares. 163, 192. co-  
rum usus. 183

Ventriculus quò magis à cibis distenditur. eò  
rarior

### *Index Rerum.*

rarior est ejus tunica interior humorque ab ea copiosius fluit.	91
Via ad corporis venas ab intestinis tendit per portam & hepar.	201
Via sanguinis motui destinata, 220. quomodo disposita.	<i>ibid.</i>
Visus quomodo fiat.	76
Vita quando & quomodo incipiat.	161
Umbilicus.	47
Unumquodque à naturâ comparatum, ut à noxio abhorreat, illudque contractione removeat.	29
Urachus.	47
Urina in largâ portione quare intincta.	137
Uterus admittit aliquid secundum substantiam. 35, 37. debet maris genitura fecundari. 36. quomodo elapso mense post coitum concipit.	37, 38

---


### *Errata sic corrigenda.*

Pag. 27. lin. 3. lege vesica. lin. 5. lege omnibus.  
lin. 8. lege prostaticis. Pag. 41. lin. 15. lege prolificum.  
Pag. 52. lin. 3. lege compendiosæ. Pag. 123. lin. 19. lege obscurique. Pag. 125. lin. 16. lege intestini.  
Pag. 196. lin. 12. lege contractione. P. 183. lin. 11. lege vide sis.

re lo  
91  
t per  
201  
uo-  
bid.  
76  
161  
47  
ut a  
one  
29  
47  
137  
tan-  
for-  
post  
38

iben  
131  
132  
133







in a k. of pt. 2. round  
in binding.

2. 4. 7. 2

Copy 1000

